

龜巢彙目錄

卷之一

賦類

弟豫讓賦 并序

復賦

斥鷃賦

承露盤賦

禦寒賦

閒居賦

龜巢目錄

賦



肺石賦

四靈賦

酒賦

卷之二

詩類

奉陪陳伯大先輩及趙師呂張伯啟朱仁
月江金清夫兄弟登金牛臺九韻

和蘇竹逸秋日懷鄉

呈趙徵士

江碧山千戶席上以我愛夏日長分韻
伴夏字故書

自冬而春舉家病疫予幸獨無恙既而
疾止詩以自賀并記里俗之陋云
鄧道士雪中遺梅花一枝詩二首酒二
樽見惠時館人王文父飲余追觀樓次
韻會詩仍要鄧晚集

栽索

九日對雨

養鶴

送李知事赴仰武金壇李質字竹操延
祐中以詩經及第前訓導常學

送凌萬里歸海陵

夜坐懷親友

送元遊補陀山四首

寄錢塘教諭金君捷

哭王伯祥二絕

惠山泉和翟玄先生韻

耕隱為蕭徵士作

送姪僧德無言歸靈隱

寄金陵陳雲心先生先生少學道游寓兩浙後復歸傳而家于金陵以能詩善琴終知臺閣然屢薦不起學者多從之

送陳漢卿赴江陰州知事

慈親年八十四首

聞陳子山廷試第一喜而有作

題殺虎圖

鮮于瑞卿還碧亭

朱逸齋先生挽詞三首

送秦彥明二首

送趙方牀入京

贈術士楊南溪

立秋

楊氏摘隱軒

羨鶴詩

陳伯大先輩借邾仲羨陳容齋長子教
見過酒邊以茶瓜留客遲分韻得茶字
傷田家二首

菊泉詩

嘉定雜咏二首

崑山

寄邾仲羨二首

過太倉

簡崔徵君

和王文振遣興

送陳縣尹之東流

哭全僉事

群巖

寄惠山鑒長老

答友人問訊

元日試筆

送新安程以文先生入京

和京口張君益南園新居
王元德別去數年重會呂城諸葛氏家
寫蘭見贈且索詩送行時予辨惑徧成
或忌而謗之者因併及之

答凌萬里見寄

送辛明善之縉雲監稅兼簡高則誠

題桃源圖

張子毅生日招飲以詩書

避雨

無錫贈何敬存

送崔仲德歸錢唐

送盛本初教諭之全林

辛至善永思亭

次韵陳知遠秋日言懷

諸葛用中成趣軒

李御史過訪

題画鷹

曹娥廟

伏日奉懷江浙高掾吏次蚤友人黃仲
德入杭以詩代簡

河純

過鄒道鄉先生墓有感

簡葛可久

謝俞府判先生辨惑編序

送盛克明教授歸維揚

王長史代祀天妃回偶留常州為予作
辨惑編序驛亭飲別以詩謝之

奉同干尚書賀太尉承恩詩

次韻陳心遠久雨

喜復鄒忠公登田賦絕句十首謝兩郡
侯

二月歸田舍作五首

記夢 并序

客來

進士馬仲達為常州路錄事司達魯花
赤監築城以詩見示余次韵答

得家信有感

初度有感

寇退別詹魯賢

送京口劉千戶歸營

過金陵明道書院訪友人高孟立山長
遠過秩滿且有側室洗已一喜作書賀

之

題陳時舉宅画壁

孫伯昭與陳天倪用筒筆一涼思到骨
四壁事多違為韵賦詩見寄余和答之
哀陶克佐

次韵馬掾史西河倡和之什

西河曲

自錢塘回舟中懷馬掾史

舟中懷辛至善

望官軍

示長子木

嚴將軍義馬歌

并序

別姻家尹居士尹氏卅居金壇尹于橋
其孫可傳者予女妻之故避亂挈家依
馬未幾寇兵自溧陽至予遂寄留家
及古今書八百餘秩復回故邑矣

贈花御史嘗侍文尹晉陵

過無錫口號

謝別楊鉄厓先生

代簡蘇景瞻先生二絕

卷之三

養竹成大林

樹頭鴉鳴鳴

移家金壇尹千橋奉寄俞用中先生

傷墓松

五噫歌

憶兄

三五七言

歲暮獨歸

西膠山雪晴

丁亥歲旦徐達御席上作

元旦寓田舍有感

贈錢夢弼

諸羽士避兵洞庭山寄此代簡

追悼母

寒食日間鄉信口占

訪孟伯堅周履道不過

刺促行次履道韻

題春林雨意圖

懷周履道

狗寨謠

壽玉山人

八月十六日顛沛中見頽玉山蒙置酒
嘉樹軒相與劇談痛飲懽如平生且有
來夕草堂之約既醉而別賦此以贈

留別頽玉山將往杭州卜居

贈道傳上人

送蔡伯昇辟兵丈山依故人

陳湖夜泊

訪澱山目自明習無學二禪老

懷玉山隱居并簡其子國衡

懷袁子英

懷諸葛用中

謝友惠黃耳

贈錙元臣何士安二省郎

錢夢弼移舟過姜里後三日予往見之
夢弼卧疾董子賦此為別

謾興十一首

頌國衡萬戶席上與乃翁及元璞長老
等數客把酒賦詩各成七言四句韻
再和金西白長老韻
訪積善寺貴上人遠與旌德寺學無為
明月律詩集四人年皆五十有六酒邊
聯句共成一律既而又各和一首

送梅判之崑山

端午日瑞光寺西白長老方丈作

對兩書懷

次韻贈管伯齡

甫里先生

次韻袁子英過吳江兼簡琦龍門

江上女和子英韻

送頌玉山遊東南諸山

和頌仲英金粟塚燕集詩

玉山以予欲徙居松江設席書無舫邊
袁子英陸元庠恢上人用江東日暮雲
分韻賦詩以餞予得江字用以留別

來龜軒詩

天慧庄夜話口占

子英之玉山頌隱君今於同里法蕭寺
樓居日抄佛書至午而止餘暇則吟咏

不輟雖親奮來訪亦不往答焉余日子
英復去作此代簡

送照元明住白馬寺

讀易有感

人日懷友

劉景儀寓崑山永懷寺除日作詩三十
韻見貽時予客薦嚴丈次韻答之
聞友人被火寄書釋之

和玉山初夏言懷二首

寄悅堂長老

踏車歌

和陶菊庄却行二首

梅子玉判官勸農過客舍口占以贈

觀浴佛有感

和頌玉山重構釣月軒

夏夜

賦得興未今日盡君懽

次韻贈虛中構主

六月廿二日愚隱和上以詩留別往磧
沙寺以寓餅錫其詩末句云一教短笛
滄江暮收拾絲綸下釣臺予次韻二首
送之既而懷磧沙諸公復就韻代簡

送愚叟長二首

寄剛中長老二首

寄閑楚舟兼懷照元明二首

寄益以道

寄江叔廉

寄趙君綽

送扇贈趙執忠

寄天章上人兼簡陶菊庄

簡西白長老

贈費克明知州

湯君說以詩見寄作此荅之

送愚隱長老主萬壽寺

題林泉雅趣圖贈杜玉泉

寄屈時中諸友

逢鄉僧呈東明

寄懷梅子玉

奉寄楊鉄崖先生

寄題悅堂長老城南小隱絕句五首

題淵明采菊圖

玉山邀至同里法喜寺飲別是夕酒醒
夢回宿雨初霽月明可喜即景賦詩兼
寫送別之意

寄愚隱君

寄丘虎居中長老

和玉山排悶

焦任道欲過壽上人山莊并與僕相見
前期以詩見貽傳和之邊僕同賦

再和韵寄趙彥深

次韵寄杜玉泉昆仲

碧雲山房分韵得簷字

雨夜懷朱澤氏

和鄒弘道諸公遊磧沙寺

次韵寄路以道

送居南山還嘉禾

題李白月泛舟圖

七月二日過益上人問疾日過路以道
山人家飲酒樂甚詩以謝之

賀梅同知遷秩二首

窈窕誰家女和卜思顏韵

次韵寄呈謝杭州

同諸友人飲金粟冢上酒酣賦詩

贈彥章復省掾

偕愚隱長老重過玉山草堂次文中韵

簡嘉興天寧寺西白長老

玉山席上分韵得對字

挽莘亭呂輔之

寄郭義仲

夜別玉山

代簡牛彥伊

題瘦馬圖

寄張彥復

和馬吉御韵寄開天啟長老

贈馬吉御

山人家為路以道作

過牛彥伊寓所對雪口占

美崑山費知府重修學宮詩

代道傳招踏微君益上人過西林精舍

贈水西長老中伯庸兼簡承天毅剛中
雪中懷友

元日同趙君綽蚤起崑山州

訪王景逸不遇其塔梁因傳留宿東齋
作此簡景逸并允德

和吳生以趙仲穆遊道場何山詩

同楊鉄崖弔龍洲墓和劉韻

楊鉄崖

次韻楊鉄崖過李樂庵墓

次韻寄梅西溪

寄贈費伯謙

簡趙執中

贈楊鉄崖所題香山畫

題恒上人清流堂

懷道傳上人

懷滄海上人

又自述并簡滄海

和徐伯樞初還膠山作

次韻贈徐仲剛兄弟

次韵贈慶德謙監州

還珠詞 三首并序

代簡錢夢弼

絕句

夏五雜詩 四首

雲文閣為邠伯常賦

和徐仲剛歸田

寄竇伯讓州倅次仲剛韵

次韵寄新雲法師

和沈啟之席上詠梅絕句

弔領將軍墓 并序

寄徐願齋先生

九日

送陳希玄入道

題梅竹水仙圖

代簡淨慈寺顏悅堂長老

代簡倪雲林

次韵陳惟寅懷古 六首

烈女歌 并序
贈馬縣丞 二首

題墨竹

盧知州宜興秩滿以避兵久寓無錫視
同故鄉今知崑山必有懷二州風物之
美贈詩言情并致頌禱

可咲

送慶德謙知州漕運之京師兼簡陳子
山學士

寄顧仲英兼簡西白老二首

麥飯歌

和陸宗魯韻贈夏師魯

寄袁仲長

送徐伯樞兄弟膠山墓田

送費伯謙之吳郡侍親

崑山陳伯康築亭山巔楊邊梅溪之題
白玉山高處且為賦詩命郭羲仲劉景
儀及予和之

鉛上人席上作

婁曲書堂

遣愁 二首

和危太樸參政韵送慶德謙治中

留別知隱愚長老蘓昌齡先生

徐伯樞和勻送行予復答之

挽雍逸處士

寄謝雙楊沈仲庸并簡同席諸友

朱明道等九人和前韵見貽各答一首并自述一首

贈朱志道

贈明道

贈原道

贈趙善良

贈莘子強又子

荅盛彥英

荅惠上人

荅崔彥麟

自述

過吳江三高祠

寄僕知州兼簡蔡教授

病中夢友見過次韵荅之

中秋日觀朱明道自壽之詩次韵言懷

并記燕集

追和侯良參秋懷四首

六柳庄為沈太守作

九月八日朱原道席上作

為吳中行題画

次韵答珏仲英

題春江獨釣圖

過崑山王御史墓

簡金君玉

聞杜玉泉卧疾吟詩代簡

次韵沈敬之宴飲

贈慶別駕

送人妾為尼

路義道見訪示詩言懷予次一首

次鄭起南縣丞出郊

上元夜賦雪

吳門訪路義道和古詩二首

贈揚君濟縣丞

寄蕭舜卿兼簡虎丘寧居中長老
同友小酌以春日鶯啼修竹裡分韻
雪舟詩

和沈啟之早春書懷

簡錢仁山

二月七日和徐伯樞排詞一首

伯樞以啟之韻作詩見贈復答一首

贈星術王達夫

和邵彥清州判暮春寓僧舍三首

雨中寄友人

卷之四

詩

簡楊縣丞開白茅河

贈劉旭齋過婁江

次韻玉田悼側室

送玉田徙碧山

寄劉景儀

寄顏悅堂長老

簡頌玉山

次韵杜子才

次韵荅戴麟隱

寄丁彦誠

贈沈彦肅典史

次鉄笛先生韵

題邠明壽草堂

荅楊獻可

簡朱志道

盛彦英隱居

小至

臘月

懷野舟顏長老

古鼎歌

歲除前一夕

徐伯樞

劍池送曹文

懷艸堂

和浦玉田郊行

壽伯

贈葛天民

崔掾史告省母

和浦玉田咏物

寄鮑仲孚提舉

寄陳子章

賀陳子經著作

寄因本初講主

寄謝楚芳

代簡崔宗明

壽徐主簿

贈申仲羨

次韵沈啟之立春

贈僧

陪周明府過頌將軍祠

次韵徐伯昂見贈

簡徐伯昂

寄徑山長老

壽慶治中

寄題碧雲禪老山居

又和律詩

寄沈德齋

贈醫士單子達

講大雲講主

寄朱原道昆季

偕俞仲寬過僧舍

勁節亭詩

懷徐伯樞

偕俞仲寬遊晉光寺

會林才元普光方丈

簡朱端卿

贈張孟文

贈木蘭亭上人

患疽自嘆

次韻徐伯樞見寄

贈薛宗師

蚤春訪蔡君立

題許君善畫

訪趙明南

安素齋詩

題江貫道清江汎月圖

雪山圖

和普講主

和趙明南春詞四首

遊南山和徐伯昂韻

寒食有感五絕

遷居

簡頌玉山

哭杜玉泉二首

述懷

悼杜玉溪

答徐伯樞見寄

邀管伯齡許君善節宜之端午小集

邀月田上人

次韵荅許君善

即事

代簡大雲講主

和朱公路

壽張實甫

贈勝無能上人

丁未夏六月賦詩十首

題水仙花

簡君立

與諸友論詩

荅朋南重九之約

贈華生王伯純

賦得滿城風雨近重陽

九日晴景不同

贈劉旭齋

賀張伯仁

方池詩

和許君善，郊居十首
淮夷篇

十月過吳門

過無錫書所見二首

歸故里

題明南州兼寄執中二首

和施天朋即事二章

寄愚隱剛中二禪老

寄任僧德無言二首

和馬公振

答馬公振

和周明府

田家謠

挽趙貞白

寄謝明南執中諸友

簡熊元脩

贈吳逸安

寄張伯詳

石頭箭歌

次韵集講主

宿詢無言山房

荅許君善

蚤秋寄悅堂長老

荅許徵士

過無錫梅村口占

中秋三首

題竹石圖

聽秋軒詩

留別韓仲禮

和許君善

賀希長老歸自金陵

玉田感物

虎丘感事

遣興和君善

次韵荅目了菴

哀普講主

寄孫彥民

題水仙山礬梅花

己酉元日漫興

簡曹仲鉉

送僧歸日本

口占張伯祥

賀陳思忠濠洲

玉山書作

老病

水村歌朋南

次韵荅君善

和陳子維

次荅焦任道

贈朱公跖

謝任道惠画

露筋廟

祭碩玉山

荅馬公振

寄楚舟長老

摘隱為鄒仲謙

和紀芥維中秋

題江村讀書

寄王叔政

和公振江上蚤行

和衛澄遠雪

和楚蘭江禪光

寄顏長老

和陳思忠

次王德脩韻

和思民感懷

劍井

獨孤公檜

惠山泉

陽羨茶

歲朝示子

寄顏悅堂長老二首

懷許君善三首

寄趙朋南

寄趙執中

寄吳中衡

芙蓉城仙人歌

寄黃宗禮

秋晚過太平塔

冬至和陳縣丞

逸菴詩四首

送李彥明歸高郵

題錢仲毅煮茗軒

賀王溪松知事

送王松溪歸華亭

兩宿縣學齋舍

宜山謠

椎結舞

除虎窟

枯索

霹靂斧

坎井蛙

生子以尹名

鞍馬勞

送陳漢德徙居臨濠

贈董明府

寄錢夢弼

送虞長史歸閩中

楚人居短歌

過馬公振南江州堂

卷之五

詩

贈印濟民

慈烏曲

焦桐曲

芝秀軒

歲晚言懷八首

和陳貳令遊善權洞

龜巢藁目錄

鄉飲酒

謝董明府惠炭

雨中懷秦主簿

懷儲教授

次韻言懷八首

送秦主簿之京

送主上人兵後尋牀歸臨江侍養

次韻袁仲微見寄并自述二首

借韻寄蔣以忠

借韻寄劉小齊

謝許克敬六月惠炭

病愈謝董明府

常郡泮宮詩

武邑新學詩

雜詩四首

二月二日漫興

送安上人歸馬跡山

禱雨二首

寄俞伯鎮兼簡江教授

壽董明府

答性天之長老

病中即事二首

謝周彥美

示子

懷吳中行

寄熊元脩

寄趙鵬南

寄盧公武

送殷孝伯教諭之咸陽

護國寺對雨

和林韻

送性天之上人

徙居橫山口號四首

答袁子英

上臺官

挽謝天民二首

題白雲親舍圖

和鄧縣丞出郊二首

金牛臺送長史仲堃

贈眼醫張嘉甫

贈周寔翁

兒子木釋也種歸

吳中行惠方竹杖

即事二首

六言二首

次韻陳仲庠見寄

贈陳谷禪老四首

送孫太守奔喪歸濟南

送源無竭回金山

復愁

憫陳漢廣

重遊金虎丘寺

過吳門

答姜天定二首

送任非正歸上海

送董歷經奔喪歸太原

宿丁堰贈王主簿

夏五過鄒墓口占

代簡張希尹

雨中懷任羨甫

蚌盃

次韻管伯齡見寄三首

贈刊字翽士淵

寄盧公武舍人

送同知遷太守

送史宗儒省親

寄金華尹經歷

送田副使父憂歸

送張常州入覲

送王起東赴京

送陶孝思赴召

張知府送祖考墓碑還鄉

和賈教授還鄉

寄賈教授相期

道御祠堂詩

題雪山圖

同友人祭卯墓

送楊通判知蘓州

寄張熙載問疾

和賈教授詠懷

重九次韻

又和寄秦宜中

贈辛林甫

卷之六

記

瑞竹軒記

龜巢記

龜巢後記

雲半間記

歸耕軒記

東郭艸堂記

楚人居記

雪洲記

竹梧書房記

映雪齋記

蘿犀記

菊軒記

斗室記

思齋記

白雲亭記

養正齋記

重建雪居菴記

歸耕記

書屋記

逸菴記

持敬齋記

恬澹齋記

芸室記

重建清微觀記

栖雲軒記

聽雪軒記

瓜田記

習靜軒記

卷之七

啟

訟伯父墳地上縣宰啟

上干尚書啟

贄見余用中先生求作辨惑編序啟

撥見李晉仲啟

贄揚廉夫求思賢錄序

贄見張用中啟

答陳天倪薦師

謝監察御史啟

代上廣訪僉事啟

謝崑山梅州判啟

賀陶教授啟

代謝沈太守啟

上沈太守啟

上梅知州陸同知啟

代上江淞丞相求廕叙啟

賀上海石縣尹啟

陳言陸同知誣枉事啟

上量田徐孟二公啟

上王知府啟

謝孫大雅惠詩文啟

謝張雲門作詩序啟

擬與金壇縣告索尹氏寄書啟

擬謝常州府官啟

上周縣尹請祀領將軍啟

干陳敬初先生作懷古錄啟

代上饒參政啟

上張太尉啟

賀蔡教授到任啟

為王沐才通吳伯善啟

為王牀才等訴神文
上周郎中陳言五事啟
賀僕知府到任啟

卷之八

啟

蕭荅張納聘啟

荅請期啟

賀闕士信生日

張回知定姻三幅啟

陳彥謙府史滿歸惠錢舜舉畫遺禮荅
賀啟

娶嬭拜祖先致語

合奩致語

拜舅姑致語

趙與蕭請期啟

趙與蕭聘啟

蕭荅陶納幣啟

王荅鮮于定婚啟

王與符定婚婚啟

張與巢求贅親啟

王與巢定婚啟

王與符定婚啟

請期啟

王聘巢啟

請巢氏父母送鵝二首

請符氏父母送鸞二首

蕭聘張啟

姪娶請親翁啟

張荅邰請上客啟

賀置妾劄子

賀置壽器劄子

王父甫卧疾諸親友探問醫禱至是病
愈設盛席以謝凡十七人各書以請

符君彥遇恩劄子

王與金定姻三幅啟

新親賀冬至劄子

新親賀七夕劄子

新親賀端午劄子

問名道日劄子

納采道日劄子

袁與陸幅啟

鄧與陸聘啟

新親賀冬至劄子

朱荅李贅姻劄子

社舉聘章

請張子安昆仲啟

親家賀冬至劄子

新婿整客致語

新婿整客致語

新親請上客致語

請期劄子

請男上客

請女上客

李回徐再婚聘啟

荅請期劄子

荅納幣三幅啟

納幣啟

賀娶弟婦劄子

納婿請上客

請親眷送婿

又

祖為孫娶請親家狀

祖母娶孫婦請親家母狀

萬荅蔣三幅啟

請新親家翁狀

謝免糧表

中宮箋

東宮箋

聖節賀表

千秋節賀表

冬至表

東宮箋

中宮箋

正旦表

中宮箋一

東宮箋

卷之九

序

送黃仲賢同知吳江序

贈卜者陸仲明詩序

婁曲書堂詩集序

杏林春詩卷序

送琇上人序

送慈晉卿序

送秦齊明序

送趙縣尹之安仁序

贈刊字張生序

送崔仲德序

送小湖徐巡檢序

贈醫士顧彥文序

送楊善章序

送彭王簿調吳縣序

贈醫士吳中行序

送梅知州序

送費知州稔滿詩序

書畫舫漁集序

梅隱山房詩集序

送理上人歸天台序

為徑山送丁州判序

送陳允貞序

為智長老送蘓縣尹序

送鄧宜之還鄉序

多稼亭詩集序

贈醫士張恒齋序

送陳尚言歸會稽序

代送尹主簿序

贈寫生玉泉子序

送袒心上人省親序

贈錢隱居序

送太古禪師住持祥符序

送郡守孫侯秩滿序

送金生西上序

送葉以恭赴京序

送陳長史秩滿序

送劉文可序

送孫太守奔喪歸濟南序

續毘陵志序

贈儒醫徐士芳序

贈刻字闕士淵詩序

送王主簿還江陰序

送周牀文序

贈滄洲生詩序

送適知縣父還鄉序

送趙縣丞奔母喪序

贈王有父序

贈醫士高彥述序

贈醫士王彥德詩序

松菴圖詩序

送唐用彰序

二十四孝讚序

贈王仲文序

卷之十

疏

三教堂脩造疏

元山主造退居疏

深寶寺脩造疏

謝兩佛事疏

謝恩誦法華經疏

誦法華經疏

作佛事謝聖恩蠲租疏

結社畫淨土疏

海印菴起山門疏

請誌寶長老掩壙疏

待雲庵雕觀音疏

造諫壁橋請蔣居士疏

請蔣月堂建奔牛橋疏

置供佛花板疏
請愚隱長老疏
請亮西山任天慧寺疏
天惠寺請亮西山疏
送愚隱住萬壽寺疏
送毅剛中住承天寺疏
新創水雲庵疏
賀顏悅堂住徑山疏
東隱庵化齋粮疏
募化画十王像疏
西歸庵化齋粮疏
千墩寺造木橋疏
大祥薦父水陸道場
水陸道場榜
廣濟菴化修造疏
蛟龍庵塑觀音像疏
忠清庵脩造疏
萬峯庵修造疏

化城庵鑄銅鍾疏

佛會祈禳疏

化衣鉢疏

法華經會疏

化修造疏

散花文

募燈油疏

修梁武懺疏

二聖庵浴佛疏

滄洲庵修造疏

化城庵募緣疏

千墩寺翻蓋大悲殿疏

齋僧簿叙引

釋氏舉棺文

活套起棺文

剃僧頭致語

募緣造藥師琉璃燈疏

薦父醮詞

妻以終七設醮疏

早壇詞

午壇辭

晚壇詞

幽醮建壇詞

蚤朝詞

午朝詞

晚朝詞

青詞

薦父幽醮建壇詞

荐父青詞

醮星青詞

幽醮荐父青詞

道士化法衣疏

請曹月湖舉棺疏

請鄧混然舉棺疏

代請周彥忠

代請孫伯昭

蓋庵疏

壽寧寺請別源派長老持住諸山疏
方外交疏

請仁伯靜住宣妙寺疏

諸山疏

送大雲講主住福壽庵疏

永安庵尼請禪老興正宗住持疏

真武經堂置田疏

置草堂疏

方外交疏

招魂致語

買石題獨孤公檜四字

干親友重構草堂

大林庵佛像裝金疏

白龍祠修造疏

東山港造木橋疏

重建太平橋疏

賀括既明為弘聖講主

重建忠祐廟疏

普度齋壇榜

千人贈行疏

募作隱居疏

道家受生會疏

黃鶴庵居疏

辨惑徧鑄板疏

重建井亭疏

葬木主追荐疏

賀行敏中住永慶寺

忠祐廟修造疏

諸山請偕長老疏

王山湖重建木橋疏

重建排墓橋疏

遠塵居疏

修造慈化菴疏

賀蘭楚芳住法濟寺

塔寺疏

道場榜

作佛事疏

賀啟太古住天寧寺

賀聽聞極住天寧寺

薦亾女疏

常州府天寧寺修造疏

除服薦亾疏

重建後餘橋疏

興國寺修造疏

常州府送聰聞極住蘇州天寧寺

常州府請中道立住天寧寺

普庵堂修齋安奉德藏主神位

道場保安疏

延福庵修造疏

請性天之住天寧寺

延陵精舍疏

請修頌元公祠堂文

崑山學講堂上梁文

募置十七史疏

募刊思賢錄跋

卷之十一

書

上奉使宣撫書

與王氏諸子書

論吳人不當祀范蠡書

代與李中丞書

上盛教諭論土地夫人

干周侍御作頌元公祠堂碑書

上王總管正風俗書

賀丁州判到任書

與陳翰林子山書

上周參政正風俗書

與劉旭齋書

與殷孝章書

上何太守書

呈府侯書

與孫彥民書

與陳彥直書

與許鈞善書

與袁子英書

與俞伯鎮書

荅熊元修書

與侄僧德藏書

與蘓性可書

與蘓州吳趙二心友書

荅許君善書

荅管伯齡書

與盧公武書

與陶孝思書

上樊大尹書

荅袁子英書

與賈教授書

與鄉友邰鈞顯書

與唐伯遠書

與李石泉書

答袁子英書

答惠子及送泉書

與曹師禹書

與雪心長老書

答集講主書

與林掌教書

與熊元修書

與吳中衡書

與馬公振諸故人書

答謝袁子英書

與姜天定書

與袁耕學書

與俞彥智書

與海萃講主書

與余茂本通政書

與張子才書

與陳彥直書

與王季高書

與袁耕學書

與高彥直書

與辛彬甫書

與任羨甫書

與孫彥銘書

回黔陽簿長孫書

答呂克明求序文書

與張子才書

與吳中衡書

賀府學教授到任書

卷之十二

詞

鷲山溪

沁園春

滿庭芳

沁水曲

自和

又和

蘇武慢

滿江紅

一剪梅

風入松

又

金縷衣

沁園春

西江月

風入松

西江月

南鄉子

摸魚子

水調歌韻

憶王孫

水調歌韻

和前韻

滿庭芳

點絳脣

沁園春

水調歌頭

八聲甘州

滿庭芳

又和

菩薩蠻

水調歌頭

又

沁園春

點絳脣

風入松

八聲甘州

滿庭芳 三闋

水龍吟

賀聖朝

滿江紅

沁園春

龜巢藁目錄

六十二



鵲橋仙

一翦梅

又

江城子

卷之十三

行狀

銘

贊

箴

故伯母行狀

王佛子行狀

故處士存心先生陳公行狀

管伯齡妻壙志

義士吳先生墓誌銘

管伯齡墓誌

墓誌銘

吳處士妻墓誌銘

駮孫墓碑銘

張處士墓誌銘

方寸鏡銘

永思軒銘

方竹杖銘

竹素齋銘

頤學齋銘

愛日堂銘

白賁軒銘

永思堂銘

存耕銘

錫景像先生画像贊

張伯仁画像贊

月泉道人小像贊

曹節嬭贊

拙逸箴

師箴

坦率齋箴

拙齋箴

卷之十四

題跋

說

雜體

題陳松居所書昌黎詩

題太乙真人圖

書歷代蒙求後

題子昂竹石

題敬親樓詩卷後

題觀奕圖

揚妃齒痛圖

題山谷墨跡

題麋氏家譜

跋許氏墨業集

跋族莽圖

跋蘓魏公百韻詩後

跋晚參政手書

書安撫陳公跋先君小像自贊後

跋張氏家譜圖

跋呂仲珪孝思卷

跋凌克禮父子孝感詩文後

跋陳寺丞思愛菴疏

跋岳氏族譜

跋經訓啟蒙

張孝子傳

錢孝女傳

諸葛節婦傳

長白山居圖說

月泉說

無知生說

子京字說

存耕說

景中字說

德宏字說

寶山字說

學古字說

聽其自然說

無名異

蛇蚓

盟鷗文

招隱論

東吳野語

癘鬼辨

重建縣學事寔

辨訛

釋異

請除淫祀文

甕天解

救弊

捕描雀圖

讀易齋

御犬文

學書

書耕習軒後

卷之十五

祭文

祭姚吉甫文

代王文甫祭兄文

代祭子文

龜巢葉目錄

六十七



代祭林父文

代祭伯父文

代祭吳間：真人文

代亮西山祭光祖庭文

祭沈仁齋文

代祭父文

代祭表嫂文

代祭弟嬪文

代祭趙師呂文

代祭王文甫文

為周縣尹祭頌元公文

為周尹立碑祭元公文

代祭姨夫文

代祭母文

代祭外姑文

代祭外舅文

代祭錢仲居文

代祭父文

祭先墓文

代祭黃景先文

祭大雲講至文

祭處士祭文

代子祭父文

祭蕭處士文

祭錢鼎御文

又

武進縣學起講堂祝文

諸生祭陶况文

移先聖祝文

祭胡秀才文

祭胡子明文

祭黃朱二友文

祭顏悅堂文

夫祭妻文

兩祖祝文

考妣祝文

外舅姑祝文

三兄祝文

姊及姊夫祝文

祭母舅文

代祭妻祖文

祭朱仲起文

代祭妻祖文

祭邹忠公墓文

祭陳氏親母文

祭母文

祭陳母文

又

祭萬氏子文

祭沈氏女文

又

代祭外祖文

代祭姑夫文

祭徐達御文

代祭王母文

祭張伯仁文

生日祀考妣祝文

冬至祀外舅姑祝文

祭王君壽文

祭妻文

祭張溝南文

姪嬭祭姨母文

代祭親家母文

冬至祭母文

祝亾子文

代祭母舅文

祭賀彥銘文

代祭妹文

祭妻兄文

除服祭母文

遷祖考神主祝文

寒食祭曾祖墓祝文

祭祖禰墓祝文

墓祭母弟祝文

墓祭先兄祝文

娶孫嬪祭祖文

祭徐仲清文

遷葬二兄祝文

祭曹子壽文

祭唐仲傑文

祭劉德祥親家文

生日祀先祝文

祭徐子忠文

立先賢祠祭文

新河口祖墓祝文

先考忌日祝文

祀先致語

初進酒

再進酒饌

三進酒饌

進饅頭

送靈致語

祭曹子毅文

子祭父文

祭姊丈何子潤文

祭金親家文

祭湯母文

祭重外甥女周氏文

祭黃仲器文

謝莊墓祭祝文

烈塘墓祭祝文

橫山墓祭祝文

祭邵姨夫文

新河口墓祭祝文

謙莊曾祖墓築墻祝文

寒食祭妻墓祝文

寒食祭子墓祝文

代祭胡隱君文

張彥寔哀詞

哀壽上人詞

哀鶴詞

卷之十六

詩

雪巢詩

次韻荅許西溪

次韻自述

送婁主簿赴京

寄王主簿赴京

寄張以誠二首

雪舟棹歌

雪岩詩

寄希物先蘭楚江

過烈塘墓

懷趙執中三首

寄熊元修

晚香亭

題傍梅書舍

荅毛雲莊

挽鄭玄禮

延陵埜老歌

寄呂教諭覓惠山泉

寄袁子英

謝余提學摘稿序

挽吳母

代挽吳母

次賈教授莫春言懷

寄蘇偉正

錢孝女詩

和鄭教諭登樓

荅陳推官

和陳推官過余公祠

挽殷孝伯

哭盧知州

送浦良之安陸府代父從軍

寄徐伯樞

病瘧

題夜潮圖

謝郭府判惠佛面竹杖

呈府官求刊思賢錄

題畊漁軒

生日口號

二首

送聰上人

送僧歸四明省母

送鄭教諭進表之京

寄中行和尚

次韵陳推官見寄

招鄉中親友

寄管伯齡

簡張伯仁昆仲

簡伯仁里中親友七人

聞趙明南免官

懷次子林

服霞道人歌

貽劉永真

雲牧詩

王牀明雲峯圖

秋林讀書圖

題村田樂圖

和次子

寄鄭教諭

寄謝楊純夫

寄袁子英

贈衡隱居

漁人板罾圖

溪居垂釣圖

荅管伯齡

聽雨篷

醉琴

海萃

挽王氏祖母

答陸子文

答集講主一首

冬至即事

冬至前二夕 子作

送友歸琴川

雪篷

過顯廣寺

路城樵舍壁

簡劉德祥

題竹素佩齋

贈黃仲器

悼許君善

贈仲昭父子

挽逸菴

慈竹軒

簡送原子壽

過橫山龍祠

皇恩蠲租

林在新鄭取子視疾

送沈居士同壇往新鄭

賀一泉大方任道紀

和僧住僧綱司官

贈天寧長老

賀脩多稼亭

周勣婦

再贈衡志通

寄陳糧長

送德昇

謝新鄭縣官勅葬子

述懷 二首

寄僧

寄張仲安

無錫莘景章以祖玉溪

挽唐君舉

過無錫口占

題漁樵圖

贈醫士伯祥

題扇

題子昂竹石圖

安之道人歌

遠綠亭

宿崑山延福菴

題主簿先塋圖

題竹枝鶴圖

題玉峰書圖

題畫漁圖

題畫竹

題雪竹圖

絕句寄 菴長老

一般春

風浪詞

謝李無逸

自挽

挽張講南

荅子才見寄

感年

天有眼

天有耳

寄楚居處士

和任羨甫重陽絕句 三首

九日志喜

題松溪釣魚圖

問訊林大菴至真公

簡銘祖心

題高士觀松圖

王峯舊隱圖

輓王仲昭

贈醫師張有成

懷辛彬甫

贈呂堯明

寄袁耕學先生

自和感年

逸菴詩

清澹子詩

題聰聞極水仙

題松菴圖

送任羨甫之京

賀辛彬甫

悼昇東谷和尚

公室初度

書目前一事

次韵錢彥學七首

題天葩雲液軒

壽任羨甫

次彭知縣韵

懷吳中衡心友

代簡張子才

寄王有恒

卷之十七

詩

龜山祠詩

簡曹谷賓

簡陳庠仲

簡江陽鄭教諭

謝劉小齊

紀周節嬪

大林菴佛廬落成

悼熊元修

答袁仲徵

答陳庠仲二首

又和袁仲徵陳庠仲太冬所寄之作

答袁仲徵見寄

四皓圖

瓜隱詩

簡袁耕學先生

壽萬拙齋十首

久陰

贈時羨甫

貽呂雋

挽徐仲清

夏五即事

寄王尚綱諸友

簡華景彰

寄徐伯樞

寄孫秀方

懷余伯鎮

洪武乙丑新鄭薦孫壇

送楊景於領薦之京

和景于韻冬至

冬至後五次韻 長史

初度

卧雲歌

次郡侯韻

十一月廿七日壇口信

簡陳子彰

橫山歌 拙三

因拙齋壽 往崑山

留別來懷寺長老

陳德廣以自壽詩見示次韻

復和荅德廣

次華似愚韻

哀詩

東西家

重午日小酌

五日望日寄庠仲

同日寄仲微

簡費延年告老

鄭朝宗次自壽韻後荅

六日雨晴懷毛伯尚

哀詩

讀大誥作荅歌

贈陳西雲

贈周彥美

簡王尚綱

贈詹伯遠

示孫

初冬感懷

初度賦古樂府

樵海歌

寄僧源別

悼徐孟明

臘月十六夜口占言懷

任羨甫生日

贈蔣居士

贈袁居士

正月既望因揚 曜過訪

水田歌

美任耆老 鳴鑼迎神

題打毬圖

清明後遇薦福源公以詩

哀沈德麟母

洪武丁卯 烈塘祖墳

次韵答郑教諭

葉道士遊仙詞

挽拙齋

閏六月廿九日飄風作歌

葛節嬾

寄清真觀提點

簡中行

寄穎伯遠蘿屋

雪中遣興

贈張鍊師

悼大林禪王

挽無錫王

感事

邀文允小酌

題秦仲暘兩竹

送徐教諭

官音柳

濯漢松

次玄齡韵

宿僧網澹泊齋

懷郡城諸親友

賀太平講主

感興

端午懷古

西塘詩

端午後阻雨

人面獸

悼用中

寄鄧秉文

寄陳彰遠昆季

寄辛至善

寄清真觀周石泉

三笑圖

題画風雲雨

野雲歌

買臣讀書圖

薦福紅毒

漁竺淵以道西傳和詩寄

獨孤公檜

題牽牛圖

題鷺鷥

出門

題僧洞澹泊齋

江山漁樂圖

崑山王有恒書至作詩答之

黃林屋皂布巾

贈天寧寶滄海

悼周彥美

寄饒周唐生

和文允韻

夏五訪一舟禪師

挽曹子毅

謝洞庭胡之惠稿

紅梅

龜巢稿目錄

歲旦言情

寄盧長嬰次農

寄辛彬甫

和毛伯尚雲中登塔

壽諸葛節嬭

獨孤公檜

題樓居晴空圖

贈應孟恭

兩中期辛彬甫
兼憶兒子林孫塏等一
時口占二絕

謝甥孫女惠鞋

贈盧長嬰

寄南宗僧綱

寄一舟禪師

寄西傳法師

懷唐伯遠

寄周石泉

中秋前小詩十首

咬菜根處

龜巢稿目錄

挽管伯齡

輓陳存心先生

鶴鶉圖

題清微觀

懷袁畊學諸故

送郁友文之京

荅瓢齋先生
二首

贈綱贊公

過醫士徐士廉無錫別墅

寄楊彥澤

送秦仲文歸上海

送秦文仲歸老崑山

寄東堂長老

橫山白龍祠

簡沈時敏
二首

憂旱吟

示冢子及孫

又自述同示

祭禰忌日詩

雲林書舍

賀潤天澤

贈南宗和尚

豆腐詩

謝唐允剛

荅袁耕學先生

吊竹淵涼公

寄南業僧澗

菴丸歌

松竹毒三詠

寄辛彬甫

寄性空山主

寄呂克明 二首

次韵自述 二首

感懷

短歌行

冬至前寫懷 二首

寄朱季明

題讀易齋

挽王達善

塗謠

和王有恒荜步二首

和王有恒見贈

糟丘作

攬翠軒

和王有恒

茗溪獨釣圖

端午

窮快活

寄劉小齊先生

代簡張履道

寄宜興教諭

感昔

送性存真人

寄南京僧綱和尚

哭耕學先生

感物

秋興七首

周可大新克糧長

初度言懷

二周詩

示二子

賀西傳和上

賀辛彬甫

次徐伯樞并題膠山幽居各一首

送丁敬止

代簡陳子章先生

和鄒士父

水獺羶帽

林塘幽

謝府學教授縣學訓導

再謝

詠懷

寄樵海教授洎諸故人

寄集公詢公二講主

寄陳明遠兄弟

懷辛至善

素醍醐

荅臧尚迪先生

又荅毛伯尚

憶昔

楊文靖公祠堂詩

送垣戎蜀屯所

即事簡臧毛二友

呈崑山縣學訓導

屯田歌

道旁語

新：堂

椿萱堂

上李太守

老蚕

負暄

簡高彥述

懷詹菴屋

和遊大林庵韻

宣統庚戌九月李奮曹太守寄贈

龜巢藁目錄終



國家圖書館, NATIONAL CENTRAL LIBRARY, TAIWAN, R.O.C.

龜巢遺藁卷之一

賦類

弔豫讓賦 并序

予讀史遷刺客傳閔豫讓亦廁於荆聶之列也
故作賦以弔之

嗟忠臣與義士兮何正氣之烈、匪死生而抑
志子豈存亡以改節仰豫子之炳、予復故主
之所讐感知已以滅身兮雖九死其何尤歆潛
名以匿姓兮乃絕踪而滅跡爰漆身而吞炭兮

雖家人而不識前詐刑以塗廁子後伏橋而褰衣雖匕首之不利子惟趙孟之不忘彼友不諒厥志兮哀其生之自苦曰汝才而臣之子必近幸而釋汝計何逞而不行子欲何求而不遂胡戕形以毀質兮乃前跋而後彙伊賢哲之確志兮固始終而不渝既指生以為誓兮肯中道而改塗身雖朽而無怨兮義不可以輟離教雖暗而不顧子行不可以少虧信所為之孔躋子忘所謀之不長將愧人臣之不忠兮違恤予身之見傷苟委質而求殺兮乃吾心之已貳仇不足以報趙兮德不信於鼎志念智氏之知己兮迺國士而遇予忽及君以事雖子殆犬豕之弗如嗟夫子之言行兮與日月而爭光邈千載之遠矣兮紛郁其遺芳何太史之不可攷信子列彼名於刺客夫豈碌碌之燕荆子豈區區之軹聶士有譽而作善子有微利以行義苟有為而為之子雖似真而實偽彼知瑤之既穢兮及智宗之既夷夫子之身無所託兮夫子之心為可知

乃抗節而効死兮豈攘名而踏利彼太史之載
筆乎胡不章而反蓋自古孰不有死兮貴委命
之得所諒夫子非匹夫之勇子宜君子之所與
雖咲貌之不可得兮氣凜、其猶生撫遺史而
歌吊兮表夫子之忠真亂曰松柏之剛有時折
兮金石之堅有時裂兮維忠維義効斯竭兮匪
頌匪慮終吾節兮烈、豫子勇且決兮獲正而
斃復何說乎不有君子疇發越兮千古萬古祇
刺客乎

復賦

陰陽消長之理無往不返蓋一闔而一闔者也
夫幹流推旋無端無始此天道之所以立也當
其玉衡建子金鍾調律而微陽之脈已驗葭灰
於緹室也夫剝窮上而反下則其象已具於頤
果之不食而七日之始旋蓋其幾動於日至之
日也吾嘗觀雷在地中之象而得其說夫雷陽
也地陰也壯陰閉於九野而潛陽昭於窮泉期
造化之至理生、而不息者也且萬物老死於

坤而萌芽于復蓋懼春生之不蕃故以養以藏之甚密也然必自掩身而齋戒禁嗜欲於教色于以待陰陽之初定存萬感於一寐也况乎無疾無咎而利有所往實聖人幸君子之道長於是乎陽扶而陰抑者也然則復其見天地之心微至誠者亦孰得而識也且天理之復固有其常而人心之復亦不可逆故夫惡極必善亂極必寧柔極必剛晦極必明蓋以天生斯人霸於萬物者也若夫迷而未遠乃能適返則若醉而得醒夢之得覺譬如夜氣之清不受乎旦晝之梏也信能獲其萌于隱微之際則朝兢夕惕以全君子修身之大節也凜乎其頻復之厲裕乎其休復之吉也卓乎其獨復之勇厚乎其敦復之實也報乎其迷復之凶必自強而不自孽者也夫惟顏子其殆庶幾因從事於克復而得善則服膺而弗失者也蓋其明以察幾剛以致決故優乎入聖人之域也彼聖此愚均是人耳增予心之慙也君子則齊其心而不敢放則善

端綿而續也然則教道人欲而及天理亦惟
謹獨之念而幾微之不忽也

斥鷃賦

維二氣之妙凝播庶類於羣生嗟斥鷃之至微
亦稟氣而載形其薄質之輕儇無光彩之煥燭
味不登于鼎俎羽不用於旗旌既無虞於罟網
又何慮於弋矰於是庭除之際蕃籬之下匪乘
而游繫匹而處決然而躍蹠然而去物莫能害
樂得其所匪榮菑繫匪薄撩莽苟可投跡鼓翼

斯舉匪陋麻菽匪美稷黍苟可充食俯味斯取
夫其委命而足順理而安欲無所縱樂無所盤
不因賄而致焚不截珎以取患不飾身以賈禍
不懷音而見殘靜若守而有待動若倦而知還
雖形微而處僻任此生之自然彼其魯雞之鬪
胡鷹之勢介距在身條鏃在体鸚鵡能言而入
籠孔雀飾外而受制或產絕垠或生遐裔傷伉
儷之相違哀母子之偕逝縱僥存而幸免亦貌
慘而容悴豈非形色之環材質之瑋為世所用

為人所貴諒處身之不智終有累于斯世且夫
滄溟之鵬醢瓮之鷄均一天地復奚累為萬品
一區要與之齊維茲之鷄亦適其宜何重何輕
何高何卑小大之辨又焉能知達人大觀夫復
奚疑

承露盤賦

粵昔漢武乾龍御天身都富貴心慕神仙動出
塵之遐想訪妙道之真傳覲長生而久視與松
喬而相後先也尔乃氣類翕從精神感召秘方
畢陳至人胥造授異術論延年之至寶匪玉其
芝匪瑤其艸采乾坤之精爽庶可臻於壽考於
是烹蜀道之美銅襍庶水之良金既噓霆而煽
電亦穴陽而治陰築柏梁之崇臺卓天表而嶽
峯諒彌高而彌峻非可計於丈尋觀其屹若雲
峯壯如砥柱表斷鼈以立極縣釀龍而行雨竊
造之功巧有鬼神之呵護尔乃抗以仙掌冒以
金盤託颺輪之閃々驚園規之桓騁怪誕於羣
姓馳雄偉於千官至人進曰奇功既成吾事已

濟願舉玉趾臨幸其地於是天子乃漱正陽含
朝霞屏萬機之思慮絕九重之紛華迨夫夜澹
氣冲雲銷月皓澍窮滑於重霄降鮮英於清灑
法、如飴罪、如膏不賴乎金丹之鍊不屑乎
玄霜之擣蓋自狀之嘉瑞真可以後天而不老
乃屑蜚瑤和漚珠霏液飲儼穢除神漿未擬醴
泉焉如卻五味以謝六塵又奚翅石髓之醍醐
也既而形超埃壘體若羽翼趨火不焦沈淵不
浩兮如禦寇之御風翔兮如蒙莊之化蝶蓋

夙昔之願以而求仙之能事畢矣詹乎吾觀漢
武感於方士既受誣于文成復見欺於五利信
荒唐之邪說殆無異於嬴政之世彼其內嗜殺
色外窮甲兵任貪夫而黷貨用酷吏而淫形恣
盤遊而無度極土木之經營朝苦心而焦思夕
疲神而憊精縱飛仙之有藥復何可以長生觀
其建元初政赫々明々罷黜百代表章六經弥
綸治道罔羅群英信一代之英主能持盈而守
成使其慎厥終始進乎明誠不玩于物不恣於

情泊乎其無為澹乎其太清則不必餐玉濯擢
金英處方壺登蓬瀛自可以保真而養靜享無
疆之遐齡是故至聖無欲存順汝寧使漢武歆
效唐虞之治胡不刻斯盤以九字之湯銘

禦寒賦

有北隣客訪於南隣主人曰四序相催暑往寒
來天時既變人事亦催風霜高潔冰雪皚皚敢
問諸子將何以禦之哉主人對曰吾用吾計卿
用卿策請子先陳吾為子說客曰雄樓傑閣深

閨邃房綺窓不啟畫閣初粧紅爐獸炭煦若春
陽此予所居之處也主人曰予也素樞竹牖且
塞耳堦穴地作爐火惟煨燼客曰九醞之設八
珍之列炙鷄臠鴈炮羔臠鼈聚物天美咄嗟而
獲此吾所食之味也主人曰予也蹲鴟可煨素
落可傾一罌之靈復有茗烹客曰狐貉之裘綺
紈之服襦以文綉飾以金碧舍舊服新隨意所
適此吾衣服之費也主人曰予也帛以為襦亦
以為袴且縫且紐復著以絮客曰重屏既列邃

幘且張鎮帷以犀展蜀在牀錦衾繡褥爛其有
光粉白騰綠笑言芬芳此吾寢息之安也主人
曰予也布衾如雲紙帳如雲縞綦茹蘆聊樂我
貧客哂然而笑曰予居養之異服御非常禦此
隆冬猶未足當若子之謂其亦踈矣主人曰噫
是何言之謬也盈天地間林而生富子則濁
窶兮斯清兮定之故孰敢云爭子亦為我而不
得吾欲效子亦不能胥樂其有何踈之稱且吾
居之而安不計乎室廬之華恆服之而煖不較
乎裳衣之僉細嗜之而飽不察乎飲食之精糲
寢之而寧不論乎衾裯之鮮敝凡可卒歲何慵
侈濫矧予所謂天和者而子固不足與于此子
其行焉無汗吾耳客於是茫然自失默然無語
汗面芒背懷慙而去

閒居賦

夫何予性之耿介予與時俗之寡諧築居室於
幽僻兮離喧囂與氣埃繫前修之可慕兮矧古
道之可追何皇皇無所止兮乃慮徃而營徠羌

行止之有時兮信用舍之有遇貶富貴如浮雲
兮豈名馳而利驚朝吾游於道圃兮夕吾憇於
藝圃思衡門之栖遲兮慕考盤之窮處依灌木
以結宇兮引清泉以為池樹脩竹之娟兮滋
幽蘭之猗兮與禽魚而相處兮同欣兮而忘機
既撫松以長咲兮復臨流而詠詩列左圖而右
史兮置前琴而後碁春吾蠶以為衣兮秋吾獲
以忘饑維遯世而不吾知兮唯昭哲其無虧信
鸞鵠不可以矧弋兮豈麒麟之可羈宜雞鶩之
矜兮任駕馬之交馳延漁樵以論交兮美田廬
以自適既不怨而不充兮又何喪而何得嗟萬
鍾之厚祿兮登駟馬之軒車徒睽爭而交攫兮
紛總兮烏如亦孰知信之可立兮孰知義之
可服利其方以為圓兮操其直以為曲彼恬然
以為榮兮此翫然以為辱諒董蘓而不相入兮
寧抱余之真獨舉予豈獨好異兮欲索居而離
羣厭沕倍之靡兮誠不能和光而同塵景顏
氏之窶空兮乃樂天而知命仰仲憲之蓬索兮

曰惟貧而非病彼前哲之懋行予美與道而同
符何愚人之汨：予愴乎其若囚拘羞潘岳之
諛佞拜車塵於途側胡亦賦此閑居予乃論士
之巧拙雖千載之遠：予慨有感於予衷苟非
拔俗而高蹈予亦何予之能同系曰時與我予
相違審夫命兮何疑憂人之憂兮美者有時樂
吾之樂兮知者其誰

肺石賦 郡學堂試

昔聖人之御世兮貴上下之情通美一脈以同
人予曾不廢於困窮民有以司予兮或權衡之
共中繫窮民之有遡兮阻天闕之九重非設瀆
以階其進予嗟皇：其過從爰置石於王都兮
其色肺肝之與同使窮民立乎其上也得吐露
其情衷心纍：乎三日予斯可見其哀恫士師
從而聽其決予私一毫之靡容信尺蠖之久屈
睹大明之當空脫辛苦於顛崖予躋春臺之融
：乃歸臯於其長兮激凜：之清風以春生秋
殺之道並行予誰膏澤之敢壅睽茲石之在他

山兮亦惟王之可攻孰激求於岩穴兮乃佐治
而有功曰重厚而不可轉兮疑自天之未降薄
京口之狼石兮聚當世之梟雄圖沒都之華石
兮徒媚主於深宮咲佛廬之盤陀兮望枯禪以
談空彼支機之神怪兮適欺世之盲聾是皆不
足以擬倫兮徒雕琢而磨礱惟嘉石之可配兮
並見錄於周公維
皇元之有道兮過成周
之治隆俗麟趾之信厚兮由上令而下共畫衣
冠而不犯兮將比屋之可封無一夫之不獲兮
雖肺石其爰庸皞々乎不知帝力之何有兮民
於變于時雍

四靈賦

聖王御極至治維新修文偃武道德詠仁被聲
教於四表畢梯航而耒臣發春陽之厚澤布大
造之洪恩何隱不顯何憂不欣何疾不瘳何屈
不信士鄉道而游藝賈棄偽而鬻真工務業於
堅朴農務力於畊耘極中和之至德致嘉祥之
效珍維龜維龍維鳳維麟應時畢至以彰聖神

迺詠厥事耀於黎民夫麟之為物其形不類匪
麋匪鹿匪虎匪兕迺其角乃圓其趾不群居而
旅行不陷穽而羅罟音既中於鐘律行復合於
規矩生草不踐微虫不履原其德性吁嗟仁矣
朝陽之鳳質稟失行九苞表端六德儲祥晨遊
紫霧夕飲玄霜發文彩之餐、動和鳴之鏘、
臨寥廓而高跼凌雲霄而遠翔俾烟霏之閱色
與日月而騰光覽德輝而未下羗出處之有常
介族長之元龜實先十朋之重五色之全下夷
平而法地上規隆而象天或萬年而升木或千
祀而一苓順陰陽以呼吸藏晷耀於重泉斷休
咎於滋惑明吉凶於未然信穹壤之奇物能鈞
深而造玄懿矣神龍有威有稜巨細修短信屈
降升千變萬化杳不可馮張鱗鬣之參差挺頭
角之崢嶸既行雲而施雨復噓風而吸霆或躍
於淵或遊在峒擬物以有體忽神化而無形聞
之斯懾覩之斯驚蓋曠代而罕值寔有國之嘉
禎予嘗稽之傳記考之大經四物孔異有彰厥

名若夫皇羲之世虞后之廷姒禹之代姬昌之
京或以成太昊之紀官或以聽蕭韶之九成或
以負洛書之大範或以應閔睢之化行維隨時
而隱見故王者以為休祥之徵矧茲昭代聖
相承與勛華而比德眇漢唐之所稱海嶽之精
藪澤之英何祥不產何異不逞宜羽毛與鱗介
總符合於文明謇予沐浴盛化歌詠隆功身雖
處於蓬室心獨嚮於皇局睹茲竒瑞欲默不能
敬綴辭以成賦仍名之曰回霸

酒賦

有客有客一醉一醒邂逅相遇歎我柴荆醉則
高其曠達醒乃矜其典刑劇談雄辯舌搖風霆
於是醒者睨醉客而視之曰若不聞乎禹惡旨
酒夏德其昌紂為糟丘殷祚滅亡何物狂藥毒
人肝腸甘之者必酗中之者必傷化慈祥為凶
險變沈靜為淫荒語言靡雜氣勢鴟張或罵將
軍之坐或登節度之牀或吐丞相之茵或牽美
人之裳或翹足沐猴之舞或俛首豚之塲惟

酒之故胡然而狂甚而獲親之養不顧七尺之軀亦忘腐脅而斃遺臭無疆酒之害人也如此若何不痛絕而謹為之防乎醉者曰是何言哉是何言哉吾聞上古窪樽三代壘爵苟聖賢之不飲何杯棬之有作書稱麴蘖禮曰清酌鄉飲之儀獻酬交錯若近代之飲者皆礪之而落之晉之八達非酒何以逃亂世之誅唐之八仙非酒何以脫微官之縛酒之於人其德不薄變怒為喜轉憂為樂釋憤氣之怨爭發鈍之口談謔故曰痛飲吾之師不飲客之惡獨醒之原懷沙寤寐啜茶之全血染鋒鏑然則酒何負于人哉爾獨未知其趣而遽薄之也詞未既余乃從而釋之曰止二子之說各倚一偏請折其衷子其聽旃注古來今酒不可無祭祀賓客日用之需但用之者豐不可縱儉不可拘縱共之酒拘失之愚之乃人所鄙酒為酒之辜酒以成禮威儀秩如酒以合懽怡愉夫如是又安得喪於而德害於而軀亡于而國敗於而家乎二客

於是蹶然而起負墻而立請誦惟酒無量不及
亂之言庶無過與不及

龜巢遺藁卷之一

國家圖書館, NATIONAL CENTRAL LIBRARY, TAIWAN, R.O.C.



龜巢遺藁卷之二

詩

奉陪陳伯大先輩及趙師呂張伯啟朱月江
金清夫兄弟登金牛臺九韻

六龍城西呂城東
奔牛古堰卧兩龍
誰築高臺水中泚
野有蔓州牛無踪
河邊青苔生白骨
刀鎗箭瘢猶未沒
問知八十二年前
戰死當時皆義卒
鐵馬遁去劉將軍
大家牽羊走燕雲
三百山河獻明主
北駝南象今紛紛
登臨且喜得佳

客鞠育青，已堪擗浮雲。世事勿復論，一醉西風真上榮。

和蘓竹逸秋日懷鄉

夢繞淞江太湖上，舊家鄰里古渙磯。長腰秔米家：熟，巨口鱸魚箇個肥。為客已驚絲滿鬢，還鄉何待錦為衣。筆牀茶竈蓬窗下，未徃風帆數日飛。

呈趙徵士

吳姬手執金巨羅，春風咲面生紅渦。主人留客長夜飲，客拜主人辭酒多。主人沉醉客亦醉，客散扶歸主人睡。殘杯冷炙厨頭傾，鄰家兒有啼饑聲。

江碧山千戶，席上以我愛夏日長分韻得
夏字故書六韻

堯階舞干羽，聲教溢夷夏。清風細柳營，長日有餘暇。兵厨移竹林，觴詠集陶謝。酒傾虎頭杯，盤割牛心炙。佳哉醉鄉境，漸入知味蔗。客去復相期，明朝還命駕。

自冬而春舉家病疫予幸獨無恙既而疾
止詩以自賀并記里俗之陋云十五韻

昨歲夏秋旱四國人顛連餓死非不悲病疫尤
可憐甚者相枕籍遺骸飽鳥鳶安知期月餘厲
氣猶鬱然余家百餘指連屋魚貫眠頽我如一
木支此敗屋顛上堂問湯藥下厨供粥飢鄉鄰
不我過恐為疫鬼纏俚俗無足怪妖巫肆訛傳
俯賴學之力賦命知自天立言斥淫祀秉志金
石堅慈親今健飯甥男仍滿前吾妻及女娣問
寢相後先嗟哉黃楊木脫此片閏年東風播陽
和草木仍春妍

鄧道士雪中遺梅花一枝詩一首酒二樽
見惠時館人王文父飲餘暇觀樓次韻畲
詩仍要鄧晚集

欲作毒花賦才踈愧廣平一枝春到手酒香詩
更清開樽對雪飲將詩遣童去亟請過蕭齋石
屏與聯句

栽桑

春雨墻陰手自鉏
賸栽桑樹遠吾廬
歸來笑與山妻說
未歲春蠶食有餘

九日對雨

白雨何其急青山不可登
兀然無客到閑似坐
禪僧益菊數十莖
邛膠四五升猶勝陶靖節
冷眼望王弘

養鶴七韻

西鄰主人翁養雀如養客
傳童供雀料稍慢童
受責試問雀何好毛羽潔白
又能舞翩跹長鳴
振金石客有鶴骨清粹然
含素德窮居以詩鳴
冷面常菜色賦命鶴不如
可為長太息

送李知事赴邵武

舟車千里遠甌粵
萬山連舊俗民多獷
孤城地極偏朝廷用儒術
幕府贊承宣更喜詩三百
東南可盛傳

送凌萬里挈家歸海陵

鄰居三十載柰此別離
何客路秋光薄歸舟色
月多雲山連海岱吳楚
隔江波珍重千金璞良

工更琢磨

颺學西竺夜坐懷親友

客心清似水學舍冷如水苔榻三秋雨芸編半
夜燈病多憂老母會少憶良朋麋鹿山林性悠
然愧未能

送兄遊補陀山四首

蓮花已結東林社藜杖復尋南海遊千百億身
黃面老化城今豈在瀛洲

飛鷲帖帖水連天行李蕭蕭客上船津吏不須
勞誥問道人耒禮白衣仙

烟霧昏冥晝不開颺風吹浪雪成堆獻珠龍女
應相咲何處扁舟載月來

堂上慈親老惜兒遠遊尋佛咲兒痴倚門望汝
歸來日三月闌珊四月時

寄錢塘教諭金君掇

紫鳳啣書下九天司徒今日復興賢欲知別後
成何事和得陶詩百許篇

哭王伯祥二絕

昨朝相別夢初萌一夕那知隔死生
踈自永年顏自天大鈞於物信無情
傷哉卽罷客西湖匍匐歸來玉樹枯
風雨高堂春寂寞忍聞長夜泣諸孤

惠山泉和翟玄、先生韻

青山屈曲九龍蟠一派清泉噴雪寒
陵谷變遷知幾度石池洋溢不曾乾
幽亭過客分雲液古寺閑僧煮月團
莫向貴游誇絕品恐煩迢遞入長安

耕隱為蕭徵士作

蘭陵溪上梅花村去居齊梁之子孫
瀕溪沃壤足禾黍教子讀書深閉門
時人咲渠生理拙渠亦咲人多覆轍
春耒烏犍一犁雨歲晚黃精三尺雪
有時獨速舞短策飯牛別作耕田歌
長安車馬自塵土柰爾濯足滄浪何
君不見蘇秦為無由負郭平生不識
耕田樂奴顏婢膝謁諸侯黃金載多
禍隨作君今有田兼有書夜深燈火
朝犁鉏只恐一朝富貴逼人去猿雀
咲人留不

住

送姪僧德無言歸靈隱 二十韻

鴻鵠之志飛冲天鯤鯨入海方悠然汝生不受
塵網牽作佛要在霸運前先入僻經汝舍旃棄
家男著牛車鞭袈裟斜擔雲半肩東西南北十
五年尔未參得霸隱禪神鯉躍出西山巔歸來
瓦瓶携冷泉侑以白雲歌數篇我昔西湖艤酒
船曾聞老猿啼翠煙時秋雨洗山娟石頭路
滑難攀緣汝今言歸磨汝礪山中之人應汝憐
道經孤山脚下梅花邊敢煩為我問訊林逋仙
寄金陵陳雲心先生先生少學道游寓兩
浙後復歸傳而家於金陵以能詩善琴終
知臺閣然屢薦不起學者多從之游遠蒙
惠書故以詩代簡

先生閉戶自婆娑御史乘駃每見過白下詩名
傳不朽紫霞琴譜訂無訛樓居卧看三山遠學
子未從兩浙多一別十年還念我遠厓書尺問
如何

送陳漢卿赴江陰州知事十三韻

玉雪風神秀雲霄志氣雄
騫騰從早歲交結盡
明公鶚薦無虛日鵬搏適順風
脩名今樹立令
德愈磨礱清露金莖表黃流
玉瓚中詞章追太
史
瑀斲謝良工綸綍思重被
無裳秩漸隆
雄州勞贊畫善政惠疲癯
幕府文書簡江城艸木
空風濤秋浩蕩烟雨晝溟濛
退食麾麈吏忘機
對海翁仕優吟更好境會意何窮
離索送憐我
殷勤為擊蒙

慈親年八十四首

慈親年八十言咲懷滿
春衣食見躬稼烝嘗婦
采蘋一閑殊可喜長健不妨貧
眉壽曾孫酒黃
花節物新

慈親年八十早歲歷兵戈
老此太平世晏然安
樂窩門前流水活隴上白雲多
兒輩生涯好東
臯雨一簑

慈親年八十一子帶經鉏
貧賤無鍾鼎辛勤有
屋廬小園千箇竹老圃四時蔬
鄰舍閑耒秣諸

孫御板輿

慈親年八十頭髮雪紛然安得長生術終為不老仙平生甘淡泊中歲絕腥羶淨佛燒香几持經綉佛前

聞友人陳子山廷試第一喜而有作用乃弟子方

紫衣使者日邊來為道元方作大魁金闕早朝鳴珮入瑤林日宴戴花回九天恩澤沾多士一點文星近上台愧我無成驚且喜漁莎獨速舞

溪隈

犇牛巡檢石潤卿示予胡婦殺虎圖其事乃前至元七年濱洲軍士劉平之戍棗陽與妻胡俱在道上為虎所得胡逐虎殺之潤卿持画索詩因題其後

猛虎誰不畏良人吾所天眼者性命落虎口妾身雖死何足憐嗟哉劉郎妻力不猛於虎怒氣一奮發執虎如執鼠想當攘臂急逐時太山可拔城可隳呼兒取刀兒後隨刀入母手虎腹披

當時若使遭帟囓虎口甘心作同穴嗟哉劉郎
妻今古誰足擬馮媛當熊為君立饒娥殺蛟隨
父死嗚呼裙釵之下有君子耳尔芳名著青史

解于瑞卿還碧亭

解于公子平泉莊有亭翼然水中央天光雲影
白日靜菱葉荷花清露香柳下繫船魚可釣坐
中留客酒盈觴門前漁浦接沘瀾白鳥飛去烟
滄茫

朱逸三先生挽詞三首

前朝士習雕蟲巧先生詞章風格老功名到手
陵谷變雲霖竟作商山皓駢花儼葉墜秋風獨
抱遺經自探討嗚呼一歌子懷我師平生辦香
今為誰

堦庭桂子初芬芳盲癡怪雨俄催傷中郎賴有
女傳業安然得老溫柔鄉平生綴緝富篇秩才
名不與身俱亡嗚呼再歌子雲石裂斷腸猿叫
黃山月

憶年十五從學經先生眷之隻眼清每隨杖履

訪朋舊耳聞目繫皆儀刑而今先輩總淪沒黃
鍾大呂吾誰聽嗚呼三歌兮涕泪零魂招不來
秋杳冥

送秦彥明二首

美人木蘭舟春風挂帆去舟輕疾如飛可喜亦
可懼浙江多風波越山暗烟樹孤月照蓬窗今
夜宿何處

老驥千里村鹽車九折坂行々復行々伯樂遇
何晚之人懷帝閣丹霄路云遠一咲膏吾車疇
能為推挽

送趙方叔入京

去去京華八月初聖皇清暑返鸞輿五門兩洗
紅塵淨九闕涼生碧柳踈慈母衣裳縫密綫犬
夫門戶出高車翰林若見陳脩撰為道野夫曾
寄書

贈術士楊南溪

有客有客揚南溪天文之學師重黎又讀郭璞
青囊書今不用如筮蹄十年湖海聲藉々觀

水觀山隻眼碧一官雖冷氣如春那識人間有
金壁相逢林下秋雨乾高梧葉落天風寒杯酒
殷勤盡清興作詩醉寫烏絲闌

立秋

苦熱念秋至立秋意欣々一雨忽破地千山淨
無塵新月挂高樹涼風洒衣巾重未囊中書懷
我堂上親丈夫為未過妻孥耕且耘胡為苦離
別伍頭長傍人

和孫伯昭佛社二十韻

祭法垂明訓邦家祀有功愚氓何悖禮佞佛乃
成風媚女僧流襍香花佛社隆三身誇悉怛千
眼慕圓通金像瞻如在珍羞共極豐九衢迎象
駕百綵製天宮窈窕閨房秀聯翩市童莊巖森
侍衛游衍遠西東行道駢緇素飛塵隘軟紅寶
幢雲母扇銀燭竹晶籠鏡鉸伶倫後袈裟粉黛
中亂倫言可醜妄意福未崇廢業兼旬久揮金
與土同盤游律有禁長吏聽如聾闔郡喧邪說
同袍見直躬新詩未滿紙高論發群蒙白雪無

人和皇天鑒厥衷不為因果惑真是丈夫雄感
激徒三歎栖蓬柰兩窮抗言摧拂骨所願學韓
公

贈丹陽歸真觀諸葛鍊師

鶴溪之水鳴漨々九曲龍蟠護仙宅東南一望
天宇寬綠野平蕪接洮潏階前老樹三十圍門
列脩篁數千戟綠陰庭戶濕空翠五月天風吹
巾舄埜夫何緣飲丹井過逐尋真羽衣客焦仙
莎衣煮白石呂翁榴皮題素壁物換人非數百
年予復幽探訪陳迹黃冠老師卧龍種知雄守
雌室虛白誥：弟子皆速省中有詩豪更琴癖
哦詩鼓琴師亦喜一倡為之三歎息嗟予汨沒
塵土中到此悠然憂百釋采芝終日不盈擔曳
屣長歌晚山碧

寄題蔣仲益野趣亭十二韻

陶潛歸故園日涉乃成趣迷途雖不遠已恨出
門悞眷茲亭中人不識功名路幽居瞰洮潏詩
盟結漚鷺航稔湖上田花竹家後園山色開画

圖波光照窗戶寒燈課兒孫春畊了農務杖履
三十年曾無一塵汚人生天地間溘如草頭露
軒冕渠自榮刀鋸吾無懼熙熙太平世千載實
難遇野趣私自怡難以語童孺

代簡蔣成玉 三首

往年同掣釣鰲鉤空載錢塘月滿舟從此相思
不相見槐花又老數番秋

東風傾盖采芹亭一咲相看兩眼清老我無成
今學稼荷鋤依舊帶遺經

春未一月苦陰雨少頃雨晴邀客嬉金丰城西
芳路水邊柳楊青離

送牛季和赴旌德教諭 十首

積雨喜新霽六合無纖埃江頭楊柳風送客征
帆開把盃問青天、網信恢恢之人飽經術吐
辭粲瓊琬不居白玉堂合著黃金臺培風展雲
翮胡為低徊往笑教岩邑茫然育群才我、敬
亭山相看亦佳哉薺麥茂雪霜蛟龍候風雷秋
風木瓜熟好題書後來

慈烏十韵

倚窓看慈烏生雖念雛饑黃口未能啄雌雄交
哺之羽毛日以長飛展雙翼父母乃巢居羣
雛為求食得食能幾何入口不下咽玄時穀啞
歸來羽翻大烏能爾慈小烏能爾孝他時
子為子宜亦如爾報人為萬物霸不孝誠何心
我今作此詩警世還自箴

余子元御史枉駕敝廬以詩貽次韵奉贈
奇哉古秦鏡奸邪見肝膽當年獻天子重矐目
親覽爾未匣中藏寒月光湛玉臺重拂拭清
輝元不減

陪全公遊仁惠觀途中酌酒賦詩予和二
首

吳山相送越山迎二十年前馳馬行今日經
逆舊遊處詩情秋色喜雙清
山中羽人山下迎籃輿看山吟復行松陰呼酒
聽禽語一笑如見黃河清

邀高則誠郊居小集

別多無那苦相憶，賴有尺書時往來。逢人爲說烏寶傳，此客合貯黃金臺。北風塵土歲云暮，南湖水波冰欲開。扁舟短棹出西郭，元日相期看楚毒。

同遊趙君摸過訪

荒城雪晚冰雪繁，幽人校書深閉門。書中樂與聖賢對，門外寂無車馬喧。年光冉冉老將至，心事悠悠誰與論。肯爲梅花過寒谷，定邀高子共清樽。

偕丹陽諸葛用中金壇王元微同應鄉試阻風無錫和用韻中

船窗晝暝釣簾坐，暘谷雷鳴送雨來。佳友喜如雙鳳集，清樽且對九龍開。槐花滿眼催行色，桂子吹香入酒杯。黃帽怕教牽纜去，請看風浪雪成堆。

次鄧混然韵送漂陽王元仁兼簡乃父時可先生兄元德

客裡匆匆送客歸，江空歲晚雪晴時。父兄相見

煩傳語書劔重未好寄詩世事兩年多反覆人
情十日九驅馳甓橋東畔王猷宅杖履幽尋未
有期

丹陽道中早行過呂城寫示諸葛用中韻
寒雞丑前鳴雨急風更惡吾欲造吾車僕夫殊
不樂坐待風雨休早出丹陽郭行二三里風
雨復交作造化小兒劇變態不可度雨溼衣欲
冰風吹面如削前途迷遠近古堠暗摸索懷哉
故人居不遠可依託柰此道路難尺進咫復卻
之人書萬卷芸香浸書閣閉門了無事卧聽簷
花落吾年幾倍之賦命乃尔薄詩成往呈似定
發一大噓

全僉憲自黃州遣騎以西洋布見惠作詩
謝之

十月北風方怒號故人西布以緜袍遠勞使者
傳書信咲看家人落剪刀留得海圖飛鳳鳥絕
勝山蜀集鷲毛歲寒冰雪空山裡千里相思報
木樵

除夕和諸葛用中韵

盡道王門可曳裾，青山吾自愛吾廬。
新年且醉屠蘇酒，舊業重脩種樹書。
堂上弄雛慈母喜，階前繫馬故人踈。
東風一樹梅花雪，折得南枝振鯉魚。

寄陳脩撰

五始師麟筆，群公繫馬遷。
欲明前代事，不失後人傳。
紫禁烟花繞，丹霄日月懸。
書成天一咲，高步更聯翩。

諸葛用中邀賞牡丹，痛飲終日，且留僕與陳鍊師宿成趣軒，各賦詩十二韵。

金谷春風暖，名花宿雨霑。
錦垂簾公子，開瑤宴。僊人駕玉蟾，妙季皆可畏。
老態不吾嫌，柳雪沾衣袂。
花枝壓帽簷，舞裙雲冉冉。
歌板玉纖，鸞鳳鳴絲竹。
羔豚出釜，鷺初筵。
猶秩：終日竟厭，客少情偏洽。
杯深意轉忻，猖狂容阮藉。
繆談恕陶潛，大咲南柯蟻。
深慚上竹點題詩，紀行樂磬折謝勞謹。

次韻羅居仁閑居遣興

春近清明日花開金斗城
閉門忘寵辱深翰作
真行芳草自生意青山不世情
何留過雨壑携酒聽松聲

楊氏橘隱軒十二韻

少年走京洛衣冠混泥途
脫身車馬塵竟作山澤
矐開軒面流水坐對橘一株
客未必留連手談以為娛
手談亦何好聊適歲月徂
南風綠陰涼長日啣鳥呼
寂然此樹下身如蜩甲枯
千橘比戶侯斯亦非吾徒
况彼終南山捷任爭奔趨
驅車過吾里豈不愧木奴

江浙平章峻公家養二鴿其雄斃於狸
奴人以他雄配之遂鬪死作義鴿詩十二韻

翻：兩飛奴其羽白如雪鳥歎忽相殘
雄死雌蹴躡絕食累數日悲鳴聲不歇
蒼頭配他偶捍鬪項流血血流氣猶憤
血盡氣力絕嗟尔非死矣失偶不再結
嗟尔非雌鳩所性殊有別於人擬共姜之死同一轍
夫何宮壺內往：少貞烈

夏姬更九夫河間不可說聊為義錫行永激頌
女節

陳伯大先輩偕邾仲義陳客齋長子毅見
過酒邊以茶瓜留客遲今韵得茶字

白鶴溪清水見沙溪頭茅屋野人家柴門淨掃
迎來客薄酒遲留當啜茶林響西風桐墮葉雨
晴南畝稻吹花北窓幾箇青竹題遍新詩日
未斜

傷田家二首

踏溪上車疑田中苗踏車非不勤水盡苗
枯焦人力不勝天奈尔秋陽驕
初春脫寒衣典米事東作歲旱谷不收且無衣
可著饑寒去何之前途半溝壑

又

堯田九年水湯田七年乾保民苟無術羣黎總
凋殘我農今疇依州縣父母官父母不我憐何
從語辛酸神農化耒耜后稷教稼穡安知後之
人耕稼多乏食乏食未足憂山中有黃犢柰何

點鄉夫州城要脩築平明荷鉏去雷鳴忍饑腹

菊泉詩為孫嘉賦七韻

循彼南山言採其菊爰有寒泉在彼空谷挹彼
注茲有芬其馥既澄尔心亦瑩尔目所謂伊人
温其如玉宜尔壽眉荷天百祿錫之南陽為尔
湯沐

嘉定雜詩二首

黍熟湖田花鴨飛雨香秋浦
魚肥野翁織屨街頭賣日莫
裹笠沽酒歸

趁潮艇子若遊龍
潮落橫塘日下春
負郭人家星散住
水邊多種木芙蓉

崇山時州泊移居太倉

孤峯雲疊：舊邑草蕭：覓石敲新火
挈舟趨蚤潮沙田紅稻熟
溪網白魚跳寐寔悲秋客
蓬窗酒一瓢

寄郭仲義二首

我思垂虹橋滄波綠楊津
鄂：棣華宅瞰此江之濱
荷衣佩秋蘭野飯羹紫萸
一從橋上別花

羨三季春相思復相思為尔歌停雲

我思釣雪灘烟波數千頃
幽人讀書罷乘風放
孤艇沙頭弄明月水底見天影
鱸魚秋自肥楓
葉霜自冷釣釣未連鰲聊此駐清景

過太倉

楊柳溪邊繫客槎
飛花雨後柳吹花
東風地角環滄海
日夜潮聲走白沙
市舶物多橫道路
江瑤價重壓魚蝦
天妃廟下沉玄鑿
漕運開洋鼓亂槳

簡崔徵君

姚參政門人

牧菴夫子以絕筆巾笥藏書手澤存
白首遊將溪報國青雲多是舊同門
去年雪裡西郊別何日花前北海樽
芳草萋萋春又晚杜鵑聲裡憶王孫

和王文振遣興

齋居幽事頗關心
晉帖時時手自臨
徐孺不來常挂榻
鍾期相遇始彈琴
東風城市紅塵暗
長日軒窗碧草深
聖代明堂方有作
豈容材棟老

雲林

送陳縣尹之東泝

東泝父老候飛鳧莫遣前驅叱避途好問去年
天子詔邑中差稅受恩無

哭全僉事

蚤歲乘驄馬當時負重名四川豺虎縛一疏鬼
神驚解組歸江漢還家訪友生安知成永訣杯
酒呂蒙城

羣鼠

羣鼠穿我墉晝出不我避蒼頭徃執之赤手反
遭噬號呼驚四鄰狸奴盡呼至群狸視如盲鼠
輩送此逝老我氣力衰長吁夜無寐

寄惠山鑿長老字仲明号太虛

太湖之陽九龍峰金田蟄爾僧中龍山頭雲出
野漠々石眼泉落穀淙々呵冰古硯寫墨竹掃
雪臨軒看碧松別來兩度歲華晚祇見梅花信
一封

答友人問訊

官河春水綠粼粼，重結澌茅近水濱。
膝下斑衣三稚子，堂前白髮一慈親。
閉門無事足為樂，插架有書何患貧。
秫田更喜連年熟，釀得香醪味頗醇。

元日試筆

護草堂前竹數竿，歸來喜見總平安。
春風煖入屠蘇酒，朝日光生苜蓿盤。
萬國臣鄰同受朔，一年時序又更端。
買臣未衣還家錦，庸豎從教白眼看。

送新安陳以文先生入京

春雪初消楊柳黃，楊雄奏賦入明光。
鶯啼禁苑烟花暖，人着宮袍雨露香。
聖代百年周禮樂，儒林諸老漢文章。
政須直作揮椽筆，風月平分白玉堂。

和京口張君益南園新居

鉄城如甕歲華屋，金樹垂絲鎮画橋。
賀厦葵耒尋舊主，灌園人立候春潮。
戲題花月詩皆好，醉覽江山酒易消。
天意也應由遠客，兩師連日瀉

天瓢

王元德別去數年重會呂城諸葛氏家寫
蘭見贈且索詩送行時予辨惑徧成忌而
謗之者因併及之

與君一別幾十霜喜君學與才俱長向來作詩
方刻苦而今格律殊高古向來祇為竹傳神而
今復為蘭寫真懸崖疊石足然致古木寒藤有
生意胷中清氣吐筆端有教無聲俱可觀相逢
莫恨無知者練素盈箱乞傳寫絕勝編書片異
端老我穿屋牛衣寒十季歲月磨研鉄羸得群
龐爭吠雲願君為作指南車獨行周道當何如
會凌萬里見寄

移家一別十年多予髮蒼々子若何老去情懷
偏念舊向來消息頗傳訛遙憐杜甫因詩瘦欲
為楊雄載酒過稍待長江羣盜息洞簫吹我醉
時歌

送辛明善之縉雲監稅兼簡高則誠錄事
縉雲山水盤一舸夷猶七十灘如此壯遊

良不惡何妨遠別去之官風生白苧征衫薄而
過黃梅客路乾傳語郡中高錄事小編求序冠
篇端

題桃源圖

昔年曾讀桃源記會得陶潛言外意柴桑避世
如避秦恨不山深絕其事借人為喻說桃源漁
郎之遊皆寓言不然溪上山如故何乃舟迴徑
迷路若今此景真在山此翁必入窮躋攀編詩
不用書甲子姓名無復留人間只今唐虞太平
世花柳村垵足佳致不須重展画图看四海桃
源復何異

張子毅生日招飲以詩壽之

深山大澤生龍蛇文彩風流出故家柔橈負郭
田三頃燈火乃翁書五車南風初結石榴子細
雨微澆菖蒲花生徒女樂為君壽老夫也得醉
流霞

避雨

繫馬瘦亭東郵亭似鶴籠長河飛白雪高樹洒

清風州界總相接，鄉音便不同。野人未問字，錯認是楊雄。

無錫贈何敬存

歲：九龍峯寒泉落，冰雪美人此傾蓋。為我滌煩熱，去途自荆榛。肝膽無楚越，凭高一長嘯。清風滿林樾。

送崔仲德歸錢塘

家住湧金門，瀕湖五畝園。梅邊童養鶴，松下客呼猿。頭白心猶壯，官卑德自尊。徵車未來日，詩禮教諸孫。

送盛本初教諭之全椒

淮海維揚才俊多，先鞭柰爾妙年何。瑤花春酒三年別，滁水秋風一葉過。聖代只今興禮樂，人家是處有絃歌。安書寄與南來鴈，時有新詩到

薛蘿

時乃翁克明先生為毘陵教授故云

辛至善永思亭八韻

而家本西城，而翁莖桐鄉。人猶永思哀，况諸郎春雨暗。宿草秋風悲，白揚別來春復秋。於

奉丞嘗思成見容色宛在美與牆一念不少
休東流水湯之到海水猶已此心未渠央貽謀
子若孫百世豈有家

次韻陳知遠秋日言懷

奔牛古堰頭築室倚滄洲愛客常沽酒耽書不
下樓青山啣落日白露濕高秋最喜多兄弟雙
百不憂

諸葛用中成趣軒九韻

幽巖小園池結屋三四楹若人青雲器乃有丘
壑情之園以成趣尚友陶淵明池水魚藻之華
枝鳥嚶之太極圖外意芳草階前生吾趣吾自
知對客無以名故識琴中趣且聆絃上聲故識
酒中趣百壺與君傾啖蔗勿遽棄佳境將來迎

李御史過訪

霜飛白簡照南臺蚤歲君門謝策未獨立敢言
天下事實封頻到御荷開駢之馳馬過茅宇憇
之縑袍念操材慚愧山林麋鹿性偃然方樂卧
蒼苔

題画鷹

蒼鷹獨立清秋樹，劍翮風生欲飛去。
林間燕雀動成群，海上駕鵝亦無數。
駕鵝喚雀鳴聲喧，擊之不擊無足言。
快須為我殺鈎鷄，勿使室人之曠城。

曹娥廟

死孝魚龍窟，垂名簡冊香。
江流隨姓氏，鄉土奉烝嘗。
黃絹碑辭古，青山宰木長。
世間梟獍子，何面過祀堂。

伏日奉懷江浙高掾吏次早友人黃仲德入杭以詩代簡

伏日常年苦炎熱，今季伏日風雨涼。
官曹蚤出丞相府，賓客高會湖山堂。
垂楊繫馬綠陰靜，畫舸採蓮紅粉香。
應有新詩紀行樂，武林風物增輝光。

河魴十一韻

世言河魴魚大美，有大毒彼美吾不知。
彼毒聞已熟，其子小如芥，食之脹如菽。
腹腴膏血多，日

脾頭項縮烹燻苟失飪禍至不轉矚或言直一
死輕命重口腹尔未廿里間枯美數家哭譬諸
安與史敢用甘顛覆溺愛多不明奚止一水族
作此河魃詩逢人敢忠告

過鄒道鄉先生墓有感 十六韵

忠公天下士夙學能慎獨平生寸心赤耿々照
黃屋元符引裾諫痛甚賈生哭上言正中宮下
言斥當軸直道時不容除名竄荒服建中及崇
寧寵辱手蕃覆炎蒸嶺南地文章散清馥晚歲
歸故山林在竟埋玉向未望佳城鬱々暗松竹
今為禾黍區春雨畊穀翁仲知何歸雲仍困
無告嗟予佔畢生斯文賴私泚願言理侵疆重
植上木愚公將移山自謂計已熟精衛填歆
海可柰力不足傷心復傷心殘碑卧荒麓

簡吳門葛可久 九韵

東南古吳會江湖浸坤軸闔門萬人海驪珠混
魚目嗟尔珊瑚枝光采照壑谷挺々八尺軀便
々五經腹復用岐黃書教子時共讀座有焦尾

桐樽餘荔枝綠我室雖甚遠扁舟往來熟此別
獨經年美墻見鴻鵠珍重應時須抵鵲毋以玉
時分省募文武士聞可久
款應命故有末句

寄謝京口俞府判先生辨惑編序 九韵

憶昨携槁梧往學太古音清風一揮手為我湔
蓬心言歸臥空谷神飛繞惟林寄來明月珠價
重復南金豈不懷報章慚愧秋蛩吟人生少會
遇歲月何駸尋晨瞻蒜山高夕覽江水深江山
渺予懷塵世盈我襟行當駕黃雀後遊閬風岑

瓊花行送盛克明教授歸維揚

揚州好花非不多柰爾絕品無雙何水沉香骨
素玉蕊琉璃滑葉青瑤柯東風二月荅時節二
十四橋香浸月小山叢桂避芳塵東閣官梅褪
殘雲向未名士多品題括香御史今亦知何日
移春獻天子不負此花天下奇

王長史代祀天妃回偶留常州為予作辨
惑編序驛亭飲別以詩謝之

使者祈霽海上回蛟螭遠避漕船開入朝將進

賢臣頌當路皆知館閣材
傾蓋道邊欣邂逅
車林下久徘徊
綵毫題我蒲編去
鸞鳳回翔燕雀猜

奉同干尚書賀高太尉承恩詩

紫鳳銜書下日邊
一搏金幣禮高年
天恩已見耒三錫
月俸猶供食萬錢
綠塹午橋間几杖
長州茂苑美山川
舊家池館花如錦
簫鼓春風送酒船

次韻陳心遠久雨 七韻

秋風卷蘅茅我屋漏已
以春耒復多雨水馬階
下走人皆憂巨浸我謂晴
可守獨憂東海上連年聚
群醜官軍涉鯨波鼠輩未
梟首兩疇化沮洳閑我扶
犁手何以解此憂山鉞瀉
春酒

喜復鄧忠公墓田賦絕句十首謝兩郡侯

新松重植古人墳
五馬同耒兩使君
歸我侵疆三十畝
山霧慚愧謝移文
白頭翁媪倚林莊
咲指荒丘舊石羊
誰料百年荆棘裡
又看金紫奠楸漿

奕々祠亭春雨生青山紅塔照簷楹檐前燕雀
教何喜冠蓋如雲為落成

去年風雨暗素麻今雨楸梧一望賒寄語無情
臬鏡子壠頭啣吐有慈鴉

傾囊不惜購殘碑為愛前朝幼婦詞賴有賢侯
知古意從教俗士咲書癡

府公遺愛沾幽壤禮部文章勒翠珉寒食清明
人洒飯落花飛絮鳥啼春

里翁猶記前朝事五馬幸々上冢來白鳥能言
高柱立黃楊合抱細花開

青山無數麒麟冢人到林莊下馬過為問路傍
楊柳樹向來興廢事何如

景鄒亭在稼亭東斷礎猶存草莽中羣圃何時
重構築美牆長見道鄉翁

千古一坯忠義土青山門戶碧溪陰溪流冷浸
中宵月照見先生未死心

二月歸田舍作五首

十年為客不窺園數日還家獨閉門兒女牽衣

拂塵土親朋折簡問寒暄江南花柳青春好淮
上風烟白晝昏聞道賊渠今磔死雨窓歡喜倒
芳樽

余生甘分老漁樵竹徑柴扉掩寂寥舍後薄田
堪種秫門前流水喜潮通人遭歲歉殮榆粥天
假春晴養麥苗早起馮高望西北楚氛猶似未
全消

天開鉄網放鯨鯢甲馬歸營罷鼓鞞四海蒼生
皆鼓舞三苗何物竟昏迷愁聞近日軍需急幸

得新季米價低春雨隴頭畊未得素林布穀為
誰啼

鴉鳴鵲噪總無靈庸儒譌言更莫聽萬國山河
春蕩：一時烟霧画冥：官軍自足追窮寇縣
吏猶勞募壯丁何日賣刀仍買犢花村雞犬共
安寧

飛芻輓粟未能休嗟我鄉隣日夜憂何事群兇
恣猖獗半年諸將擁貔貅桃花過雨紅顏老杜
宇傷春血泪流堪笑腐儒無可用下帷依舊說

春秋

記夢 并序

至正十二年六月初八日夜夢於先人舊居之
後堂看故兄所遺春帖有讀書傳家苦語因
念先人嘗言曾大父以儒名家從父領鄉薦
為校官我兄猶好學而文今其孫無肖似者
次兄二子皆廢學吾三子亦未成立以此感
泣既覺而涕洒交頤心甚怵惕因作詩以示
兒

苦熱夜難寐坐以方
娘息夢歸巷南宅竹樹皆
歷歷伯兄手題詩猶存後堂壁
余時因感傷先
世本逢掖書教今窳寥寶樹化荆棘立觀楷書
字哭泣淚沾臆覺未憶詩話白月光滿室重念
古澤微門衰自疇昔我方垂髫時伯父死於溺
音容兩茫然了若不相識但聞能孝友風姿頗
清逸四十五六年遺文總狼藉題壁尚何有以
夢生此夕予生雖無成多賴讀書力揩劇鏡上
塵積累機上錦嗣續幸不泯所願能自植木也

年十六林亦及二七阿森今九齡父母俱愛惜
不為樵牧童又不學稼穡當窓與雪案寸晷宜
自惜讀書承世業此語真藥石汝曹能黽勉是
亦尊汝伯旁觀勿相咲說夢等兒劇

客未

革孔頻移轉覺寬酒杯雖舉不成懽客未為說
紅巾苦窓下榴花亦怕看

進士馬仲達為常州路錄事司達魯花赤

監築城以詩見示余次韵答

風欄抱膝聽鳴蜩頗覺隣鄉有叫囂四海百年
歸一統兩階何日格三苗斗城新築閉門蚤鉄
騎南征去路遙年少參軍金榜客可無奇策上
丹青

至正壬辰十月廿二日於妻兄任氏家避
亂得家兄信感嘆而作

避地橫山下離家十日餘鵠原常在望魚素忽
傳書猛虎走城郭瘦蛇生閭里歆歸未得搔
首獨躊躇

初度有感

我生何不辰垂白遭亂離鄉城箭滿眼咫尺不
得歸百年今已半喘息能幾時素蓬負初心夢
義有餘悲慚愧朱買臣富貴能自期男兒無所
成百齡亦何為對酒不復飲把劍空歛歛

寇退別詹魯賢

君家天台下我家隔湖邊針芥一相投膠漆四
五年蒼黃避群盜妻子同一船中途善離散經
旬各憂煎再見若再生相依益相憐橫山樹歷

歷東洲水濺二山水非不佳旌旗日紛然兩家
妻與子一月夜不眠明發竄榛棘衣被裹索饘
莫歸客欄下耳語青燈前葵心傾太陽杞國憂
崩天逝將哭秦庭乞師掃風烟臨期賦遁去此
志後鬱然坐閱明年春東風草芊芊慘別斗城
下相顧猶夔蚺重結生死交永矢金石堅

送京口劉千戶歸營十二韻

桓桓千夫長曾有萬甲兵生長太平世終日醉
六經一朝着兜鍪躍馬出瓦城擒賊不知數報

國丹心傾台司方論功憲節偕按行部曲嚴武
威瘡痍撫罷此寶刀洗荆溪鉄馬歸柳營鶯花
已春暮艸樹猶血醒一雨殊足喜四埜布穀鳴
吳兕賣牛劍買牛事春畊願瞻天地間埃氣未
全清何曾盡掃除丈夫功業成

過金陵明道書院訪友人高孟立山長適

過秩滿且有側室洗兕之喜作詩賀之
客未鳳臺下適見生鳳雛班班五色羽喙百
尺格衆客席上珍愛君掌中珠度曲紫玉簫瀉
酒黃金壺起舞為君壽試啼呼阿奴梅花亦解
事含咲女庭隅

題陳時舉宅畫壁十一韵

雙松歲寒姿拳石太古色我昔山中遊憇此松
下石松花雪霏松葉風瑟瑟安知此清景相
對復今日擎空兩髯龍乃在一書屋主人罷鳴
琴宴坐室生白客未苦炎熱倚樹欵推幘不聞
天籟鳴但見空翠滴煩衿頓如洗林壑幽興適
經月數相過明朝有行役黃埃赤日中令人轉

相憶

孫伯昭與陳天倪用簡齋一涼恩到骨四
聲事多違為韻賦詩見寄余和奮之

薄田西河上種穀多種秫秋來喜甘雨牀頭釀
真一我思山中人不見如參商蒲萄好留客毋
用博西京秋水漲百川無人洗乾坤堪咲閭閻
下空懷報主恩東齋可談書西齋堪寄傲山中
儘寬閒俗客自不到淒淒草上霜耿耿天上月
遙憐兩淮地千里照白骨吾生西復東徒以口
腹累懷哉安樂翁不出時有四明月足可喜好
句無用覓寒蛩為誰悲唧唧鳴四壁殷勤語兒
曹要識一丁字明年世清寧依然重文事主人
錦甌能飲客金叵羅遙憐古岩桂香似廣寒多
持身服苦澹適口忘甘腴青雲丈夫志白首填
無違

哀陶克佐 并序十三韻

至正壬辰冬紅巾陷常州驅州民攻京口不從
者殺之我邑人陶君克佐不幸為賊所得且

欲併驅其諸父昆弟以行君厚賂之以一身
睨衆人之急從至丹陽聞官軍鼓噪毅即倒
戈刺賊渠墮馬因被害時吾里有識君者既
而語其事於予、以君嘗讀書知 順故誠
信而悲之閱二年方欲問詩水濱筆之野史
以暴白其難明之心其族人有為之後者尋
君衣冠予述前所聞作詩哀之

嗟尔練湖水不洗斯人汙冤血化為碧春雨生
苔蕪皇天有老眼斯人寔何辜生當太平日三
世家業儒本無縛雞力苦被豺虎驅孰知能賈
勇倒戈誅賊渠銛石一寸心齏粉七尺軀而家
既能全而憤亦以舒但恨薰與蕕混然骨同枯
華表鶴不返竹林啼鳳雛衣冠蔽古丘魂魄遊
清都擊賊作厲鬼當與張君徒天高不可問愁
雲盡模糊

兵後到杭馬掾史置酒見招且示以所與
石處道丘長卿西湖倡和之什次韻一

首

西湖山色冷如灰
前度劉郎今又來
紅粉畫船今寂寞
斷橋流水自縈迴
一堤寒柳風烟老
兩鬢飛蓬歲月催
賴有故人能慰藉
綠樽重對晚山開

西湖曲

西湖春水綠於酒
西湖女兒嬌似柳
依稀二月三月春
攀折千人萬人手
我有一索青銅錢
明朝也買下湖船
試歌斷臂孤兒曲
湖上豈無人會傳

自錢塘回舟中懷馬掾中

省前山色翠欲滴
幕下官曹清且閑
公退每傾鸚鵡盞
客未頻藝鷓鴣班
坐看急雨沾花席
應念扁舟出柳灣
白髮鄭虔壇未暖
還家方苦路間關

舟中懷辛至善

春草綠如許
之人猶未歸
江東雲度水
馬上雨沾衣
王事驅馳久
家鄉信息稀
多清舊時奠
還繞画梁飛

望官軍

揚子江邊群盜來
奔牛呂城飛劫灰
客懷每日鬱不樂
咲口幾時能復開
東郭流離人似蟻
西邨格鬪鼓如雷
官軍望斷無消息
獨立斜防首重回

示長子木 二十韵

萑澤聚羣盜池魚恐遭殃
喜今避地去溪上
一蓑杭汝妻扶汝
毋小婢携索囊
水角汝兩弟隨行色
蒼黃僕夫偕女
晉家居謹周防
屋後林有竹林
後園有素祖
宗百年墳高樹
蔭斧堂汝為
吾家嗣承家
奉烝嘗興廢
固有時生理無
怠荒但無溝壑
憂可待時世
康鄉鄰或侵
陵勿與較短
長韓信跨下
辱自度勢莫
當婁公面上
唾不拭庸何傷
彼惡汝勿為
口亦勿播揚
天定能勝人
善惡報乃彰
松柏耐歲寒
葵藿傾太陽
此身可壅粉
此志勿改常
汝幼頗醇謹
亦嘗聞義方
稍暇仍讀書
慎勿弄杯觴
行看太平日
斯文復輝光

嚴將軍戰馬歌 并序

至正乙未春常多盜省府調兵捕之浙東宣
慰司元師嚴公未總軍事幾未無錫平移
軍武進一日搗未富莊賊巢軍中失二馬
明日賊乘之抗官兵烈塘上二馬聞金鼓
未奔賊控勒不能止遂墮地馬立踴殺之
官兵大捷故余烈塘之民感神其事畀余
作詩以美之

往聞齊軍夜路迷范馬前導人追隨又聞的盧
躍檀谿漢業復立以南隅古去良驥稱有德未
有驍騰能殺賊將軍兩馬馱賊未雲霧四起生
風雷紅綃帕番禺何物霜蹄一路成飛埃軍前
認主鳴且舞驚倒熊羆與貔虎群兇膽落不敢
追官軍凱還搥大鼓馬兮馬兮誠有功須知感
物由老戎將軍接逆武惠功煌煌史冊書敦篤
爾馬名亦垂無窮

別姻家尹居士尹氏在居金壇尹子橋其孫
可傳者予女妻之故避亂挈家依焉未幾

寇兵自漂陽至予遂寄留家具及古今書八
百餘秩復回故邑矣

烽火西來滿眼紅
歸帆忙挂鶴溪風
蛟龍劍伏
鄴城下科斗書藏
魯壁中邠老自憐
能世出
生誰信又途窮
一盃此夕知何夕
兒女挑燈
語同

贈花御史掌侍文尹晉陵

冰雪襟懷鉄面威
井鄉重過思依依
州官踟躕
迎驄馬父老欣
懽識綠衣
閩越地偏滄海
接江



龜巢彙卷之三

養竹成大林

養竹成大林頻年竹生孫美竹非不多惡竹亦
已繁群奴為洗之往哉聆我言美者慎勿傷去
惡必去根勿虞爾斧缺勿憚爾力煩宿莽蕩無
餘清風仍滿園

樹頭鴉鳴鳴

樹頭鴉鳴鳴農人起耘苗問之何爾忙良田莠
驕去季賴較遲草蔓人力寡稂莠非不除卒

以害吾稼吾聞農人語猛省天下事養虎常害人玩寇亦如此

移家金壇尹干橋奉寄俞用中先生

辟地金壇縣懷人鉄壘城戰塵今滿眼憂國豈忘情北固山無恙中濡水最清卜居何處好為我主鷗盟

大父卒宋末葬烈塘之東墓松合抱者數百株一旦為鄉豪伐去郡縣弗能禁想之今省亦莫敢誰何應芳痛憤于家形於夢

寐至正十六年二月二十六日也

常年掃松寒食朝紙錢挂之松樹腰今年無封堪挂紙冢頭插竹風蕭々孤兒抱怨吞酸哭躑躅歸來卧茅屋夜深忽夢蒼髯翁手足裹創頭髮秃告言淮襄荆楚間群兇殺人連數年名門世胄皆赤族鞭楠豫章何足憐吾方欲問天下事鷄鳴夢破心如醉髯翁恐是十八公天邪人邪誰降凶

五噫歌

大明胡為而翳予噫大凶胡為而裂予噫觸邪
之薦角胡折兮噫祥麟在郊足亦剛兮噫天乎
遺黎豈至是而底滅予噫

憶兄 八月中結友

平生愛緇侶逃難亦與俱骨肉不相顧安危竟
何如銅馬從南來殺人血成渠一炬灰萬室九
原槌含珠懷我眷今原何時逢華廬橫山絕高
處獨立眇愁予

三五七言

角蛇啼翼虎飛百年鳳雛環五色鷄雛饑盲風
怪雨已連月青天白日寧無時

歲莫獨歸

浩：北風吹戰塵還鄉無復見鄉人四郊荒草
斜陽外一樹寒梅野水濱偶有新詩題甲子忽
驚初度過庚寅僧廬夜宿明朝別默念我蒿汨
滿巾

西膠山雪晴

寫呈無錫州戶遂蒙眾
吳家渡築城之後

一夜雪深二尺強石人墮指冰蠶僵猶喜金烏

兩翅凍不折天明飛出海上之扶桑老夫晨起
膠山下風景看來渾似畫連山萬頃玉為田隔
水數家銀作舍田中築城團義兵日高未飯饑
腸鳴黃泥凍地硬如鐵白柄短鉏鏗有聲不辭
受寒饑但恐虧工程將軍踏雪來點名萬夫鵠
立顫且驚馬前壯士五色棒：頭性命鴻毛輕
予生悔不習兵法雪夜擒吳書奏捷客欄抱膝
漫悲謔素爾義兵寒苦何

丁亥歲旦徐達鄉席上作

主人飲客斟花酒笑語春風口角生久而忽晴
人共喜又聞周鄭欲尋盟

元夕寓田舍有感

憶得去年王正月錢塘風雪正頻繁馬周獨酌
新豐市韓愈三書光範門喪亂不霑新雨露饑
寒今憶舊田園埃山西畔孤村裏借屋篝燈過
上元

贈錢夢弼

連雲第宅埃山西喬木森與屋齊萬國熊羆方

血戰一林鸞鳳自幽栖東風池館春如畫長日
笙歌醉似泥吐酒錦茵容楚客新年十日九招
携森

丹陽陳天倪及其弟剛中奔牛陳心遠等
諸羽士辟兵洞庭山寄此代簡

洞庭林屋聚群仙問訊曾逢賣橘船湖上白魚
多湍尺山中朱果不論錢仙家犬吠雲連屋澤
國龍吟月滿天辟穀有方煩寄我吾將多與世
人傳

陳太翁過壩山客舍情話連日追悼母氏

使應芳情見予

翁名師可字伯大宋常州通判之子

外親家戚惟翁在相見猶能話阿嬭三夜客窓
同寂寞兩年兵火各流離可憐今雨窮途客誰
識前朝郡倅兒前世青氈零落盡行囊留得數
篇詩

寒食日間鄉信口占

隣舍驚呼避蝮蛇老妻嗔怒唾烏鴉誰知昨夜
三更雨又送春風一度花寒食清明人上冢夕

陽芳草客思家愁未復遠青山去何處壚亭酒
可賒

訪孟伯堅周履道不過

班馬文章駕竝馳雲龍追逐去何之門前流水
垂楊柳屋上青山噉子規三月又逢脩禊日一
觴還憶太平時可憐潦倒無家客滿目風塵兩
鬢絲

刺促行次履道韻

刺促何刺促江上秋風破茅屋誰憐杜少陵長
歌之哀甚哭於故山可望不可歸鬪牖臺高春
草綠浮雲滓日竟誰洗烈火連天勢難撲三農
不復把鉏犁風雨荷花戈城上宿於乎人生有
子作征夫不如返哺林間鳥

題春林雨意圖

前山後山雲氣濃欲雨不兩天無風記得去年
初夏裡此時船過潏河東

懷周履道六韻

平生多朋游窮途見交態每歌杖杜詩重念伐

木麋孰謂新相知
情如舊親愛於書
辱殷勤授粲
慙行邁老我無能
為執德心未艾
秋風自搖落
松柏歲寒在

狗寨謠

注聞淮西軍食人狗亦有寨屯如軍是時江南
幸無事尚謂傳者言非真安知吾鄉今亦爾地
方百里皆荆榛三村兩邨犬成群見人如見東
郭魏跳踉大噉猛於虎坡陀高踞狡狴路旁
青草堆白骨天外飛鷲御斷筋征夫早去膽欲

落窻鬼夜哭情難伸可憐性命莽饕腹注：多
是逐鄉民向未喪家狗絕食遺骸或與狐狸分
乘時為暴至若此：事千古同悲辛寢皮食肉
不可得張牙弄爪何由馴虞廷九官分厥職益
必掌火山澤焚犬乎犬乎胡不革尔心全尔身
主尔主隣尔鄰搖尾乞食仍相親毋使犬若之
名天下聞

壽玉山人

黃梅雨歇南風清
綠槐如雲陰滿庭
胡髯雪雙

白眼明長日細字箋龍經有時忽著道士服騎
鶴三天奏符籙天上神僊知姓名人間富貴羞
馳逐翁年已老何矍鑠姮娥應授長生藥我未
避地方卜隣翁與談天甚樂酒邊卻笑豁豁翁
吾年與同心不同鷹揚未若漁釣好周家自有
群巖熊平生毛穎與親炙老去迺生尤莫逆白
鷗之盟君勿渝門外紅塵一千尺

八月十六日顛沛中見顧玉山蒙置酒嘉
樹軒相與痛飲懽如平生且有來夕草

堂之約既醉而別賦此以贈

來往東吳三十年吳人多示好詩篇片言堂下
知駿葭一咲樽前壽魯連嘉樹連雲秋不老桂
華如雪月仍圓烽烟只隔重湖水且為交惟理
素絃

留別顧玉山將往杭州卜居 二十韻

垂白遭多難蒼黃走四方吳人今入貢越寇復
侵強百戰山河破三邊草木荒軍容皆赫々徒
御亦揚々舉士思投筆農夫習臂搶誰令網紀

壞未改琴瑟張卓尔文章伯平生錦繡腸琴書
曾不廢軒冕迥相忘愛客坐常滿耽詩夜亦忙
登龍嗟潦倒鳳鳥與翱翔說頃口不輟留髡興
甚長百篇詩倡和屢舞酒淋漓老驥羞踰伏餓
鷹欲遠揚憂天如杞國辟地卜錢塘丞相聞新
詔除官卒舊章覆蕉曾有夢腐草或先光蕭
颯雙蓬鬢漂搖一葦杭萬斷金自躍何以玉能
藏海底珊瑚赤松根琥珀香明朝重回首嘉樹
鬱蒼蒼

贈道傳上人

偶識廬山遠山莊借屋居撲雲分臘酒踏雪送
寒蔬門俯溪光迥窓含野色虛相過兩不厭燈
火案頭書

送蔡伯昇辟兵澱山依故人

典衣沽酒磧沙頭送客携家訪舊遊虎窟携耒
挑竹杖鷗波蕩去木蘭舟黃楊偶片今年閏老
菊重逢九日秋覓得桃源堪辟世結隣當與老
菟裘

陳湖夜泊

平湖清水清如鏡，照見潘郎兩鬢斑。
帶箭飛來何處鴈，一聲哀怨入雲間。

訪澱山因自明習無學二禪老

西風滿帆天所假，扁舟過湖快如馬。
欲尋漢父問桃源，因訪高僧遇蘭若。
南能北秀兩魁竒，翠竹黃花總瀟灑。
相逢握手問流落，試為從頭略傾寫。
生居揚子大江濱，老我返陵力田者。
群兇西來火三月，四境更無茅一把。
鄉隣死戰血漂杵，妻子生擒肉為鮮。
隨波幸若魚漏網，失窟驚如鏡在野。
山中碧松堪療饑，池上白蓮宜結社。
咲語同行有髮僧，數見不辭禪板打。

懷玉山隱君并簡其子國衡

錦翻鸚鵡雜海上，回無端鷗鷺失。
驚猜青山靜對機，心息好客相過咲。
口開魚躍冰池堪，入饌蛆浮鴈瓮足。
持盃官軍赴敵忙，如蟻柰爾重門掩。
綠苔

懷袁子英

疇昔尋君竹浦西，芭蕉葉上姓名題。別來歲晚
相留戀，行到窮途孰指迷。兩鬢風霜秋颯，一
蓬烟雨晝淒。遙憐冠蓋高陽里，長伴山翁醉
似泥。

懷諸葛用中

每憶君家書畫舫，夢魂飛繞太湖邊。干戈滿地
無休日，萍梗他鄉又一年。西北天高烟霧隔，東
南海闊水雲連。何當覓得蓬萊路，相與從遊采
藥僊。

至正丁酉冬玉山燕客芝雲堂適有時景
自海上來以黃甘遺之玉山乃分餉坐
客且曰吳中以連年擾攘無之今有之
諸君子不容無詩故有是作

青巾西來人食肉，逃難西山采黃獨。上書不伏
光範門，忍饑寧負將軍腹。玉山煖客，滿堂香
柑新帶永嘉霜。分金四坐照人面，漱玉三盞清
詩腸。山中椰瓢大如斗，吳姬擘棗薦春酒。酣
遙指洞庭山為問，木奴曾貢不頻年。兩浙阻兵

戈黃甘陸吉不相過此時共享此佳果胡不取
醉花前歌漢庭傳柑還賜宴應念江南久征戰
聖恩有召息蠲租可柰數州人已無

贈錙元臣何士安二省郎

冬十二月一雨滂婁江水高三尺強翩然使者
傳令急肅官軍赴敵忙日出山頭雲氣白春
回海上柳枝黃捷書明日報樞府連鋒少年增
寵光

錢夢弼移舟過姜里後三日予往見之適

夢弼卧疾董子正月賦此為別

猴山之別苦倉猝甫里相逢說亂離喜見新年
正王月重瞻舊日漢官儀酒盃不惜金魚換藥
杵何勞玉兔持借問董家雞共犬有無祥瑞似
前時

謾興十一首

甫里水東頭垂蘿繫客舟客心清似水吟鬢白
於鷗詞賦知無用于戈苦未休蓬窓三日雨農
事憶西疇

五十不富貴蹉跎又六年新愁添鶴髮故國暗
狼烟白帽看雲坐青燈聽雨眠癡兒書懶讀翻
咲腹便：

吳地方千里齊民總荷戈人生無可柰天運竟
如何米市黃金賤沙場白骨多故山時一望老
眼泪縣河

伐木燒官炭中林霹靂飛窮猿無可擇飛鵲更
何依野雨生稊稷山風長蕨薇兕曹能采拾猶
足憫年饑

吳女何多巧吳趨佞楚教市厘方易肆朱粉復
傾城壓酒莢花鳴彈箏細柳營將軍正年少相
顧若為情

閭闔城下柳誰種綠陰成樹繫浮江馬枝遷出
谷鶯我朝方用武僧寺總屯兵猶喜湖田熟街
頭米價平

田舍方東作州家要義兵頻湖圍水寨斲石甃
山城柳暗村烟暖芹香潤雨晴荷鉏婦未浣布
穀為誰鳴

盡道從軍好封侯甚不難羽書頻報捷相府即
除官北鄙烟塵遠東風雨雪寒腐儒人共咲白
首鹿皮冠

赫々千夫長搖々四櫓船輕如躍馬冠退欲歸
田策笠松江上犁鉏穀雨前只愁邊報急生計
又茫然船

太湖三百里流血水雲腥戰鼓有時歇渙歌無
處聽飄零孤鴈白慘澹遠山青題摘音書斷令
人憶洞庭

近聞哀痛召使者又江東兵革何時息車書四
海同落梅春雨後芳草夕陽中倪仰長流涕窮
途一老翁

顧國衡萬戶席上與乃翁及元璞長寄教
客把酒賦詩各成七言四句韵

客未寒食清明日每日春風醉玉山綵筆醉題
鸚鵡賦寶香頻爇鷓鴣班簾前倚竹翠欵滴地
上小桃紅更殷按得錦箏新製曲隔花黃鳥共
間關

宿壽上人山房再和金西白長老韻

春來淮楚兵方息今夜村莊犬亦寧
分得梅邊半窓月借看松下兩
函經屋山風颺茶烟白江
浦雲連樹葉青來往風流似
支許獨慙吟髻已星星

訪積善寺貴上人適與旌德寺學無為明

月律詩集四人年皆五十有六酒邊聯
句共成一律既而又各和一首

四人二百廿四歲連翁一日酒傾三百杯月底

醉裏不知浮世狹無為吟邊但覺好懷開應芳

春雲冉冉連紅樹連翁晴雪紛二落桼梅月底

邂逅相逢離亂日無為布帆無恙亦佳哉應芳

四人二百廿四歲野老浮家僧渡杯共喜江湖

春水靜遶遶西北暮雲開神僊換骨元無藥宰

相調羨自有梅昔酒正須終日醉二鄉佳處亦

悠哉

送梅州判之崑山

百戰歸來佐一州貂蟬遂此出兜鍪
登山成近海

金湯固市舶通蕃食貨稠下馬正逢梅子雨勸
農須趁麥花秋薦賢不負尚書意治最功成秩
更優

端午日瑞光寺西白長老方丈作

藕花池上端陽日菖歎香浮藥玉船可喜山僧
能好客常容楚老醉逃禪連宵雨漲三江水當
午雲開一鏡天醉倚浮屠望鄉國橫山依舊暗
烽烟

對雨書懷

書生得句百憂忘更喜新知共一方醫士為焚
賒藥勝指領產鄰僧借與讀書牀指壽道十年鄉國
烟塵暗五月江村風雨涼不用弱流三萬里地
無豺虎即仙鄉

次韵贈管伯齡

風連四海塵身世等一漚斯文章未喪同類猶
相求蜉蝣果何物敢作撼樹謀諸公新亭泪可
咲學楚囚我無西園金孰問東家丘嗟尔一片
玉產此崑山州天門九重深獻納亦未由江邨

茅屋雨湖田稻華秋門外車有轍窓前水長流
時無華子魚幼安誰與儔濯足弄雲水商歌興
悠：胸蟠五色綫唾視
鉞芥適相遇珠
璧驚暗投酒盃接慙慙詩盟結綢繆千金享弊
帚猶曰不易酬新知如古交一咲忘百憂停杯
問蒼天干戈幾時休金風雖乍起火雲未全收
溪橋柳陰清繫我三日舟慘執不忍別相期重
未游

甫里先生

有田二頃可無官况復時危行路難丹鳳徒勞
銜詔下白鳧自放出闌看春從願渚隨茶竈月
向淞江伴釣竿舊宅不知何處是浮屠樓閣倚
寒高

次韵袁子英過吳江蕪簡琦龍問

孤城當澤國潮撼勢如浮拄杖尋僧寺長橋繫
客舟江寒楓葉落湖暝蝮蛇遊寄語龍門客詩
盟莫負鷗

江上女和子英韻

妾生吳江上阿耶最鍾情十五嫁夫壻紅顏如
舜英別來各天涯所共惟月明妾守江上宅夫
戍邊頭城江上畏行露邊頭防斫營一朝義當
盡性命鴻毛輕死願化葵藿西之心同傾

送頌玉山遊東南諸山

我愛向子卒婚嫁畢兒女卒生掌中珠棄置若
敝屣百事不挂眼五岳縱遊武朝與麋鹿遊莫
與泉石伍泉石初無情所喜絕塵土楓風出林
磻笙瑟音調古但聞幽鳥鳴猶勝俗人語咄彼
貪墨徒躋澄照金塢遺臭千萬年其禍皆自賈
吾知子平心夙昔暮巢許矧茲風雨秋摧蘭折
蘅杜往哉山水窟幽期赴緇侶解纓濯滄浪若
花八風舞老我病江沱臨風為延佇

和顧仲英金粟塚塋集詩

我昔過北印立馬山之隈為問隴頭樹皆云後
人栽生前樽酒誰不有無人到此自對青山開
屋堆黃金立侯貴難免白骨生蒼苔最憐古士
或枉折有如爨下焦桐材玉山先生達觀者曾

次不著閑悲哀清歌携客墳上飲麪車載酒山
童推大咲昏魂乘白馬深慚繇魄化黃 墓銘
自製身自挽視身不翅輕如埃鸞翔鳳翥玉箸
篆虎踞龍蟠金粟堆鶴群三統嘉樹舞龜跌並
載豐碑來長吟復短吟此興何高哉秋風無情
摧萬物芙蓉亦老胭脂腮咲言他年翁仲共寂
寞何如此時賓客相追陪功名絕愁根富貴脫
禍胎百年能幾日一日能幾杯從茲秉燭長夜
飲猶恐四蛇二鼠忙相催主人爛醉客亦醉絕
倒不顧傍人咤北望中州數千里人家盡作兵
前灰鬪髻委江郊多是賢與才忍饑自作首陽
鬼獨醒誰念湘江纍神仙初無不死藥方士浪
說尋蓬萊君不見無邊之海白淼々無名之山
青巍々長鯨噓吸成風雷徐氏一去何曾回

玉山以予欲徙居淞江之東設席書画舫
邀袁子英陸元庠恢上人用江東日暮
雲分韻賦詩以餞予得江字用以留別
浮家野老隻目龐擔柁欲度吳淞江東將入海

釣濤隴玉山、中別老龐西池之屋如舩、樓左
圖右書堆滿窓燈花搖、落銀缸葡萄灑、傾
玉缸四簷白雨飛流淙若裂媧石銀河津主人
長歌客按腔翕然鍾鼓相擊撞酒酣捉筆如長
江千軍可掃鼎可扛諸公大才齊楚邦騷壇老
將霖麾幢客未投戈乞受降乃辱贈以白璧雙
明朝短纜擊舊撻馮夷前驅鼓逢、海濱懷人
倚石缸書筒時寄黃目龐

耒龜軒詩

為頌山玉作

維歲之初兵闕邑里我鎬其肩以辟以徒今我
未思室有尔龜我墉弗穿尔從何耒委蛇委蛇
爰曳其尾耒申之祥云胡不喜我尹伊威我牖
蟪蛄嗟我嬾子亦孔之勞尔其泥途我家我家
豈不尔思以名其廬瞻彼池水有蒲有蓮尔居
尔游宜永年

袁子英偕宗別傳過天慧庄目獲晤言夜

話之餘口占以贈

短髮蕭、雪滿簪老禪方丈挂瑤琴月明每憶

許玄度歲晚同耒支道林四海干戈猶在眼百
年軒冕總無心梅花玉立西窓下相伴哦詩到
夜深

子英之玉山顧隱君今於同里法 寺樓

居日抄佛書至午而止餘暇則吟咏不
輟雖親舊未訪亦不往答焉余日子英
復去作此代簡

客來喜得平安信蕭寺樓居日掩扃湖近浪搖
窓影白地偏苔沒履痕青群賢方結蓮花社小
寒汀

送照元明任白馬

老梅飛去迹猶靈七十二峯湖上青已喜黃龍
新說法無勞白馬遠馱經六時花雨狡狴座五
色雲開翡翠屏挹取寒泉同煮茗予將歲晚過
禪扃

冬至日陪高太守坐愚隱山房讀易有感
一殼渾沌破二氣從此分消長固有時燮理亦

在人云胡數年內濁亂暗楚氛維時當嚴冬衿
衣暖如春中林竹抽萌花開雪紛々陰極陽復
生踐長喜絃晨蒲團踞禪榻藝窓對爐熏筌蹄
讖支許羨墻見義文喏狀我志吾萬事何足云
人日懷管伯齡及杜泉玉昆仲定一山上
人

吳淞江頭春水生美人不來舟自橫一季又過
牛羊日四海豈忘鷗鷺盟管寧白帽傲軒冕杜
陵名家多弟兄結社香山僧更好野何緣與姓

名
老

劉景儀寓崑山永懷除日作詩三十韻見
貽時予客薦巖丈次韻答之兼呈兩山
主人

遭亂心如醉偷生鬢已華一年看又過幾度發
長嗟淮海浮群馬荆蠻聞兩蛇妖氛渾不散殺
氣轉相加倦客誰相顧高僧意孔嘉燒香談般若
若倚樹聽楞伽風月三生石文章五色霞階前
時刻草坐上或拈花我下南能榻君居北秀家

儼豪咲俗子歌舞擁高娃重費纏頭錦頻敲拍
板牙何如依有道樂此寂無譁法喜常親炙塵
心亦變花濟河求巨筏出宅問三車兵火西未
盛神京北望賒憂天同祀國賦雪擬劉义西寺
齋鐘應孤城戍鼓搗明遊欣密迹世務柰紛拏
袞々華軒雀喧々晚樹鴉餘生知有幾學步恐
成差故國歸心切烽煙望眼遮衣冠無噍類戈
戟亂如麻不識蓬萊路那逢博望槎憤秦思蹈
海悲楚欲還沙竊比君臣蟻誰憐喜怒蛙桃符
驚節換萍迹寄天涯君憶蘇提柳予懷陽羨茶
吟篇聊侶和醉筆半欹斜此意方相得前言非
敢誇尚期金百鍊永保玉無瑕

聞頌玉山芝雲堂火而所藏之書俱焚恐
其不能為懷寄詩釋之

誰將藜歛觸群書腹苟便々自有餘得失永須
論塞馬平安聊復問池魚草堂留客仍投轄香
筵尋詩可曳裾別院海棠春滿眼重來燕子喜
何如

和玉山初夏言懷二首

聞君久約東林老林下棲遲避俗塵蓮社不妨
陶令醉韭菹誰信庾郎貪蘇湖渺：田皆水淮
楚范：草没人春去百花先自落五更風雨况
相目

四海風塵渾未息一時天道豈無知待看雨散
雲收日依舊山青水綠時死欲便埋童荷鍾生
能自挽手栽詩道冷風致清如許行路相傳口
似碑

再用韵寄悅堂長老

松雪孤標孰與倫烟霞一室靜無塵清談每日
能我自說平生不患貧城郭含輝山韞玉階除
聽瀟石如人曇花不逐春紅老信與東風別有

因留

老虎兒孫到鳳池聲名曾徹九重知雀書天上
須息日猊坐山中說法時寸草不忘慈母報白
華無媿古人詩春秋直筆黃夫子曾為東林著
二碑

踏車歌

吳田水深三尺許總是去年秋算雨勸農使者
催春耕田甲頻搗水車鼓江村破屋能幾家幾
家婦姑俱踏車蓬飛兩鬢赤雙腳亦有兒女雙
髻了淞江太湖愁滿眼白汗沾衣足生趺車輓
輓羊角轉水波翻龍舌卷春耒十日九不晴
怕聞鶉鳩呼雨聲滂沱絕裨片時久辛苦又加
三日程當家豈無夫與子打魚日糴去城中禁
米難出閔田上忍饑還岸冰四郊未種園田各
三邊已運官倉粟安得木牛為木龍運水疾於
牛足陸西林日落田婦歸隕岸白烟魚虎飛詩
翁獨立長太息何處青山有蕨薇

和陶菊庄郊行二首

岷山春暖玉生烟滬瀆潮平水接天行到滄州
人寐坐看青苜蓿田田
十年四海暗烽烟五柳先生醉樂天芳艸夕陽
江上路獨憐春水滿閒田

梅子玉判官勸農過客舍口占以贈

婁江之南一萬家，葑田水忙踏車喜有春禽鳴。
布穀幸無夜雨漲，桃花州倅勸農頻出郭野航。
牽纜小如瓜，白鷗也似知人意，引領相望立釣
槎。
深

觀浴佛有感

銀盤水浴紫金身，白髮禪和拜跪頻。周孔豈無
初度日，諸生誰為薦溪蘋。

和顧玉山重構釣月軒

虎戰龍爭無了日，他年誰是復誰非。諸公圖像

凌煙閣此老逃名釣，月磯新雨一池荷。葉長南
風四月棟花飛，我未喜聽滄浪曲，欲挽遊絲繫
落暉。

夏夜作

五季兄弟各西東，兄在今年七十翁。戎馬此時
猶塞路，羈鴻何處或傷弓。對床夜聽空階雨，擁
被秋吟破屋風。夢裡不知身是客，覺來愁絕泪
沾胸。

陪婺州判智長石教授陳惟兄壽上人等

遊姜公墩小酌梅以杜子美興來今日

盡啓惟分韵余得日字韵

白雨洗炎馭清風洒瑟々梅仙約幽尋邀我杖
藜出同遊得名緇飄然興俱逸移舟泊釣渚看
竹過僧室行々陟高丘苔溪樹陰密崑山含玉
潤巋然如卓筆群峯太湖上雄勢爭萃萃江中
蚤潮回風急去帆疾梅仙最多喜播種農事畢
青苗匝吳田芳草眠繭粟斯民久逢戾天意諒
深恤兵餘幸豐季一飽百憂失惓然各有慶雙
榼酒盡吃安知艱虞世得此閑暇日幽情寫絲
桐餘懷聊短述

次韵贈虛中講主

三友高論久寂寞一鼓雷音號令嚴正法眼明
岩下電玄機味若水中鹽池蓮玉立天開鏡底
竹金聲風卷簾大地政須沾化雨蹄涔寧許老
龍潛

六月二十二日愚隱和上以詩留別往磧

沙寺以寓錡錫其詩末句云一教短笛

滄江莫收拾絲綸下釣臺予次韵二首
送之既而懷磧沙諸公復就韵代簡

一曲滄浪歌未了滿船明月賦歸來俗塵自暗
人間世不著纖毫惹鏡臺

白髮道人無住著磧沙湖上去還來湖深六月
天風冷華雨吹香般若臺

右二首送愚叟長

誌公刀尺傳家久船子絲綸罷釣來一鏡湖光
照樓閣共看明月坐高臺

瀕湖金刹清涼境冠蓋時時聽法來刮目試看
天下士幾人胸次有樓臺

右二首寄劉中長老

長謔白雪無人和近喜碧雲禪老來龍女獻珠
烟水國馮夷擊鼓雨花臺

一牛鳴地長相憶賴有尺書時往來白馬山中
人獨遠孤雲落日在琴臺

右二首寄閻楚舟兼懷照元明

連日顛風吹海立幾時飛錫過湖來絕憐湖上
林泉好六月清風似五臺

右寄益以道

劫火烟銷江總宅斷篷風轉海濱來干戈未息
衣冠老稚築黃金聘士臺

右寄江林廣

寄趙君綽

舊家公子老儒冠詩卷梅花共歲寒湖上月明
携客飲樓前山色枕書看十年四海風塵暗久
旱三湖水澤乾滿日天雲秋後熟敢題尺牘問
平安

送扇贈趙執忠

送子扇一搨呼兒書八分相望湖上宅只隔隴
頭雲南國多秋熱西風有楚氛庭帟清枕席持
此奉殷勤

寄天章上人兼簡陶菊庄

東林花雨滿衣巾
文彩風流有若人
留客看山常滿座
開軒臨水迥無塵
娟娟烏鵲橋邊月
灑灑葡萄甕裡春
朝夕往來陶博士
應拈醉筆賦詩頻

簡西白長老

高情每向詩中見怪事今于病裡聞
船去逆風牽纜去
葦花飛雪暗江濱
雁來南國邊
教遠鴉集西林
埜色腫咲佛袈裟
歸携李秋風塵土自

終

贈費克明知州

崑山之石白如玉，姜江之水汜不縹。試持山水
比州牧，厥德清白同于斯。吳儂賴公父母慈，遭
時艱危蒙撫綏。盡令賣刀買牛犢，不共與國充
耘耔。訟庭無人辨雀角，圜扉空鎖生蛛絲。獨憐
沃土重租賦，瘡痍不忍加鞭笞。早騎羸馬戴星
出，晚踏明月歸。未遲紛々公務日，不暇烟々此
心天。弗欺每延多士談，禮樂頓覺喜色浮。鬚眉
菁莪方育泮林雨，薺麥當楸冰霜時。未擬文翁
能化蜀，已過魯山無紫芝。蜚名籍々動藩府，將
徹九重 天子知。

夏五聞吳門湯君說，以書見寄既而茫然。
九月末日馬吉鄉耒甫里詢知君說，仍
居閒詩以代簡。

不見故人逾六載，曾聞書札寄多時。浮湛江上
知何許，淪落天涯有所思。老驥未應甘伏櫪，驚
鳥可是別無枝。欲過竹所尋袁粲，每望山陰憶

戴逵策。秋風桐葉盡。寒雨菊花遲。幽懷
每日如中酒。世事頻年似奕棋。一咲相逢未
得邊。塵滿眼鬢如絲。

送愚隱長老主萬壽寺

戎馬廢六韜。三乘亦多魔。中流屹砥柱。猶能障
頽波。吾師寧臥久。王公禮為。說法繼禪月。珠
林雨曼陀。弘開甘露門。諸根並漸摩。一鼓氣復
作。天龍衛。烟藿秋空雲霧開。佛日光輝多。

題林泉雅趣圖贈杜玉泉

泉翁愛山如愛客。到處好山皆莫逆。脚根不滾
京洛塵。面紋長帶烟霧色。奚童抱琴翁曳履。長
日山中看流水。萬松清籟響如絃。滿地白雪吹
不起。桂風萝月秋復春。野花幽鳥情相親。巢田
相去數千載。黃綺以未能幾人。山顛水涯風物
美。都在我翁詩卷裡。莊周夢蝶。夢周覽是圖
者。同天游。

寄屈時中諸友

白蠡塘南烟水村。伊人辟世若桃源。家。鷄黍

留賓客夜：熊丸教子孫慈竹叢深冬筍出野
梅根暖蚤花繁扁舟一夕乘清興我亦未敲月
下門

逢鄉僧昱東明

他鄉逢着故鄉人叙舊情如骨肉親猶喜吾兄
存兩子俱逆釋氏究三身煩君為寄平安信道
我今居寂寞濱何日浮杯耒甫里寒窗燈火話
酸辛

梅子玉董版築於杭城別去日以區：思

懷作此以寄

錢塘江上石頭城畚鍤如雲杵雨聲兩袖西風
騎馬立五更殘月聽鷄鳴銀瓶犒酒平章喜金
鼓還州父老迎力盡東南非一日政須遺愛撫
孤甃

奉寄楊鉄崖先生

光範門前三上書先生曾為蒞長吁画橋楊柳
藏書屋鉄笛毒花落酒壺偶過故人論北海相
思一夜夢西湖由耒海內誇長句肯寄浮家野

老無

寄題悅堂長老城南小隱絕句五首

為愛城南水竹幽，高人結屋近滄洲。
東園十畝蹲鴟足，擬入人間萬戶侯。

門前流水與江通，屋上青山與画同。
文武衣冠未聽灑，紺園長繫玉花驄。

象龍入室動成行，燕雀隨人亦賀忙。
白髮老禪揮玉麈，袈裟猶帶御爐香。

屋頭新植青松樹，池上重栽白藕花。
元亮孤舟霜運屐，不妨未與共烟霞。

客來多是一宿覺，我亦幸有三生緣。
扁舟過門清夜裡，烏几燒香綉佛前。

題淵明采菊圖

一官棄如屣，三徑今來歸。言采東籬菊，如彼西山薇。
秫田未熟，壺無酒，白衣携來恰重九。今年不識是何年，且有黃花開咲口。
非無小匱膝可容，華前一咲樽已空。
衰顏得酒借春色，霜染樹頭秋葉紅。
先生之貧人共惜，先生之心人莫識。

大厦難將一木支，進入醉鄉聊自適。

玉山邀至同里法喜寺飲別，是夕酒醒夢
回宿雨初霽，月明可喜，即景賦詩，兼寫
送別之意。

風吹兩脚斷，月到天心明。孤雀有清夢，荒雞非
惡聲。南浦明朝別，西湖幾日程。杵詞人正苦，草
上石頭城。

寄愚隱長老

別後逢人問北山，吳門第一古禪關。江湖瓶錫

多依倚，文武衣冠數往還。鐵騎解鞍祇樹下，金
魚換酒兩 間。最憐丈室雙童子，捧茗燒香不
暫閑。

寄虎丘居中長老

初春船過百花洲，不謁閻丘謁虎丘。古徑入門
蒼蘚合，新城繞寺翠嵐浮。遊方每學僧行脚，聽
法當隨石點頭。更覓西庵脩竹裡，寒泉一酌薦
前脩。

和玉山排悶

寒窓誦君詩字字黃絹嬾嗟君遶迤遭蛇虎嚇
前後毅然能忍性不矯志不採黃金本何物一
任化烏有胸中耿耿在依舊衝牛斗大兒方戶
侯金印已懸肘小兒未強士詩禮方授受兩娥
遠奔月星橋吠天狗更憐鳳臺女先亦辭父母
君能悟空幻視世等塵垢哦詩作游戲一日九
幾首開樽飲向客錦度逆醉嘔愛賢眼常青垂
老發仍黝逆鏡雖滿前百戰喜不負憧憧彼貧
夫富貴爭進取力強誇拔山勢熱可執手美新
皆揚雄託孤誰存白龍為堅白論衍事雌黃口
何如玉山人不失素所守愚也此方臯識馬忘
牝牡傾蓋即相知論文成耐久歲寒松柏青先
零愧蒲柳鄉耒九折阪此日一杯酒豪吟鬼神
泣醉筆蛟虵走萬事付忘言太山同培塿

焦任道欲過壽上人山庄并與僕相見前
期以詩見貽傳和之邀僕同賦

舊說君家有墨庄新詩今見墨雲香閒耒林下
尋緇侶當為墻頭喚索郎邊境日未西寇近滄

江歲晏北風涼先生素識融公懶莫怪而今不
下沐

再和韵趙彥深

平原公子午橋莊草木當年雨露香桂樹不嫌
招隱士桃花應喜識漁郎錦茵醉酒冬宵暖水
檻垂綸夏月涼我亦欲招橫玉去為君三弄據
胡床

次韵寄杜玉泉昆仲

授書不逢黃石公采藥不遇龐眉翁杜陵名家
好賓客三裾來曳梅花風德哉若人氣冲融煥
然釋我心怔忡張燈為展風月宴坐客總開冰
雪容火蛾熒煌吐星斗金鰲巖巖負移方蓬高
年垂及絳縣老合歡要策青州功唾壺玉缺擊
如意臂鞬珠脫携譔童航船浪翻翠袖濕咲絕
如舉驪山烽紫雲一曲歌未了陽烏飛出扶桑
東明朝仲氏復迎客百花潭邊收釣筒長魚斫
繪白於雪葡萄新釀青如空高堂坐擁肉屏暖
寒士無復鳴秋蛩溪山相暎色俱喜墳麓迭奏

情無窮老夫生長近吳下所恨白首方游後頻
年坐我途炭苦此日置身仙子宮已令沈湎恣
為樂尚論古人容折衷賦歸既無田種林獨醒
敢誇衣集蓉銜杯樂聖非易得良辰美景真難
逢論交不以車笠異忘形且喜襟期同咄彼貪
夫逐名利何異糞壤蜣螂虫蚩爭觸戰更堪咲
要於蝸角稱蠶叢邊隅風塵莽浩：天門烟霧
深重：世云酒為知己飲可不整尔琉璃鍾扁
舟往還渡吳淞泗橋且喜春潮通興耒徑去造

竹所碧灣樹下維孤篷私慙詩債償未了毛穎
為我長歎：此詩聊寄前日事此韻乃和前冬
分柑細君與說項眉案坐對如梁鴻

碧雲山房分韻得蒼字

古寺雲林靜春霄風雨兼阿師如惠遠有酒醞
陶潛海味分苔脯園蔬摘韭尖金蕉傳四座銀
竹瀉層檐談辨情相洽醺酣意轉欣燭長紅未
盡餅罄綠頻添小令皆毛舉新題各口占襟懷
雖曠蕩詩律自清嚴浪雪翻茶鼎香烟繞竹簾

偶論蝸國戰因笑楚人鉗老去甘臧拙閑未得
養恬青松知此意相對一掀髯

兩夜懷朱澤民

一天風雨夜漫漫獨為先生發永歎杜甫數椽
茅屋破鄭虔三絕坐羶寒鶯花紫禁回頭夢烟
樹青山抱膝看最憶舊游諸閣老別來零落漢
衣冠

和鄧弘道諸公遊磧沙寺

錢塘形勝接蘇湖風物於今入戰圖獨尔磧沙
仍似舊諸公杯酒不相孤遠山雲歛千峰出幽
樹春來百鳥呼白髮老僧盤膝坐咲看車馬蹠
危途

次韻寄路以道

咲將簪紱棄如泥出郭移家住水西芳草喜人
車轍少遠山齊我屋簷低門前古樹慈烏集梁
上新糝乳燕飛更喜東梅舊好桃花多于武
陵溪

送居南山還嘉禾

攜李亭前水接天
楊侯曾此洗龍泉
道傍已伐將軍樹
湖上今題書畫船
滄海揚塵知幾度
黃楊厄閏又今年
因君與說干戈苦
相送臨歧一愴然

題李白月下泛舟圖

青蠅觸起脫靴時
飛燕嗔人鳳亦疑
杯酒佯狂江海上
此心惟有月明知

七月二日過益上人問疾因過路以道山人家飲酒樂甚詩以謝之

新秋去謁病維魔
因與山人醉薜蘿
頭戴鷓鴣冠
堪入畫
手鳴魚鼓
更能歌
竹邊亭子
清風細壁
上詩篇
好客多
從此往
來溪路
熟扁舟
乘興數
相過

賀梅同知迂秩二首

我愛朱絲絃
其音淡如平
為人滌邪穢
妙理通神明
良工繫錦瑟
選練亦已精
移柱喜更長
白雲風冷

我愛青銅鏡
烟如秋月圓
為人別妍媸
毫髮俱

了然纖塵不受汗光輝人共憐政須重拂拭玉
臺更高懸

窈窕誰家女和卜思顏韻

窈窕誰家女依稀慕璫樹向來適良人門戶比
房杜今年遘疾難飄零太行路風雨道傍花不
失春態度珠簾十二樓燕子忍辭去合歡會有
時無勞歎遲莫

次韻寄呈謝杭州

金湯險據鳳凰山日月遙瞻虎豹關每見題詩

懷故舊也知為政有餘閒慈闈一飯雙魚美浙
鼓三過五馬還細說平章親更喜黃金橫帶綵
衣斑

中秋日玉山頌仲瑛邀翟明府份陸良貴

仁秦文仲約寺十人飲金粟冢上酒酣

賦詩各成一韻

憶昔避戎馬放擢來北山相逢適中秋展席解
愁顏安知復今夕嘉讌集群彥烽烟雖未熄眼
底喜不見華月出松杪霏颺散天香 稱死便

埋荷鍾童在傍酒耐客哦詩其樂勝鍾鼓柱頭
老令威為作八風舞人生不飲酒杯盃空匱前
寥々數千載孰與劉伶賢

贈章彥復省掾

相約攬秋色淞江未小舟留人十日雨洗耳百
花洲祖逖鞭方著張良箸欲籌吾廬吾自愛霜
菊晚香幽

偕愚隱長老重過玉山草堂次文中韻

中秋醉眠金粟堆重陽又捧菊花罨歛從南郭
隱几卧為約北山禪老來松下低頭拜奇石竹
邊隨意坐蒼苔林風澗月足佳趣安知世有黃
金臺

簡嘉興天寧寺西白長老

五月中旬領報書客未魚得問何如天花亂雨
袈裟地祇樹重栽瓦礫墟風月三生情分在烟
波百里信音踈高秋且喜吳田熟說法開堂響
木魚

玉山席上分勅得對字

勞生紛如蟻出沒茲太塊達人獨超然逍遙物
之外秋高天氣清喜此良蕪會蹇予顯頓容亦
叅支許輩黃花有佳色青山若賓對飲者醉如
泥不飲亦慶快卓波浮屠師入俗無罣礙咲指
空中雲非觸亦非背絕倒草堂翁東壁珊瑚碎

挽華亭呂輔之

諱良佐人号橫溪居士

屢却鋒車不赴官黃金多用恤饑寒銘槐西楚
雲林屋釣竹前谿雪浪灘玉烈能平鄉里訟龐
公獨遺子孫安只今海內文章伯多憶賓造禮

寄郭義仲

霜骨稜々七尺軀昂然獨鶴晚群雛門前問字
人携湮船上求詩客送珠山色隔溪雲縹緲梅
花繞屋雪模糊別未歲晚遙相憶愁絕荒江夜
月孤

題玉山移舟月夜過客舍忽聞側室之訃

即留別一詩而去別後和韵以訂重來
之約

画船月下過江村客舍荒涼咲語温忽報綠珠

飛墮地輕如玉斗碎鴻門蘭臺久絕行雲夢萬
里聊傾酌月樽携客東橋重問竹柴門當為掃
苔痕

代簡牛彥伊

客未為報平安信知在長洲茂苑間借榻眠雲
僧舍靜舉杯邀月客窓寒無家且喜身長健玩
世何妨髮已班三度梅花曾寄否思君長倚馬
鞍山

題王景逸所藏瘦馬圖

將軍百戰自封侯老病誰憐玉腕駝皮肉瘦未
渾見骨精神減盡只垂頭長鳴落日青山下獨
立西風白草秋猶勝駱駝三萬匹都隨戰士死
炎州

寄張彥復

蘭省歸來日未斜閉門塵靜似山家教兒楷字
謄書藁遺客生綃寫墨花太伯祠前人走馬姑
蘇城上樹栖鴉知君觸處多懷古忍聽吳趨唱
小娃

和馬吉卿韵寄開天啟長老

西望天峯百餘里高僧何日共游居談禪丈室
揮松步塵屨長扃聽木魚萬壑秋聲饑虎嘯一
池雲氣老龍嘘更尋香徑靄岩下與子聊乘下
澤車

贈馬吉卿

太尉初開藩府日我卿長揖與談兵快鞭自此
宜先著偉器如何竟晚成舊菊數株荒老圃寒
流一帶繞孤城草廬只在齊門裡堪笑無人識

孔明

山人家為路以道作

先生自是青雲人歸來故山鉏白雲家徒四壁
藤蘿屋頭戴一幅逍遙巾松根茯苓大如斗木
柄長鑿常在手賸收芾葉教兒書更摘松花釀
春酒題詩滿屋酒滿船家來無日不陶然人間
豺虎自闔死雲中雞犬多成仙山人家住山林
好日：晏眠無事忙笑他東望玉門關絕域思
歸歎年老

過牛彥伊寓所對雪口占

問訊蛟龍浦來尋鷗鷺盟天風寒鼻屬冰雪歲
崢嶸平且徐：起清樽細：傾獨憐鄉國遠西
望若為情

美崑山費知府重修學宮詩

昔侯未牧崑川州：置遠移東海頭百年鄉校
風雨毀四郊戎馬烟塵狄州仍舊山侯下馬勸
農耕索重儒雅春秋籩豆駿奔走日月宮墻煥
圖寫素王清廟袞龍衣博士高堂鶴雀飛泮池
芹藻堪采摘 林草木生光輝時方擾攘人用
武侯為斯父扶砥柱同僚才並青雲器參佐功
成修月斧廟前銀杏雙蓋青堂後玉峯開画屏
諸生揖讓秉周禮我侯語言宗六經官清只飲
淞江水鱸魚自肥尊自美齊名常袞與文翁興
學之功照青史

代道傳招路徵君益上人過西林精舍

西林新種梅花樹未有詩人為品題尊酒小窓
邀上客杖藜今日過前溪家園小摘春盤菜野

徑初乾鴈雪泥二老風流堪入画不妨琴與鶴
同携

贈水西長老中伯庸兼簡承天毅剛中
禾城說法两三年貌虎如林護法筵一片白雲
閑出岫五湖春水濶連天詩堪補世方留稿琴
乏知音覓絕絃頼尔峨峯堂上老喜留賓客共
杯泉

雪中懷杜玉泉玉谿兄弟暨管伯齡

對雪僧窓憶舊游浣花溪上草堂幽弟兄愛客
情懷好賓主談時氣味投揚楚兩州城近接吳
淞一帶水長流興未蚤晚相尋去解劍漁翁覓
釣舟

元日同趙君綽蚤起崑山州

烏紗白髮兩遺黎同賦新年第一詩吳下喜頌
堯日曆嵩呼重見漢官儀春回南國梅先得律
轉東風樹未知試向馬鞍山上望楚氛猶自暗
邊陲

訪王景逸不過其壻梁國傳留宿東竺作

此簡景逸并允德

阿林隨我曳長裾宿尔幽人水竹居雲暗一天
龍吐水溪喧半夜懶求魚邨邨枕上新夢光範
門前舊日書欲與兩賢論出處還家相見意何
如年

吳生以趙仲穆所書蘇文忠公遊道場何
山詩屬張天英緒人及予和之

溪流行盡穿林麓白塔紅亭照岩谷道場深處
看何山僧住山頭我山足兩山雲似海瀰漫飛
路百折空中盤我昔幽尋愛僧舍亦欲卜築臨
清湍東坡先生不世出咳唾珠璣落禪席可憐
前渡厄兵燹一踏寶幢誰再植永嘉山水污歌
鬢幸無若人未此間坡詩珍重趙侯寫使我見
詩如見山我衰不夢周公旦猶夢尋山及春半
買花載酒約吳生慎勿渝盟重嗟嘆

同楊鉄厓吊龍洲墓和劉韻

排雲闔闔問神州目極龍沙萬里愁匡主首陳
天下養和戎深為國人羞方期殺賊懸金印又

報修文記玉樓一代人豪公寂寞春風掃墓為
停舟

楊銑厓

讀君舊日伏闕疏喚起開禧一番愁龍川狀元
曾表怪冷山使者忍包羞東江風雨一斗酒大
地山河百尺樓白鶴飛來作人語道人未辨政
橫舟

次韻楊銑厓過李樂庵墓

胸中萬卷色絲長才出纖毫補舜裳咲脫鴈冠
辭柏府羞看孤穴倚林房結庵投老林泉樂易
簣遺言翰墨香銑笛仙翁今表墓婁人當不愧
桐鄉

次韻寄梅西溪

宦情吟思兩如何咫尺婁江不我過吳下土風
良不惡春來花雨喜無多三農飽喫田間飯諸
將猶揮馬上戈州縣勞人宜莫厭要令襦袴有
新歌

寄贈費伯謨

愛爾青年二十餘無心富貴獨耽書
揚花雪落滄洲靜艾納烟銷白室虛
門外自馳金裏案頭長對玉蟾餘
別來吟得詩多少好寄江村憫索
居腰

簡趙執中

谿鳥忘機與結盟鄰難解語共談經
簾前花落曉脂雪樓外山開翡翠屏
無事干人腰懶折多情於我眼偏青
于今同飲長洲水只隔烟波望德星

過悅堂長老看沈香小山適見楊鉄厓所

題画像堂堂之容令人起敬目作此以
贈

阿師僧中之台眉身長九尺聃耳垂金
袈裟舊御賜銜笛道人新賦詩貝葉手
繙諸般若沈香誰琢小須彌不知門外
春深淺花雨繽紛二六時

題恒上人清流堂

悠々黃天蕩苑彼栢樹林水流過堂下
一帶清

且深要之源頭活徵澈無古今山僧作觀想六
以明其心停雲共徘徊游魚自浮沉三伏不知
暑爽氣生綠陰水華晚色淨風柳 蟬吟嗟哉
五濁世干戈如沸鬻客來且忘言滄洲濯塵襟

懷道傳上人

海上誰知己僧中有此郎借人三畝宅留我百
花莊故里烟塵闇窮居歲月長釜鍾時振乏燈
火夜分光書摘金根誤詩囊夢草香溪山昏杖
屨花竹共壺觴每念馮唐老能容阮藉狂五年
同信宿十口賴歡康辟穀終無術飄蓬又遠方
世情多可咲交誼獨難忘南國黃梅雨西林綠
樹涼思君重迴首湖水隔微茫

懷滄海上人

床頭不問有金無客到山中酒必沽愛我生來
心似鍊逢人為道唾成珠尋梅幾處同舟去對
月常時折簡呼別後合塘春水暖柳陰誰與看
飛鳧

又自述并簡滄海

齋居頗喜俗塵無，坐看諸公玉盞沽。
滿地楊花風捲雪，一池荷葉雨跳珠。
借書日與兒曹讀，鄰酒時令老僕呼。
山上有山曾有約，何時復履作飛鳧。

和徐伯樞初還膠山作

無錫元度子

昔年謔舞送航船，每日登臨對乳泉。
麥秀故基今雉堆，花飛南國又啼鶻。
官軍尚蹙邊城血，田舍初生竈突烟。
只恐歸耘歸未得，微車將到白雲邊。

次韵贈徐仲剛兄弟

難弟難兄思不羣，風涼絕似太中君。
對床夜聽山中雨，避世春耕隴上雲。
四株松樹青陰合，一帶溪流野色分。
老我剗心猶未死，尚携長鋏客田文。

次韵贈慶德謙監州

彷彿桃源古洞天，幽香兩岸鬪婵娟。
烟波鷗作忘機友，風柳蟬如脫骨仙。
田父相過終日醉，畦蔬小摘四時鮮。
棄官溧水歸未蚤，羸得閒情樂

酒邊

還珠詞寄顧仲英

并序三首

余以玉山隱君辟地居槁李酒合浦之珠徒
而去焉今謝杭州當路於吳而州縣更化
猶合浦之有孟嘗也人而珠者可不還乎
因作合浦還珠詞寄君以致招要之意其

詞曰

嗟尔珠生合浦川澤見光輝采珠人似雨孟嘗
不來兮珠亦良苦歎泪竭魚目瞽

嗟尔珠去合浦川澤失光輝龍喚獻珠女孟嘗
下車兮魚鱉率舞象因除吏高阻
嗟尔珠還合浦川媚仍含輝潜居水仙府孟嘗
愛物乎物無違迨明月出夜光吐

代簡錢夢弼

六年十見堆山雲愛客情多最憶君社酒每傾
鸚鵡盞煨姬屢舞石榴裙漁郎一去儂源隔燕
子重來舊宅焚別墅于今鄰錫谷煮茶還許石
泉分

絕句

屈原投江死楊惟授閣生一時生死計千古是非心

夏五雜書四首

使者乘槎海上來藩臣迎

詔府中開半年

赤地無纖雨此日青天忽殷雷鷓鴣聯班齊喜舞梟鴟脫網草鷲猜征西諸將橐弓矢應受淮夷納款迴

遠客相過說帝都黃金如玉米如珠內園人歌

催花鼓市肆塵生賣酒壚河北功臣稱李郭江

南租稅賴蘇湖明朝漕運開洋去幾日風帆到

直沽

實布初未價倍高吳鹽重推令如毛淡烹蓴菜

羹無豉倒著天吳褐有濤風起秣陵號虎兕天

連青海縱鯨鰲長洲茂苑湖山好自愧多憂兩

目蒿

綠髮年來未忽已蟠尊前不樂復如何直如樹惠猶三點醜似靈均漫九歌無數烏鴉爭晚樹一

雙白鳥浴晴波相逢莫厭滄洲靜要路從前覆
轍多

雲文閣為鄒伯常賦

光範門前人似蟻君獨出棲微不起西窓拄笏
看青山東閣垂簾掩沉水非烟冰霧非霞氛歛
斷復續何氤氳若有龍眠博山底海嶽清氣噓
成雲梨花夢醒春無跡一縷猶紫靈壁石白衣
蒼狗從變改明月清風自虛寂可憐權門銅臭
兒臍燈將然恬不知何當招之入尔室三重三
沐論我詩

和徐仲剛歸田 二十韵

山下室環堵門前柳數株青秧移畝畝白水似
陂湖辟世方躬稼傳家本業儒十前躋仕路兩
浙走危途熟路歸耒馬高林返哺鳥烟塵雖未
息風月不虛孤松葉燒茶竈花枝挂酒壺拂塵
按鹿尾席地草龍鬚鳥雀窺窓隙漁樵耒坐隅
家居聊放適世路甚崎嶇池水魚堪養庭階草
不誅眼前能自足身外更何需病鶴開籠放餓

猿擲果呼看雲添逸興對月了詩逋田父邀皆
去村童醉或扶不嫌鄉俗陋甘學古人迂西堠
良田熟東膠小徑紆泉香雲骨髓花瑩雪飢膚
犬吠溪雲出牛歸田野晡幽居東近海何必更

秉桴

年

寄竇伯讓州倅次仲剛韻

籠鶴乘軒咲衛公歸耒高臥北窓風忘機鷗鷺
相依久滿眼湖山與画同洗馬池邊楊柳綠釣
魚亭下藕花紅自知大器成須晚不與時人校

近功

次韻寄斷雲法師

嗟峨塔廟厭長橋東望扶桑路不遙聽法龍耒
雲滿室傳衣人立雪齊腰階前祇樹黃金地石
上菖蒲碧玉苗猶記昔年相見日為師吹徹五
員簫

和沈啟之席上詠梅絕句

把酒花前歌竹枝看花不覺舉杯遲春未結得
黃金子還有調羹鼎鼐時

吊顧將軍墓 并序

顧榮字彥先晉散騎常侍贈驃騎將軍開府
儀同三司謚元公其勲業詳見晉史予嘗
慕其為人今客吳門適近其墓在皇天蕩
南地方二三里土人直以顧榮墓名之予
目往焉

白髮吳儂說姓名將軍墓近闔閭城徵車入洛
稱三俊割炙之人得再生江月似留麾扇影松
風猶作鼓琴聲傳舟一醉蘋花渚野鶴雙飛躑
躑鳴

寄徐頤齋先生

一昨天恩頻賜帛數年國步政多艱莫嫌旅舍
絕容膝喜有丹砂可駐顏進乳吳姬香玉暖弄
雛菜子綵衣班故園松菊知誰主又見秋風燕
子還

九日

為客東吳季復年吳霜飛上鬢毛邊青山滿眼
暗如霧白鴈一散哀徹天細看茱萸占老徒忽

聞飛杏作春妍鄰翁將謂花呈瑞邀我題詩展
盛筵

送陳希玄入道

海上蓬萊知有無林泉佳趣即僊都三朝鶴遠
燒香几九轉龍蟠煮汞爐滿地白雲山館靜隔
溪紅樹水村孤敲門莫厭相過客要覓丹書古
篆符

題梅竹水仙圖

羅浮美人倚修竹凌波仙子適相逢春風桃李
自塵土不泥歲寒冰雪容

代簡淨慈寺顏悅堂長老

南屏樓閣照西湖四面雲山列畫圖丞相頻未
談般若老禪端坐結跏趺長廊五百僧猶在古
井尋常水不枯獨有門前楊柳樹春風得似舊
時無

代簡倪雲林

江水西頭繫客槎漁庄遙望隔鷗沙枕書門掩
三竿日題畫毫飛五色霞杯棗林香仍臈味階

庭蘭茁又春華雪晴我欲尋梅去尚待東家借
鹿車

次韵陳惟寅懷古 六首

幽尋度香徑遐思倚琴臺鳴喙嘗膽日雉妖捧
心未春風煽天豔滅國輕于埃

憑高望海湖白馬還未無一杯巾忠魂江風為
號呼悲哉扶眼地愁烟暗苔蕪

奕々讓王公遙々延陵墓吳儂奉烝嘗春秋幾
霜露胡為後之人無復繼高步

寶鼎移矣祚降王赴幽都遂令虎林人得免馬
邑屠獨憐金盃出啼殺稽山烏

輦路土花碧金門芘芻閑浮海兩龍馬一去亦
不還空遺温室樹迥客猶高攀

我未銅駝巷葛嶺重行々相逢話師相皆云悞
蒼生遺臭千萬年沙堤湖上橫

烈婦歌 并序

嬭姓周氏蘇州太滄人至丙申其父以兵帥
貪虐陰結壯士數輩將殺之謀泄舉家被

戮帥之子悅婦少艾誘為妻不從痛罵而
死今鄉人義而哀之構祠立碑庶夫楊先
生為記其事且屬江西陳季子索詩以著
其事

陳君手持烈嬭碑勸我為作烈婦詩人生自古
孰無死烈婦之死名不磨本是東滄小家女粉
黛不施眉自嫵父憐母惜忍違離納壻於家半
年許阿爺從軍氣頗麤欲殺不義奔京都手持
剛刃機不密身落禍坑家乃屠綉衣郎君元帥
子少年絕愛傾城美顏言携手與同歸即免梟
首尸之市郎君滿屋堆黃金安知難買烈婦心
耳邊言逐飄風過腹內怨含滄海深罵殺不絕
郎君怒馬上揮刀斫頭去隻鷺羞覩青銅鏡全
家甘赴黃泉路娟：臙体嬌如雪烈：肝腸堅
似鉄一團冤血注姜江至今流水教嗚咽男兒
讀書我冠中偷生或忍忘君親奴顏婢膝曳紫
朱得不媿此裙釵人嗚呼得不愧此裙釵人

贈馮縣丞 二首

野夫東郭帶經鉏田峻相逢為下車百里雷鳴
元夕後一犁雨足五更初行庖只飲長洲水署
筆頻抄種樹書獨柰賦蛇除未得逢人感額問
何如

九土荆榛七八年吳儂輓粟上青天秋風杼柚
黃茅屋春雨犁鉏白水田農畝要令無佩犢
堂政賴佐鳴絃停車為說哦松意及盡斜陽野
樹邊

題墨竹

吾聞雪堂老儂之愛竹到處猷門首漪綠為誰
寫此秋一枝葉々風生清可掬恍如坐我此君
軒與君相對澹忘言焚蘭金鴨綴鳳髓我思古
人欲遣止

盧知州宜興秩滿以避亂久寓無錫視同
故鄉今知崑山必有懷二州風物之美贈
詩言情并致頌禱

我思陽羨茶初生如粟粒州人歲入貢雷霆未
驚蟄天荒地老今幾年春婦又聞啼杜鵑山中

靈草化荆棘白蛇何處藏蜿蜒玉川先生一寸
鉄斲剗妖墓救明月霄路斷肝腸熱還憶茶甌
飲冰雪

我思惠山泉長流無古今瓶罌走千里煮茗清
人心向未到火炎錫谷神焦鬼爛勢莫撲池邊
墮石亦灰飛此水冷々瀉寒玉高人飲泉五六
年一襟清氣清于泉好為吳儂洗煩熱乘風歸
報蓬萊僊

可咲

崑山州奉省府之命例試在學儒人
以予為第三名故有是作

送慶德謙知州漕運之京師兼簡陳子山
學士

十三萬斛葑田珠一帆南風直到沽天上夔龍
應為喜海中鮫鱗近來無江湖久臥頭垂白雨
露重霑紱已朱寄語玉堂陳學士楚狂顛顛客
東吳

顧仲英避地嘉興我二年間回崑山往見
不遇作詩寄之末章兼簡西白老二首

細雨清明節扁舟過玉山傳書元有誤飛鳥竟

無還芳草萋：碧落花點：班題名墻外竹黃
鳥正間闕

客來常問訊書去半沉浮兩度黃梅雨相思白
髮殊樵蘇今短笠水山古長州寄與天寧老申
巢賦咏不

麥飲歌和徐主簿韵

太倉陳：歲仍熟田舍傲：食無粟朝未飯甑
麥新炊一穗青烟出茅屋磨旋日月吐霄屑湯
湧波濤跳碎玉耕策推笠隴頭歸急雨森如瀉
銀竹妻孥咲語同一飽且免饑雷鳴此腹安知
列鼎五侯家日食萬錢猶未足

和陸宗魯韵贈夏師魯

百斛葡萄賸有餘一官不換只閑居窓含雲氣
虞山近門掩秋聲栗樹踈鴻鴈去來知幾度雞
虫得失竟何如丈夫高盖非無日聊遣閑情賦
子虛

寄袁仲長

古人心事古冠裳近代伊誰有比方杜甫苦吟

頭戴笠管寧危坐膝穿牀秋風落葉多如雨老
黃花獨傲霜我亦卜鄰依歲晚讀書東壁借餘
光
圃

送徐伯樞兄弟膠山之墓田

東膠山有眠牛地西堠村連走馬塘乞與一杯
葺白骨待看殘夢熟黃梁梅花杏樹堪懸斂竇
乳寒泉可薦觴從此便令童荷鍾諸君賢似古
桐鄉

送費伯謙之吳麗侍親

若翁清約似無官宜尔儒衣不厭寒燈火十年
勲業在湖山千古画图看米池魚躍供調膳雪
屋雞鳴起問安他日過庭煩寄語別來頭白卧
江干

崑山陳伯康築亭山巔揚邊梅過之題白
玉山高處且為賦詩命郭羲仲劉景儀
及予和之

神僊人中鑄笛老愛尔玉山覆眼青玉山高處
挂手板鉄笛醉時圍田屏天生丹穴鳳為石東

望黑洋鯤出滇人傑地靈風物美絕勝西蜀子
雲亭

鉛上人席上作

有客有客龜巢翁鬚髯如雪氣如虹摧門要路
脚不到寧與山僧楚老長游從鉛公喜不縛禪
律百榼沽未作生日雪花似亦為人喜鹿舞婆
娑俄入室酒邊咲殺東家兒擯擲不與劉穆之
尋常有客謝無酒有時對酒還攢眉人生能得
幾初度且無長繩繫烏兔癡兒夢：真可嗤不
識盈虛元有數君不見黃頭郎到頭餓死錢堆
傍何如眼前有酒且為樂毋令愁結九迴腸

婁曲書堂

為殷君叙作

泪彼婁水東連於海爰有幽真居婁之滙蟹舟
岸洵婁人紛拏幽貞有子幼書厥家晨雞既鳴
訊掃室堂羞我甘輒閱我縹緗我經我史如耕
如索我服劬勞罔敢怠荒黍稌有田魚亦有梁
味道之腴游藝之場曰父與子欣々樂康其樂
維何匪人伊天幢々徃來誰其語旃

遣愁二首

偶鑿青銅鏡方驚白雪髭如何不飲酒猶自苦
吟詩圖作鞞紋皺腰間帶孔移獨存方寸鉄剛
似少年時

茅屋瀕湖住蕪菁借地栽一秋常苦雨十月屢
聞雷岸艸青出墻花灼開掃除蠅蚋跡還
有北風未

和危太樸參政韵送慶德謙治中

徐驅百騎穩如船雨露新承下九天當道故人
多汲引大參佳句獨流傳數年華髮風塵裡一
點丹心日月邊老驥只今方展足蜚聲當不愧
前賢

留別知隱愚長老蘇昌齡先生

淞江太湖春水生湖邊白鷗尋舊盟遠公沽酒
壯行色坡老題詩慰別情燕子日長書屋靜落
花風颺釣絲輕相過不負青山約一櫂夷猶兩
日程

徐伯樞和韵送行予復荅之

主人送客呼麵生膠山下居仍有盟締袍戀
感君意去國遲，知我情教子正須熊膽苦香
花應喜馬蹄輕老夫把釣扶桑下目送鵬搏九
萬重

挽雍逸處士

孝友人無間詩書子更賢十年遭世亂三樂得
天全處士星今殞虛堂月自圓客未懸榻在老
泪為潜然

寄謝雙楊沈仲庸并簡同席諸友

一林脩竹映滄洲百榼葡萄汎玉舟送客留髡
成大醉憐君小院與同遊舊家燕子飛華屋湍
地龍孫著錦裘絕似蘭亭脩禊日坐中賓客總
風流

朱明道等九人和前韵見貽各卷一首并

自述一首

新居風景似麟洲我亦頻來繫客舟山列画屏
朱果熟湖開青鏡錦麟遊踈狂不厭高陽侶凋
幣應憐季子裘有酒正須開咲口黃河今復見

清流

贈朱道

先月軒前杜若洲，抱琴童子釣魚舟。
蝸牛有國方交戰，鷗鳥忘機且共遊。
戲綵諸孫頭峙玉，頻湖二頃足菟裘。
吟餘不接紅塵事，洗耳無勞枕碧流。

贈明道

楊柳飛花雪滿洲，水邊亭子小如舟。
四時花月供談笑，千古湖山可釣遊。
有客即呼鸚鵡盞，無衣還贈鷓鴣裘。
試聽月旦評鄉里，個儻今為第一流。

一流

贈原道

清江濯足坐中洲，自喜身如不繫舟。
槐國功名前日夢，玉京孤負少年遊。
每邀田父同雞黍，已學山人製鹿裘。
醉後劇談今古事，面如頰玉語如流。

如流

贈趙善良

晚涼池館藕花洲，郎罷呼兒放綵舟。
老膝尚容女度坐，佳賓多與阿戎遊。
長腰米飯猶珍饈，五色菜衣勝綺裘。
莫笑東家詩語由來涇渭不同流。

贈華子強父子

爰君楓落吳江句，有客相期放剡舟。
滿眼雞蟲

從得失忘形鵬鷗共遨遊
秋來江上鱸堪鮓歲
晚山中貉可裘
如此幽居良不惡
比鄰况復有

詩流

荅盛彥英

鍊得身形癯似鶴
江湖杯渡捷於舟
湖邊舊宅
適歸隱吳下
諸山今卧遊
學道已知磚作鏡
工詩更悟治為裘
曹劉沈謝何零落
風月平今支

遁流

荅惠上人

老夫衰懶慙無學
年少才華羨李舟
好覓靈槎
天上去莫攀仙桂
月中遊
踞床我欲未吹笛
換酒君當為解裘
最喜今年秋至蚤
涼生六月火

西流

靈贈崔彥麟 贈當作答

少年學士俱瀛洲
老夫浮家惟葉舟
每憐古調
少人聽
幸得新知如舊遊
四海風塵桃李秋
十年霜雪木綿裘
爾未同飲太湖水
最喜白鷗非
俗流 自述

過吳江三高祠

三高祠前秋水波
客耒吊古悲且歌
季膺魯望
素梓敬蠶也
蓮豆理則那
生為越人身
相越百

計吞吳、乃滅直憂鳥喙將無情兔死猶烹肝
腦裂飄然携家湖海遊捧心人與同扁舟越人
誇功鑄金像於吳熟曰非仇讐行裝重寶久弥
厚清高之風絕何有奉嘗堪咲木腸兒忍睹荒
臺廢廡走江風蕭、楓葉寒扣舷折我青琅玕
靈昏怒挾海潮起殷若雷鳴過雲灘

寄僕知州兼簡蔡教授

使君心似婁江水霜落秋高復清田野但知
耕穫喜閭閻不識叫囂穀背山館舍雲連屋通

海漕渠潮入城公退應尋蔡文學投壺置酒適
閑情

病中夢徐伯樞戴時中見過既而伯樞惠
詩次韵答之

病來呼酒當神樓又得牽絲作釣鉤堪咲生為
窮谷叟何妨死作醉鄉侯四壁西風茅屋冷一
簾疎雨桂花秋山童淨掃門前路數日頻迎李
郭舟

中秋日觀朱明道自壽之詩次韵言懷并

紀蕪集

兵戈驅迫十餘年此夕珠歌翠舞間出瓮葡萄
杯灑：盤鈴傀儡錦班：達人不惜千金費浮
世能逢幾日閑月裡嫦娥應咲我也將華髮對
嬌鬟

追和侯良齋秋懷四首

寸絲欲補袞龍衣歲月蹉跎素願違身老江湖
心未已夢遊京洛覺還非蕭蕭木落青山瘦浩
西風白鴈稀慚愧太湖清似鏡照人雙鬢短

垂絲

出入都無騎從隨杖藜於我頗相宜詩成每得
江山助酒病還將麩藥醫杜甫眼前茅屋在陶
潛心事菊花知朝來兩袖西風泪遥為鄉人洒
肉籬

世事無涯生有涯逍遙誰得似南華龜巢近傍
三江水鷗侶平分半席沙稚子學書收柿葉老
妻添絮採蘆花客未且共藜床坐莫說金張許
史家

垂蘿曲磴轉攀緣
拖酒筇枝不挂錢
白苧路傍如虎踞
青松澗底作龍眠
一杯且咏重陽日
二頃何須負郭田
風景不殊陵谷異
丹心雪髮兩堪憐

六柳庄為沈太守作

彭澤五株柳清風十載餘
願予心乃心脩名難與俱
所以樹六柳於為結五廬
門前有流水樹下堪釣魚
我柳已成陰豈不懷歸歎
人生一起舍世事紛萬殊
善學柳下惠風雨慎收居
繼跡予陶子亦曰姑徐
誰其知此心南山默如愚

九月八日朱原道席上作

主人預宴重陽客
我老重逢癸卯年
醉把黃花簪席帽
笑携紅袖棹航船
洞庭山色軒窗外
震澤波光几席邊
不用登臨勞驛使
恍如蓬島醉群仙

為吳中行題畫

老樹骨立偃寒秋
山氣勢崔嵬閑却一江風
月扁舟罷釣歸來

次韵荅珏仲英

客僧留客古禪宮
湯茗爐薰對菊叢
佛法不隨塵世變
鄉心猶與故人同
一林紅樹含疎雨
半壁青天截斷虹
蚤晚相尋東海上
扁舟相趁落潮風

題春江獨釣圖

江碧山青雨過時
輕烟漠漠樹離離
白頭呂望鷹揚去
獨釣滄洲是阿誰

過崑山王御史墓

宋御史王褒字彥光登和進士第紹興初
上疏論十弊切中時病後告老居崑山逸野
堂所著有春秋集傳等書行于世墓在州南
久廢之餘賴知州僕公復之友人殷孝章以
其事索詩故有是作

先生逸野堂何在
仰止崑山有所思
麟史立言三傳外
鷹冠遺直中興時
一坏難朽孤忠骨
十弊猶存謬辭過
客下車翁仲立
共看重樹墓前碑

簡金君玉

我々洞庭山宛在水中央山風西北來微帶橘袖
香吾有山中居一別今十霜題橘宜有書鴻鴈
日南翔老懷多感慨烟火生肺腸作詩報君知
湖山迥相望

聞杜玉泉卧疾以詩代簡

聞君卧讀床頭易世事更新恐未知一國山林
色錦綉五湖烟水照旌旗天寒日暮人相憶冬
小至陽生歲又移江柳鶯黃春草綠幽尋當不負

前期

次韵沈啟之宴飲

栢酒春三日梅花信有風赴君雞黍約醉我鹿
皮翁凍雪山頭白晴雲海山紅天高不可問吾
道未應窮

贈慶別駕

台州別駕不之官烟水孤村共歲寒偶有濁膠
留晚酌旋拖生菜簇春盤三年鄰里通家好四
海兵戈行路難且喜門前金色柳東風堪作画

圖者

送人妾為尼

燕子樓中別綺疏
象王宮裡學真如
秋波獨注蓮花漏
春筍頻翻貝葉書
十二雲峯無復夢
三千沙界本來虛
散花天女長圍繞
觀色觀空樂有餘

路義道見訪示詩言懷予次一首

書畫船來城郭外
客窓春在雨陰中
一違談咲小經年
久又得壺觴
此日同江水
照人清似鏡
山頭戴雪白如翁
新詩屬和題青竹
几杖相隨許阿戎

次鄭起南縣丞出郊

出郭問農事
哦詩思不群
犁鉏江上雨
索麥隴頭雲
馴雉行相逐
雄鳩語更聞
野翁相勞苦
飛蓋倚晴曛

上元夜賦雪

此夕何夕風作威
急雪打我白板扉
大如鷓鴣小鷗鷺
乘風作陣橫空飛
老夫起坐驚且喜
窓

隙罅罅皆珠璣隣家兒女時未寢看與燈月爭
光輝夜深人靜燈獨滅密掩姮娥爛銀闕恍如
太極未分時混沌之天無日月頃臾忽聽簷竹
折驚動老夫方寸鉄直憂歷倒湖上山連我龜
巢化魚鱉老龜縮頸牛衣中夜長如歲心忡々
鄰雞三嗷催曉發燭龍飛出扶桑東口嚼火珠
光燄紅萬國一照春融融客懷愁與雪俱釋青
山依舊撐虛空

吳門訪路義道和古詩二首

客未上元夜筠軒照晴雪對雪飲流霞馱冰煮
團雪誦君詩數篇忘我衣百結一咲看梅花餘
事不復說
新年到城市憂思喜一雪復覩漢官儀仍書王
正月蘇州古名郡邦史得元結老我愚溪愚無
勞捕蛇說

贈楊君濟縣丞

我思崑山鉏白雲高軒訪我麋鹿群我今長州
釣明月君復過此寐冥瀆感君相知式相好與

君談咲開懷抱坐分半席白鷗沙滿目青山淨
如掃社公雨晴風作惡村北村南杏花落觀農
耒往杏花村雞犬不驚田舍樂君歸戕松坐采
陰我舟更入菰蒲深釣鉤無餌勿語人但說烟
波無處尋

寄蕭舜卿兼簡虎丘寧居中長老時蕭年

八十三矣

愛爾隣居虎丘寺劍池磐石好林泉一門父子
門頭如雪十載兵戈命在天故園青山還歷歷春

風芳草有芊芊生公會招賢意我亦耒逆種

白蓮

達至善自錢塘過訪會徐伯樞昆仲諸友

小酌以少陵春日鶯啼修竹裡分韻得

日字

魚旬苦陰兩階蘚青入室良朋遠方耒一咲百
憂共闊別十載餘艱虞難盡述喜聞戎馬間猶
得用儒術間開脫虎口壯志曾不屈歸耒西湖
上飲水獨食蜜中吳舊親知生存百無一龜巢

酒盈樽聊以永今日
兩兒聆話言諸孫亦繞膝
殷勤問生理為我長太息
干戈紛滿眼世事暗
如漆願言慎所之終為保貞吉

雪舟詩為王照磨作

雪中傲兀乘孤舟
千載復見王子猷
吾知君欲記高興
君聽我言當點頭
男兒胸中有兵甲
筆底滔々水三峽
正須擊楫誓中流
雪外蓬婆爭蹴踏
長驅夜入懸瓠城
指麾鸞鳴混軍殺
生擒逆豎取金印
江毒却尋鷗鷺盟

和沈啟之早春書懷

水光山色淨無塵
滿眼東風景物新
繭栗犢眠芳草地
木蘭船繫綠楊津
莫嫌頭上鬢鬆雪
且盡杯中潏灑春
雀自乘軒鳥自好
滄洲鷗鷺與情親

簡錢仁山 六言

一榻青苔對雪五湖春
水流斯欲遣長須覓酒
錢拈秃筆題詩

二月七日 和徐伯樞排悶

人生百年能幾何，有酒快酌金巨羅。已看蓬鬢
點蒼雪，莫待素田變白波。東風花外鶻殺喜，落
日城頭烏尾訛。君詩到手客在坐，擊節聽我玲
瓏歌。

伯樞以啟之韵作詩見贈復荅之

蕭齋孤坐席凝塵，喜得君詩字字新。四海交遊
期管鮑，一家兄弟比椿津。多情燕子重來日，絕
色堯花不負春。愧我少年書劍在，白頭無復報
君親。

贈星術王達夫

虞廷命官非不多，曆象必先義暨和。去年
數千載名與列宿俱，嵯峨先生本學羲和氏。聊
尔談星隱吳市，二十八宿締五經。上繫天時下
人事，先生為人推吉凶。一天星斗羅心胃，河圖
洛書造化窟。妙理貫徹精靈通，齋居垂簾坐終
日。金鴨焚蘭烟，縷碧客車載酒來。問情先生舌
端飛霹靂，每將忠孝語。臣子不惜忠言逆人耳，
天降災祥本在人。能轉移天亦喜，君不見宋

君三善言熒惑退三舍天人果相孚大咎亦可
謝又不見韓退之命在斗牛身坐箕遭讒愛謗
能自知怡然高詠三星詩吾儕此理或未析請
後先生考星曆

和郜彥清州判暮春寓僧舍 三首

治最功成解印歸春風綠髮未應稀如何拄笏
禪床下閑看孤雲倦鳥飛

沈水香銷午篆烟僧房聊借石床眠多羅樹上
頻伽語絕勝天津聽杜鵑

篋藏湘帙沁雲香手閱金經掩竹房門外不知
春蚤晚綠陰滿地日初長

雨中寄友人

春風冷淒淒烟雨豐真相望隔重湖幽事頗
闕情賴有小吳牋可以寫心教心聲寫難盡况
無鴈南征出門泥沒膝恨不生羽翎隔窓兩黃
鳥花間語嚶嚶頽然枕書卧一榻莓苔青

畫

龜巢遺藁卷之三

龜巢藁卷之四

楊縣丞董後開白茅河晝夜勤辛以詩代簡

畚鍤如雲穿白渠客未喜得問何如行庖只飲
婁江水俸米頻供儋石儲人起四更燒蠟燭霜
飛兩袖坐籃輿殷勤左轄銀餅酒為報功成有
薦書

劉旭齋過婁江客舍作詩贈之

方歆題詩寄草堂遠勞移擢過滄浪十年同飲

三江水一咲相看兩鬢霜
田野無人鷄種麥
漕渠通海蟹輸芒
馮君莫語悲秋事
且仗持杯送夕陽

玉田喪側室作詩悼之余亦次韵以相其

哀相疑作慰

目斷琴臺日暮雲相如無復見
文君最憐機上迴
文巧更憶燈前教子勤
繡筐熊丸香尚在
綺窓鸞鏡影初分
江村一月黃梅雨
誰為衣篝熟寶薰

五叢淫送玉田徙碧山與龜巢鄰居

傾蓋雨兩月同一客
天方君今挈家去
宅我龜巢傍
為聞碧山好
宛在雲水鄉
朝紳多寄寓
群髦富文章
將尋漚鷺盟
與我同六截
老婦堪夜績
東壁分餘光
客至亦可留
覓酒過短牆
巷無車馬塵
屋有汗竹香
籬金与牀笏
咲視俱亡羊
惟存廣文瓊
讀書坐藜床
閉門樂吾樂
蔬食猶膏梁
清風北窓下
懷哉古羲皇

寄錙景倅先生

杏花春雨晴時別蒲柳秋風又颯然笳鼓新城
嚴警邏溪山幽館喜安便校書還照青藜火煮
茗應斟錫谷泉近遇故交聞有信遠勞垂問念
無羶龜巢仍寓黃天蕩畫竈今連白水田自今
犁鋤聊卒歲可堪兵革更饑年家居食止一百
廿斗米緡錢八九千瑣二旅懷言莫盡知君憐
我似夔蚺

寄顏悅堂長老及崑山州學諸士友薦嚴
永懷二方丈

雙徑歸來舊竹邊林風礪月兩依狀崑山特立
烟塵外婁水東流渤澥連坐有故人應念我客
無此老共逃禪南能北秀煩傳語秋晚相遇飲
菊泉

杜子才掾史彗詩見訪次韵

白首無機心江鷗最憐我復有新相知時未與
閒坐一涼初過雨七月正流火 鞭君已著短
鍾我方荷壯君早騫騰光我常轍軻隣居幸如
此數見何不可茅茨湖上居菱芡水中果後會

期碧山合歡呼白墮更邀詩酒侶共載書畫舸
中秋月如畫西溪挾歸柁

玉山顧隱君自嘉興荅詩詢僕近況且云
徑山禪老亦望一見故復用韻自述簡

諸故人

數椽茅屋一筇枝萬事無心獨愛詩
債隔年償未了帶圍連月孔頻移
吳田積雨生禾耳笠澤西風斷柳絲
眼底故知俱契闊抱琴何處覓
鍾期

次韵荅戴麟隱見贈

我生無他長耽書竟成癖鬚眉皆霜雪
肝膽如鉄石所賴識前言頃步不妄適
向未走風塵朝不能慮夕行囊既羞澁
家累且繁劇隨身一破硯百指全仰食
驅馳今九載未始一日閒豈不懷故園
松菊怡我顏長蛇及封豕出沒咫尺間
逢人問親戚野坐荆屨班不見鴈足書
徒眎刀頭鑲送憐金斗城如望玉門樹
憶昔重九時鄉隣雞黍約黃花香可愛
白酒味不薄東家復西

家相邀總難卻，負郭有二頃。平居得三樂，朋游
結詩社時。共吟嘯溪澗，采蘋繫春秋。奉祀禴
幾迴，乘天風，歛跡揚州鶴。那知一顛沛，江湖竟
漂泊。移家碧山下，家具少于車。幸均適，相逢同
念去國賒。聚如水上萍，散若風中花。或琴教河
汾，或玄授侯芭。交情比投漆，子弟亦通家。詩筒
頻註來，瞬息經兩稔。壯君多志氣，將衣買臣錦。
老我忘功名，但就呂公枕。三江五湖水，共喜魚
不涸。莫觴了佳節，藜床甘且寢。春日方遲，秋
霜俄凜。好客多釀酒，願作東林沈。

寄丁彥誠

旌旗滿眼各西東，君覓桃源我轉蓬。兵後即知
還舊宅，客來曾辱寄詩筒。石田種秫梁溪曲，茶
竈分泉錫谷中。最喜西窓山色好，青霞不染俗
塵紅。

贈沈彥肅典史兼簡王景德

空山寒雲白如雪，歲晚高軒過岩穴。三生石上
拂蒼苔，一咲梅邊有明月。床頭釀酒松花酒，思

與故人傾瓦缶煩君為問王猷子剡舟肯掉同
未不得

旭齋歌次鍊笛先生

旭先生行年七十餘耽書樂且孺白駒過隙莫
可留欲把長繩繫烏兔囊無一錢任羞澀腹有
群經飽撐拄論交貴在見肝膽不學時人口相
煦有時醉吟詩其巧猶凡注快若爬背癢十爪
倩仙姬昔賢只讀圮上編便遇君王借前箸先
生豈無策可用草廬未有人三顧青山白雲古
畫圖筆床茶竈今家具居吳十年食破硯田
幸喜無租賦秋風籬落霜葉墮枯蔓蕭條繫寒
瓠西伯何當獵渭濱載取非熊後車去

次韻寄題鄧朋壽草堂并簡劉旭齋

賓主東南美溪山繞屋廬經鉏百戰後版築十
年餘木落西風急窓鳴夜雨踈恍々二三子燈
火案頭書

荅楊獻可見贈

憶爾梁鴻山下宅園池不減李文饒一朝猛雨

鶯花去十載東風蕪麥搖客裡相逢聊憫籍樽
前一咲共謔謠君歸不負青山約好似 南早
見招

簡吳江朱志道諸昆仲

去年長至聽塤篪轉眼今年又此時棣鄂喜存
兵後樹梅花早綻雪前枝西山近日無烽火東
閩何人共酒卮兒輩北滯今問訊吳音變楚莫
相疑

盛彥英隱居太湖之陰号具區耕叟命僕

作詩以歌詠其樂云

脫屣東華塵躬耕太湖濱桑麻接隣里魚鳥情
相親閑時讀書牛背上安知六國方攻秦東風
二月桃花雨布穀飛耒向人語一犁初破隴頭
春黃犢去闌健如虎羲農世遠莫可追南山石
爛無足悲 歌咲甯戚夜半猶未已人間閑是
非何用污牛耳我田已畊春晝閑樵童隨我看
青山日暮歸耒一壺酒我謔鳴 童拍手

兒飯牛一天星月憫不收重捻鉄笛作三

弄七十二峯俱點頭

小至

九年至日悲流落一咲今朝醉醞醅
兒子歸來十里外老妻歡喜兩眉開
密雲藏去黃綿襖輕雪飛來緹室灰
遙念故園歸未得竹籬為我護寒梅

臘月

臘月無多日行年六十三浮生空自老
往事日多慙南國山皆赭東郊草未藍
蕭條江郭外雲

暝雪斃

懷野舟閑長老兼簡直本元

大地北風寒且嚴香凝火室晝垂簾
庭前柏樹心相契窓下毒花手可拈
出郭鍾聲聞數里穿城塔影見重尖
欲求智永千文帖煩說區區寄口占

古鼎歌 并序

中吳萬壽寺舊藏古銅鼎其窺識有云王在
周康穆宮門錫裳用作皇考鄭伯姬尊鼎

大德中任陽謝氏嘗欲以重寶易之時住持默翁師不從后謝氏為構佛殿默遂以鼎荅之至正丙申讎遭兵鼎日失去甲辰夏四月愚隱智公乃得於軍人之手者舊聚觀皆曰我山中舊物也既而出鼎見示且徵予詩以紀之

碧雲師着金伽黎室王殿前龍象隨一夫長跏送古鼎狀若獻寶波斯兒群緇未觀集文室中有老僧前致詞云是山中舊物立詞疑識能

無遺惟因臣寰紀君賜用顯厥考鄭伯姬文詞詰屈錯盤詰字使聽伏蟠蛟螭蒼姬記錄世屢改不知何代未於斯讎家寶樹易趙璧巨構賈與秦城齊鼎兮鼎兮什襲去歲踰數紀今未歸師聞此語重嘆息兵火連年矣九域金鍾大鑪棄路傍總若沉沙銷折戟珠還合浦獨無恙護持信有天龍力摩挲兩鉉濕烟霧錯落丹砂映金碧濁水摩尼五色魚出海珊瑚高一尺嗚呼義軒之鼎莫可求禹鼎亦已淪東周世所用者

非尔博或膨豕腹徒包羞調羹尔無與覆餗尔
不憂歸未予歸未北山兮菟裘汾陰自有為時
出切莫放光驚斗牛

歲除前一夕寓姑蘇與友人卞于珍守歲
姑蘇城外小湖邊寂寞僧房借榻眠詩藁寫成
丁卯集曆頭檢盡甲辰年中原喋血人爭地南
國啼餓水拍天起坐夜深如守歲屋山風雪洒
寒糴

偕徐伯樞訪王孟翼酌酒論詩經宿而別

舊雨客來今復來溪堂新築柳新栽風生玉塵
談詩律露濕金盤把酒杯淮甸三邊烽火熄吳
山千里画图開相如未奏凌雲賦當路疇能薦
逸才

劍池送曹廣文赴學士院檢討

我：虎丘山港、劍池水、深人莫測草生寒
不羨世傳祖龍劍斫斷蒼雲根千古兩絕壁鉄
花點苔痕僧厨轉輾輻陰厓落冰雪臨池人有
語響谷出林樾先生屢出賞盟濯彈琴鳴木石

俱點頭魚龍亦知音今居白玉堂還念青山約
群仙與重遊增輝舊岩穴

雨中懷徐草堂兼述杜稼史求詩之意

龍紅飛盡綠陰稠風雨涼生四月秋且喜三邊
清似水何妨一室小如舟歐虞墨帖時臨寫吳
越青山總卧遊肯為杜陵題老桂難兄應作置
書郵札

和浦玉田清明日郊行六絕

湖上新提踏軟沙少年人面映桃花：村風物

渾如舊獨欠青帘賣酒家

柳絲裊：拂滄溟花雨斑：點綠莎寒食清明
春又晚人生不樂復如何

笠澤西頭王墓村桃花水浸竹籬根年：春到
清明日兒女郊行插柳門

一幅春雲巧似裁隔湖飛過碧山未野橋小立
題詩處夾竹桃花爛熳開

四望青山眼欲花山光都是薄雲遮杖藜徐步
歸未晚月上東窓恰到家

每惜春光去後思春來行樂復何辭放舟莫近
吳門去諸將接船正出師

壽徐伯樞

碧山湖邊銀杏樹數百人家星散住中有南州
高士孫借屋讀書深閉門豈無香醪甜似蜜好
客相過方與喫朝來爛醉呼不醒蓬矢索弓掛
虛壁皇天有意生男兒錦繡五箴瑤琨詞亂紅
飛去綠陰靜菖蒲花發當何時

贈葛天民

吾聞清孝公為君八世祖可憐遭亂離麻鞋走
塵土床頭無金何處索堂上雙親頭歎白五星
躔度書一編江湖乃作談天客吾嘗閱其書心
目俱茫然星辰之高四萬八千里三百六十五
度今周天人生兩間應列宿探索豈易窮幽玄
君今自喜得其妙回視筌蹄成一咲萬象森羅
方寸中千尺碧潭寒月照高談往々驚倒人黃
金相載歸養親鱸魚斫膾羹紫莖褊襪五色班
衣新人家生兒孝養有如此何必鍾鳴鼎食重

華茵扁舟過我三江口留宿龜巢看星斗揔槍
熒惑總莫論且道酒星無恙不酒星苟無恙酒
禁必早開娛尔白髮親酌彼黃金罍我生不願
萬戶侯亦不願識韓荆州但願太平無事百不
憂吾兒賣文君賣術得錢可以沽新篘命吳詎
若翁與我日：眠糟丘

崔宗明掾史請告之錢塘省母將徙居未
吳時大尉丞相張公在分省嘉宗明之
行贈錢數千緡故詩及之

丞相知君念母情金刀錯落驢君行衣冠祖帳
三江口帷幔滯舟幾日程烏鵲知人先喜信鱸
魚入饌試當烹高堂若問吳門事

王國金

湯第一城

和浦玉田詠物二首

嗟尔五月菊黃花發何蚤平生傲霜枝乃雜半
夏草趨炎真強顏夕雨竟垂老榴裙炫人眼坤
裳為誰好忍負陶淵明秋風舊懷抱

嗟尔六白蟾爬沙出何遲天生一復瞳且有三

足竒平時人共棄保身自污池昨午遭磔死同
類多可悲月宮老蟾精居高知不知

寄鮑仲孚提舉

風雨蕭蕭五月涼階前書帶草應長心傳千古
文章印名重諸公翰墨場官舍看山間挂笏齋
居掃地靜焚香野夫別後遙相憶一榻青苔兩
鬢霜

寄陳子章申屠仲權

聽雨聽風半月餘高齋吟嘯興何如雨添泮水
芹芽長風撼惟林杏子踈毛穎功名應立傳杜
康交絕豈無書陽春白雪詞皆妙好寄龜巢樹
索居

賀陳子經赴學士院著作

白玉為堂置此身詩書端不負人々花生綠筆
絲綸美柳絮宮袍雨露新日過八磚趨禁署天
開一國用儒紳吳淞江上漁樵客也為謳歌寐
寔濱

寄日本初講主

愛爾吳江水西寺門前流水碧於苔松花布地
金無數蕉葉繙經經萬枚講席每留詩客坐浴
堂曾為國王開別來雨洗秋容淨涼入袈裟亦
快哉

寄譙楚芳

鄉城一別十五年別時玄髮今皓然無教詩與
有聲画彼此贏得虛名傳君家有子為時出且
喜讀書兼讀律絕勝吾兒但筆畊三徑蓬蒿塵
滿室老夫宿如龜六歲思君見之美與壻移家
同飲太湖水尚期東甌分餘光

羸

代簡崔宗明掾史二首

孤坐馳遐想羨壻見若人官壻今画省家世舊
朱輪南國梅花早北堂萱草春慈顏應有喜過
客總儒紳
落葉擁柴扉吾兒日暮歸手持毛義檄身着老
萊衣客路風塵久青雲故舊稀何當報一飴不
遣此心違

壽徐主簿

昔君濯々如春柳鞍馬日隨丞相後翩然提劍
掃蠻烟欲取黃金印如斗一鞭徑度浙河東
南滿眼旌旗紅手援赤子出塗炭慈溪草木生
華風長嘯旆旌行復止濯髮淞江太湖水鱸魚
蓴菜非不佳總憶家山舊桃李君今草堂宅東
郊有田可耕山可樵當上慈親足甘旨相知與
結素麻交金門玉堂紫薇省無復回頭看畫餅
但愛鷺津秋水清雪色蘆花一千頃豪吟往往
似謫仙但不持盃醉花前杯中之物時有禁煮
茶多費惠山泉龜巢老翁不浪出遠未為君作
生日草堂此日題此詩風竹四簷吹簷策堂詩
申仲義錄事自杭州來議論慷慨風節可
喜作此以贈

客來試問錢塘事冠蓋都非舊日人尚喜西湖
堪種柳不知東海欲揚塵手題王粲登樓賦頭
戴陶潛漉酒巾如此江山如此客政須傾倒洞
庭春

賀沈啟之立春

何物淮夷久亂華東風依舊滿天涯春盤薦酒
杯頻舉醉筆題詩字半斜無數故人俱契闊一
雙老眼近昏花家貧賴有長鏡在坐待青山長
蕨芽

徐伯樞仲剛來云鄉僧

刺血寫華

嚴成好事者為之盛集緇素送經置吳
門無量壽庵時有人以兜羅綿拭經絲
化佛手觀者異之贈言盈軸徐伯仲徵
予詩不已故彙括佛氏作此貽之

吾聞兩足尊化身千百億諸相即非空亦非色
云何兜羅絲變現佛手出華嚴海無量本無塵
可拭隻手挽頰波正賴佛之力譬如水中月在
處照澄碧若以色見之痴雲暗如漆由來標月
指具眼當自識

暮春陪周明府過頌將軍祠下碑

黃天蕩上將軍樹：下教人姓頌行人遙指若
堂封往事猶論麾扇渡新祠画藻烟霧濕古木
垂羅鬼神護長洲縣令枉高蓋短褐菜翁曳雙

履海棠正落臘脂雪山併為酹金槃露柱頭老
鶴作人語道旁馴雉隨車駐吳趨一曲歌未了
蜀魄數教春又暮金戈鍊馬尚酣戰白羽清風
復誰觀看碑莫怪客如雲彼君子兮真可慕

端午日徐伯邛過寓所以詩見示次韻五

律一首

南湖風浪惡客至喜且驚連日雨不止明朝陰
又生戈船海中歸戰鼓江上鳴端陽一杯酒忍
聽歌零霖

簡徐伯邛

淮海十年猶亂離清江一曲自棲遲門前纔送
催租吏籬下還吟采菊詩世事紛々何日已襟
懷瀟灑少人知卜鄰欲近蘆花渚我亦扁舟理
釣絲

寄徑山及以中長老

重攬凌霄絕頂秋歸來笠澤繫孤舟青山何處
無黃犢滄海相知有白鷗六合雲開天蕩々百
川風靜水悠悠試聽漁父滄浪曲江上蘆花亦

點頭

壽慶治中

日下歸來年復季之官未上浙東船人憐垂老
身長健自喜屋間志益堅好客每呼隣舍酒教
兒不惜買書錢試看尚父鷹揚日渭水秋風雪
滿顛

次韵寄題碧雲禪老上海縣山居四絕

青松種來過屋長松濤六月生秋涼香凝笏室
靜如水道人觸法俱相忘

住菴人似南泉老無數青山在屋頭眠鹿堦前
金布地西風吹老桂花秋

門前問話人立雪想象吾家游與揚靈禽盡得
響天樂老鴈獨憐隨稻梁
海上諸峯絕點埃浦泉流水碧於苔何當借與
梅花屋我亦移家歲晚來

又和律詩一首

笠澤東連海好山青更多遠今苔脯供魚寄草
菴歌柱錫僧方去携琴客又過送迎門不出柰

尔懶融和

寄沈德齋

入城每問東林老避地今居巢海頭秋半即嘗
菰米飯冬初已著木綿裘青衣搏藥鄰鮫室烏
几燒香對蜃樓我欲移家相近住釣竿煩為覓
滄洲

為源長老贈醫士單子達

老我無他伎憐君正妙年父書能盡讀醫術得
親傳舊隱到溪上今居笠澤邊幽蘭纫古佩采
藥洗春泉鶴守燒丹室鷗隨載酒船每聞驅二
豎近喜活枯禪優鉢微含笑頻伽喜欲顛却還
青玉案持去白雲篇高誼能如此明時豈舍旃
政須醫國手為我救顛連

普大雲講主以紈扇畫蘭見惠作詩謝之

時雲在吳江普渡院講法華經學徒甚
衆

上人遺我白團扇：上復為蘭傳神足知清興
迴絕俗更覺幽馨時襲人猗座講經雙樹下龜

巢織屨五湖濱明朝相約看山去不怕西風揚
遠塵

寄朱原道昆季

太湖三萬六千頃流血水腥江海連幾處焚舟
成赤髻有時飛砲落青天鷄虫得失那能問鴻
鴈飛鳴亦可憐若箇桃源堪共住也須容我釣
魚船

臘月二日偕俞寬仲過篠涇僧舍蒙舉似
近詩次韵一首

故國溪山各遠離倚樓長笛為誰吹相逢上海
三生石共惜邊風兩鬢絲客舍暫如索下宿世
途危甚劔頭炊明朝畏茗西庵去更約匡衡細
說詩

勁節亭詩為中半雲講賦

我本山林人此君與群居頻年辟戎馬出走荆
棘途雙溪適相遇歲晚米雪餘蒼顏固云老清
氣方凜如儼然古君子節勁心仍虛紛：桃李
花榮悴絕斯須長松髯似戟亦作秦大夫我思

首陽山竹君兩遺孤高風激頽懦氣節與君俱
之不復見：君如友于此意知者誰居亭老浮
屠綠琴為我彈碧酒為我沽萬事付一咲嗒然
我忘吾誰

懷徐伯樞諸友

一昨方卧病妻子呼避兵扶持上輕舟烽火照
夜明問兵今還近言圍闔閭城賴有風滿帆送
我東南征三宿坐不寐鶴鳴近華亭晚泊青龍
江蘆菴匝地青新知適相遇留我居蓀沚土風
頗淳朴地僻鷄犬寧吾病日已瘳客未能送迎
老叟心自憐或謂詩骨清比鄰两三家情親若
平生園蔬日持送酒壺時共傾對酒不能樂艱
虞未忘情懷哉數君子兩打水 upstream 漂滯各何
許各將尋舊盟賣刀買黃犢子孫共春耕柰何
西枝西砲石猶雷鳴

偕俞寬仲遊普光寺俞作紀行余和一首

繞屋踈筠玉有光沿堦細草翠生香林蔽鹿苑
雙溪曲路轉龍江十里強蕉葉繙經人自樂槐

根做夢緣何忙白衣二老耒聽法甘露醍醐淨
試嘗

臘月二十日會林才元於普光方丈

詞氣崢嶸吐玉虹山林興與老夫同獨憐幽草
耒西礪共聽枯索叶北風四海十年兵火後雙
溪一咲夕陽中評詩為棹樓御舌殊勝儀秦諂
七雄

送和彥良兼簡朱端卿

移家喜得好林泉甫里先生古宅邊憂世頗添
新白髮校書還坐舊青氈秋風茅屋都無恙臘
月梅花正可憐我有古人多古意斷琴煩為續
朱絃

贈張孟文

青龍江水清如玉青龍故家書滿屋中有郇公
九葉孫一目五行能盡讀科名未欲拾地芥燈
火長如校天祿有時述作繼風雅三國六朝車
並轂手揮赤血投鯨牙琴斷去文裂蛇腹雙溪
近傳寒食句又出唐人一機軸相逢說項人益

多宛見清標立霜竹吾生愛詩入骨髓老去窮
吟髻如鵲金張許史嬾折腰沈謝曹劉長在目
江頭偶泊避風船故山將歸采黃獨金盤不必
贈檳榔願覓奚奴珠一斛

次韵贈本蘭亭上人

庭前手植娑羅樹：下頻緇竺國書失鹿不知
秦二世柔魚那問楚三閭園收柿葉皆新紙林
養松花當宿儲十里雙溪春水綠浮杯持復訪
樵漁

余患癰疽適兵后無醫藥可療即事口占
并寓感嘆

吮癰人在五侯家市肆都無藥可賒童子歸來
風雪夜老夫愁絕對梅花

次韵徐伯樞見寄二首

病卧碧山久愁添白髮新一冬無雨雪四海尚
風塵妻子移家遠親用折簡頻梅花應咲我出
語款驚人

客夜牛衣薄玉春鳳曆新東南蛙角地多少馬

蹄塵聲、依然急壺觴莫厭頻君看塞翁馬得共
豈由人 鼓

奉贈薛宗師及于薛二真人

論道清寧日承恩紫極天星言辭輦轂雲臥梁
林泉虎衛燒丹室龍畊種玉田居山間宰相行
地活神仙清問時猶及玄談世共傳春秋今近
百弟子動成千八室稱于薛承歡度歲年蓬萊
方丈外磧隩澱湖邊別墅三花盛深居萬竹連
玉蕊紅綻兩瑤草碧生烟麟脯供仙饌鸚杯舞
醉筵雲嶽齊上下霞袂各褊褰福地風塵遠壺
天日月懸日光方炯、眉壽正緜、老我頭垂
白尋師志在玄飄零隨草芥佩服集蘭荃欲進
圯橋履重耒笠澤船山靈元有約石髓未應堅
析理秋豪末研幾太極先黍珠當一照光彩徹
天淵

早春訪蔡君立家以詩見贈次韵答之

老夫藜杖病初起幽谷蘭花喜正開持酒對花
留信宿賦詩題竹約重来一犁新水初春兩百

蟄皆驚半夜雷嗟我無錢堪買犢歸畊心亦冷
如灰

正月二十三日過許君善竹所留六日：

蒙置醴且出諸画卷命留題焉

茅屋秋風杜陵老桃花春水許家墩連宵共剪
西窓竹每日頻開北海樽童稚間鷹知揖讓鄉
隣見客問寒溫逢留不厭逢多兩喜得題書萬
竹軒燭

余過橫塘訪趙用南先生值回錦溪遂留

許徵士家兩窓日覽元夕之作次韻代
簡

行路難行久不禁尋君欲吐別來心十年飯顆
詩容瘦一病文園渴思深鹿浦繫船逢積雨客
窓拄笏見遙岑誰能縮地仙人術共聽花枝快
話吟

安素齋詩為高彥舉作

羲黃世云遠淳風浸彫零紛々慕浮華形役心
靡寧惟爾為觀者於物澹忘情天君常泰然月

白霜潭清美玉非不沽，之價連城向未莘野
農釋美即阿蘄磻溪釣魚叟飛揚乃如鷹湯文
苟無遇耕釣畢此生懷哉古之人安素斯足稱

溪西小隱詩為許君善作

馬鞍山南三十里庶虞浦接橫塘水挑花兩岸
小橋西蘿屋數椽修竹裏先生頭戴烏角巾青
鞵不踏東華塵扁舟溪上釣明月長鏡隴頭鉏
白雲客來看竹呼鄰酒客去對山開北牖琴彈
古調每橫膝筆寫新詩長在手自言得句如得
官富貴却作浮雲看青山有約如不爽白鷗之
盟奚可寒箕山久矣人寂寞眼底誰能如此樂
文章多樂鸚鵡洲衣冠俱上麒麟閣老夫幽懷
欲與論移家今近西枝村風清月白憶玄度莫
怪杖藜未叩門

題孫彥學所藏江貫道清江汎月圖

吾聞老郭之傳許與江山水絕筆稱無雙此夜
圖景江所作彷彿教動林壑長江澄，月在水
遠山蒼，樹如蟻如此江水夜放舟若人真是

遙道遊爾來一百四十載陵谷變遷画图在世
無蘓李兩詩仙赤壁采石俱蕭然老夫興固不
少解裘亦足酤清醪出門有礙行且休不如燒
香看画梅上頭

靈山圖

憶昔山居擁寒雪夜半讀書檠未歇長林月在
挂猿枝幽谷風生藏虎穴十年奔走避兵塵手
持一竿滄海濱適因看畫長太息青山頭上亦
如人

普講主寓普度蘭若十一月望為游軍檢
括是夕以橐楷蒙首露坐陸氏莊埃燼
中怡然賦詩予嘉其言其臆志和而美
之

道人心如、說法無定處無喜復無瞋亦無諸
恐怖初聞戎馬未枝錫出普度群氓棄家走子
女多失怙或遭刀箭傷或受係累去或作蚕聲
哭或為折腰步裸跣走且僵烟塵晝如莫師時
在中野亦值一強禦猛若敵利王殺佛渾不顧

手持霜雪刃聲發雷霆怒惡狀冠群醜丹青筆
難措脫我僧伽黎問我石頭路搜索祇園全檢
括青州布區區身外物自謂無足護把茅聊蓋
頭露宿吟古句干戈雖未息江山嘉如故相期
看餘春牡丹花貴富

和趙朋春詞四首

落梅風急綺疏寒簷鏤鏘如響八鸞堪笑嬌癡
兒女子折花騎竹繞長干

多謝提壺不住鳴杏花枝上月三更銀罌瀉盡
蒲萄綠粒為傷春醉不成

小閣釣簾待月時燭花頻剪夜何如惜春不柰
春宵短翻憶秋宵玉漏遲

其

花拂盆池入鏡光柳搖臺榭弄鶯黃晚來頗覺
東風惡分付薰籠藝暖香

遊南山和余伯昂韻

諸君南山遊豪吟氣憑凌惜無龜巢老拄杖携
赤藤悅觀陳湖水一掣秋露澄吾兒躡吾屐樂
與君共登坐華籍苔茵尊酒空十用垂楊細腰

舞不費纏頭綾羨君方妙年文章有師承譬彼
學佛者當為大乘僧滂沱夜未雨紅日喜彩斗
楊花飛渡江茫然白雲騰晨看有聲畫妙若曹
不興茲山賴有傳詩名與俱稱

和臨寒食有感 五絕

何處登臨散客愁千墩浦上聽漁謳清明落盡
梨花雪能得春風幾日遊

憶得少年寒食日落塵上馬蹄香六龍城郭春
如畫那得旌旗帶雨楊花

烈塘墳上樹如雲一掃東風十五春不信令威
歸不得竟移華表屬他人

一徑落花春晝靜四隣嘉樹綠繁陰兒曹忘却
懷鄉意浪說春風似故園

白髮蕭蕭客未歸妻風緊雨禁烟時青苔白骨
尋事堪咲田父為客悲 常

遷居

逃難居頻徙幽懷孰與論昆山一舍地湓浦數
家村老去仍為客朝未又抱孫兩餘春韭綠生

意滿東園

聞玉山頽隱居以賦役入城負疾而歸而

山中花竹多為有區、懷思寄詩代簡

聞道龐公也入城還家風雨近清明催租人去
詩仍好市藥童歸病已輕尚喜竹林青筍出不
嫌花徑紫苔生野夫得此平安信尋訪姑遲數

日程

哭杜玉泉處士 二首

每憶城南杜今為地下即好詩留巨帙遺像在

高堂濯、孫枝秀離、宰木長可憐棄與梓春

雨竟淒涼

東郭溪山勝南園花竹深平生多樂事之死遂
聞心挂我客中劔撫君床上琴迴風吹柳雪和
泪落衣襟

四月二日林自瑤城歸寫遷屋詩四首曰

以述懷并記時事

鶴長鳧短世難齊滿眼風塵客路迷竈突未黔
居未徙兒曹况在兩湖西

六幅蒲帆帶雨開，瑤城艇子過湖來。
老妻正倚門前樹，雪色楊花覆綠苔。

僦得僦得鑿井新，客來不厭煮茶頻。
屋頭鶩地顛風起，狼藉桃花滿樹春。

山居

鬢絲垂領白氍毹，老我身如作繭蠶。
午夢忽驚飛砲響，狼烟只在澱湖南。

余往哭杜處士過淞江問途乃知其弟玉
溪亦殂去兩月追懷宿昔作詩悼之

往歲留三宿，今晨哭二難。
榻縣無復下，琴斷為誰彈。
溪竹春雲散，庭花夜月寒。
悲乎浮世事，長夜雨漫漫。

荅徐伯樞見寄二首

十載風塵走朔南，白頭如雪面如藍。
借車載具家頻徙，應俗為文筆大慙。
茅屋雨添苔上壁，竹籬烟護筍抽簪。
別來行路難行甚，何夕挑燈與細談。

杜宇催歸不絕聲，知君歸計正留情。
東膠茶焙春烟暖，西堠花村夕照明。
音信尚煩黃耳寄，交

情不負白鷗盟明年築室相鄰住兒輩求田與
力畊

邀管伯齡許君善鄧宜之端午小集

十年端午長為客一咲今朝有故人江草碧搖
書帶淨石榴紅摺舞裙新潮生小港通舡路風
掃絲軒振席塵酒禁未開壘爵耽茶鐺爛煮兩
旗春

邀月田上人

借得溪鷗半席沙相期表喫趙州茶渡江賸有
蘆堪折日落潮回即到家

次韵荅許君善見貽

憶昔平居頻會友家有秫田供釀湏安知今日
對端陽無酒可澆談咲口客未置茶聊解羞強
將車轄井中投清風綠樹北窓下時聽一教黃
留西山雲起日將暮斯湏雨暗橫塘路銀燈
纔點即生花為我喜君青眼顧我心如醉顏如
醜憂時未寧奈老何明年此日復此會此詩當

遣玲瓏歌 酒

即事

黃梅落盡雨初晴
客舍青苔四壁生
鏃砲打城
身動地老妻猶訝
是雷鳴報

代簡大雲講

天竺之書五千卷
吾師以之全歲轉
蚤年手握
摩尼珠握然擲
錫遊天衢
歸耒灌足太湖水
從此一龕兀坐如枯株
有時忽作獅子吼
狐狸野
牛顛倒走
有時閑寫山水華
光之梅作清友
近聞有約過貧家
家掃門迎象車
欲知老夫
何物作清供
湓陰小圃自種崑崙瓜飄

朱公路縣丞和徐伯印詩見示不為險韻
窘束余甚喜之故復和一首以寫起敬
之意

瓜廬淞水西溪山
勝東陵玉立開
迳竹纓垂刺
簷藤善養氣不餒
靜觀心澄白
雪少人和青
山與誰登稽古蓄
萬卷問竒耒
遠朋頽余犢鼻
布不識馬眼綾
耒詩清可喜
玉露仙掌承
想當
締思時寐如禪定
僧詩成掃巨筆
墨汁飲數升

干戈有時休雅頌當復興願同杜拾遺一代詩
史稱

壽張實甫

我愛龐德公躬耕亂離日以安遺子孫此計真
第一君今床頭金有餘傳家之計乃亦如況入
東林遠公社每誦西竺空王書啣耶久矣機心
息鷗鷺相知俱莫逆獨憐丹穴一鷄雖偶爾西
飛歸未得願言晚節金石堅河清復見昇平年
明年此日壽觴舉三鳳聯翩即罷前

寄贈勝無能上人

雙林舊宅今蘭若百丈清規老作家燈然佛龕
無晝夜榻留禪納共烟霞屋頭青覆娑羅樹池
上紅開菡萏花六月香風清似水野夫曾此坐
鷗沙

丁未夏六月寓真與菴數日賦小詩以

寫目前之景適大雪師遺雙清圖足成
十首

抵樹園林舊兩荒僧廬今喜近滄浪我未一榻

南窓下分溪得風午夜涼

臨溪照見影稜々老我頭童狀若僧堪咲讀書
心未死夜未猶對佛前燈

燭龍銜日出東溟飛到天中落火星莫怪懶融
門不出一林翠竹風冷々

荷杯飲露比名酒松塵生風無俗談日落清蟬
吟未了兩耒白蟻戰方酣

高堂無塵清晝遲山僧持鉢未歸時白衣仙人
坐相對淨瓶楊柳青垂々

客來自汲煮茶泉臂足浮屠亦可憐借我石床
箕踞坐有時閑說趙州禪

梭鞵不鞵苧衣輕好客何妨日送迎試聽砲車
飛霹靂將軍觸熱正鏖兵

雙林一室卷微疴列坐群緇問若何不用散華
天女輦儼然無語老誰摩

芭蕉葉上遍題詩更覺吳牋寫竹枝過客莫嫌
人寂寞鬢絲禪榻正相宜

生愛梅花與水僊故人摹寫寄林泉披圖淨拂

燒香几何異長齋繡佛前

普講主過千墩偕余訪溪西出普公曩歲
所作水仙花求題普為重記歲月俾余
題其在云左

毒兄礬弟總不見邂逅獨睹凌波仙雲翁指點
咲相語我為傳神三十年

簡蔡君立從事

齷齪布衣老生無晉人風杖藜相訪不相見興
盡適與王猷同出門喜清飈天氣涼蕭々重雲
忽迸日六合如法室東屯行々行且止賣藥人
家杏林裏蜚廉意若迺我歸南薰轉從西北起
快哉一披襟長咏出舞雩老夫此興君必知黃
金不用鑄鍾期歸去未了溢水西

與諸友論詩次朋南韻

每見故人詩不俗恨不移家與連屋人生有詩
可傳世萬事無成心亦足嗟哉風雅絕遺音斷
絃未有麟膠續三經三緯機軸在文士疇非賴
私淋屈原吐詞蘭蕙香能襲餘馨惟宋玉兩京

豪華六朝靡毅律由唐轉覆東草堂先生獨冠
佩進退委蛇氣容肅孔明廟柏一品題儼然萊
竹森淇澳要之煉詩如煉丹九轉功成龍虎伏
秋高當約許玄度妙法參諸老尊宿

次韵荅用南重九之約

重陽無酒不須賒看菊柴桑處士家只恐滿城
風雨到客窓岑寂對簷花

贈筆生王伯純

時方用武我業儒王生賣筆未吾廬生成世業

嘗溪上製筆特與常人殊宣城阻兵十三載猶
喜山中老貌在拔耒秋穎帶微霜縛得銛鉏含
五彩昔季草制供王堂：仙人雲錦裳三鱗一
字不易得筆價亦與時俱昂莫怪年來棄如土
掃滌風塵必祥斧生今賣筆我賣文何異適越
資章甫呼兒並用買一束為我寫成懷古錄吾
兒作字三嘆賞八法以之隨意足我有好音生
可知用筆將見文明時諫公筆諫佐明主老我
筆畊箋古詩逝將重作毛穎傳為紀頻年遭薄

賤幸聯為生書姓名守業不隨陵谷變中秋遠
逢酒禁開椰瓢酌生新潑醅酒酣仰視月中兔
長咲一聲歸去未

盧志道馬公振以滿城風雨近重陽為詩
首句各賦二絕同日見寄要余和之

滿城風雨近重陽一望蘇臺百感傷臺下伏屍
多賤血秋花不似舊年黃

滿城風雨近重陽門巷蕭條草木黃茅屋破未
天更漏誰能補石繼媧皇

滿城風雨近重陽籬菊花開酒未嘗四海兵戈
無了日十年書劍客戎鄉

滿城風雨近重陽猶喜觀山目力長風雨晴時
山更好也須携酒挂車傍

兩年九日晴景不同口占二詩聊述梗槩
去年重九日烽火接三州黃菊無心看青山滿
眼愁風霜新鶴髮塵土舊貂裘為覓桃源路挈
舟到海頭

今年重九日兵破闔閭城紅粉娃宮毀黃金郿

鄔傾老懷多感慨歸思轉縱橫賴有茱萸酒開
軒看晚晴

旭齋劉先生四明隱君子也客吳數年日
以詩酒自娛特與余相友善丁未秋年
七十有六自謂不以于世為志墓之文
及賦詩自輓其詩曰知非總戒酒送我
但吟詩且邀余以辭挽之余既為贊小
像後五日乃携酒詣崑山勸飲故有是
作

天生劉伶愛杯勺杯餘更以詩為樂有時痛飲
發豪興徹夜長吟追古作曾吞雲夢氣崢嶸筆
吐珠璣光錯落知心每恐化渴烏見面俄驚作
癡鶴為嫌八達太踈狂乃効獨醒甘寂寞高陽
人咲老癡漢杜舉身遭束高閣我未黃菊似含
喜座對青山論鑄錯舉觴一笑口復開蓋棺百
年心不作金龜足可換新筓玉兔無勞擣靈藥
偃月堂前丞相死齊雲樓下降王縛眼前事世
真蟻夢身後虛名等螢燭何如閑策鐵拄杖時

復醉傾金錯落吾詩便作薤露歌
活輓先生薦清酌

張伯庸在郡城被圍數月間道而歸賦詩

賀之

鴈書到手人方喜虎口脫身君已還
難似上天行蜀道險於中夜出秦關
柳營鼓角邊聲遠菜子衣裳喜色班
百斛葡萄新釀熟歌童莫放酒杯閑

方池詩為馬公振作

携我方竹杖看君方池水宛然俯中庭
照影明月裡清風生蘋末素練吹不起
魚樂魚自知主人亦應爾

和許君善郊居十首

秋色滄茫日落斜鯉魚風起荻飛花
先皮晚酌依稀醉吹笛漁童恰到家

書画船頭吐白虹談玄塵尾洒清風
繞籬種得陶潛菊時復看花酒一鍾

塔前幽草比琅玕屋上慈烏即鳳鸞
老去山林

友麋鹿不知貌虎尚桓：

流水柴門不貪古今曾見幾何人山中松菊陶
元亮谷口犁鉏鄭子真

厭

怪底深秋氣候溫野花成子竹生孫數椽衡宇
清溪曲風雨蕭蕭晝掩門

竹有幽軒水有渠閉門不出十年餘一編脩得
梅花譜又注神農本草書

朝野新聞總闕如經鉏甘分老迂疎客未留喫
雕胡飯旋斫溪頭出網魚

窮到無錐累始輕黃金何用苦留情姑蘇臺榭
新如畫又被西風一夜傾

不見魯山元紫芝干戈滿眼少陵詩采樵何處
青山好逢着僊人且看棋

一雨洗兵秋可憐東吳香稻熟紅蓮許家墩下
斜陽外無數饑鳥落晚田

淮夷篇

大邦淝河西吳郡稱第一淮夷著柘黃耒作豺
虎窟交數無善道西顧距勅敵一鷄嬰網羅同

氣頓蕭瑟正朔仍奉漢天恩滿床笏賦粟歲倍
蕞郿塢金日積非無舶棹風海運不挂席包藏
狼子心反覆莫可測臺閣兩重臣忍為梟獍食
井蛙自尊大出入復驚蹕愛弟寵且驕開府門
列戟提兵幾百萬勢熱手可炙甲第連青雲圍
溷亦丹碧瑤池長夜飲天魔舞傾國帷幄皆面
諛忠鯁即麾斥權門競豪奢婪。務懷壁淮南
舊巢穴坐視城章擲出師理侵疆所向輒敗績
鄰兵賈餘勇一舉數州浮群克納降去孤城獨
堅壁柰何圍數重樓櫓比如擲砲車拂雲漢晝
夜飛霹靂寵弟既壑粉左右皆股栗短兵屢相
接苗獠與戮力南濠百花洲流血水盡赤閉閔
甫期月人面多菜色蔬食猶八珍骸骨爨下折
衆叛已知豕突猶親出前途忽投戈回騎不數
匹一炬齊樓妻子隨烟滅縛虎送臺城咆哮氣
方息嗟哉尔淮夷貴富亦已極雕墻夜滅亡期
理信弗忒

十月過吳門一首

無數雲梯盡未收
觸髀如雲擁蘇州
偽王守死空遺臭
降將偷生忍負羞
庶走荒臺千載後
烏啼野樹五更頭
篙師也為愁
無寐不待天明已放舟

過無錫書所見一首

朝發吳門東暮宿錫山下
隔牆語嗚咽云是流移者
生來本村居白首事耕稼
居城僅期月區避兵馬
狂奴稱老虎啞人空四野
城降人出關方幸虎遭弔
里胥俄投人員郭一網打
監官驅上船寸走不少假
不知遣何之骨月忍相舍
語罷哭殺悲涕與泪交
瀉同行十數人瘦骨皆一把
鍊索連係頸俛首若音啞
天高恐無聞爾悲知者寡

歸故里一首

憶昔走避兵棄別鄉井去
意將朝莫歸行々重回顧
安知今一絕方踏去時路
四郊皆蔓艸白日暝如霧
披榛訪閭里隔水拜先墓
傷哉眷令原黃蒿走狐兔
別墅破墻在郵亭乃新作
鄰兒

二三輩茅茨畫局戶相見不相識熟視肖厥父
坐以泣且言為我話親故什九死兵戈餘亡不
知處其詞吐未終我泪已如注對食不能食相
期歸蟻聚吾將語吾兒賣書買農具歸耕溪上
田宜若烏返哺吾其正丘首此心庶無負

戊申歲訪明南執中二趙君皆連床夜話
極談今古時明南以草亭自號工詩有
唐人風致不苟作也越信宿作詩眷留
臨別復有魚米之遺執中亦和詩示余
意皆有餘而不盡也後十日次韵二首
其一寄題草亭兼謝所遺一以寄執中
以述文契之厚云

圖畫蘭亭跡甚陳谿山何似草亭真晉人標致
清談妙杜子詩篇下筆親客至合惟常盡醉我
未留宿豈辭頻還家飽啣魚羹飯更喜餅儲玉
粒新

經歲離懷得具陳酒杯深淺兩情真老夫生賴
詩書力良友文同骨月親楊柳錦谿春尚淺綺

羅鐙市雨何頻別來十日牛衣卧世事如今又
一新

和施天明即事二章：五句

吳儂頭白隻眼昏夜逃淞上烟水村老妻剪絰
招驚覓問之不說若徭役但言入地恨無門
吳儂十年遭亂離飛芻輓粟筋力疲哀々婦子
皆瘡痍春未破屋雨連日疑是泪後天眼垂

戊申春浙西僧尼道流凡主寺觀者皆集

金陵蘇州萬壽寺長老愚隱師亦在焉

僕嘗夢寐中與談今替且問及剛中毅
公故賦此以寄二老

夢遶鍾山訪舊遊共看江水話閻浮隴西鸚鵡
金籠閔海窟珊瑚鐵網收刀尺尚須成妙用餅
盂未得賦帰休別時問我隻峨老為道身如不
繫舟

寄姪僧德無言二首

時在金壇西謝村
菴居

紅梅閣下夜連床一別經年十二霜爾父爾兄
俱即世吾孫吾子未還鄉西林卓錫青山好東

海垂綸白髮長何日與言生死事更論松菊故園荒

嗟我成童即棄家住菴鈍斧老金沙篋藏林下
繡經葉餅養山林供佛花浮世本末同一宿歸
途必合駕三車白頭痴牀遙相憶燈下脩書字
半斜

馬公振以以兩懷思作詩見寄遠千墩諸
友朋為謀道旁之舍因和及之并發巨
浸之歎云

芳草萋々春復春桃花應笑未歸人數椽矮屋
清溪曲一個扁舟綠柳津且與往未成款段從
教圖画上麟麒老妻頗勝劉伶嬾不惜春衣曲
酒頻

吟罷秋風破屋歌不堪春兩復牽蘿無人為補
青天漏滿眼愁看白水多階下縛橋兒渡蟻門
前換字客籠鷺可憐豪氣三千丈方覓堯夫十
二窩

公振和許溪西韵并簡老夫次韵荅之

去亂已如此年饑更柰何城池百戰後風雨一
春多有酒客同飲耽詩病亦哦老懷聊自遣頭
髮未全皤

和同明府留題趙靈寺

大澤水環金剎地小樓簾捲玉山烟桃花雨濯
江邊錦榆莢風飛地上錢人世屢驚天柱折佛
光還自月輪圓衲僧會得頻伽語也學詩人拜
杜鵑

田家謠

華朝一雨連寒食水沒吳田深三尺田家壁立
杼軸空逃亡半作溝中瘠農官令下星火飛勸
農踏車農苦饑產蠶之竈斷烟續藜苋煮耒青
葉肥商羊舞如獨脚鬼天瓢倒傾恐未已水車
恨不化渴龍一口吸盡西疇水我謂爾農毋怨
天堯田水溢亦九年但有人能拯饑溺即令四
海無顛連請君試聽踏車鼓藝穀中含疾苦
天門九重路脩阻此聲何由徹明主

趙真白輓歌辭

前代衣冠族先生山澤臞淳風振薄俗高誼揭
中吳舊責焚餘券凶年賑餓夫紅塵無足跡白
雪滿髭鬚缺硯磨未磷羸金視若無蹇餘牛馬
走愛爾鳳凰雖卜宅未依倚通家學步趨玉枝
纔有許瑤草遽成枯敬下墳前馬仍瞻屋上烏
典刑無復見老泪落鮫珠

寄謝朋南執中、行諸友兼簡楚岡滄海

二禪伯

錦溪水流無住時我思故人心如之扁舟未繫
溪上柳六月初三新雨後常年大暑今欲流今
年天氣涼於秋故人相見不相舍水竹軒亭榻
俱下東家談咲復西家之家碧簫瀉沆霞醉抽
吟卷看珠玉夜窓剪尺如掾燭明朝竟日復留
連月在柳稍方解舡瀕溪更有好僧舍古木陰
森正宜夏龐眉兩僧亦可人茶鐺長煮小園春
但久移床就泉石共聽松花坐終夕

簡熊元脩

憐君苦有軟脚疾媿我貧無拖藥錢此日尺書

重問訊何時杖藜與周旋湖鄉地濕黃梅雨舍
館窓含綠艾烟猶喜東家好事銀餅長送酒如
泉 策人

奉贈吳逸菴

先生頭髮烏如漆上壽明年八十三豈有神仙
傳秘訣尚看孫子著朝簪燒香看画湘簾捲留
客題詩綠酒酣堪咲野夫扶醉別出門更與阿
誰談

寄張伯祥兼簡顧玉山

尺書曾去墮沈浮嗟我懷人意未休兩地共看
千里月西風又換一年秋牧羝餐雪猶歸國買
犢耕雲且素侯暇日煩尋顧文學為言相送愧
鄒游

石箭頭歌 并序

丙午冬吳人自望亭駟鑿渠通漕湖深丈餘
乃得石箭頭長州徐伯昂氏以所得之一
見遺一以遺倪元鎮請各賦詩

南山爛盡蒼雲根飄風勢欲傾崑崙何物老罍

作遺鏃神剗鬼削秋無痕沈沙不隨戈戟折太
陰玄精壯冰結五十假手出重泉猶帶堯持九
烏血贖羊肝膽破尼子走折足獨有老於菟坐
嘯風滿谷援臂將軍骨已枯蒼頭廬兒金僕姑
時乎時乎柰尔怒

次韵集講主見懷

君今風北我枝南燈火餘輝借佛龕老去著書
酬素志客未揮塵接清談遠公沽酒能相引中
散鳴琴豈不堪且喜蚤秋頻得雨襟懷無復鬱
如悵

偕大雲大成二講主及學上人宿暉像寺

詢無言山房作

西晉招題屋半摧江流依舊碧榮迴黃楊偶厄
今季閏青海曾浮古佛未明月一庭僧下榻清
風四座客銜杯石蘭點筆題詩處池上藕花秋
正開

次韵荅許君善

滄洲濯我足白首事經畬幸作依留客難忘薦

彌書病聽鶯螿闔守拙類鳩居長日思君子新
詩忽起予

蚤秋寄悅坐長老 三首

雙徑人未候起居山靈想亦問何如煩師為覓
龍潭水洗眼將看後世書

秣陽晴火雲騰未有天風鬱蒸珍重毗耶方
丈室一壺寒露置清冰洗

我愛青山冷澹交吳淞江上寄龜巢秋未剪得
芭蕉葉欲借楞伽手自鈔

閏七月七日許徵士以詩見招適余有昆
陵之行不及赴次韻答之

西風木落大江秋明月江行倚柁樓一路看山
三百里桂花時節到奔牛

過無錫梅村口占贈喻子英

梁鴻山下碧溪灣落日滄茫客度闌秋色已催
紅日老人生何似白鷗閒危橋跨水苔痕滑折
戰沈沙血點斑奇士相逢忽相別相知只在片
言間

中秋三首和易九成韵

中殊無客夜相過
落葉衡門感慨多
明月幾迴懸似鏡
浮生百歲去如梭
誰家桂子香如許
我屋茅飛冷柰何
猶勝去年連日雨
吳兒苦織覆城策

海門潮上水西流
白兔蟾蜍出海頭
洵有鰲鷲兩至鬻
衆口說天愁
楚氛已覺三邊淨
湯網終當四面收
自惜金陵多王氣
如今重作帝皇州

玉人携手步陵波
憶昔南樓載酒過
樓上管絃長夜沸
座中賓客少年多
按歌自擊鐵如意
呼酒滿傾唵卷阿
堪咲餘情忘未盡
中庭舞月影婆娑

為許君善題竹石圖

竹君骨清癯石丈貌奇古
誰其為寫真中吳馬振之
吾生兩眼多閱人此君見之
情甚親尋常兩鄰不易屈
此丈拜之心莫逆可憐君家
萬竹遭斧斤石亦去作飛將
軍齋居處日空對画目

前所喜無風塵凜然清氣秋滿屋六月不知炎
暑酷我未賦詩重品題此石冥空如此竹勿為
葛陂龍勿為金華羊徵君與尔三作友老夫亦
得與時同徜徉此

聽秋軒詩為開元寺方厓長老作

一龕禪寂照蘭膏四壁涼生襲楮袍落木有聲
頻到耳學人無語自吹毛鶴鳴夜半露初下鴈
拂月邊風正高怪底塔鈴饒舌甚亦如九辯繼
離騷

韓仲禮宦家子也工寫大字終日矻矻予
甚閱之賦此為別

君不見常仲將能搗大字一丈強縣空高寫雲
殿榜鬢髮頓令成雪霜君令投筆長於帚作字
繼常千載後非顏非柳筋骨殊大如車輪小如
斗知君欲與常為儔常好善者君知否青雲有
路去亦好只恐君年未老先白頭願言投筆勿
浪去菰水高堂永朝夕樂莫樂乎親俱存画餅
功名總何益

九月四日過許君善家觀睦義溪長老與
朱公路縣丞等倡和中秋吟君善索和
一首

老禪吐詞金石敲中秋浩歌蟾兔驚戰松人歸
與倡和筆力可扶天柱傾惜哉未草金鑿詔但
說三杯通大道舉杯此夕問姮娥百歲幾迴開
口咲天風冷：洗炎熱炎煖洗空風未歇西齋
一樹紅木犀且喜看花眼如月

喜薦嚴希長老自金陵還山作此賀之

京洛多塵上天風為報衣山中流水在林下白
雲歸不說前三語惟尋第一機古藤師子室燕
坐寶花飛

楚南巖主來詢知元明師居義興中山附
詩問訊

十年不吃陽羨茶山中舊宅還幾家道人今歸
卧烟霞石池手種青蓮花青山且喜依然好蛟
子虎兮點俱掃客有放槎東海頭安書好寄龜
巢老

感物二首寄珪玉田書記

矯：千里駒英、五花文鹽車太行路汗血亦
滿身嗟尔本龍骨誤隨凡馬群何當一變化翻
：蕭青雲

樞宮降精英為象純玉色誰令耕舜田乃負烏
捷乾豈無金羈絡錦襜為尔飾鼻吸酥酪河婦
耒梵王宅

和靈岩虎丘感事二首

娃宮無復有樓臺佛刹而今亦草萊衲子盡隨
飛錫去將軍曾此駐兵耒青山銜日猶前度滄
海揚塵復幾迴霜落吳天香徑冷斷猿啼月不
勝哀

兵餘重到古禪關無限傷心四望間林下點頭
皆礮石門前戰骨似丘山劔池屢變珠光赤盤
石猶沾血點斑白髮破衣蒼舊在獨憐寧老不
生還

遣興和君許善韵

馬圖莫怪出酒遲世事方如理亂絲蓮葉有巢

龜已老竹花無實鳳仍饑籬邊艇子供垂釣林
下樵童許著棋首著一盤三丈日老妻晨起案
齊眉

次韵荅因了庵

重經喪亂勞相憶多謝將詩問所居鄰有國朝
新定律家無屋壁舊歲書月明江上魚龍伏歲
晏山林草木疎堪咲出門多滯礙兀如禪納坐
僧廬

普講主哀詩六首

前代王孫錦繡腸中藏萬卷佛書香一鞭竟著
三車去不作脩文地下郎

自喜年來兩耳聾不聞今古鬪群雄每逢林下
三生石只說尋常萬事空

長把吟豪貌水仙梅兄礬弟亦牽聯如今收拾
歸何許兜率空中別有天

瑤林自有鳳凰枝枳棘叢邊翅偶垂鴟嚇不知
緣底事赤霄飛去竟難追

茶毘烟斷蛟龍浦舍利珠藏窳堵坡漫此不沾

陶令酒藕花零落柰秋何

天苔一曲繼天泉獨抱瑤琴二十年古調不隨
陵谷變麟膠誰續斷頭絃台

寄孫彥民

讀君吳儂詞如讀春陵篇惜哉未作群手拍元
子肩玄髮亦已華硃硯亦已穿秋蘭抱幽馨奇
寶橫道邊請以白雲曲載理朱絲絃勿論聽者
希我心自怡然

題水仙山簪梅花圖二首

綽約誰家女子依稀水府仙人莫怪無言脈
正須頻喚真：

紅杏碧桃春暖梅兄簪弟冰清會得生花筆意
隱然金石詩聲

己酉元旦漫興

四國山河喜真安一年時序又更端
醑酥春酒到手暖楊柳曉風吹面寒
太史始行新律曆齊民俱易古衣冠
故鄉只在停雲外可柰親朋歆
會難

簡曹仲鉉

東海歸來塵自颺一竿西日釣滄浪州人尚說
家：在沙鳥皆知世慮忘竹筍滿床冬入饌梅
花繞屋夜生香吾兒學稼書仍讀應喜今過燈
短牆

送贈題日本

吾聞帶方東南有國環滄溟龜峯雲接扶素青
飛梅花開作絳雪佳寔亦比蟠桃頰珊瑚出水
光奪日老蚌吐珠皆夜明山葢水產足珍怪惟
人尤得鍾其英釋門龍象獻寶出眉目秀異風
骨清錫花一萬四千里欲以佛法中華鳴首探
天目師子窟速肖履祖天人驚三吳百粵小盤
礴王公下榻爭趨迎大哉禪月古叢社正法眼
藏轟雷霆思親要織睦州屨春風穩送歸帆輕
老夫扶僊走相餞事有干請煩留情往來爾國
遠秦火六籍不隨埃燼零願言傳寫遺全璧一
洗魚魯開群盲上人名亦垂不朽能使船舫為
馬馱吾經

張伯祥自濠州惠詩且相傳有還家之喜

即事口占聊舒情素

春風濠上未家奴寄詩親朋及老夫微詞周折
出肺腑蟻絲九曲穿遺珠神龜脫網曾有夢靈
鵲報喜寧虛孤大鈞播物各生遂忍使鳳凰長
在笈群兒覓竹跨為馬吳淞江上迎歸舫南堂
花竹春正好玉芝粲若珊瑚株老夫亦作軟脚
屠典衣沽酒黃公鑪

賀陳思忠自濠州歸

南山石爛海揚塵播物依然出大鈞坡老慙為
擔耳客謫儻豈作夜郎人歸舟帆卷桃花雨家
宴杯傾竹葉春雪髮巢翁矐如雀也隨鷗鷺去
相親

得玉山頌徵君書作代簡

濠上人未書教行開緘如對語琅、酒杯已辦
弓蛇悞藥杵無勞玉兔將少待天公館老眼騰
收雲母束帛裝舊家亭館花狼籍春水依然綠
滿塘

水村歌二首為趙用南賦

我愛山村好為作水村歌
君家水村二百載閭里向
來冠蓋多銅駝巷陌自荆
棘滄洲依然皆烟波墻花
巷柳接葭茨蘆葦芰蒲荷
澗湖噴薄東岸曲陳湖繚
繞西丘阿前看震澤后竺
澤青山數點堆青螺錦溪
橋頭魚米市亦有朝鼓鳴
如鼙市散豈不傾人耳先
生閉戶雀可羅筆床茶竈
漁童釣策人稱陸魯望自
比張子和兩賢尚友作三
隱過也亦宜呼小坡長安
道上

人擾：柰尔水村安樂窩窩

我愛水村好作歌仍和之水村之樂能自得山
村之號真相宜齊居隱几白日靜門外繫船青
柳垂讀書窓雞亦解語忘機沙鳥相皆知葑田
種秫足為漚草亭對竹長哦詩平生自是愛結
客况事况多來問竒清談閑揮玉麈拂高會醉
傾金屈卮飲牛有渚蓄魚有池老夫願卜鄰矮
屋與隔離分燈紡績兒女共曳杖往來鄰舍嬉
從此水村作土著與君說詩時解頤

次韵荅許君善

小徑迂迴草欲迷，村居如在漢東西。
為煎新茗頻敲火，自掃殘花恐污泥。
白首十年吳下客，傷心千古越來溪。
群賢何日能相頌，重為湖山一品題。

己酉夏四月東維子來訪以其過崑山詩

見示且邀予及盧公武殷孝章和之

酒濕宮袍逸興多，鉄龍吟隳舞蛟鼉。
一江星月光搖動，八極風雲氣盪摩。
詩史屢書新甲子，草廬還是舊羅紉。
舡秦柱山前柳，邀我吳趨和郢歌。

次韵荅焦任道

誰越誰秦自瘠肥，別來十載電光飛。
尚看書帖題青李，未掌絲綸對紫薇。
老我襟懷寒古井，憐君氣宇盜春暉。
石川右柳清陰好，且繫書船莫賦歸。

次任道韵贈朱公路贊府

清濁無論渭與泾，請看流水悟浮生。
莫憂白石

南山爛且喜黃梅細雨晴石几題詩焚艾納水
亭酣酒卧挑笙爪田不理春耒草怕有人呼作
邵平

謝焦任道惠画

焦君青雲器不減阮仲容飲酒五六斗卓然猶
祖風髯龍吐醉墨逸氣超鴻蒙騷雅靡不作無
報詩更工淋漓練裙幅遺我龜巢翁老如兒
痴嗜詩羊棗同層崖飛瀑泉撫玩意不窮何以
報夫君秋江待芙蓉

露筋廟詩八韵

斷臂孤兒事可悲露筋娘子死尤奇裙裾不綬
絲塵汚膏血都充白鳥饑野燐照人魂斷處田
家妻嫂睡濃時玉遺香骨天慙惜鉄比真心世
共知宿草埋烟迷古塚幽花泣兩倚叢祠碑存
米老春秋筆詩有歐公絕妙詞尚待姓名傳國
史更看旌表照門楣古今多少青雲士却忍將
身作夏姬

祭顧玉山詩

於乎玉山翁世居吳右族生逢元盛時當路屢
推轂辭榮樂蕭散竟蘊璞中玉蚤持萬金產轉
手授家督不為五岳遊家園蒔蒼竹讀書數千
卷旁覈聃與竺非無酒如澠過客佳乃肅徒見
駟馬車未若一儒服緇黃璨然者待遇亦刮目
常言性嗜詩趣味勝梁肉興耒扶雲漢毫端注
飛瀑詞林采英華琰刻播芬馥承平三十季躡
傲心自足世故一變更十室九顛覆函棧縹山
下擬比王官谷時余逃難來顛顛如病鷓相見
恨殊晚姓名聞已熟夜飲佳樹軒明朝杯又續
高堂桂花秋金釵剪銀燭覆歌棹航船洗我愁
萬斛一留兩月餘坐客常五六寫圖紀觴詠墜
水亦有曲連床可詩齋清話屢同宿擇鄰移我
家歲晚安且燠柰何鼙鼓殺忽若雷震屋婁人
恚驚散我亦猿失木萍漂甫里東賣文如賣卜
感翁數相過餽問慰窮蹙翁亦客攜李遠避賦
蛇毒山川鬱相望詩筒時往復淩谷復一變翁
歸理采菊松菊理未能蒺藜俄困辱余舟榜笠

澤訪舊宿西塾夜深屏輿隸促膝語心腹春風
舊池譜蔗烟秋草綠朝廷更化初召後事重糝
挈家赴臨濠星言去程速送行愧鄒游口占謝
龜縮詩去秋復春客未書滿幅念我及兒輩舉
室蒙記錄自言多疾戾經年在床褥鬱攸屢驚
嚇使我長齟齬尚頹手顫定親禮寄篇牘安知
僅踰月遽尔聞不祿初疑傳者訛細問泪盈掬
嗟尔老異鄉知己失鮑升蕪辭叙疇昔悲吟甚
於哭神交死如生歎此盃中醪館

荅馬公振見寄三首

燭龍銜日火雲迷飛到中天不肯西安得天瓢
瀉涼雨仍看地裂補春泥兵戈不到王官谷烟
樹相望卷画溪莫笑老夫多古意露筋祠廟要
君題溪

經鉏初不效常林安我貧居未死心江上小山
堪入画門前新柳未成陰斷編重緝忘年老險
女孤吟到夜深毒熱甚于中宿酒我頭連日為
岑：

賴有酒舡堪拍浮何憂蓬鬢不禁秋卜鄰老圃
今瓜及借榻僧窓喜竹幽老大正當秋近熱微
風可奈晚耒休能騎款段耒相顧惟爾同鄉馬
少游

次韵寄野舟長老

舊雨別耒陵谷變新秋又見火流西黃楊樹厄
重經閩白藕華開不染泥千古長洲連茂苑一
湖香水似曹谿支郎愛馬情還在念我鹽車月
老題

橘隱軒為鄒仲謙作

爱尔林居物色幽茅齋橘樹對滄洲添修太史
木奴傳合比列僊松子遊米雪杯香蘇井水霜
風簾捲洞庭秋小山叢桂送相似只恐招賢撻
未休

和紀外維中秋

清夜尋常秉燭遊况逢明月挂蒼秋君吟梨谷
揮掾筆我泊楓橋倚柁樓白雪似添鬢鬢老青
天不着片雲浮老夫酣適遙相似座有潘郎便

善謳

題王升正江垵讀書圖

紅葉江上村青燈案頭書長年門不出吾衙竟
何如

叔正過訪傳恢書記寄教作詩寄之

余澤歸來王子猷尚君知與對滄洲一灣流水
市塵遠兩岸人家烟樹幽客至白雲分半榻興
未明月載孤舟如何不到松江上我看蘆花雪
色秋

和馬公振江上蚤行

聞君拂曉度婁江解得江妃玉佩淩旭日瞳矓
初挂樹浮雲變化忽成龍路傍客踏前車覆天
上人遭恐杖撞俛仰古今成一嘆春風賴有酒
能降

和衛澄遠雪詩

洋海冰寒若凌陰坐看飛雪積未深出門總是
瓊瑤地繞屋皆成蒼葛林為說擒吳今李愬因
評怨筆古羊斟兔園詞客飄零盡撫我霜鬚為

一吟

和楚蘭江禪老應制賦擁翠亭之作

翻經屋上烟霞客擁翠亭前雨露多
道載三車懷報國詩成七步口懸河
衲衣風拂天香染錫杖雲隨御輦過
聖主得賢方諱、羣臣寧不賦卷阿

寄顏長老

江西馬祖不世出城南悅翁復徑歸芭蕉雨作
堂下樂薜荔天生墙上衣繡經猶作能細滌秉
拂孰與談玄機別來半載幾相憶江岸小龍花
又飛

和陳思忠過王德脩草堂

曲塘楊柳似蘇堤編戶畱畱比鄭陂春日鶯花
圖畫裏秋風雞黍故人期開樽許共傾蕉葉出
妓應教舞柘枝老我杖藜慵出入草堂遙望為
題詩

次王德脩韻

茅堂有酒肯一中少陵郊居今讓東絕憐春水

漲新綠不着市塵飛
軟紅百年禮樂重制作
四海衣冠今會同
絲樓正要人不識
莫厭汀徑生蒿蓬

和吳斯民感懷

詩到龜巢兩日前
柳花飛雪正紛然
峴山有感知羊祐
禹穴曾探繼馬遷
老我短檠墻角棄
憐君古硯案頭穿
欲將磊塊都澆去
何日移封共酒泉

劔井

余家劔井邊不飲井中水
要令生瑞氣藹藹見多士
古甃暗莓苔羸餅委泥滓
黃河今復清豈獨長已矣

獨孤公檜

珍重前賢手自栽
無情斤斧忍相推
專車載去蒼龍骨
竟作誰家爨下灰

惠山泉

此山一別二十年
此水流出山中
舟人言近日絕可喜
不見流舡但流水
老夫來訪舊烟霞
僧

鑄試瀾趙州茶惜哉泉味美如故不比世味如
蒸沙

陽羨茶

南山茶樹化劫灰白蛇無復銜子未頻年雨露
養遺枿先春粟粒珠含胎待看茶焙春烟起藉
籠封春貢天子誰能遺我小團月烟火肺肝令
一洗

歲朝示二三子

十二韻

我生老筆耕齷齪不自羞教兒復為之能識此
意不為農或逋租服賈必遠遊非才苟祿仕往
遭愆尤先師有明訓富貴不可求兒能負米
歸老父不百憂日高三丈餘睡起梳白頭藜菜
草甌餽布冠木綿裘比屋吏叫囂吾廬自啣
食粥了餘年死即埋高丘今晨捧林觴復喜歲
一週一倡三子和聊作擊壤謳

寄徑山顏悅堂長老

二首

每憶城南隱者家崑山石火徑山茶年々春晚
重門閉怕踏堦前落花地

晚

兩耳垂肩雪滿顛
維摩一室小林前
白雲窓下黃楊樹
且喜重經厄
閏年

懷許善 三首

別後逢人問薜蘿
打門時有吏催科
消磨舊日耽詩癖
春興吟成恐不多

素扈催蚕桑葉肥
麥田雖雉麥花飛
春餘閏月無多日
隣舍逃亡歸未歸

昨夜龜巢酒半醺
春風吹夢尋去君
落花芳草千墩路
攜手斜陽不忍分

寄趙朋南 二首

狂風黃雨去年時
大厦難將一木支
最喜草亭脩竹淨
催科人去復哦詩

石首魚未金色新
桃花酒熟甕頭春
急須秉燭遊長夜
莫遣山公冷咲人

寄趙執中 二首

案頭花落硯池香
庭下草生書帶長
黃卷青燈風雨夜
更和熊膽付兒郎

一見相知二十春
交情無媿古雷陳
如今渴上

龜巢遠不惜書來鴈足頻

寄吳中衡

老我誰知己端人最憶君
常談無愧論不作送窮文
藥杵三更月菜衣五色雲
素榆春自暖蘭蕙發函芬

芙蓉城仙人歌寄贈孫大雅

僊人家住芙蓉城芙蓉為冠結蘭纓
飛車去作蓬萊客玳瑁筵開鱗脯擘
八暝揚塵一轉蓬扶桑厭到東王公
仙人手策青玉籠翩跹歸袂飄天風
華亭之西玉山東群仙挽留鸞鶴後
雲壙霞壁五畝宮金華翠葉九粒松
淩眸點漆顏如童瀛洲再看蟠螭紅
蔡經家藏老姑酒能為僊人集仙友
琴高醉歌經拍手要我龜巢老人來
和不

寄黃宗禮

星槎池館東床客冰玉襟懷我所知
百榼葡萄春灑一欄芍藥畫遲
門前送却催租吏枕上還吟夢草詩
只恐繡幃人起早又催京兆画

蛾眉

殊晚過太平塔下四顧瓦礫場有懷徽太
古禪老作詩招之

一昨陵谷變劫灰飛九州太平古招提寶地成
荒丘浮圖巋然在氣勢凌高秋風鈴作梵音終
日語不休以言老萬回合為故山留竿木本隨
身把茅堪蓋頭畫沙且成佛况乃願力優高壇
降甘露大車駕白牛老我烟霞交風流繼前脩

冬至和陳縣丞韻

玄機妙幹無古今一陽未復消群陰聖人灼見
天地心讚易乃鳴金玉音蘭也朝來新盥沐三
復帝編謝亭毒卿雲燦爛彌九天旭日瞳矓出
賜谷丞哉丞哉初下車幾長之喜當何如絃歌
化行風俗美寒谷春生自慈始

逸庵詩四首為吳子明賦

我愛逸菴叟有時能養生百事不挂懷三樂殊
稱情行年八十餘白髮無一莖每聞責子嘆咲
我如淵明優哉復優哉笠澤山水清游

日高三丈餘先生睡初起雪屋燒暖香行庖鱸
米鯉逍遙白氎巾傲兀烏皮几鈎簾對青山倚
杖看流水世事了不聞無勞洗吾耳

客來兩忘情不復事迎送有酒即盡歡杯當笛
三弄羲黃敢云傲周孔亦無夢衆口從雌黃我
腹自空洞行歌山澤間斯樂誰與共

人生老而逸伊誰無此心惟翁造所願林居小
湖陰或持無餌釣或抱不絃琴山水古名画所
得趣尤深長嘆康樂公木屐費登臨

送李彥明歸高郵

老夫歸從東海頭春風送客歸秦郵出門復覩
鴈北鄉物我喜得同悠悠吳船鼓櫂渡江去烏
輪政挂扶桑樹桃花倚岸咲相看杜宇催人啼
不住征袍十年塵土多濯纓今作滄浪歌二百
五日寒食雨三十六湖春水波文游臺榭剪荆
棘維美前脩集佳客誰能喚起老龍眠重寫耳
孫湖上宅

寄題無錫錢仲毅煮茗軒

聚蛟金谷任葦羶煮茗留人也自賢三百小團
陽羨月尋常新汲惠山泉星飛白石僮敲火烟
出青林鶴上天莫怪坐無齊趙客玉川茅屋小
如船

王松溪知事別兩紀陵谷既變復會常州
年皆七十餘喜各無恙又喜松溪別弟
共而復得觴以賀之詩紀歲月

季來兩度塵生海二老重逢雪滿顛杖屨荒城
寒食後琴樽別業舊堂前拖花含笑似欲語燕
子飛來絕可憐此日為君歌此曲兩蘇春早午
陰天

後數日松谿見和二詩予復次韵送歸華
亭

放舟東郭語長年喜見春風不放顛三月鶯花
詩卷裏五湖州水柁樓前青山司馬如今老白
木長鑱祇自憐歸到鳳山門不出北窓真是小
壺天

兩宿縣學齋舍作

客未惟林候漁父鬻舍坐聽三日雨諸生讀書
喧兩廡商羊飛未立當宁雨殺書聲雜蛙鼓蚓
歌自亦諸宮羽青苔上階茵生柱敗壁淋漓籀
文古齋僮不敢開牖戶風撼庭柯嘯饑虎南山
老石爛成土天漏誰能鍊金補去年旱魃走吳
楚田家徃々悲塵釜麥秋一飽方自許莫教化
作飛蛾舞

宜山謠

并序

廣東南丹諸州民獠襍居素号難治洪

武初朝命設官置司安撫之山東尹
明善寔在僚選凡所事知無不為々無
不達蒞官再期多善政後四年有客自
西來者傳其事甚詳余乃摘其大者作
宜山謠七篇

苗獠地連交趾咸籍為民且為除其凶号
人悅之作推結舞

推結舞繫銅鼓淺蠻生蛮皆按堵賣刀買鉏犁
銜息人鳥語獠俗馴惡名去豈弟君子吾父母

沿邊舊置七十五以猺為長每群聚為諸

州害今罷之民乃安作除虎窟

除虎窟虎皆散亡龍睡月湖南海北廣東西千
里如今無白骨無白骨人何憂每々舊屯田年
稻花秋我所于龍江水流

兵後薦饑糞官廩活宜山數萬口民德之

作枯桑

枯桑枯桑徒為我薪煮石弗糜曷以食人廩祭
於官我命乃續誰其主之伊人如玉伊人如玉
乎及豚魚詔我嬖子償粟勿渝厥粟固償厥德
靡忘我懷伊人于羨于墻

覃國大常仲海等世為土豪與溪蠻洞猺
相表裏反側不一公以計禽殺之民大
快作霹靂斧

霹靂斧行天誅百霸奔走群醜除磔梟獍醜
招練角端舞騶虞日月兩山明畏境成康衢
宜山莫天護虎踞一方公言諸方伯徒和

州民樂之作坎井蛙

坎井蛙今渤澥偷生蝦蜆門怒腹氣何在長魚
跋浪歆吞舟竟作任公雪花鱸蛙平幸偷生有
愧輸芒螿前度放蛙人今日息如海

蠻獠負固稅以不供而良農病於重斂今
均之視前賦減什五六息不能忘作生
子以尹名

生子以尹名有田須力耕昔憂公租重今喜公
租輕窮閭抒袖具當路鈞衡平焦寘寘覆盆下覩
此日明

革命之初公以安邊事宜屢白相府民懷
之作鞍馬勞

鞍馬勞肉消髀廣西一去二千里借箸籌邊丞
相喜兩年單騎八徃迴青草黃茅瘴烟裏鞍馬
勞有如彼不負公不掠美一字忠丹報 天子

送丞漢德負外徙居臨濠

憶昔吳鉤斂霜鏑歐台已知蛟可斲窮探虎穴
走山靈勇撤蜃樓招海若三台分照紫薇垣一
蜚徑入絳蓮幙安知滄海忽生塵乃見巨魚今

縱壑携家春雨赤城還楊舫水濠梁約老夫
白髮三千丈別未幸有琴書樂羨子青雲二十
年此去亦無冠冕縛故御相見恍如夢往事重
論成大嗚呼兒解我鷓鴣裘離亭飲客鷓鴣杓
南薰穩送渡江水西咲遙憐好城郭莊生臺上
看游鯨彭祖山中拾霧藥平居襟懷本瀟洒在
處林泉可盤礴有時回首望江南題詩好寄雲
間鶴

次韵贈董明府兼贈陳縣丞尹主簿

綠莎聽事洒清風四野遺藜集澤鴻佳政總堪
書國史丹心曾不愧天橫携琴坐對中秋月援
筆詞傾百步洪僚佐粹然連白壁有時未我凍
西東

寄錢夢弼并為乃翁宣慰公壽

門對青山晝掩扉家居身著老萊衣懶於日下
看花去贏得街頭負米歸一咲舳舻香雪美百
年城郭昔人非高堂秋爽而翁樂稻熟湖田蠓
正肥

送虞長史歸閩中十四韻

卓犖青雲器，淒涼白雨秋。棄官辭傳舍，昇疾上
歸舟。岸有唵蛩送，牆無語爨留。七陶天杳杳，兩
淵水悠悠。親舍孤雲影，山城大海頭。倚門勞遠
望，脫屣得長休。金榜敷名在，班衣志願酬。倚蘭
重製曲，諼草足忘憂。丹穴生鷓鴣，鳳龍光射斗。牛
此心能自足，餘物更何求。老我三家墅，憐君百
尺樓。相知稱鮑外，遠送愧鄒遊。海上多靈藥，山
中假素秋。家園紅荔子，能寄故人不。侯

楚人居短歌三章為吳衡賦

楚人居住何許，屋頭東近扶桑樹。三江五湖在
庭戶，身着老萊衣，手擎龍根脯。賦歸未了謝簪

組

野人居誰與論，芸夫莨子皆同塵。朋未遠訪多
緡紳，焚香據高梧，持盃岸綸巾。睠魚鳥，予情相
親

野人居書滿屋，神農本草僅一束。用之可比連
城玉，菊潭秋水香杏林。春樹綠，樂吾親，芳忘啜

燕

過馬公振南江草堂

南江草堂人白眉
湛書成癖復湛詩
千金買書讀未了
化作糞灰飛海涯
國風雅頌三百首
愛入骨髓淪膚牒
兩京三國六朝下
驅駕直與唐人馳
老夫一別再寒暑
重覽碧海珊瑚枝
溪西隱者亦好事
白首苦吟忘渴饑
逢人往往誦佳句
况此酒邊逢項斯
歡然共醉成夜宿
石銚煮茶焚玉麈
詩家風月談未了
老蟾已墮西山陲
盍簪此夕復何夕
一庭寒菊花離披

龜巢藁卷之四

龜巢藁卷四

龜巢藁卷之五

贈邵濟民

曲塘地僻居洗藥溪水青衣兩童子玉香杵搗
玄霜玄霜搗未奉高堂老親食之壽而康天
生便貯書腹金匱石函書爛熟東南海上多
名山：中采藥騎青鹿歸來濯足婁江水坐對
青山隱鳥几囊揀藥物不論錢但欲使人無病
耳有時彈琴鸞鳳音有時拔筆長短吟絲、
痔吮癰者從教別屋堆黃金

聞雲門張先生慈烏軒焦尾居名文集賦

二詩以贈

慈烏曲 九韵

慈烏乳衆雛，大羽翼成翮。出巢飛啞啞，統
林鳴得食不自飽。婦以飼所生，紛然同類中。有
此骨肉情，余昔養親日。瞻烏常自懲，白首重相
見。愛之雙眼青，非謂得所止。丈人屋崢嶸，為時
梟獍多。見烏如見曾，王孫金彈丸。慎勿令畏驚。

焦桐曲 九韵

焦桐製孤琴，舉世稱異材。徃非蔡中郎，竟作爨
下灰。七絃繫朱絲，徽金軫瓊瑰。知音適相遇，携
上高臺。一彈廣陵散，絕響有餘哀。第瑟泐新
教，瓦釜亦鳴雷。天機妙循環，復見泰宇開。爾桐
朱鳳吟，靈風揚九垓。吾今洗吾耳，盤石坐菴苔。

芝秀軒

倚與名門夙，稱五常。遙耳孫厥德，復昌於粲
爾。子文藻有光，如彼朱草暉。其英自天降，祥
奕葉流芳。非曰三秀仙人之粮，林壑尔居奇。芬

遠揚雍公之扁金薤琳瑯於昭彼蒼福善孔彰
俾而耆艾家有餘慶維耒維仍永言弗忘

結茅東郭歲晚言懷 八首

行盡難行路歸耒父母邦溪山閑杖屨花竹小
軒窓教子知一二抱孫成兩隻有時城府去深
愧鹿門龐
齷齪龜巢老蕭條鶴髮秋過眉挑竹杖方領木
綿裘補世慚無術通家憶舊遊幸然隻白鳥能
與共滄洲

淨掃蕭齋地書床一舊檀談經雞亦解迎客犬
常先流水柴門外橫山瓦牖前春秋垂八十食
粥了餘年

季子躬耕地寥々禮讓風度遠歸老鶴遵渚集
飛鴻士姓多相禡鄉音舊不同獨憐東郭外
井氣如虹

官塘人似蠓環堵室如蝸白髮三千丈清貧第
一家地爐寒撥火雪水夜煎茶知好客誰至青
燈結細花

過客應相咲，衰翁未得閑。
酒經方補註，詩藁又重刪。
藜杖家：竹籃輿處：山數朝。
天色冷，高卧掩柴關。

故國歸來晚，孤城草木寒。
親朋皆鬼錄，鄉里少儒冠。
寫琰金鍾失，沉沙鉄戟殘。
誰門斜照裏，時為一辛酸。

誰酸

鵬月無多日，春風又一年。
儘添頭上雪，聊適瓮中天。
彩筆頭冰柱，青衣送酒船。
晚來賓客散，清興更悠然。

和陳貳令游善權洞

我昔陽羨遊春山，聽茶歌別未三十載。
重游竟蹉跎，凭高每望碧湖外。
群峯玉立青嵯峨，善權山水最佳處。
我公去知清興多，未時風景溢吾目。
不用登臨勞我足，有教之畫勝丹青曲。
盡物情人嘆服天，開地闢羲皇前。
神工為誰開洞天，爾來一萬八千歲。
金堂玉室居群僊，飛車鸞鶴久不見。
春去秋來只鴻鴈，青山前度污狼烟。
從此四郊荆棘遍，洞前玉氣金瀾漫。
仙家應作瑤

池觀層巔巨石勢欲墮過者為之心膽寒
石燕黏翠壁飛來若與人相識馬如龍車如水
尋常貴遊無足數以分清致侶名縉一代風流
繼支許樂哉山水三日遊忘却世間千種愁昔
人名句題玉柱今公健筆留銀鈎寄言武陵人
桃源慈可求丹沙多鍾乳襍瑤草不知蒲柳秋
長橋無鮎蛟南山無猛虎在處可遊觀政須人
好古 墨 碑篆亦可絕似岐山名為鼓竹姑
子明年春山僧煮玉盞嘗新哦松暇日肯同去
作詩更為山傳神

鄉飲酒詩

十韻

皇帝即位之五年歲在壬子 詔天下行鄉
飲酒禮明年癸丑正月上日常州府太守孫
公率僚屬行之儀物品節不約不侈省部主
事宋公寔在賓位僕介而下耆客凡二十七
人執事者位之其登降揖讓盥洗獻酢靡不
如槩時某年七十有七亦得以布衣廁諸賢
士大夫之列蓋有不勝其喜幸者率尔口占

以紀盛集云

一統乾坤大群生雨露新君王能建極風俗易
還淳鄉飲稽蒼籙天書降紫宸諸侯遵令典嘉
釀展勢辰黉舍簪纓集珍羞俎豆陳主賓儀秩
、僕介色津、枅頌三陽日芹香泮水春工歌
教律古揚禪猷頻聖澤沾群品仁風播八垠
賜酺無足比此置宴詎能倫老我澹中斷諸公
席上珍叨陪聆喜法喜獲坐連茵引頤瞻西日
傾心拱北辰知恩無以報三祝效封人

謝董明府惠炭

范舛寒多正不禁烏薪重惠比烏金賒來脫粟
忙炊飯留得焦桐好製琴環堵一龕春盎、麗
譙三鼓夜沉沉硯池雲起龍香暖寫我梅花鉄
石心

雨中懷秦主簿

東門之東西市西人家屋頭啼竹雞新年十日
九風雨二老幾時堪杖藜

懷儲教授

鎬京春宴醉簪花步出都門駕小車七里八岡
山店夜一遭風雨宿誰家

次韻言懷 八首

親友淪落盡故國似他邦矮柱龜頭舍踈檣蚌
殼窓鵲散簷外喜鸞影鏡中雙兒女俱婚嫁逝
禪咲老龐 朋

江海飄零客烟塵二十秋逝將諸犬子歸老此
菟裘夜雪圍爐坐春風秉燭遊樵漁時共醉何
異宴瀛洲

老我龜歲六無毛可作羶湛詩閑未得強酒醉
當先茅宇城闌外梅花鵬日前幸逢賢郡守鄉
飲禮高年

短日經南陸巖寒鼓朔風遍懷知己友長覓寄
書鴻世態今如此人心古不同青天如可問飛
步躡長虹

風冷柴門閉齋居縮似蝸小橋平陸里識字老
農家野飯常留客村醪頗勝茶早梅溪上折斜
插膽鉞華

貧居家事少客去跛奚閑茅屋牽蘿補蘭堦擇
草刪雪添南浦水雲暗北窓山孰謂寒如許雞
鳴客度關

自公馮唐老誰憐范杲寒婆婆鳩在杖蕭散鶻
為冠夢筆才華減談經喘息殘昨未初度日泪
落酒盃酸
神僊無足信何藥可延年素行多違俗丹心不
愧天座留談笑客門泊往來舡吟雪誰相似襄
陽孟浩然

送秦宜仲主簿之京

丈夫不洒離別泪杯酒聊談玲瓏歌黃楊閏餘
歲已久紅杏日邊春正多子瞻手携鋏拄杖太
白足上金鑿坡鳳臺佳景必重賦千萬寄詩未
薜蘿

送主上人兵後尋牀歸臨江侍養十八韵

青年未焚紫羅囊竹林之遊鶴鳳翔一旦身為
苾芻草半間屋住菩提場安知兵甲滿天地遂
令牀姪成參商素田即變家亦毀蒲屨欲織親

俱亡某丘某水總淪沒曰祖曰祿誰烝嘗象龍
駕法力雖猛豺獾振本情難忘崎嶇行脚求從
父殷勤稽首祈空玉護身符出虎牢險忍辱鎧
染狼烟黃長洲茂苑久爭戰殘山剩水方淒涼
相逢不覺開口笑此喜自得安心方行人嘆嗟
擁長道画鷁送將歸故鄉孤雲飛處是玉筍把
茅盃頭猶錦堂蒲羞可助潢潦薦木瓢共飲曹
溪香愚觀諸公蕪歌咏力為吾道扶綱常惜哉
僧中有此即疇能為尔加冠裳於乎疇能為尔

加冠裳

次韻袁仲微見寄并自述 二首

城陰山作讀書堆書画船從海上回春水泮池
芹小摘秋風老圃菊重栽明時正用凌雲筆清
夜還傾酌月杯百里相憇兩相憶詩筒好寄便

鴻耒 志

才華減盡姓名低賴有綸竿釣碧溪衰髮幾莖
蓬綴雪閑心一點絮沾泥江山有助詩頻賦朋
舊相過酒共携金斗城東二三里道傍茆舍似

雞栖

借韵寄蔣以愚

江上群山翠作堆
江雲與客共徘徊
黃楊閨後餘無厄
丹桂天高孰為栽
飽吃河豚肥似乳
醉看江水小如杯
延陵祠墓春申港
我亦挈舟訪古來

借韵寄劉小齋

白練裙輕帽屋低
綠陰庭戶瞰清溪
詞章落筆如翻水
篆籀藏鋒若印泥
一昨論文心共許
幾重飛夢手重携
絕憐鳳穴生雛好
已向朝陽碧樹栖

謝許克敬六月惠炭

去年臘月人凍死
我亦牛衣眠不起
家僮赤脚令采樵
日暮歸來墮隻指
德哉故人憐我貧
于今暑月遺烏薪
藥爐喜得文武火
茶鐺爛煮搶旗春
禦寒有備心膽壯
故態盡除寒色相
山空歲晚雪復來
平地不妨深一丈
烏薪熟成霞焰紅
蓊床坐我龜巢翁
灰中芋栗薦村酒
凍梨面

作梅花容齊奴爨螭自奢侈野人炙背無足比
融之樂度殘年重賦新詩讎知己

病中蒙董知縣陳縣丞尹主簿枉顧且有
白粲瓜酒之惠既而病愈賦此以謝

鳧鷖飛來野老家同僚先後佩飛霞共憐敗絮
多生蟲為問疑杯或飲蛇月俸分將官廩粟朋
尊兼餉早秋瓜相如四壁生光彩試握霜毫答
寵嘉

常郡津宮詩

倚昔廟學悉燬于兵我侯作之聿觀厥成巍々
素王群賢儼如侯殿侯廡豆籩所於師生有廬
講道在堂飲社讀法有程有章我侯戾止若網
而網嘉迺進脩戒毋怠荒宮墻非高丹堊非侈
道彌六合聖有遺軌侯揚天休嘉惠士子士風
還淳庶見麟趾

武邑新學詩

邑有孔廟棟橈欹墮舊亦有學濕漏且庫惟邑
長式撤而新之清廟奕々門廡堦墀聖賢明靈

陟降在茲黌宇言：齋有詩書師友講貫朝斯
夕斯射則有圃書或臨池惟林杏壇古音朱絲
頌謚廟學治化之基帶澤育莪比迹蒼姬絃歌
武城異世同規 漏

襍詩

積陰當玄冬生：已機息陽孽僅毫髮梅花獨
先得若人玩化機于此已深識攀條摘玉蓋吟
玩意莫測維復見天心所慮群陰逼閉門夫如
何君子政陽夕榮：保養間由茲見天德

山雲忽低迴四郊紛白雨老農荷鋤歸布谷索
問語相勸一何勤一鳴再三俛老農感禽意豈
憚東作苦嘉穀已函活尚待明日煦小兒未解
事大兒遠服賈農器已可噉鋤耰在梁招入室
惟老妻出汲撫甕甌

凜冽氣忽激沮暑已云逞黃花異凡木所植本
因壤稜：清霜間誰復見俯仰肅殺一氣中銳
氣出其上強梁固可入傲德毋日長
志士想丘壑老驥厭長道歸未已但覺青

山好至樂在天倫不必事華藻文歡能幾何及
今已衰老

至老無脩行善類日以踈生知愧古人宴安夫
何如群處不念德草々復離居春還有餘興襍
花滿郊墟網罟不能探空羨淵中魚青陽既開
動草木方敷榮積雪忽如此豈不害含生大化
無停機生々寧有已人心偶自徂豈不害天理
援琴一鼓之坐致麤穢除吾尔一天地積陰夫
何如

二月二日漫興

東風吹散社公雨紅白花開爛錦雲時俗喜逢
迎當日老夫羞作送窮文袂衣試着寒猶怯拄
杖歸來酒半醺為問驛橋楊柳樹送人多少去
從軍 猶

送安上人歸馬跡山

插竹山中偶出遊折蘆濠上即歸休路床獅子
轂方吼踏鉄龍駒跡尚留華雨六時紛似雪松
風五月冷於秋客來認得南泉斧七十二峰應

點頭

禱雨 三首

黃梅落盡雨愆期太守憂農日皺眉滂沛一朝
隨五馬四更三點叢祠

詩

乞雨滂未雨滿天朝衣雨袖帶香烟綠簾青笠
人画多稼亭中看力田

如

一寸丹衷徹波蒼不勞方士篆符章田家雨足
豐年瑞官舍風清化日長

寄京口俞伯鎮兼簡江教授

飛雲妙墨未前日聽雨高軒憶妙年杜曲素麻
幾家在常賢父子一經傳杖藜欲去尋黃鶴裏
茗相携看杜鵑竹樹樓臺江抱宅想應新築大
江邊

壽董明府

臨汝佳山水鍾英賦厥初身為百里宰腹有五
車書見客無官况休衙只獨居壽眉揚喜色爪
代拜新除

次韻荅性天之長老

道人踏虎床眼明如趙州每言西未意爰及東
家立白首林泉交清風江海秋法幢扶歌起法
鼓鳴未休本未無住着聊尔小淹留鹿眠荒苑
內烏啼古城頭大道自坦夷高堂豈伊憂他山
石可礪直木枝有樛已此或吞象鼯鼠能食牛
賴有佛日明洞見鬼窟幽萬語歸一點坐斷聞
思脩夷

病中即事二首

何物青蠅滓玉壺掣鱗餒鶻攫鷄雛病軀痛作
雷鳴腹垢面愁添雪滿鬢欹枕卧看殘菊在下
床呼取筇扶客未與說塞翁馬笑指蒼天慰老
夫短

天方老我心如鏡誰謂讒人言鑠金覆轍始知
行路險移家此去入山深餅無儲粟還沽酒爨
有焦桐竄製琴且喜日來聾兩耳從教丘蚓作
龍吟

九月朔蒙周彦美詹伯遠蘇性可携酒殺
過城東草廬時余往潞城田舍次日賦

此謝

老夫一棹尋醫去，佳客三人載酒過。
破屋茅飛烏豈好，衡門木落雀堪羅。
交情自古陳雷少，世態如今鬼域多。
醉帽簪花開口笑，尚須秋曉過西河。

示子

憶年二九歲之吉，朝貢闈門馳馬匹。
栢府遙歸鶚書出，烏雞戀母情所鍾。
歛翻不附高飛鴻，菱角星霜怨樹風。
帶經犁鉏賣壯志，欲爾青雲竟顛躓。
羞與腐草枯木比，東家借燈夜繼日。
著書泚我潛夫筆，數載兀如僧縛律。
書成兩鬢秋蓬飛，出門復遇鍾子期。
麟膠為續焦桐絲，旁觀方笑黠上竹。
吳下風塵驚滿目，焦隍夢成俄共鹿。
蒼姬訖籙寶鼎移，五流四海誅鯨鯢。
水魚漏網六我希，全家幸爾歸鄉土。
欲學龐公遠城府，骨月遭逢射工弩。
卧痾兩月悟前非，白生虛室熙：茄茶味亦甘。
如飴朝來起坐沐，且櫛炙背淡簷抱。
雙膝七十八年聯紀述。

犁膝

懷吳中行

老我平生頗閱人，惟公知己絕無倫。
別來夢裡常論舊，只說閑中莫厭貧。
湖海氣豪心侶鉄，庭闈親老髻如銀。
遙憐歲晚家居好，魚躍冰中入饌新。

寄熊元脩

佳兒發軔之官去，名父居閑味道腴。
詩卷賸添兵後作，酒樽常為客來沽。
江湖結社鷗盟冷，遼海還鄉鶴夢孤。
烟水相望遠相憶，寒雲欲雪畫糝糊。

寄武城知縣趙鵬南

覆鴛鳧飛下赤墀，一行鴻澤撫黔黎。
管賢過化弦歌地，今代重興禮樂時。
春雨索麻如杜曲，秋風禾稼即幽詩。
檠食米飲持三尺，製錦功成聖主知。

寄盧公武兼問殷孝伯安信

憶言兩別去途難，喜得雲歸舊谷盤。
郡乘手揮狐史筆，齋居頭戴鹿皮冠。
草生林館皆書帶，竹

老溪園可釣竿獨念咸陽殷博士有無黃耳報
平安

送殷孝伯教諭之咸陽

遠遊自是舅兒志特立正當強仕年衣上密縫
慈母線擔頭輕束廣文壇春秋三傳繼絕學畢
郢諸生得盛傳老我也須飛夢去振衣同陟華
山顛

護國寺對雨

去年梅熟雨蹉跎豈意今年苦兩多偶食僧廬
苦作脯忍聞田舍麥生蛾山禽滑。雙樹簷漏
浪。注九河往事莫論魚腹恨近來平地亦風
波啼

和林韻

黃梅落盡天猶雨白日晚來風更寒老去甚慚
詩興少病餘猶喜酒腸寬舟中自古有敵國李
下從今莫整冠蒲屋紙窓明似雪政須僵卧似
袁安

送性天之長老兼簡初士元大方厓兩禪

伯

方坐天寧古道場，遽辭雲水別河梁。
蕭蕭木落山中雨，去去孤篷灞上霜。
白雪詞高人寡，和黃花和晚自餘香。
南能北秀煩相問，為覓安心第一方。

徙居橫山口號四首

為愛橫山，水清山前築室小。
溪紫老夫枕石看雲臥，兒輩求田候雨畊。
古井寒泉龍有宅，孤村夜月大無殺。
廿年兩眼風塵暗，猶喜如今見

太平

三農間伍共烟霞，數口清貧第一家。
瓦釜煮糜燒榭葉，布裘添絮著蘆花。
交游總覺鄉情好，吟眺偏宜野景賒。
不見羽人王八百，浪傳仙井委丹沙。

清夢尋常繞薜蘿，白頭今日此婆娑。
窓含風露秋容淨，簾捲林霏爽氣多。
浮世百年生處樂，青山幾度醉時歌。
莫愁猛獸巖林樾，郡有劉昆必渡河。

山北山南地盡畊人家祇欠讀書聲
丹楓似我衰顏醉黃鶴如仙瘦骨清
吳越喜逢連歲稔朱陳多續舊姻盟
客未莫厭貧留宿新種梅花好月明

次韵荅袁子英見寄

萬國風塵百戰餘一襟冰雪五車書
朝廷未賜延年杖鄉里聊乘下澤車
鍊網珊瑚遺渤海玉峯鸚鵡異伊瀆
長門賦直千金貴詎信相如璧久虛

上臺官

經鉏子為屯田去罄室翁歸儋石無
八十衰顏頭載白一雙昏眼泪含珠
鵲寒空繞無枝樹烏餒徒生返哺雛
匊匊哀鳴臺閣下尚期甘雨活焦枯

挽謝天民二首

細柳營中玉一株狂飈吹折春初杜鵑繞樹啼紅
雨知尔思歸恨有餘紅

三十青年氣食牛貂蟬未得出兜鍪故園芳草

春如海誰謂王孫不復遊

題鄧九淵縣丞白雲親舍圖

若人自是青雲器方尔浮雲如展驥白雲親舍
作画圖寓我思親未歸意螺山億々雲央々
家宛在山之陽西天千里水天碧北堂五月松
花涼堂上慈親壽觴舉堂下諸孫綵衣舞賴伊
黃耳解傳書道我赤心方報主々恩方報々親
恩望兒無勞親倚門直待平反歸報喜却到青
山白雲裏

和宜興鄧縣丞出郭二首

離畧山前芳草多馬蹄曾此幾經過因碑文事
無人識風雨銷殘近若何

民有歌謠吏不譁村庄兒女簇如花深山處々
茶烟暖小市家々酒旆斜楊柳陰中頻駐馬杜
鵲聲裏亦忘家祇緣報國心殊切更喜流年髮
未華

金牛臺送長史仲埜

清明兩晴花正開折花送客金牛臺金牛遺跡

不復見但見塵埃野馬去復來臺前鶴谿貫漉
滿瀕湖綠野平如席臺后群山倚大江齊梁故
里迷榛棘登高望遠散離憂超然如在崑崙丘
為洵堰頭楊柳樹頗嘗見此客不五年叅贊二
千石飲米食檠持三百簿書肯縈游兩餘白雪
詞高人共惜樓船沂流出京口南官放水蛟鯨
吼青苔絕壁為留題名與此臺俱不朽

贈眼醫張嘉甫

重瞳天子真天人擇醫乃得天麒麟金篦不刮
眼中矇家有異藥能通神璇霄沆瀣和玄雪洗
滌靈臺烟火熱刀圭微入阿堵中風卷浮雲出
明月天顏咫尺頻為喜白金紫駟恩甚侈豈無
太史載冊書繼美倉公上池水老夫一目雲模
糊扶憊遠未煩掃除京華道上鬼椰榆爾詩將
比虵啣珠

贈周實翁

鬚髻如戟氣如虹芳茂山前矍鑠翁可惜一雙
青白眼看雲孤臥北窓風

兒子木蒙恩釋屯種而歸詩以志喜

老鳥共孤雛噉粥鸞臺前鸞鳴徹九閩德澤降
自天鍊籠放雛歸容飲劔井泉井泉非不甘飲
之不下咽念我老病烏肺肝烟火然返哺知幾
時骨月且生全幄戶尚綢繆羽衣復翩襍衆鳥
喜穀集卉木回春妍援毫紀離合執除洪武年

客作渴

吳中行惠方竹杖

往有方杖竹化龍歸混芒吾知龍之靈知我力
尚強今年八十餘舉足勢欲僵一目眇數月白
日如黃昏出門多棘榛况復畏虎狼感君扶持
意以杖遠寄將稜：七尺觚材拔宛種良孤根
斬鍊石老節凌風霜穀叟性惡圓為尔重激昂
氣類喜相得顛危賴能防秋風黃葉村春兩烏
石岡挂我沽酒錢時與游醉鄉赤藤含赭色青
藜失輝光睹物思故人晤言未渠央

即事二首

方竹過眉杖單紗墊角巾室中無長物林下一
閑人

北牖青山近南風朱夏涼草蔬留客飯木榻似
僧房

余之死欲速埋素志也今偶得小丘於橫
山之陽竈而斃之余他日蓋棺埋可速
矣倚我長鏡以自適

枯蟬蛻殼欲化老蚕作繭自纏一笑不拘風水
六藏姑待天年
阮孚著屐未了劉伶荷鍤長隨便作松根糞土
也矇兵前肉籬

次韻陳庠仲見寄

老去澌茅寒到骨兒能負米慰愁顏峽舟風打
前時覆塞馬天教此日還冰雪冷：龍井水烟
霞隱：鹿門山芙蓉湖上鷗波闊殊矇離籠鎖
白鷗

贈陳谷禪老

巾地叢林瓦礫場法幢扶起破天荒木魚呼粥
舖禪侶蔬筍香耒八九霜

選佛場開金碧區雲蘿烟樹一塵無客耒會得

安心法莫向江邊更折蘆

布金人北獨園多金色山林作補陀童子畫成
沙佛去蹄涔豈是擬鯨波

庭前栢樹解通祥洞裏桃花小更妍愧我梁園
詞賦客鬢絲風裊煮茶烟

送孫太守奔喪歸濟南

大江之南烟水殊滿船湖送孫常州甘棠遺愛
召伯去黃楊閨餘丁母憂五年組綬忽衰經四
郊襦袴多謠謳兒童騎竹忍相送父老杖藜爭

欲留孤雲宛在長白外清濟如瀉銀潢流北堂
暖草秋寂々西風落木寒颼々堂前稽顙薦蘋
藻隴頭洒泪沾松楸誓言永佩阿孃訓酒戒不
愛傍人咻蜚英以矣徹斧扆樂棘暫尔棲林丘
穎川太守已台鼎碧山學士皆瀛洲政須大木
成巨室豈容野水橫孤舟君親俱報志願足几
杖却歸封素秋

送源無竭回金山

龍游堂前獅子床坐今風月今我霜千金一壺

有妙用三吳百越聊逢塲黃花鬱、秋兩爛白
雲悠、江水長重摩松頂作受記毋令黛色參
穹蒼

復愁

茅茨數家黃葉村霏雨一月溪水渾慈鴨種麥
日未暝猛虎下山人閉門

江陰陳漢廣為北平府指揮使司知事隨

例免官

黃金臺上古賢士竹帛垂名世稱美碧油幢下

今幙賓風雲際遇與同倫清冰玉壺炯胃臆鍊
箸爐灰妙籌畫慇懃報國傾丹寸雪花如席不
知寒扶搖方展雲鵬翼翩然退飛隨六鷁且喜
高堂慰老親毋勞黃耳寄書頻澄江如練山如
掃金菊芙蓉秋正好人生三樂古難全熊魚得
兼真自天塤麓迭奏壽觴舉綵衣褊褊膝前舞
富貴故鄉朱買臣風流鑑湖賀季真一經已勝
千金產况有牙籤三萬函應笑龜巢鶴髮翁小
兒只作識字農脫身顛厓猶自喜彈力犁鋤供

并水尚期東壁借餘光讀我兔園書滿箱

重遊虎丘寺

不謂閭丘謁虎丘幅巾藜杖興悠悠
飄蕭白髮三千丈未往青山八十秋
寶地近曾為戰壘劔池今復屬禪流
老松知我題詩意也學生公石點頭

過吳門

二千年外興亡事試為吳儂問老天
西子曠眉真可醜東門扶目竟何憊
荒臺走鹿岩花笑殘鱗成魚野史傳
買得綠尊堪晚酌且將湖水煮湖鮮

次韻荅姜天定 二首

白首歸來山澤懼山行依舊不須扶
十年兵革遺黎少幾處沙場戰骨枯
懶去效顰隨醜嬾安知起甃到浮圖
求詩雖厭鷄林賈猶勝門前吏索租

詩筒寄自清秋晚書印封未白絹斜一子幸能
歸負米復瞳可柰翳生花居貧不病知原憲吊

古能文愛李華何日細論今古事荒村獨樹老
夫家

送任升正歸上海

猗與子任子唾珠腹琅玕一登龍虎榜即著獬
廌冠陞辭蒙主恩家居奉親歡行囊負祿未歸
佩納幽蘭秋月釣龍江春雲畊鳳山藥室費長
房木榻管幼安逍遙烏皮几神仙紫金丹時為
療民瘼於親駐童顏葵心抱忠赤萊衣舞珊珊
棲遲雲林下放浪湖海間訪舊過滬浦尋幽出
吳關退鷁趨方歛盟鷗心共閑樂哉壺中天虛
白泰宇寬

送董經歷奔喪歸大原

清風蓮幙諸侯客白雪麻衣喪母還扇枕未能
償素志倚門無復見慈顏四千里外迢迢路一
片雲邊莽莽山只恐鶴書催入覲又隨鷓鴣造
朝班

西宿丁堰贈江陰王主簿

五月六月涼如秋昨夕今夕兩不休屋山雷撼

黑風起漕渠水溢黃河流河濱之陶萬夫聚誰
其董之暨陽簿羨墻祇見烏曹磚飲米食檠忘
情苦老兵擊折天未明隔水又聞搏埴教扁舟
興盡不往見惡詩聊寫耒時情

夏五月之初偕江陰張希尹等過鄒忠公
墓即事口占以寓感慨并用趣邵守張
侯吊墓之行

青山門外羊腸路走謁道鄉夫子墓向未滄海
變素田翁仲漂零竟何處麗牲之碑高十尺顏
若銅駝卧荆棘牧童敲火未足悲正恐瓜分搗
衣石使君五馬來何時摩挲細看黃絹辭五丁
一呼為扶起隴頭草木皆光輝予方與客酌清
沽白鶴飛來作人語使君應表鄭公鄉專美那
容孔文舉

代簡張希尹

余生寡諧俗老去得知已晤言固云晚莫逆良
可喜聯翩諸侯客寂寞著書事夜分青藜火晝
竝烏皮几幾回論班馬一笑觀亥豕烟雲揮洒

外風月吟嘯裏蚺孟酌流霞獸爐藝沅水佳哉
水詞清我塵俗耳朱絃聽者稀白雪和能哉
別來懷合簪夢見承倒屣惟林大江邊瓢蒼橫
山趾秋風落梧葉甘兩熟菰米相望不三舍相
過堪一蒂詩筒繼元白通家猶孔李况於阿戎
談六與諸任齒尚友古之人厥德董晉鄙

雨中懷任義甫

十日秌霖未肯晴石尤風作虎嘯聲東門父老
應相問何事龐公也入城

蚺孟

溝南老僊出孟孔竒酌言詢之杯從何來匪兇
而觥匪玉而卮不瑤不鏤不覆不敬謂為蚌邪
鷓胡弗持謂為蛤邪爵奚尔為測海之蠡其殆
庶幾老僊咲言子宜背窺瓦壑之文微蚺而誰
水族之秀寔生天池昔逢羽人觀迺朶頤麴蘖
為糧華陽同歸轉客我者廿年于茲如李白氏
杯鸚杓鷓醲風酌月朝斯夕斯走亦何幸數從
宴娛百憂俱忘是用作詩

次韵管伯齡見寄三首

笠澤矐儒比列僂菊潭秋水解延年每懷遠送
江頭別喜得安書鴈足傳赤米白鹽瀕海地香
橙紫蠟早霜天客未賸說幽居好日、題詩思
湧泉

滄洲舊隱宅江東白首忘機似海翁金菊晚開
香澹、玉山孤立勢崇、通家子弟連年別愛
客情懷往日同歲晚欲尋安道去扁舟當趁落

潮風

郇公五朵雲天風送未前憐我落巢兒覆盆重
見天三復誦佳句一如飲甘泉金篦刮吾眼華
津生我咽重念謙公險毛骨仍凜然金鑠雖被
毀壁歸猶幸全兩鬢雪飄蕭隻袂風褊襖寒蛩
語音喜秋花咲容妍荅詩報君知今年勝前年

贈刊字闕士淵

憶管趙文敏公之寫天下碑隲字獨稱茅紹之
茅紹之之妙在何許八法靡有秋毫遺嗟哉文
敏不同世抱藝如茅誰品第斬蛟橋下溪水清

鍊筆淬未鋒甚銳篆隸真行章草書銀鈞鐵畫
寫璠璣天然筋骨見顏柳假手補戈真是虞文
章太守眼如電語重魚金數稱羨青年正可為
時出山居聽泉何足戀羣公將勒燕然銘中郎
要令傳石經老夫為伊隻眼青鍊筆于今鋒有
殺藝

寄盧公武舍人

投老鶴溪垂釣緜遙憐鳳池掌絲綸鞞霜待漏
朝會蚤墨雲染翰詞頭新石麟自是天上物金
薤散作人間春尚須鼓吹振六籍蹴踏班馬追
楊荀

送同知陞遷安慶郡太守

郡守坐分金斗月朝鞞今滿玉塔霜一襟耿
留遺愛五馬霏被寵光官誥疊承恩渥重御
屏新錄姓名香可憐八十龜巢老尚欲攀轅立
道傍

送史宗儒歸省親

北風狼號霰撒菴沍湖白浪高於屋游子扁舟

歸省親行囊賸有新珠玉舟行到家除夕前高
堂守歲開長筵斑衣捧酒為親壽河清復見昇
平年相門出相今非昔文采風流還籍：一賦
可直千百斤貧侶相如耒岑寂窮居我亦四壁
空我兒經鉅瀆西東煩將此意問若翁名教之
樂將無同

寄金華府尹經歷

牧伯方宣化賓僚喜得人幕中勞贊畫宵次有
經綸劇郡征輸夥清朝紀律新轍魚須救涸尺
蠖正求信月湛雙溪水風生七邑春簿書雖襍
選矩矱自持循耿：存虛室昭：對大鈞宦成
防小怠德立豈無隣遠別長相憶前言敢重陳
菲葑如可采薑桂有餘辛白首龍鍾老滄洲寐
寔濱歸鴻書可寄千里見

送田副使父憂歸

若人自是青雲器九萬扶搖尚垂翅高秋沆瀣
生碧霄搏入詩脾作清氣頻年坐此塵土塲纖
埃不滓芙蓉裳豪吟接跡李太白柳金梨雪揚

芬芳詩成落筆蛟虵走多入鷄林賈人手今朝
送別毘陵城折盡西門道傍柳東風雨晴花錦
香京華到時春正長上林一枝栖鳳凰兮鳳
子鳴朝陽

送張常州奉 旨入覲

白髮田舍翁清曉何跚跚送侯赴朝覲扳轅吐
哀丹去年穀半熟藜藿度歲寒春耒理農務豈
憚稼穡難采薪供陶冶四鏡空捺管執柯涉重
湖荆南研青山非無犁鋤具靡暇畎畝間烏曹
事未已綠野多荒閑願侯念冰兢為民徹天關
樵斧容暫息農晦力可殫民歌岐夾秀侯策五
馬還古今兩張堪竝載青史看

送王起東御史丁憂起復赴京

君親恩重生當報忠孝情移義與俱冠豸威名
傳舊日攀龍寵渥拜新除玉堦雲集耒儀鳳錫
谷人稱返哺烏折盡驛橋飛絮柳親勿相送喜
何如

送陶孝思赴召

夙學多才思崇文際盛時鶚書騰日下鵬奮出
天池發軔青雲路承恩白玉墀泣塗龜曳久阿
閣鳳巢宜繩準持三尺絲毫畏四知佩帶遵古
訓介石蹈良規比德雲暉草同誠向日葵生哉
行所學動必慎其儀器作璠璣美文成黼黻奇
遺芳流汗竹無負故人期

張知府命子送祖考墓碑還鄉

名門父子傳一經儼如韋賢有玄成從親宦遊
養親志念祖喜蒙封贈榮潛德幽光恐磨滅伐
石南山鐫墓碣宋公文章踵韓柳史公清書追
褚薛龜趺螭首重摩挲舟車載去勝索馳四千
里外薄矣海佳城埋玉山崖峨墓前翁仲看石
立面帶烟霞含喜色九系精覓斯焜煌百世雲
仍益輝赫八月九月秋風清綵衣福襪趨鯉庭
悅親細說鄉里情老夫亦耒堂下聽

城

和賈教授懷鄉

試看一簣可為山千里程從頤步間取印正須
金斗大還家未入玉門關泮芹過雨香堪摘壇

杏無風意共閑我欲中秋聽琴去扁舟艤棹沒
河灣

寄賈教授相期詣鄒墳祭埽

題詩郡圃景鄒亭澆酒林莊下馬陵白州西風
秋莽、青山北郭路登、柱頭且看誰為鶴驥
尾何慚我附繩坐待秋涼行有日老夫扶僊策
烏藤

道鄉祠堂詩送張縣丞

道鄉祠前松柏蒼清氣凜然知幾霜伏蒲一疏
吐肝膽汗竹千古傳芬芳此去長安日月近且
喜高秋風雨涼立朝願學子鄒子他年便作知
思堂

題許別駕雪山圖

南山雲起連北山樂天賦詩心共閑東山月出
照赤髻子瞻倚歌情甚適今公畫圖誦雪峯託
興應與月同瓊林玉樹絕纖滓蓬城婆外山相
侶群丘角立白龍惟餓寒喜無挑與哀蹇驢滑
達山前去絕似灞橋人覓句公餘展卷岩電流

襟懷化作冰壺秋揚家米山無足倚何如坐對
茲山隱烏几

同友人祭鄒墓

先生高塚麟麒卧令子峩冠獬廌威汚玉青蠅
除穢跡銜書紫鳳賜恩輝八千里外甘泉竭三
百年未世澤微瀉我一杯寒澗淥卧碑扶起立
斜暉

送張熙載問疾

寄

溝南隱者敦同姓每說相知見肺肝名侶項斯
詩句好身如沈約帶圍寬一江雪浪潮平岸十
日秋霖雨作寒玆重齋居足怡悅玉枝無竹汗
平安

和賈教授詠懷

兩袖西風獨倚樓一天秋色斷虹收水村霜落
紅於染山市烟嵐翠欲流眼底看來興廢事曾
中銷盡古今愁莫嫌首宿盤無味喜有蒲萄酒
可篇

重九次韻

石潭無菊比南陽老我三千白髮長九日正須
多買酒一錢何必用看囊自憐身健茱萸紫更
喜盤餘首着香早起東窓拄吟筇坐看紅日上
扶柶比

又和寄秦宜中

高堂煖客似高陽醉筆題詩興味長戀戀多情
舊紗帽滔々無底老書囊銀鉶萸酒航船滿玉
杵橙齏蠅斗香應笑陶潛室抱菊西風統屋叫
枯索

贈辛林甫

有客有客隻眼青婁江山水鍾其靈十年足不
出戶庭手披帟編不輟停案頭照盡練囊螢先
天後天見日星百家喧囂無足聆九師亦以蠶
測溟著策之妙竅杳冥語入吉凶影隨形滿庭
書帶生香馨一簾秋色風冷々去年抱琴耒野
亭古操為我作水伶吾方采樵如負苓相與劇
談洗心經呼吸沆瀣食楚萍一掃世味羶與腥
有時醉我蘆花汀客耒買卦呼不醒惜哉孤鳳

五色翎翩翩何日儀虞廷鳳兮鳳兮鳳子請試
聽黃河水清三千齡

龜巢稿卷之五

國家圖書館, NATIONAL CENTRAL LIBRARY, TAIWAN, R.O.C.



龜巢藁卷之六

記類

瑞竹軒記

余辟地甫里與徑山壽上人為方外交一日過
余曰今季春吾祖如山翁燕居之所插竹為籬
釀屏閱數日竹皆薦活或者以瑞稱之故名其
軒曰瑞竹敢請子為吾翁記之既而復延致竹
所相與撫玩曰是竹也前為屏時屈其所天至
是乃盡釋其縛屈者信抑者揚拘者縱新者擇

葉簇乎蒼幹縹節之間生意藹然有不可得而
闕者愚乃退而思之夫竹非蒲葦等易生之物
可不根而植者今若此果何邪嘗聞往者寇
萊公插竹而生世謂公忠義所感如山之竹亦
必有感而致然乎余來吳中聞翁有微德之事
二焉屬歲饑饉里有窮乏則周之俗多戲畋忍
物暴殄恒買而放之斯二者固尋常有力之家
能為之豈其一念之誠仁發於中默契於天而
獨有此休徵歟抑別有陰德人所不知歟誠如
則萊公之竹不能專美於昔矣雖然物之瑞
未若人之瑞也嗣法之徒森如立竹有能虛心
以受道秉節以植德清風孤標為上根器則其
為瑞又豈此君可同日語吁人為物霸氣化尤
速某即括目以俟

龜巢記

至正丙申春余辟地瀟上依舊識里翁劉氏家
築室一區棲嬾子差可容膝既而以龜巢顏之
客或過予曰龜亦何嘗有巢哉予曰子不聞乎

千歲之龜巢於蓮葉蓋其以葉為巢初不費經營之力也顧予此室寔類之儼地里翁地不論真假力鄰伍力不受傭鳩工材則有鄉邑諸友人相之故其室不勞而成今也閉門縮頭帖然如藏六之龜蟄乎其間此龜巢之所以名也比較日來春和景明氛埃寢息四境之內桴鼓不驚田夫犂老相與招致涉索芋之園過飛李之蹊瓦盆濁醪歌舞酣酢逍遙徜徉又得如曳尾泥途者此雖巢外之樂亦因巢而得也但不能嗟吸道引如龜永年苟於此偷生亂離免襁鋒鏑全要領以終其壽考志願足矣若夫明休咎斷吉凶決大疑於國家浮洛出書為太平父明之瑞則同類之中自有備四靈相斯世者區々巢居之樂與坎井醯菹同乎一天不知大小之笑為何如客曰有是哉子之適意也而今而後吾亦欲從子之居以適其適可乎予曰可客喜而去予因次對客之語用為記

龜巢後記

是歲八月之初天兵自西州來者火四郊而食
其人吾之龜巢與先古舊宅俱燼矣予乃船妻
子間行而東過橫山竄無錫期月之間屢頻于
危當是時踰伏蓬廡屏息若支牀者然猶數々
引頸回顧以戀其故土明年仲秋至婁江東近
於海潮風汐兩漂揉棲苴以之遂舍之逆人借
屋而寓閱四年居凡五徙聞鄉邑無噍類以是
同室之人幸若再生雖貧窶不以為苦且復以
為樂也至吾之所樂則又以窮居無事得專心
讀古聖賢書以廣其志仰天不愧俯地不怍廓
如也然視此大凶吾生若浮與夫龜浮蓮葉者
何異故所至以龜巢名室雖偏仄心有餘裕盖
不以棟宇為巢而以天地為巢也峻宇雕牆莫
知其光華門圭竇莫知其陋但知此巢自開闢
以來歷數千億載不壞吾與萬物同居其間政
不必藩籬町畦以自局也以是而觀區々舊巢
墮甑奚恤雖然物之巢居者衆矣假龜之巢先
後固異龜則假其靈耳若曰以靈自燠亦其用

於世者然也。世不我用，吾生自全。吁！用不用，全不全。繫造物者處之如何，非龜所能為也。惟兩間之巢人，莫能壞此。吾心可恃而安者，吾心既安，何往不樂。第恐不知者謂巢而有名，疑為誕，故重託穎氏告之。

雲半間記

歲庚子月閏五西山師構小閣於天慧莊而居之。額曰雲半間。蓋取諸前輩詩中語也。予時客天慧，與師落成徘徊其上。溪山烟樹四顧如畫，人皆喜之。愛之而師之所樂不在是也。是屋僅一間而止，高不倍尋，廣不踰丈，無樽櫨染枳之華，自常人觀之，井幹麗譙奚翅霄壤。師獨處之，裕如。蓋其前後左右，牖戶虛爽，蒲團木榻薰鑪禪几之外，無長物焉。師於六時坐如泥塑，諸弟子瓜華之供，日一二至，談空說有，或從侍立，客至或信宿，皆不能常與師共之。惟英之雲悠，而未朝於斯，夕於斯，窮歲月于斯，一榻之外，皆雲攸居。言半間者，亦謙辭耳。夫雲之為

物本未無心而吾師心無所住是亦無心人也
以無心之人遇無心之物故不情而親不契而
合久之則雲忘其雲：即我也我忘為我：即
雲也吾視吾室亦不知其與天地相間孰為大
而孰為小也莊周云天下莫大乎秋毫之末而
泰山為小其言殆庶幾乎雖然諸相皆長吾師
固知之久矣然而猶有此室者抑亦云素下一
宿之意與予嘗以斯言質之師曰然遂為記

歸耘軒記

吾友徐君伯樞以兵後還無錫故里築室膠山
署曰歸耘徵予文記之予嘗質之曰而翁太中
公為時名鄉今逝矣州大夫廉君之才能也其
家方薦之省府將上聞以官之而暇耘其田乎
伯樞笑而不荅予退而思之君名父之子自蚤
歲泚諸師友蓄畬經訓垂二十年今以先世負
郭之田莽為荆固不可不耕且耘也然亦奚
忍舉此而廢彼邪必也帶經犁鋤斯可矣古之
人若耕莘者樂堯舜之道耕南陽者有梁父之

吟故一旦以三聘三顧之而起非惟澤溉生民
功施社稷糗耀當世而伊訓諸篇出師兩表至
今與日月爭光是豈專於農者能之乎雖然耘
田之事亦有治道存焉敢請與伯樞論之五穀
猶良民也菑莠之屬猶凶頑也草生而不耘則
穀不穀矣芸之早則用力寡而功多小緩則小
害大緩則大害既害而耘或百倍其力而不能
盡去雖去之而穀已疾其害矣吁艸害於穀治
田者過也凶頑之害良民治人者可逃其責乎
惟沮溺荷篠之流潔身亂倫者不足以語此伯
樞宜留意焉樞聞乃起而謝曰是吾志也請書
之用誌於壁庶他日知所警云

東郭草堂記

至正乙巳春友人徐君仲剛書來曰瑗性迂拙
分甘退葢擇無錫東郊荒僻之地作草堂居之
讀書灌園蝸休蟻適自謂有可樂者予知我其
能為我記之乎予惟仲剛卓犖之士也譬之楸
枏豫章不巨室棟柱則山林而已比嘗佐令慈

溪方欲抉吏弊更苛政以仁其民一旦以當路
掣肘棄若敝屣翩然未歸客吳下數年不入城
府其抱負為何如哉茲草堂居寬閑之野前有
鷺津可釣可游鴻山宛山屏列左右東膠而堠
紫翠相接又皆窗戶間天然圖畫也仲剛入則
與書中聖賢相對出則與里中農圃為伍親友
時至忘形爾汝腰不為督郵而折膝不為汾陽
而屈適興賦詩往往有太白豪放所謂有可樂
者其以是歟雖然昔諸葛孔明居南陽亦蕭然
草廬而已及乎以三顧而出入陣有圖出師有
表而勲業焯々如是靜學之功信不誣矣吁荒
僻之居又安知非天假為學之地乎愚請以規
仲剛并記斯堂之歲月云

野人居記

余聞之易其地則齊楚異音同其居則蘭鮑俱
化大哉居乎故君子必慎其擇也予友吳中行
今乃去朝市遠城郭挈家淞江之濱素麻之野
蕭然一室名野人居是果奚擇而取哉昔中行

以劔術游諸侯借箸之籌幕中之辨嘗見用於
當世豪傑矣未幾以時之不利投箸未歸回視
淮陰狗烹之嘆華亭鶴唳之悲銅山餓死之辱
金塢燃臍之禍未嘗不愴然於懷其言曰窮居
之安不愈於負且乘乎蔬食之樂不優於覆公
餗乎由是縮首閉門百念灰冷獨研精古睭覽
醫藥之書以事其親以濟夫人之暇日則携杖
屨往耒溪山間與岩穴吟嘯者游耕策釣笠交
亦無間情真而不邊幅語朴而無貝錦滄州濯
足或坐終日芋簷炙背或談千古桃花流水之
外杳不知其孰為秦而孰為晉也但知譚泉飲
菊可以永其親之年江鮮膾鱸可以美其親之
饌瓜疇芋區芝田藥圃皆其地所有而名都大
邑之所無也若中行亦可謂善擇其居矣予與
中行有通家之好一日携兒子林過之用是為
乃翁壽中行嘉予言請以為記因命林執筆以
書其居之壁云

雪洲記

趙君執中蘇人也家笠澤之陰與天隨子故里
相望澱湖直其東陳湖橫其西其墟落乃一洲
渚耳君性喜雪凡歲寒雪作之日天地六合烟
如冰壺三江五湖如瑤匣玉杯而山林皆瑤草
琪樹也然陽精掩耀湯泉欲冰歌黃竹而悲者
在之有之時君獨傲兀吟咲於滄洲之上或終
日竟夕而忘歸焉蓋一時清氣與虛室之白洞
然無間故自謂平生慶快無踰此時乃即其所
居之處所樂之事自號為雪洲也予嘗於夏日
過之階庭之間竹有蒼雪明因素几窠無纖塵
而大篇短章又皆與冰柱雪車同一光潔且曰
柳雪之春蘆雪之秋亦猶見似人而喜予於是
知雪洲之樂蓋無時而不自得也或曰以君之
才宜其逆名王遊兔園而樂其過出奇謀平蔡
州而樂其成功窮居野處何足快哉吁昔子程
子論顏子之樂非樂簞瓢陋巷也君之雪洲亦
類是歟但區區言毫不能揄揚姑述其槩并以
解成人之嘲如此云

竹梧書房記

洪武辛亥予去家十有八年而歸儒紳故交多無噍類獨友人秦公宜仲主貴池縣簿告老於家予首訪之與客偕往公所居環堵之外皆焦墟灌莽乃顯其室曰竹梧書房客因訝而問焉予曰嘻我知之矣公之先君子以多資弘第宅儲書數千卷自蚤歲教公為舉子業公研精伏生所傳之書旁通百家文譽日著時子山陳先生未魁天下與公為忘年交嘗與予過之其塔庭之間巨竹數百覆格玉立綠陰蒼雲清氣襲人而公之風神瀟灑殆若與竹梧俱化子山嘉之故有是扁夫高垣大宅今瓦礫也碧格翠竹今枳棘也垂籤插架之帙不為劫灰則市肆之醬蒙矣惟腹笥之書幸而無恙故嘗為郡博士以教其邦人又推其緒餘佐治岩邑以嘉惠其黎首今老矣尚能鳴待問之鐘以接遠方用耒之士為文章則駸々乎周誥殷盤而不聾牙也扁乃舊名蓋不忘父兄師友淵源之懿耳客既

釋然公亦頷首出鱣素請筆前語以告後之不
吾知者并以示諸子若孫度箕裘其業云是冬
月建子日幾望余則申巢老人謝某也

映雪齋記

毗陵何士信起家業儒儲書數百帙研精誦讀
晝夜不息榜其室曰映雪齋蓋慕孫康氏之苦
學焉夫以士信之家居市廛足資用焚膏繼晷
乃所優為齊居豈虛名哉其心必曰我自短絛
猶雪之明我室非几猶雪之瑩我讀我書夜氣
以澄澈言妙理披雲覩星顧我靈臺曠乎不
雪而白不冰而清唾視羸金珍惜分陰曾不知
九達塵土之蓬勃四時寒燠之變更然則映雪
二字又何異湯盤九字之銘歟波灞橋詩人梁
園賦客有不可與同日語者惟篤志之士如游
如揚立雪於當代程夫子之門者聞之必予其
進矣士信謁予又請以是勵之

蘿屋記

毘陵郡城之西南距涌湖二十餘里湖水支流

北抵城而匯其地有高原平林風篁烟樹景物
瀟洒友人詹伯遠居之茨宇一區牽蘿補苴扁
曰蘿屋名固不虛蓋志以昭其儉耳然庭戶間
如日必洒掃木榻棊几瑩無纖塵平居則肅然
孤立以孔孟之書教孫共讀異端邪說絕口不
談彼流俗相煽而炫惑者弗接勝友時至尊俎
歛洽或相與論端人貞士氣義風節終日竟夕
疊疊不厭予嘗過而問之子豈掃除一室之小
丈夫乎伯遠笑而不答予曰噫我知之矣伯遠
通古今明物理眎管人之銅山金塢皆禍基也
峻宇雕牆匪安宅矣蓋其所喜者素樞甕牖之
美而所樂者簞瓢陋巷之天儼然為草廬布衣
而耕南陽之田者其出處豈易與人言哉雖使
得志其不為堂高九仞也必矣善觀人者慎毋
以蘿屋之儉而陋諸洪武十有二年歲在己未
四月之吉謝某也

菊軒記

古者達觀之士寓物適意初未嘗肆意於物也

若莊周觀魚支道觀馬阮享自蟄之履嵇康柳
下之鍛與夫愛竹愛松愛諸花卉者大率皆適
意而已近世流俗以淵明愛菊亦從而愛之所
植或百數十株高及尋仞花大如杯假以花師
接養之移易種類使坤裳正色亦多變而失真
其嬌紅韻白紫茜紺碧之屬愈出愈奇復以西
子玉環等人物之名以之是則誇多鬪美肆意
以極玩好之娛視淵明奚翅霄壤夫東籬之菊
猶西山之薇薄言采之可以樂饑若乃賦離騷
而淪落英者其庶幾乎韓圃晚香樂則樂矣然
其趣有不可同日語者吁流俗之謬如前所云
豈不大可笑乎吾友王壽翁以菊軒徵予文予
恐其翫好之意淪於汚俗兩年不為措一辭今
乃不然翁春秋七十有三凡早歲華靡之習皆
已絕去軒墀執鞠僅一二本其言曰吾所以愛
此者嘉其於草木變氣之殊霜瓣露葉澹然幽
芬挺挺特立久而不墜殆與晚年矍鑠者默有
契焉故朝夕斯斯逍遙相狎或開軒宴坐或置

湏速客終日相對不厭不倦雖高風雅致不敢
妄擬於陶其遠意之樂亦無官之韓魏公也咄
彼庸儒罔滯可憎安得疾惡如諸伯厚者相與
魏剛風搏沆瀣周流八極為茲花一洗污纒之
辱過翁絲軒呼酒高酌咏柴素之詩歌離騷之
章盡醉以遠翁之適而吾亦得以適其也矢心
陳詞用誌軒壁為後會張本云

斗室記

自標枝巢穴之世遠宮室之制日新月盛世祿
之家第有甲乙馴致習俗之侈而堂高數仞墻
屋錦綉者比之矣若夫屈身矮屋之士往往以
力所不足不能有為其志未嘗不歎然也惟吾
可積則不然可積以吳越錢氏之齋贅延安唐
侯之家往來雲間築室采邑鳳山屏其前淞水
襟帶其左右屋栽三楹高不過尋丈而延袤深
廣如之扁曰斗室時喬寓以居宴如也夫以嬾
家封侯之貴采地之富雖連雲別咄嗟可成
今若此亦可謂不滯於富貴者歟吾將以其細

行觀之屢歲過鄉里視故舊親戚謙、乎抑抑
乎執子弟禮不異乎童非之日無一毫驕矜施
肆以加於人哉咸謂有先君子好禮之遺風焉
然則丰室之儉本乎天性非矯飾一時以要虛
譽而為之也昔衛公子荆善居室完曰苟完美
曰苟美故孔子稱之若可積之儉而約於衛荆
其庶幾乎吾用是以稱可積延安家法之足稱
亦可見矣是為記故故

思齋記

膠東賈文學鈞慶典教毘陵郡以燕處之室榜
曰思齋徵予文記之且言曰某所謂思者非謂
能三思而行亦非敢以九思之訕待旦之意示
警如書紳也思吾親於疇昔喪亂之秋相繼即
世母菴昌邑父望萊縣幾致蕪沒幸而茅冠珍
滅婦室祖塋大明開天拔擢寒畯代耕有祿
而養弗及親矣風木之憾十有餘年去鄉土幾
千餘里霜露降濡悲感交集念欲洒飯松丘使
吾親不為若敖氏之鬼栖息桑梓以終餘年此

朝夕耿々於懷也予曰嘻游子悲故鄉信矣况
思親乎然君子之思其親者豈止是哉烏雖返
哺豺獭根本特一事且必也出言舉足動合矩
度不忘其親詩禮之訓聽於無教思無邪以正
其心儼若思以敬其遗体由是而推其緒餘以
淋諸行事忠君報國流芳汗青以顯榮其
親夫然後息負荷之負解組綬之縛訪親戚省
墳墓某水某丘凡吾親平生所釣游處吾得釣
而游焉鵲冠鳩杖抱子弄孫以安享太平田疇
之樂則今日之所思者豈不能魚兼得乎區々
耄言筆識齋壁庶或紓其懷抱云

白雲亭記

東漢趙邠鄉壽藏之作吾意其涉艱危將以得
全歸為喜故耳至唐司空表聖乃預為墻柳時
與客觴咏其中又作休々亭以寓超然物外之
意史稱曠達不誣矣今吾友唐公均舉田末致
仕佚老於家洪武革命蒙天憇遺以弓裘無嗣
業者命其兄之子某允明為後家事鉅細悉付

托之即在家為髮僧叅釋門諸老以學其學春秋八十有號曰白雲翁距舍南百餘步迺為佳城傍結茅龕晝夜禪寐光明則日候起居奉甘軟如事所生且能承順其志築亭於前復鑿池以莖蓮芡之屬幽花秀竹與宰上之木參錯相映每邀致親之所愛盍簪於亭薰爐茗盃殺核俎樽某負米四方往々望白雲思親有如昔人之言者雖歸侍旁雲常在目請先生為我記之時坐客有辯之者曰吾聞藥山禪師以雪之在天為西來祖意今雲翁禪眼之明必有取乎禪悟之語非光明名亭之意亦非儒紳先生所知也予曰不然夫英々之雲一也其所觀感各不同同雲翁蓋視身如雲浮太空貌焉 須斯猶瞿曇氏電露之諭也若夫光明望親舍之雲而懸々者是則以梁公之心為心家居以壑雲自怡庸詎知非舉陽真逸之心乎吁仁見謂仁知見謂知者此理而已禪則吾不知也客咲而言不予曰如何翁曰唯允嗣曰唯々是為記

養正齋記

往余客東吳十有餘年聞儒林旦評以琴川高
彥和氏稱為儒士敬甚藉予雖未相識而相
慕焉洪武辛酉秋友人楊純夫尤稱譽之且言
彥和以養正名齋蓋取諸蒙卦之辭猥敬予言
屢辭弗獲予曰大哉易也豈敢以管窺之見以
贅疣乎請以古之善養正者為彥和誦之如孟
母三遷使其子去丘墓市廛為不遊之地習禮
容籩豆於嬉戲之間如室於蘭久而俱化厥後
以寡欲養心以直養氣傳正學而接跡於子思
辟異端而竝功於禹是母是子非善養者能如
是乎衛武公行年九十有五懿戒之作既自箴
警且求卿大夫官師之屬交相教戒瞽矇裨讚
朝夕弗違言行之純罔有圭玷亦豈非善養者
乎是故一為亞聖一為睿聖易之所謂聖功者
不誣矣吁人生天地間所受之衷本無煩僻惟
其情竇既開牽於物欲日浸月漬或正或否遂
乃有君子小人之分苟得其養則如木從繩其

正若自然矣今彥和之為端士也蒙養之功不言可知繼自今以來學與日積道隨年長佩服乎七篇之書涵養乎大雅之章毋曲學毋枉道毋有獲而詭偽慎終如始益進益脩如此則希孟而孟希武而武何止如旦評而已哉區之言耄而瞽幸純夫為我謝之

重建雲居庵記

洪武十有六年春雲居庵主僧德傳過予曰宋咸淳間四世祖諱行興號祖庭來自天目山駐錫爵林露坐說法風動一方緇素與檀施全集遂結庵以處之名曰雲居由宋而元祖年九十有二終於至正乙酉其嗣法子弟曰慧滿繼之四年而歿曰道印以甲乙傳及元末庵燬於兵慧滿避兵他遠不知所之而德傳念祖師過化之地義不忍捨去大明更化初賴吾佛之道與時偕行於是剪荆榛畚瓦礫復經始營之距爵林百餘步得里人湯達鄉故基以廣其居今苟完矣白先生之筆以識之前此予嘗過橫山

之陰憇足於庵觀夫所築之室凡二十餘楹堂
有佛像設供具鍾磬列焉僧有室經案禪榻香
燈備焉餘如齋厨井湑之屬罔有不備其地近
山而爽塏遠城郭而幽閒晨嵐夕霏空翠洒窓
戶間無囂塵市散滓人耳目傳公日掩閤趺坐
泊如也吁是雖蕞爾一區如把茅蓋頭然視佛
之所謂素下一宿者亦已多矣彼名山巨刹膏
腴以千萬計尸素之士或不能及若傳公者服
勤如此肯構如此繩祖武而繼之人如此豈非
浮圖氏子孫之象賢者歟予故聽其所謂并以
目見之寔三嘆而書之是歲夏六月之望同郡
龜巢老人謝某撰

歸耕記

予老廢筆畊授之子以拙辭躬稼又弗克服
勤方諄然勗之以周公無逸之訓潞城曹德
毅書來曰震往者避兵東吳顛沛萬狀還鄉以
東田舍粗葺筆歸耕二字揭諸座隅示不忘也
惟巢翁姻婭而相知敢取識其顛末以垂警其

後人予曰嘻前元時德聲曾大父為晉陵閭石
大父起家登仕版歷官至東平路同知歿數年
而德毅失怙丁時多艱家用蕩折幾有能相頷
者藐焉依母氏笠澤之濱狼烟滿眼矢石塞路
窮途之困甚於蒺藜杳不知先業共墜為何如
也大明夏化初竭蹶而趨偕女弟之家還故
里荷篋笠操耒耜薙荆棘之區犁之剗瓦礫之
塲屋之載構載穫料理而恢拓之烝嘗之奉滌
髓之養征徭賦稅之所需罔有不給且能割膏
腴以寧二兄之歸斷雁復得以成行遊魚不共
其同隊東阡西陌鷄鳴狗吠桑梓敬共是皆如
其素願也然則患難之餘歸耕有如此者豈易
得哉若曰其歸也非衣錦之榮休官之適其耕
也非能以堯舜之道樂於畎畝此蓋以前賢論
之衆人可同日語乎如德毅者先世之業共而
復得骨肉之親散而復聚况時和歲豐率土寧
謐凡我同類皆得耕田鑿井騷然為太平之民
其樂雖異於古人未為無所樂也吁以其艱難

勤苦十有餘年而後得此後之人或固有攸知
寧無怠荒乎此記之所以作也願予言耄請復
以語吾兒者語之夫周公聖人也無逸一書為
世龜鑑苟知之則當尊其所聞俛焉孜孜以繼
以述以續承其先緒詩曰子孫弗替引之
吾于此亦云

書屋記

洪武壬戌秋崑山交故辛斌甫過龜巢為其友
蔣生秉彛請書屋記且曰生自齠齒時嗜學雖
祁寒大暑矻不少廢年十五父命學吏事閱
數月不憚而歸既而令復賈走淮浙南北數千
里亦常以簡冊自隨少暇輒誦讀之竟不屑罔
市利以肥其家遂令力穡為仰事俯育計秉彛
迺從親之令臺笠緇撮以事其事三餘之日愈
進厥功老夫以未嘗面其人目其居難乎架空
鑿虛而為之文也明年夏五予舟過婁江斌甫
與生郊近而過之所謂書屋者初無垂籤萬軸
也亦非連雲大宅也四書六經外諸古圖史與

陶弘毛顛烈乎其間與之語燦然有文吾意常
林經鉏董君南之朝耕夜讀亦如是而已矣揚
子曰晞驥之馬六驥之乘使乘彛所造愈深進
愈力則所就未易量也然則秉彛能承順其親
且不卑屈其志謂非能子可乎所居在崑山城
西九里橋之南其江山景物無關於書屋者不
書特以其心跡之寔書之用為記皆洪武十六

年五月二十八日

服教秉

逸庵記

夫人莫不欲四體之逸也惟君子則逸其心故
嘗操存之寡欲以養之秉彛之天一真無偽感
而通之動罔不吉周書曰作德心逸日休君子
取之故能逸其心也今河南彭公伯常為武進
令自號逸庵夫所謂逸者心逸之謂歟自常人
言之州縣之戢其勞甚矣願茲巨邑事如絲棼
雖戴星出入猶恐不迨可能逸乎予曰不然公
以夙學老成之才為之征科撫字恩威竝行雀
角鼠牙曲直能辨如庖丁解牛知其肯綮牛雖

多而芒双不頓也矧夫至公之心炯如秦鏡具不以塵土蔽妍媸所照隨物應之則是吾心之逸盖自若也雖在官舍視為逸庵不亦可乎一旦朝家以七十之年優容里居則吾心之逸与肢休之逸熊魚兼得矣雖然古之逸民若夷惠之博高風峻節為世師表吁吾知逸菴之逸必如是而後已焉

哉且

持敬齋記

前輩以齋居之名著稱者多矣其最著者曰誠齋簡齋容齋又有以先正箴銘而傳者曰敬齋求放心齋是也其後一變曰䟽曰酸曰松雪者紛々然人爭效之齋之義遠矣今贛之聶伯夔氏以持敬名齋需言於愚：固辭不獲乃言曰聖人筆六經以照萬世敬之一字層見疊出先儒詳之矣愚復何言竊觀所謂持者意在執持而用之賢人之持物猶吾之持敬也持物以手持敬以心苟不致敬謹則亦莫之能用也譬之射者必謹于持弓矢而後不共其中御者必謹

於執轡而後不共其馳又如執玉捧盈必洞屬然如弗勝如將失之然後能勝而弗失也伯夔鄉遊成均持此敬以進德脩業故學優而仕宰高平持此敬以治民其而民有去焉邇來為諸侯幕賓翼翼乎以恭贊承宣為務謹三尺御羣吏以蒞四邑是皆持此敬以展其用歷茲以往百司皆然有官守則持此以共其職有言責則持此以盡其忠義冠冕鳴佩玉鸞臺鳳閣筵羽鷓鷖無非持此心之敬而用之其用有不能盡者敬乎敬乎亦豈非一言而可以終身行之者乎夫如是則上不負天子下不負所學齋名著稱亦卓然如昔人矣雖然宦成而怠世固有之惟君子慎終如始有不為其怠者衛武公春秋九十有五官為周司徒方且再三以敬慎為詩日夜警戒故卒能為衛聖武公愚不敏敢請獻此詩為持敬慎終之助洪武十七年歲在甲子三月二十六日

恬澹齋記 為高彥述作

皆與彥述同姓字君素者以頤軒請涪翁賦
詩其畧曰辱莫辱多欲樂莫樂無求旨哉斯言
真可謂恬澹齋座右銘也蓋多欲則不能恬靜
必辱其身無求則澹泊自足樂於其心由是知
孔顏之樂非樂乎飲水曲肱簞瓢陋巷而蔗境
之佳可漸入而得矣夫彥述先君子醫名家獨
步鄉國流風遺俗今豈無之十餘年未乃能與
時浮沉不競不躁不貪不墨舊家氣習掃滌淨
盡故齋居之室題曰恬澹蓋取諸內經養生之
要旁叅老莊而有得焉至如諸子百家之書亦
能涉獵然文藻不露不求人知城居如子真谷
口賣藥如君平賣卜簾常晝垂門或早閉衣布
素若紈綺茹菴糲如膏粱由其氣稟之清資以
學力斯恬澹有過人者每謂人曰人生固不能
無欲也多欲奚為彼銅山鑄錢鄒塢積金一姬
傾斛珠萬馬如錦綉凡如此類孰不禍賈當時
而遺臭後世乎言之必撫掌大笑傾倒而後已
吁黃太史九原可作論二高當有抑揚老夫贅

言亦庶乎獎勸之助云以

芸室記

予毫無能為者久矣嶄然骨立百念灰冷獨嗜學好友之心猶未能忘前元故交淪沒殆盡每見後生少年能讀書通古今識道理且不為異端邪說所惑則愛之重之同郡為忘年友者凡數人其一伯禮也洪武戊辰秋伯禮來曰某居鄉城環堵一室有古聖賢經傳及醫書若干卷日用涉獵間以芸香辟蠹度諸室中顏曰芸室望先生有以警之書再至義不容辭矧予數相往未知其室無節梳之華無丹碧之飾無屏幃帷幄為觀美之資宴安之具闌闌中有山林清致木榻棊几圖籍左右熏爐短檠陶泓毛穎之屬晝夜為伍孜孜厥脩嘗謂人曰吾為醫家方技可以寓吾心之仁以濟夫人之故先之非以儒為迂而後之也吁伯禮言此其知道乎然九流百家莫大於儒之道莫大於仁伯禮知醫藥之方或未知仁之方傳曰已立之人已達

人仁之方也尼山大聖蓋得夫唐虞三代之傳
之萬世以康濟斯民非金匱石函之方可同
年而語者請以是筆諸芸室蘊諸身施諸人則
吾心之仁不可勝用醫儒之道所謂竝行而不
相倍者信矣是為記

重建清微觀記

夫師教之恩報同君親蓋化之重者見於經昭
也然道德五千言此非所先苟師道之不降
則道德亦不能有傳矣今清微觀主周鍊師石
泉勤而行之是能默契禮經而獨超乎其類也
洪武己巳春石泉書末謂予曰某追懷先師歸
復故業丐先生為文識之予嘉其能而不却也
抑嘗過丹陽聞諸鄉老之言其報師之恩藹然
可見初邑人諸葛德齋隱居學道佩天師符命
報此觀為脩鍊之所既而羽化寔為開山之鼻
祖也弟子裴靜山等仕特以甲乙傳元末觀毀
衆亦飄散或存或否洪武改元其徒朱竹軒言
還結茅而居未幾而終時石泉住丹徒紫府觀

聞師訃即謝事而歸葬之志在復業揄揚道法
風動一方向化者咸樂施以相之諸葛氏母子
其尤也於是剪荆榛畚瓦礫鳩工度材辛勤十
有餘年作三清殿前闢山門傍翼兩廡祖祠經
室丹房齋厨之屬凡若干楹穹林竹樹蔚然屏
蔽輪奐之光焜煌乎蒙城故區度亭遺迹長塘
之烟水湖光北固之雲霞山色亦皆映帶為清
微勝槩矣吁凡為人後者有能繼述如此豈不
為賢子孫乎近世逢掖之士學必有師禮宜報
効未嘗彷彿如此者也予因記其事之顛末深
用感慨并書此為世勸云

栖雲軒記

雲之為物聚散不常其聚也由膚寸之微至於
彌六合兩天下其散則斯須無踪人莫能測况
能与之栖違乎惟英々而白悠々而閑者方外
之士相羊侶之每寓言而高尚之意云耳常郡
玄妙觀莊某以寧栖雲有軒意盖如此夫以寧
師老聃其學以清靜為宗青山白雲澹然幽栖

固其宜也然聃在周室柱史有年青牛出閔然
後著書五千言以鳴其道亦未嘗絕物斯世而
為高尚焉後之善學者如陶貞白於齊梁之間
掛冠都門怡雲句曲若將終身焉及乎以大任
寄托之固辭而不可得遂乃坐山中如廟堂之
上茹茯苓如鍾鼎之食人到于今稱之不失為
陽真逸也矧吾以寧有琴而能作松風之聲
有詩可以賦怡雲之情是則陶之所樂皆為吾
有山林市朝或處或出何往而非栖雲之地哉
吁由周而來寥々二千餘年所謂隱居以求其
志行義以達其道者竟無其人是可嘆也若夫
華山之陳一枕白雲三徵不起此又不可同日
語矣以寧徵予文特書此以識歲月并以備從
善之擇云

聽雪軒記

夫雪散之微若有若無聽之者必方寸之間一
無擾攘兩耳之聽不為物奪然後可得而聞也
同郡馬用和居市廛以陶猗為佐絲竹車馬之

喧晝夜不息聽雪有軒豈虛名乎洪武初予嘗
忝為東家立知其為馬氏之良別未十餘年說
者謂用和讀書養親習与志長超然出群遇歲
晚同雲霰集而霏之雲繼之時用和侍親庭
闈言此為豐年之瑞以娛其親奉壽觸如金帳
羊羔舞斑衣如仙人鶴氅以春虫撲囚之教為
金石之鳴舉家之人同得以樂其樂也既退獨
處軒居萬籟俱寂乃想像撒鹽飛絮聽於無聲
不啻若鈞天廣樂九奏而有遺音所樂有未易
語諸人者其心必曰蘇子卿十九年牧羝沙漠
李元直夜半擊鷲襲蔡梁園之賦客揮毫灑橋
之詩人覓句皆安知雪之有聲如此其樂哉用
和需予文請以是相知之言識諸軒壁異日以
黃金鑄我為鍾期吾亦無愧焉爾

瓜田記

農皇古聖神以人道急於養生是故作耒耜教
之粒食又為之醫藥以濟其天閔而本草之書
出焉既而軒岐問荅靈樞素問與本草並行為

醫家之大經大法也崑山邵濟民氏家傳是書
深究厥旨為醫巨擘迨元末年業隳於兵慕古
之同姓種瓜東陵於是即所居淞澣糞於瓜田
臺笠而鋤抱甕而灌繇々嗜々之漙如周雅所
稱以養親可以充一味之甘以之留客可以侑
一茶之款其蒂為苦口良藥可與參苓薑桂並
用以活人濟民嘉之因以瓜田自號朝於斯夕
於斯寓幽興於斯非矜乎東陵也方今盛
時過瓜田而納履者無之或為古之人有白兔
御史殆若戲言無足患者其樂為何如哉予嘗
避地東吳濟民久交乃不以我三百二十里為
遠九十六歲為老致書求文再四益勤予辭不
獲遂以昔所見而知者筆之是為記樞之

習靜軒記

洪武丙寅冬前知武進縣太原舒公之孫文允
書來曰某家居僻小軒讀書強名習靜用唐人
詩中語也丐先生為識之書凡四至不容以言
老辭乃謂之曰人生而靜天賦之性感物而動

情之欲也。性至微，故學者必有以養之。然後不為物欲之所汨。習靜之意，必有見於此。欤夫以文允之英姿壯年，學優而仕動，而有為取青紫如拾芥。今乃韜蔽光斂，踪跡負米養親之外，足不入城府，影不出戶庭，目不眩邪色，耳不污鄭聲，膏梁綺綉不適乎口，休聲室隘，巷門可羅雀。澹然而資於外者如此，廓乎虛襟，寂乎靈臺，絜探乎經史之奧，涵泳乎義理之樞，出入乎諸子百家而無他岐之惑焉。其恬然養乎中者，又如此。可謂得習靜之方矣。晉者濂溪翁主靜之學，程伯子以親炙而得之。其平居終日坐如泥塑，及其動與物接，則一團和氣，穆如春風。視世之以槁木死灰為靜者，迥不作矣。愚竊周程之學，蓋默契夫大學定靜之旨，而相傳使文允以周程為法而學焉，則習與性成，二賢同歸，豈特如摩詰之語而已哉。予不佞，故卒以是告之。時洪武二十年四月之吉，同郡龜巢老人撰。



龜巢彙卷之六

國家圖書館, NATIONAL CENTRAL LIBRARY, TAIWAN, R.O.C.

龜巢藁卷之七

啓類

訟伯父墳地上縣宰啓

掩骼埋胔者古今之制其仁如天過家上冢者
子孫之情伊誰無地顧丘壟之共所寔風化之
有傷瀝血寸丹陳情尺素切念某痛懷伯父曩
歷兵戈死雖正首之丘時未集鴻飛之澤啓
手啟足幸能四體之全歸若斧若堂詎信百年
之難保蓋自陵谷變遷之后以致家門摧敗之

餘共此故塋屬諸姒黨誰其主者展我甥号此
一錯在乎當時故陸沈至于今日渭陽之舅絕
無見念於秦龜陰之田那復肯歸於魯然豈料
人面獸心輩乃謀為兔葵蕪麥之場雷厲風飛
宰木頓空於斤斧日侵月削佳城亦壞於犁鉏
殆將見暴骨之寒又何異鞭屍之慘三尺之法
不畏匹夫之勇莫當向未不平之鳴屢致逢彼
之怒爾狠不顧輕性命於鴻毛匍匐而歸飽尊
奉於鷄肋是可忍孰不可忍如之何未如之何
徒增萬里之悲每動窮途之哭既無面於江東
父老復何顏於地下祖宗日月不照之盆弗堪
長覆天水違行之訟可憚終凶賴典章有禁地
之條其情理寔滔天之罪仰惟公道俯察愚衷
恭惟某官讀萬卷書為百里宰冰其清玉其白
絃之直稱之平寬猛適中剛柔相濟數月有撫
字征科之績四郊無叫囂隳突之憂休々烏其
有容嗚々乎不可尚毅蜚臺閣恩迓絲綸如某
者受屢為氓閉門斂跡亦以被卓魯之化烏敢

興虞芮之爭但悲夫九原之人欲掩以一坏之
土願施善政垂戒惡人使知見舅如母之親勿
為敗俗亂常之事復此牛眠之地仍為馬鬣之
封想去家舅崔重歸看銜土慈烏畢集凡春秋
拜掃之日皆存亡感激之時上窮碧落下黃泉
為雪幽冥之恥生當頂首死結草弗忘判斷之
息痛切之私敷宣罔既

上干尚書啟

公名傳字受道號止齋延祐乙卯科進士

不封萬戶侯願識韓荊州常切慕謫仙之志手

把一封書上有皇甫字輒敢扣昌黎之門問胡
為今日之耒曰專為古人之事與其進也適我
願兮嘗謂傳道不絕者先民之功沒世不忘者
後人之義若道鄉鄒忠公之葬近在城陰有了
翁陳先生之銘流傳天下孰謂此一丘之土盡
廢於八世之孫鄉鄰忍於瓜分翁仲隨以蕪沒
故諸生為之太息於當路鳴其不平賴二侯以
公道主盟不半載而佳城復舊築思亭而薦蘋
藻立舉表以樹松楸苟非紀載之詳尚慮耕鋤

之患立羊公一片石欲大書名世之言如季子
十字碑以昭示尊賢之意雖不咎於既往庶有
補於將來求之与之完矣美矣恭惟某官老成
前輩文章鉅公三千字禮樂繼橫在早歲脩名
揭日九萬里扶搖直上至晚年直氣凌秋典文
衡則妙於稱停秉史筆則嚴於褒貶烟霞一壑
今歸老于長洲茂苑之間霖雨八荒將拜命於
安車蒲輪之召斯言非佞輿望所期某曩客新
安聞公舊政復紫陽之闕里大振儒風勒黃絹
之好辭有光吾道諒弗忘於素志必重念於斯
文惟大賢無不容則小子肆有造于以紀前言
往事于以發潛德幽光當令梓里之間永若桐
鄉之愛鏘如韶鈞蔚如虎豹雄文照耀於九京
明則禮樂幽則鬼神妙理昭彰於千古存亡有
感敷行

贄見余用中先生求作辨惑編序啟

狂簡斐成章辯諸家之邪說品題作佳士必當
伐之儒宗夫辨香敬為南豐蓋學者仰如北斗

予其進也。式我願兮。嘗謂璞玉雖奇，非和氏則
山中之石，琴材固美，無中卽則爨下之灰。太玄
經有覆醬之譏，公羊傳有賣餅之辱。古猶如此，
今豈不然。歆立言圖不朽之傳，必取正於有道
之士。嗟今陋俗，舍正路而弗由，集古遺言，迴狂
瀾於既倒，可柰一齊而衆楚。猶如皆醉而獨醒，
驚人之鳥，一鳴怪雪之犬，羣吠願君斷聖為我，
折衷或袞袞一字之榮，則價倍千金之重。馮豐
霑寄寥廓久矣，馳情挾雲漢，今天章豈辭揮手，
網維吾道，黼黻斯文。茲蓋伏遇某官文章鉅公，
典刑前輩，詞場較藝，視五色之日，不迷鄉國，興
賢使三代之風，復振躬行古道，歷踐舉途，每為
政郡邑之間，常蜚英臺閣之上，歸逆彭澤，舊家
環北固江山，教若河汾，大隱居南徐城市，戶外
之屨常滿，門前之轍何多。雖云遂菟裘之營，必
復有蒲輪之召。如某者，俯慚後進，仰慕先知，尊
其所聞，行其所知，愧未造高明正大之域，博我
以文約，我以禮誓，弗忘仰鑽瞻忽之誠。景慕有

餘編摩罔既

贄見李晉仲提舉求安啓

思忠公傳道之賢為裒遺事辨邪說誣民之惑
乃集前言持布鼓於雷門兮天章於雲漢恭惟
某官儒林麟角學海龍門鍾山草堂之英雲靈
竹霜松之標致頓折腰於彭澤蚤賦歸耒聊濯
足于滄浪亦云自取皜皜乎不可尚已休休乎
其有容焉然吾道賴以綱維而儒林視為儀表
尚持藻鑑以主文衡名動京師栢府之薦章交
上官居翰苑蒲輪之召命將臨先生自此升學
者仰如斗某吳中晚進白下漫遊自憐如明月
暗投誰復念陽春寡和汲汲有登龍之願拳拳
慕倚馬之文方往依劉以圖御李款曰劉克輔
見公乃於劉
處偶得
識面 低頭拜東野遙因邂逅之間辨香為南
豐得展殷勤之敬敢持兩帙謹用三熏長年坐
井底觀天此日詣門前立雲倘賜五行之覽必
蒙一字之褒登山采玉入海求珠相載乃醉其
素志製芟為衣紉蘭為佩激昂正賴其清風

贅見楊廉夫提舉求序思賢錄啟

兩袖春風作洛下書生之咏滿舡明月過閩西
夫子之門問胡為今日之耒曰端為古人之事
切有請也能無逆乎伏念某生延陵季子之邦
頗知禮讓復道鄉鄒公之慕當効驅馳樂民俗
之還淳喜士風之近古思賢有錄味道無厭紀
前言往道之二三發潛德幽光之萬一自蔽壤
石誰售雞林恐公羊遭賣餅之譏使太玄有覆
醬之辱願借春秋之筆特為月旦之評得一序
以冠塵編若干金而加幣帟庶傳不朽有補將
來非惟先哲之有光真乃後學之多幸茲蓋伏
遇某官乾坤清氣風雲壯懷走馬看長安花早
歲似唐人得意割鷄為武城宰居官如言子愛
人以文章政事之俱優宜天下國家之大用尚
淹筦庫未展經綸人皆知大器晚成我乃獲景
星快覩題鸚鵡賦已多年傳惡則遺音到鳳凰
池將不日遂平生高志倚須瓜代入覲楓宸如
某者敢不長翹下風永懷高誼聞所聞見所見

真如到神仙十二樓之間步亦步趨亦趨或可
在弟子三千人之列其諸欣慕固既敷宣

贄見張用鼎教授啓

黃魯直謁蘇東坡因述依松之志弥正平過孔
北海乃蒙薦鶚之辭蓋同氣以相求必當仁而
不讓敢持尺牘特造丈函恭惟某官海內儒宗
江西詩派往歲為馬尚書賓客當時有虞學士
呂題謂鵬程萬里橫飛期鳳池十年可到道出
羲皇才過屈宋何鄭公猶在於廣父上規姬妣
下逮莊騷若韓子獨尋於墜緒先覺之後已立
人四方之學者未歸一鼓而斯文作氣博求
地利開玄武湖以廣澤物之功善育人才置治
事齋而兼水利之意教蜚臺閣思迓絲綸如某
者生長吳中棲遲白下頽窮居而獨善恐沒世
以無聞著辯惑編辟近世之異端邪說作思賢
錄彙前脩之潛德幽光欲煩斲郢人之斤輒敢
弄斑門之斧平居抱膝仰泰山北斗之高此日
承顏覩鳳凰景星之快天其或者道之行與詩

舉袞一字之褒增弊帚千金之價品題作佳士
何慚奏白雪遺音吹噓上青冥或可借春風餘
力

荅陳天倪謝薦師啟

見賢而舉者古先之訓惡敢言功易子而教者
夙昔之心幸逢知己豈意予互鄉之進亦勞賦
小山之招思斯勤斯至矣盡矣恭惟容齋先生
玄々衆妙休々有容身雖領袖宗門學則淵源
吾道小樓明月勝元龍百尺之豪高枕白雲待
丹鳳九重之詔有前人風烈為後學範模如某
者與緇黃交能青白眼獨喜子墨名儒行非他
人羊質虎皮通家踰三十年責善難一二計茲
荷愛烏之及特屢遺鯉之書曲憐覓梨粟之兒
直命入芝蘭之室從明復受春秋之業看希夷
畫太極之圖熊魚何幸乎兼得犬馬當知其所
報道院迎僊書堂隱相增爽氣於西山鄰家乞
火曉窓分燈藹餘光於東壁銘心有感筆舌奚
殫

謝監察御史火公舉茂異啟

天朝重耳目之官寔居清要風憲擢山林之士
非布私恩蓋竹頭木屑有可用之時而茅拔茹
連乃必然之理敢因竒遇庸布謝言切念某家
本吳中客茲江左以芰荷為衣秋蘭為佩訪鍾
山之英草堂之霈作山川司馬壯遊負湖海元
龍豪氣自憐駢巖誰問飄零瞻烏蒼柏之間歌
鳳古臺之下幸逢駉馬蒙試雕虫叩大小逆容
之鳴以盡其敬收輪困離竒之材而為之器使
李白立階前地如毛遂脫囊中錐得之若驚觀
者如堵茲蓋伏遇某官身居臺閣腹中詩書凜
々乎動搖山岳之威倦々乎樂育菁莪之童植
公門之桃李蓄相籠之後苓昔中州草木知名
今南國芝蘭俱化三省十道俱聞鉄面之威一
日九遷將拜玉音之召風塵一掃霖雨八荒如
某者敢不恒念品題益加脩省行日用常行之
道讀平生未讀之書雖蒲柳之質望秋先零而
薑桂之性到老愈辣揣々焉出門下誓弗忘一

辦之香耿：者在胷中當自愛千金之帚其諸
感佩罔既敷宣

代羽士上廉訪僉事啟

上士無爭奉先師之明訓監主自盜柰公論之
難容故鳴鼓而攻之若同室而鬪者切念某為
李老君弟子住焦真人道場小：山林設住持
之主席區：金帛有交代之成規比日尊節年
多致有羨餘日積被前職鼠偷狗竊使空山鶴
怨猿驚當市攫金衆所共見匹夫懷璧罪寔難
逃已嘗赴愬於有司且復諫詞於教所始則疆
項不屈終乃搖尾乞憐遂以當仁不讓之心聽
其用和為貴之說乃償薄產以補亡金未幾背
軟血之盟又復為終臂之奪用朝三暮四之術
專務貪婪逞人一己百之能肆為欺罔楚弓得
失秦鏡咨度勞六轡之驅馳廉法廉辨庶善庶
能按百官之能否明月靡遺罅隙清風一掃塵
埃睽茲寂寞之濱亦在照臨之下豺狼斂跡草
木知名激濁揚清既憲綱之振肅舉直錯枉宜

公道之昭彰或移北山之文或賜南山之判戒
無厭溪壑之歆征悖入府庫之財庶有補於焚
脩更無煩于訟牒思之弗措辨之弗措願亟持
全璧之歸得之若驚失之若鶩當永守青氈之
物

謝崑梅州判舉鄉善啓

求儒雅闡大猷漢室之興復見經品題作佳士
荊州之識為榮矧蒙下采於菲葑豈作不言之
桃李寸丹有感尺素具陳某官佐理神州賢勞
王事虛心待明於滄海之珠美德含輝粹若崑
岡之玉有賢守與承流宣化在察寀則同寅協
恭切：斯民憫之吾道米霜竝潔風月平分南
山之判不移北闕之心長戀二千石不如逢掖
下士尤勤九萬里直上扶搖前程甚遠吾言非
佞輿望所期某以客東吳遠遊兵燹功名蹭蹬
昔為上竹之鮎身世飄零今作無枝之鵲偶爾
宿贊公土室儼然逴梅山市門聽高山流水以
知音驚明月夜光之投暗說項不輒薦禰有書

駕言采泮水之芹何異繼廩人之粟驥千里未
甘伏櫪鳥一鳴或可驚人翱翔道義之林涵泳
詩書之澤鄉之善士國之善士尚期自下以升
高知惟春秋罪惟春秋勿謂有名而無寔

賀陶教授啓

鄭廣文才過屈宋坐一羶而司業相憐胡安定
教授蘇湖置二齋而太學為法升高自下振古
如茲恭惟某官前輩典刑後學楫楫于以傳道
授業而解惑信乎溫故知新而可為五柳庄前
自管存舊家之菊片玉山下只今樂泮水之芹
振木鐸之遺音續杏壇之雅曲先覺之後聿成
陶鑄之功已立人正賴提撕之力自此升矣
式我願兮如某者白首流離青雲蹭蹬遇州倅
舉一鄉之善以野夫宜多士之間愧風鷁之退
飛喜星鳳之快覩先生富道德致吳興弟子之
多才雜說為爬梳正此諸止之狂簡

代上馬都事啟

驥伏櫪負千里之心志久倦驅馳鳥在阜作三

年之鳴猶能奮躍未趨幕應敢借箸籌某官曾
襟貯萬卷書文章揮五色筆頻羊花縣絃歌之
化大行今日薇垣贊畫之才方展王公大人以
青眼相顧縉紳先生以白眉見稱茲泛綵以依
紅將腰金而曳紫一節既全其清白百憂當念
乎群黎願為龍百高勿效杜季良恪守祖傳之
家法近舍皇甫湜遠取白居易當求世用之人
才豈予望之自此升矣某遠避兵燹久客句吳
秋菊寒泉祠甫里見尊賢之義長洲茂苑頌鄉
校勒輿人之言已曾和白雲之詞但未覩景星
之快由村落每耒于城府知軍民多困于饑寒
敢用條陳以效芹獻于以開難發之于以推不
忍之心區々非釣于虛名懇々必求其寔効蒼
生顛厓受苦辛隔群仙天上清高大花廣廈俱
歡顏願比屋眼前突兀

代謝沈太守啟

一輪明月清輝今照蘇州萬里長風素志乃如
宗慤念先人之遺澤挈孤子於長途知幸自天

感恩無地恭惟某官乾坤清氣風雲壯懷既不
忘向日之誠且深識隨時之義往年烏府冠豸
鷹角之威此日黃堂庭茂鼠牙之訟退食則班
衣以娛父母傳家則黃卷以授兒孫鞭不施蒲
庄先種柳愷悌咸稱召杜勲名必到蕭曹三江
五湖之風謠政教藹々四海八荒之霖雨與望
懸々遺愛甘棠沃芳汗竹如某者仰依公庇勉
讀父書既已承薦鸚鵡之章當不負愛烏之及備
後苓於藥籠作龍李于公門庶竭駑材以圖豹
變父為大夫子為士賴提携蒞輟之初車如流
水馬如龍顧追逐後塵之末其為報効罔既敷
陳

上沈太守啟

大牀為鄭大夫始從寬而終猛不疑謂暴公子
先言威而後恩惟大海不擇細流庶他山可以
攻玉請以田夫野老之語陳于大人君子之前
切以某近寓吳江俛經荒浦聞近日有鼠竊狗
偷之輩在各都如蜂屯蟻聚之多始則穿窬終

為強禦忽々乎神出鬼沒累々然晝伏夜行星
月光中窺商賈他鄉之客烟波深處伺妻孥逃
難之人或如斫巖顏之頭或若孤兒之臂橫屍
洲渚流血泥沙遺臭熏天銜哀入地掩鼻而過
者多矣垂泣而道者誰與鄉隣懼而不言州縣
置之不問致令滋蔓轉肆兇頑目之所覩者如
此其多耳之未聞者尤為不少新鬼煩冤舊鬼
哭痛恨難忘他生未卜此生休衷情誰訴惟當
路羨神明之政為斯民雪冥漠之冤三尺法申
明舊章五色棒掃除群醜寬猛相濟不勞用萑
澤之兵恩威並行何待 綉衣之斧一雷既振
百蟄皆驚恭惟某官俊傑識時精忠貫日清冰
出萬壑此往年烏府威聲明月照蘇州乃今日
虎丘嘉話甘棠樹聽召南之訟老萊衣照堂上
之親愛民若拙於征科下士能勤于吐握五花
馬金章紫綬方被殊恩六柳庄綠水青山未容
高興政須治最以候登庸如某者幸獲承顏甚
慚饒舌聞而未見而去仰山斗之弥高道以政

齊以刑者民風之丕變

上梅知州陸同知啟

莠莠不除必有傷於嘉穀盜賊不息寧無害于
良民目前事可為寒心林下人敢云饒舌俯慚
卑陋上瀆高明切以某為客松陵艤舟荒浦聞
近日有鼠竊狗偷之輩在各鄉如蜂屯蟻聚之
多或穿墉以踰垣或發匱以眩篋或牽去春耕
之犢或移人夜泊之舟或劫行商囊橐為之席
捲或因逃難妻孥与之偕亡或如斫巖顏之頭
或若斷孤兒之臂慘星月見遭毒手渺烟波逸
去凶身濺血菰蒲伏屍洲渚漂流于五都十都
之境腐臭於六月七月之時里正不敢言恐煩
檢覆鄉隣寐無語懼有干連致使跳梁轉加延
蔓天陰西濕但聞冤鬼之轂水遠山長渾是愁
人之景惡貫既滿禁網難逃今有司獲盜竊之
徒宜因事究凶強之黨幸毋姑息亟賜施行轟
雷霆于掩耳之照日月于覆盆之下追三窟兔
須旁求曲徑之踪殺兩頭蛇方能免後人之患

餘罪戾之輕者加徒役而遠烏庶令涇渭殊流
不使薰蕕同器蓋治此非常之盜必加以非常
之刑雪痛怨于黃泉聽歌謠於綠野隸惟某官
某官同心同德無黨無偏各守一廉米其清而
玉其白咸稱二美絃之直而鏡之明閭閻蒙撫
字之恩案牘絕煩苛之弊訟庭如水印匣生塵
明月清風暫尔居淞江太湖之上高牙大纛翩
然到鸞臺鳳閣之間人皆仰之自此升矣如某
者言雖僭越事寔昭彰祗緣以兔死狐悲未免
較鶴長鳧短溺猶已溺望明公擴仁愛之心刑
期無刑變惡黨為淳良之俗豈明有感贊美奚
殫

代上江浙丞相求蔭叙啟

上書伏光範門韓愈以布衣自進斗酒酌新豐
市馬周于逆旅誰知仰止三台素非一日惟吐
哺握髮以下士敢披肝歷膽以陳情切念某生
毘陵錫谷之墟客吳郡長洲之滸早年勤苦頗
讀父書連歲孤哀且羅兵燹竄妻孥于荆棘揮

涕泗於蓼莪學子為箕學治為裘尚賴傳家之
業在無父何怙無母何恃孰憐遊子之歸遲望
西日之長安歎南風之不競鬱居此遑何
之芟為衣蓉為桂忍饑忘溝壑之憂

第慚沒世而無聞有負

先人之遺澤欲求蔭叙願借恩光雖云匪鱗角
鳳觜之奇亦庶幾竹頭木屑之用持衡留藻鑑
天書遠降于九重隨水上龍門浪可乘於三
級鯤鯨變化鴻鷺翱翔茲蓋伏遇某官簡在帝

心股肱王室保江浙數州之地障東南半壁之
天以和靜鎮國家量同靖有忠勲塞天地爵
比汾陽公門之莩李欣榮藥籠之參苓並蓄五
風十雨頻年見陰陽調燮之功寸地尺天指日
復疆里廣輪之舊恩加袞易銘在鼎彝如某者
幸獲瞻依宜蒙拔擢大木為杗細木為桷良工
得國用之宜南山有臺北山有萊君子致太平
之樂永言報效盡力驅馳

賀上海石縣尹啟

郎官應列宿方照臨滄海之秋鴻毛遇順風乃
奮起青雲之日敬陳賀語兼進忠言嘗觀時有
盛衰道無今古為國者必以人民為本有司者
必以父母為心擾攘雖值于難時撫治合由於
古道簡編所載桀虓具存曰既庶既富而教之
曰足食足兵而信矣曰孝弟可以盡堯舜之道
曰忠信可以捷秦楚之兵惟教道能結其心斯
奮發以盡其力小而一邑大則九州是道為農
桑學校之原其事乃錢穀甲兵之屬苟一日而
必葺庶三年而有成倘不鄙常談老生斯可謂
知言君子某官心存愷悌氣稟高明先世稱萬
石君其道義傳家之久今官為百里宰蓋功名
發軔之初以胷中所蘊之詩書為目下可行之
政事征科不廢撫字尤勤仁風藹田野如春民
無愁歎明月照閭閻似水吏絕喧囂釜魚之教
譽已聞堂籩之禎祥必應行書上考竚見高遷
某幸辱故知喜聞新政彼客燕皆能賀履豈窮
猿獨不投林東入海西去秦擬欲依棲於贊老

昔無襦今無袴願同歌詠于吳儂

諸士友陳言陳同知誣枉事

陸

排難解紛竊慕古人之高義舉直錯枉宜蒙當道之至公芻蕘有言菲葑可采切見吳江州同知陸某職居佐貳政出循良三載守官一廉如水自許以赤心報國人皆知洗手奉公不聽誅求致結讐言於軍帥不隨偏黨或見忌於官僚豈意權豪乃加排陷以兵戍干有司之政以文移行無妄之灾昇一夫病死身屍勒其子丐生詞

訟集衆擁停屍之地環若重圍當官逼忤作之人傷皆誣驗強梁若此毒害顯然越官職以橫行違憲章而不顧各州縣聞之而來瞻諸士民觀之以寒心赫然恣逞其威凶甚矣有傷於治體是可忍也尚何言哉仰惟上相之賢明俯察本官之冤枉照覆盆之日月即見昭彰遏平地之風波毋令陷溺如某等与本官初無私愛且隔隣封聞一州有賴其主張知百姓多蒙其惠昔頌德於三江五湖之上今稱冤于萬口一

辭之間其言至公而無私所願抑強而扶弱直為壯曲為老當明曲直之情危而持顛而扶庶免顛危之辱宜加采擇特賜施行

上量田徐孟二公啟

立國以經界為先當盡革其中之弊生民以耕稼為本方能供在上之需惟任用之得人乃公勤而稱職欲陳梗槩敢效芹誠嘗謂朝廷革命之初才俊為時而出凡所以休國徑野皆可以忠君愛民况皇家付尺度之公要農定租庸

之法甲是乙非者固當分辨鶴長鳧短者尤宜折衷為前代除毒斂之蛇免後人為涸輒之鮒此當務之為急其任非輕但至公而無私所行必達某官同心同德無黨無偏志如百鍊之鋼不為統指事若重調之瑟能用改絃雖寸田尺宅皆入版圖而賸水殘山猶蒙紀錄田野既揚其聲響銓衡必錄其勤勞同升諸公一臺二妙某生本常郡寓此吳紳如去邠而居岐敢因徐而見孟願求荒圃學為老農春雨一犁駕烏犍

而東作青雲萬里看黃鵠之雙飛

上王知府啟

玉門閑兩鬢秋風歸未晚景金斗城一輪明月
喜把清輝人皆作未暮之歌我欲快爭先之觀
騎竹共隨於童子杖藜敢謁於銷人既獲披雲
亦言獻曝嘗謂農桑者民生衣食之本學校者
國家風化之源其在有司曹為急務瞻此常郡
即古延陵二十年兵革以耒數百里人烟欲絕
犁鉏不作絃誦無聞大田皆變為荆榛泮宮亦
燬為瓦礫今天下全歸於大統而郡中方集其
遺祇如谷寒而郇律重嗟若絃斷而麟膠再續
農何以勸惟恤民則民乃力農學何以興惟重
士則士皆志學嚴一鼓以作氣必三年而有成
田野辟而賦稅增教化行而習俗美上以副聖
天子明詔之意下以著賢邦侯善治之功斯文
黼黻於皇猷舉世甄陶于清化渤海郡勸農龔
遂復見於今成都府興學文翁因專於昔苟二
端之竝舉則百廢之俱興幸無謂老生常淡真

可与古人同傳某官三槐世胄五馬恩榮金莖
露之澄清玉壺冰之潔白有民人有社稷雅稱
知才為保障為繭絲會能兼美飽風學於胷次
急前務於目前報主赤心待士青眼吐握行周
公之禮謙德弥光循良希漢吏之賢芳名不朽
如某者幸然歸魯得此依劉三十年辛勤有廬
勉欲訓城南之子千萬間突兀廣厦願蒙庇天
下之寒頌禱有餘敷宣罔既

謝孫大雅惠詩文啟

寄杜甫題草堂舉世誦高公之句送李愿歸盤
谷至今傳韓子之父蓋詞章誠有可嘉則名譽
皆為不朽感承傑作敬叙謝言某生長延陵本
同鄉土僑居郡俱避風塵既轂跡之相聞且音
問之不絕千萬人之前常曾說項十五年之內
惟欠識荆嘗結巢為蓮葉之龜耒詩甚美至還
家若華表之鶴得序尤作頌余生非李杜之儔
眎所作乃高韓之比陽春和寡明月暗投巾箱
謹於珍藏某几時乎圭復想風采于氛埃之外

見肺膈於文字之間投菀振瓊茲抒情于尺素
如葭倚玉別請教於丈函某官以申浦之澄清
鍾於姿稟以君山之蒼古發於文章驅馳莊騷
出入佛老鳴教鐸中吳者久投朝簪東海之濱
枕沐漱石而有祖風弄月吟風而忘世慮山中
曆日閱黃楊厄閏之年天上春風待紅杏倚雲
之日如某者素慚孤陋雅愛交游味六經如嗜
膏梁親三益便成膠漆江東暮雲之酒願與論
文山陰雪夜之舟尚期乘興雷門持鼓郢匠揮

斤吳

謝張雲門作詩序啟

名紳字士行
齊郡人

魯直獻東坡二詩蓋欲見瞻依之志士安叙左
冲三賦方能無非議之辭蓋當世之鴻儒乃後
學之龜鑑寸丹方感尺素具陳伏念某田野草
茅山林樗櫟不揣鉛刀之鈍常持銛硯之堅鮎
上竹竿徃歲之功名可咲龜巢蓮葉近年之身
世如浮八九家寂寞江村三千丈蕭騷白髮出
言爛熟作字迂踈寤疑辨惑以成編懷古思賢

而有錄頽然詩癖忘乃逢窮時抱膝為梁甫吟
或掩鼻作洛生詠對明月清風而思玄度蘊高
山流水以待鍾期持鼓雷門探珠驪頷得警策
片言而為幸豈春容大篇之敢望珠璧暗投瑋
瑤匪振不識面而知肺腑可謂神交如寫容而
見精神琤箴手披雲未遂仰斗弥高恭惟某
官四海儒宗一門科第為時而出不勝烏鳥之
情讞病而歸非為鱸魚之美以東吳之山水為
西嘆之文章託古意於焦桐播遺芳於叢桂風
月襟懷江湖性氣本磊落之奇才烟霞痼疾泉
石膏肓享優游之清福道則高矣人皆仰之如
某者敢不佩服斯文勉旃尔力弊甚千金之帚
榮哉一字之褒廢繩墨不為拙工灼見用春秋
之筆經品題便作佳士惟恐孤月旦之評瞻望
依々臨書艸

擬與金壇縣告索尹氏寄書啟

賣金買書自是平生之志刻舟求劍難忘眷戀
之情雖吳霜已白其頭顱惟秦鏡能明其肝膽

敬持尺素用寫寸丹切念某避地曩年泛湖連
日移舟至尹干橋下依乃姻家藏書如孔氏壁
中尚諸真室物宜多矣人皆見之十三年賤跡
飄蓬數百卷常懷汗竹豈知瓜葛乃變薰蕕以
諸史之青編易兩牽之黃犢餘存簡牘悉入巾
箱屢云還合浦之珠竟不返連城之璧朝絳暮
史欲重對於聖賢甲是乙非合辨明于官府是
可忍孰不可忍求之欤抑与之歟惟當道之至
公庶斯文之不墜聽其言也適我願兮某官承
恩九重出宰百里迺米其清迺玉其白如絃之
直如鏡之明以識時俊傑之才了積年繁劇之
事戴星出入雙鳧暫止於金沙搏風扶搖孤鳳
必巢於阿閣某遠來隣邑如倚大山雀溪水天
影涵秋比琴堂之清澈米家船虹光 日載書
簾以還歸

擬謝常州府官啟

曾參以同姓殺人其母嘗投杼而走黔陽非在
家遘疾厥子起驚心而歸柰何事出於隣封馴

致弊生於本邑幸大府能為辨析今微言合用
敷陳切念某乙老窮居若守株于橫峴丁男遠
出日負米於荆溪疊：乎縣帖拘追纍：乎里
人被執始自三月三修禊之日皂隸登門遂令
八十八老耄之年蒼皇赴縣換名字如雲翻雨
覆動文移則雷厲風飛陷穿欲成網羅交設南
阮貧北阮富姓雖同而業產不同東家丘西家
愚人有異而鄉閭亦異故奔訴甘棠之下蒙戒
懲刻木之徒號咷徹乎二天枉屈為之一雪伏
遇某官等同宣聖化竝著仁聲召父杜母之慈
祥春濡雨露琴弟梅兄之清白月映冰霜閭閻
嚮擊壤之歌城郭寢抱閩之柝行書上考佇俟
高遷如某者父子知恩鄉隣感德覆蕉蔽鹿本
無夢于前時緣木求魚免受災於後日報當啣
結力効驅馳

上周縣尹請祭頌將軍啟

孔北海表鄭公鄉人皆起敬文潞公題明道墓
學者知歸蓋追敬于儒先寔有裨于風化敢持

尺牘用徹琴堂某老不趨時心猶好古覽中吳
之勝槩訪前代之名賢笠澤西頭皇天蕩烟波
相接葑門東畔頽將軍丘壟猶存叢祠倚馬鬣
之封荒蕪沒龜趺之石每經此地常念斯人生
為吳相之孫死有元公之謚華亭二陸初齊名
得三俊之稱白羽一麾獨伏羲平六州之亂晉
史備書其勲業吳儂尚保其祠堂但每歲之烝
嘗欠有司之籩豆不揣効豐干饒舌敢云煩陶
令折腰蘋蘩共薦於鬼神素梓愈加其恭敬此
非違道以干譽幸不以人而廢言恭惟某官以
董賈之才為卓魯之政乃冰其清乃玉其白如
絃之直如鏡之明見義勇為當仁不讓有民人
有社稷國家委任之隆教禮樂教詩書沃化承
宣之急行書上考竚見高遷某飄泊長洲蕭條
短褐投老二天之下知名兩月之間其言至公
而無私其事似緩而寔急生芻一束其人如玉
望喬仙雙鳥之鳧寒鴉數點涿水孤村 華表
千年之鶴

于陳敬初先生作懷古錄序啟

懷賢千古聊綴緝夫前言借重一辭庶永傳于
後世切有請也能無後乎嗟我楚狂久客吳下
過鳳凰嶺顧彥先之墓有感而傷情傾鸚鵡杯
李太白之詩長歌而擊節甚矣疾薰蕕同器忍
乎隨菴李不言豆籩既請於有司丹青乃新其
遺廟屏除妖塚祭掃佳城措紳皆為之詠歌樵
牧則嚴於禁約載嗑藜藿用寫蒲編于以發幽
潛之光予以紀廢興之事過雷門持布鼓敢曳

長裾扶雲漢今天章煩揮健筆某居玉堂之署

人慕登瀛紉石室之書自當名世為士林冠冕
演王國絲綸目短曹劉汗涑藉湜大鵬九萬里
方當直上之秋黃河三千年會見重清之日前
程遠大吾道光榮某不揣迂踈尚希題品書八
篇因窮而著初不效於古人賦三都得叙而傳
誠有望于今日

代上饒叅政啟

升向知駿茂因聞堂下之言毛遂從平原乃脫

囊中之穎既古人有如此者豈今日獨不然乎
切念某幼讀父書後遊都邑聞所聞見所見固
先生長者鈞陶步亦步趨亦趨習王公大人之
規矩辭親日下捧檄浙東干戈擾攘者閱五六
年鞍馬驅馳者知幾千里及區區益升斗之
又終服州縣之勞枵枵棘於慈溪望蓬萊於
滄海既失怙恃遂用耒耨兄弟飄零狀若喪家
之狗功名蹭蹬誰憐失水之魚然此膝不屈于
常人而其志敢忘於斯世家徒四壁壯氣橫秋
但知讀書以聖賢為師未嘗出門与俗沚為伍
高山涿水賴有知音明月夜光忍令投暗鷲鷲
之書既作鯢鵬之化何疑惟大匠無可棄之才
宜小草有相依之志葭苓藥籠桃李公門恭惟
某官俊傑識時耿介接俗隴雲可悅已嘗似山
中宰相之閑仁風載揚今復慰天下蒼生之望
宵次烟玉壺冰露文章垂金薤琳琅借箸而籌
入則告嘉謀於公府累茵而坐出則參大政於
薇垣已立之人先覺覺後行吾道於干戈之際

救斯民於途炭之中幾千仞廬山 衆人所仰
五百年名世者非公而誰如某者慕蘭許年依
劉今日襪綫之才雖知菲葑之采不遺朝取一
人暮取一人莫非荷提撕之力待以國士振以
國士當不忘感激之情輕瀆崇巖重加悚息

上張太尉啟

蘇轍上韓太尉書所願覩賢人光耀馬周寓常
中郎館即能以時務條陳不揣下愚敢希前輩
敬以惜軍愛民之事陳於王公大人之前聞斯
行之時則美矣嘗謂有民有社須當畫策以治
安足食足兵乃可運籌而征討准今酌古發政
施仁苟欲展心上之經綸尤先察目前之利病
勿求近效宜作遠圖開荒田則有富國之原設
屯田則為守邊之計除民瘼則免誅求之苦積
軍儲則無匱乏之憂廣鹽榷之法則遠近流通
恤軍士之家則存亡感謝凡茲六事盡在一時
日月雖明固難照覆盆之地而風不動願蒙庇
廣廈之天布以新條革除舊弊惟其愛民如子

必不以廢言詢我芻蕘教人稼穡易其田薄其
稅民力方紓居有倉行有糧兵威自振幸無吝
一舉手一投足之力更勿辭三握髮三吐哺之
勤庶士夫得進其忠言而軍民免令其共所恭
惟太尉相君英雄盖世度量容舟以崧高維岳
之英靈為海納百川之襟度興利除害更張漢
瑟之絃革故鼎新重作禹書之貢西鄙之烟塵
去遠東吳之風俗還淳見諸生如見大賓保斯
民若保赤子天上天下咸知向日之忱江北江
南共仰福星之照名垂竹帛勲在鼎彝某十載
風塵一蓬烟雨避地居淞江之滸憂天如杞國
之人功名雖負于素心窮困尚憐于黔首慮或
有於一得口何忍于三緘知我春秋罪我春秋
欲救顛崖之辛苦待以國士報以國士終當範
我之馳驅俯竭葵傾仰希藻鑑為

賀蔡教授到任啟

建學立師本三代之良法化民成俗即二南之
遺風夫以世衰而道微其必人存而政舉喜聆

木鐸敢進芻言，瞻此崑山舞丹崖之鳳石，沛然
婁水接滄海之鯨波，以山川如是之奇，人物
由來之盛，紛々顯宦比々高門，豪如劉龍洲
寓焉，賢若李樂庵而居此，適值近年之兵革，遂
忘舊日之衣冠城郭，是而人民非禮義廢而政
教失，幸鄉校之不毀，今學宮之苟完，有司奔走
於豆籩，多士趨蹌於禮樂，但龍蛇之混雜，有鳧
鶴之短長，中也養不中才也，養不才政賴鈞陶
之力，仁者謂之仁，知者謂之知，豈容無區別之
心，惟自今秦鏡之明，更不致齊竿之濫，大矣小
矣，匠氏固無棄才，貴玉賤珉，識者自能定價，嚴
一鼓作氣，必三年而有成，惟某官心醉六經，眼
空四海，杏花壇上重耒，鼓焦尾之琴，荷簣門前
試聽擊有心之磬，胷次炯玉壺，冰露文章垂金
薤，琳琅曩嘗居淮，維揚人共仰太山北斗，能不
共前賢規矩，真可為後學範模，首蒼蘭干且莫
厭一官之冷，菁莪長育當挽回，吾道之春立登，
要津入居翰苑，如某者蹉跎仕路，流落他鄉，不

能看長安之花乃亦采泮池之藻聞所聞見所
見星鳳見覩而快哉步亦步趨亦趨蘭蕙久居
而化矣^以

為王泮才通吳伯善啟

魯連為解紛而出斯為天下之奇陳平能宰社
而均終作朝中之相苟有為於今日亦何異於
古人今一見之切有請也恭惟某官湖山清氣
丘壑閒情雖爵祿不入其心惟孝友是亦為政
車乘下澤稱鄉里之善人樓卧上床本湖海之

豪氣律呂鳴朝陽之鳳階庭舞荀氏之龍惟其
博古通今所以出類拔萃有文舉座上之客而
開尊嘗滿聞駿明堂下之言而執手相知近者
悅遠者來親踈無間剛不吐柔不茹好惡惟公
截噐待時在邦必達某許年暮蒲此日識荆深
知有長者之風輒敢訴不平之事曩今有子勉
作鹽商同客嘉禾王吉父与成交易親書片楮
孔方兄俱付檢收不料墮其計中從此置諸度
外屢約屢爽轉富轉貧但知堆滿屋之金不肯

返連城之驛况視予之淒落尤縱意而欺凌獸
心忍負於罔憐狡窟乃居于仁里望公秦鏡照
我覆盆能扶顛以持危必舉直而搭枉風行草
偃水到渠成是猶解戰國之紛何異宰鄉人之
社道之禮樂示之好惡豚魚必感而相孚失之
東隅收之素榆犬馬當知其有操心有所憤書
不盡言

為王牀才等訴神文

亘古亘今人世有難明之事誰曲誰直鬼神能
灼見其情雖聰明正之無私必禍福吉凶之有
報請陳始末用徹函明切念某至正十有五年
作構李異鄉之客統鈔三百餘鈔買吳江同姓
之鹽託在契交信後期約立文憑之一紙比重
託之千金豈其反面無情從此掉頭不顧彼已
跨腰錢之鶴我乃求緣木之魚日往月來馴致
遷延之久雲翻雨覆不勝變詐之多故連年空
打白厓至今日竟為烏有交情既絕禮貌全無
本來侶艷牀相知每去如魯侯不遇彼因致富

積醜物之如山我則固窮避兵戈而共路不念
離流之苦轉加欺罔之心日月不照於覆盆風
雨自安於廣廈晉伊過我待為席上之珍今我
尋伊視若眼中之刺是可忍孰不可忍如之何
末如之何既告于隣里鄉黨之間當質諸上下
神祇之右吾言若謬甘受天誅彼語若誣當遭
陰譴願洋洋之如在降濯之厥靈有感必通
如嚮斯應舉直撻枉必須天理昭彰福善禍淫
庶使人心畏服

上周郎中陳言五事啟

李白識韓荊州雖萬戶之封非其所願駿明見
鄭牀向惟一言之善得以相人今區區慕足下
之賢敢切論日前之事上以裨朝家之清化
下以慰郡國之蒼生遠視欲明述言可察茲蓋
伏遇某官乾坤清氣風雲壯懷向坐黃堂著蒲
鞭之善政今遷画省冠蓮幕之諸賓有撥亂反
正之才盡扶顛持危之力心不忘於向日義
共於隨時英毅蜚九重之天愛溢三吳之地

和氣挽回於寒谷，恩光照及于覆盆。見多士如
見大賓，保斯民若保赤子。能興利以除害，不吐
剛而茹柔。史編當紀其循良，鈞軸政頌其贊畫。
門墻羅列好多陪，志李之春昇。調和有，大用
益梅之日更勤。吐握以廣咨詢，如某者甫里索
居太山高仰折桂之功，名蹭蹬衡門之心。跡栖
遲雖讀書以聖賢為師，但出門則農圃為伍。東
隣西舍，痛遭毒歛。蛇南枝北風多，作無依之鵲。
歎息愁怨之殺，常聞於田里。叫囂隳突之吏，每
見於鄉鄰。况軍儲不積，則時有借糴之憂。而官
俸太輕，則必有侵漁之患。此皆繫百姓之休戚，
疇能出一語以發揚。惟大人肯念乎群黎，故小
子敢輸其忠。赤非甚高難行之事，非荒唐繆悠
之談。是曰是非，曰非尚。送公論，聞所見。所見
奚敢飾詞，宜改弦而更張。毋劖印而弗予，他有
剥床而請者，別當借箸以籌之。弱猶已溺，饑猶
已饑。斯謂愛民之術。仁見謂仁，知見謂知。初無
私己之謀。饒舌云：優容幸，謹奉啟，并以所

言五事開具詣省幕以聞伏惟台慈鑒念

一開荒田

夫民之有田猶魚之有水也魚無水則枯而民無田則饑而斃原民之情豈不欲治田以養其生哉今長洲縣崑山州等處水深圍田積萊歲久無錫常熟等處殘破地面荆棘連天其各處流移之民餬口四方而無卓錫之地是皆欲業耕稼以養生者也但所慮者犁鉏纔舉即有征科廬舍未完便當差役是以寧爰艱辛且逃租賦寧甘窮餓不還鄉土每歲雖蒙官司招諭復業及委官勸農不為不至而民之所慮如此遂成虛文况各處低田圍岸久壞非一時可能修築積水甚深非一時可以車戽必須隔年料理以俟春耕田家作苦筆舌難盡如蒙呈達省府行下各州縣踏勘荒田數目參酌至元年間燕參政開荒例聽令諸人請佃每年不過若干初年官

不徵糧私無租課應干雜役俱得優免次年公私半徵三年成熟然後全征如此則人皆為養生之謀而不憚工力之費一二年間官糧數增 國家享無窮之利矣
開此荒田官民兩便
除民瘼

為政以恤民為先若夫民瘼未除而謂能卹之者繆矣然今之民瘼未易枚舉姑以前月近日言之如崑山州等處上年旱澇相兼高田則禾苗枯槁低田則積水瀰漫各都里及佃戶細民經官告狀俱有堪信蹟跡不期驗災官吏不行詣田踏視定免征止坐各州縣衙門及諸寺觀逼令鄉胥里正一槩伏熟繼後部糧官吏驗數証納其細民棄業逃亡十去八九但將各處里正緝扒吊打責限陪比破家蕩產終不能足幸蒙上司體察將里正人等發下屬州縣乃得踈放立按擬於秋糧內帶征

若今歲秋糧之時果於里正名下追征其里正百孔千瘡奚暇再剗其肉以補於必着落原佃之人一同部內上下交征決致失所况連年兵革擾攘差科繁重里正人等俱各消乏誠不能以一歲之所收辦兩年之租賦縱使捶楚之下求而得之甚非國家愛民之意亦非諸大臣恤民之政也如蒙言諸省府移文郡邑從實免征庶使里正之家免於破蕩力田之衆不致逋逃非惟今歲秋糧易於辦集而亦免下年荒廢其田矣除此民瘼斯民幸甚

抑豪強

貧富不等借貸有之舊制民間私債月息三今年月雖多不過一本一利誠良法也近年以來其官豪富強之家乘人之急取利過倍少有逋欠凌虐百端或於借貸之時勒令併利作本虛立文約明起三分利息寔收過倍之數或有還欠利息倒換文

憑利上生利或寬收窄放更易斗斛或左
右邀求減尅分例其舉逋還債之人既
窮窘吞酸忍氣噤不敢語良可閔言上年
幸而官府知之出榜禁約但又弊不能頓
除如蒙申明舊制定立罪名嚴加禁治庶
使權豪嗜利之徒畏懼憲刑毋蹈前非抑
強扶弱公道幸甚

一積軍儲

為國之要足食足兵然兵固不可無食而
用也但頻年水澇歲無全收如無錫常熟
等處殘破之餘田地拋荒租糧減數今
國家軍儲之用常恐不敷况凡有賞勞俱
用米粟動以數百千石為無益之費至於
青黃不接軍人有缺食之憂百姓有借糧
之患切嘗觀有司催辦米如珠璣濫賞贏
餘粟如塵土此理曉然人所共見今後宜
從省府移文稟知大尉遇有功賞從公
酌或加以多爵之榮或犒以金銀等物博

節米糧以備饑荒如此則倉廩之積日增
月羨漕運可供軍儲可給而民無和糴煩
借之患矣多積軍儲公私便益

一增俸祿

張官置吏本以治民黜陟幽明欲其稱職
然必須俸祿足以養廉然後考其成否而
黜陟之斯可使之無憾矣今府州司縣之
職最為繁難大小官吏之俸類皆鮮少仰
事俯育寧免索心洗手奉公誠不易得其

間以貪污黜罷者固不足恤而清貧廉介
祿不賞勞者上之人當軫念之如蒙建言
本省告之太尉以官吏俸給之數酌古准
今量加增益如此則居官者可以絕貪墨
之心而百姓無侵漁之患矣傳曰忠信重
祿所以勸士俸祿之增公道幸甚

賀契知州到任啟

騎竹羣童爭先遠近扶藜一老敢進常談或可
比予芻蕘庶無棄於菅蒯嘗謂州縣作民父母

詩書為古範模必須酌古準今乃能承流宣化
蟠根錯節毋令挫利器之鋒流水高山正欲奏
朱絃之曲夫御吏治民之要惟正己格物為先
吏或奸欺民多疾苦但鄉無叫囂隳突之吏則
田無歎息愁苦之民照日月於覆盆轟雷霆於
蟄戶寬猛相濟恩威並行資刑罰致於無刑聽
訟當期於無訟魯中牟之化官至司徒黃穎
川之循良矣為丞相苟有為於今日亦何異于
古人恭惟某官屢世簪纓一門科第金薤琳瑯
之文采玉壺冰露之襟懷花相傳藹仁教於
荒服蒲鞭不用布德澤於疲甍下車總一月之
間比屋皆二天之喜鵲乎不可尚恢乎其
有餘鷦鷯之巢一枝本非素志鳳凰之翔千仞
方進侑程跋余望之自此升矣某素嘗仰斗近
獲披雲過蒙禮貌謙喜聽政報藉苾寒有
賴獻曝何慚三千年黃河一清坐待太平之日
九萬里搏風直上佇看大用之秋有猷有為善
頌善禱



龜巢葉卷之七

國家圖書館, NATIONAL CENTRAL LIBRARY, TAIWAN, R.O.C.

龜巢藁卷之八

蕭荅張納幣啓

松堅晚節梅占春魁恭惟某官起居有常動靜
多福某幸扳舉閥獲締字盟敬憑一紙之書用
効七葉之報祇詞蕪申且巖鱗甲更異順平之
序而加調甘旨之羞予日望之自此升矣出使
展埋輪之志閱閥殊高封侯由給餉之功源流
已遠幸二姓之合好占八世之莫京令姪精習
讀書拾芥之功名必取孫女粗勤織紵采蘋之

法度能循荷葑菲之不遺俾蒹葭之有倚茲承
奠鴈喜近乘龍第慙奩具之蕭條莫稱洞房之
張設幣帛筐篚其厚意拜而受之男女室家之
大倫永為好也

荅請期啟

合歡尋月老之盟將偕鴛偶消吉訂星翁之曆
乃遣魚書既承黃絹之好辭敢謂綠窓之難嫁
曰迎鸞於桃李春風之日尚喜從容欲奠鴈於
松栢歲寒之時何勞鄭重蓋篤婚姻之好合崇
道義之交迨其吉迨其今敬聞命矣宜其家宜
其室造我頌兮

賀闕信鄉生日 壽八十歲三月初一日生

生申命辰二月後初交三月比彭高壽十分中
纔是一分子孫克肖而俱賢歲月方未而未艾
敬將薄禮仰祝脩齡非熊非罴夢必形於西伯
如岡如阜壽將比於南山申賀率然丙融幸甚
張回郵定姻三幅啟

綠墊春明画堂日永某官百靈交相多福駢臻

某遙望鄰封近通姻譜仰辱問名之禮敬酬交
好之書心馳宴居首陳魚素敢冀對乳燕青春
之景而加調紫駝翠釜之珍愛助一枕勤倦三
祝昔南軒以道鄉可敬曾為跋甘泉之銘今東
泊與時干相聞且喜接鄰封之境惟先世斯文
舊契宜後人此日新婚令嗣筆豔春葩力勤儒
業姪女燈明夜績志在女紅幸有良媒乃成佳
耦采下體菲葑之外將厚意筐篚之間受言歲
之永為好也投我以龍報以李正三春桃李之
倚無任欣榮

陳彥謙府史滿歸惠錢舜舉畫遣禮荅賀
蒞輒脩程十載試蕭曹刀筆還家遠惠一緘遣
頽陸丹青愧予龍鍾失此宴賀想萊子斑衣之
樂勝買臣畫錦之榮不腆送芹切希咲粢插菜
萸遍兄弟予胥樂兮投木桃報瓊瑤我無是也

娶婦拜祖先致語

伏以有夫媚而後有父子大矣人倫故齋戒以

告鬼神重乎婚禮幸及時以成家室敢即刻以
觀祖宗參酌時宜兼復古制既不忘於報本乃
可得而合歡濯，厥靈降藍橋之仙宅洋，如
在坐花燭之瑤筵伏願先古垂恩新人蒙福有
是父有是子一門天爵之榮宜其室宜其家百
世雲孫之盛

合卺致語

竊以禮言合卺自古有之俗曰交杯其未尚矣
於結髮百年之始合卺一飲之歡孔雀屏中
選當年竟成伉儷鴛鴦盞同傾此夕豈不歡娛
伏願孝順庭闈諧和琴瑟新粧不俗朝，画張
敬之眉敬對如賓日，舉盃光之按詩曰花燭
春輝照洞房藍橋儂偶飲瑤牒開花結子三千
歲人与蟠桃壽總長

拜舅姑致語

伏以男女居室之願喜得及時父母舅姑之尊
先當行禮欲居敬以行簡乃酌古而準今試看
花燭熒煌何異桃源會集拜舅姑而及舅姑之

宗族拜親戚以分親戚之尊卑各致殷勤咸加
恭敬伏願夫、嬪、同心和順於六親子、孫
一氣流傳於百世

趙與蕭請期啟

嘉會合禮尋月老之姻盟內事用柔訂星翁之
日歷納幣於小春良月之吉御輪於大寒信宿
之先是用成行必蒙允諾歲月日時無易迨其
吉子舅女居室大倫永為好也寸芹脩敬一粲
為榮

趙與蕭聘啟

蘭陵之蕭衣冠素盛石橋之趙門戶今寒月老
書其姓名雲孫知為僥倖令孫女鍾禮郝法乃
天生真淋之姿某舅周誥殷盤方日誦聖賢之
訓曩中牽絲之選時為佩鞶之童數年粗喜其
長成六禮容於缺畧男女之際婚姻之始區、
幣帛之將父母之命媒妁之言永、室家之好

蕭荅陶納幣啟

十月小春一季好景恭惟某官起居惟適福祿

是宜某舊日相知新婚可喜辱子雲之筆札効
女星之報章躬問宴居首陳鱗幅其必對画閣
紅爐之景而加調紫駝翠釜之羞善保儒珍早
登仕版讀五柳先生之傳何慕清高論不葉宰
相之家俛慚寥落夙昔友一鄉之善婚姻占八
世之昌令嗣誦讀書克脩儒業孫女治絲執棗
方習女工既叶鳳占將成鴛偶辱錦綉之贈如
此之瑤瑤之報柰何受言蔽之永為好也兄弟
子猶子愛芝蘭玉樹之芳父母心為心喜松柏

女蘿之施

王荅鮮于定婚啟

菊存晚節梅近小春恭惟某官森衛百靈起居
多祿某因親雖舊結好惟新未書粲四六之文
復狀致再三之敬寅恭上問未竟下忱其必順
風霜氣候之清而加養玉雪丰神之秀佇膺鸚
薦即奮鵬程宋相以福星為比族望殊高晋人
以岩電見稱風流何在詎圖僥倖乃締婚姻令
嗣能讀父書功名必取孫女勉遵姆教工巧何

能既赤繩繫足之有緣當舉按齊眉之永好一
誠相體六禮何繁咲折黃花答今日殷勤之贈
寄言紅葉待他年伉儷之諧

張與巢求贅親啟

交情至舊真如鮑叔相知姻事從權欲效秦人
出贅茲益天作之合亦云時措之宜欲以幣交
未蒙金諾先此行成於月老便須湏吉于星翁
所恃以要毋嫌款速就爾居就爾宿送劉郎輶
入天台從如雨從如雲看韓姑終歸蹶里獻芹
可愧鑒茹為榮

王與巢定婚啟

楓錦裁紅荷衣換綠恭惟某官考槃阿澗詒福
岡陵某密迹鄭鄉喜諧齊偶爰發鹿皮之幣敢
脩魚腹之書上詞履祥初嚴蒙吉對去來燕鴻
之景進烹龍魚鳳之羞前迓恩榮下無煩禱洗
耳臨流水千古高風拄頰對西山一時佳致雲
孫幸甚月老書之令姪養在深閨兼備德容之
美小孫出就外傳粗知禮義之方亦云如鳳

求凰詎謂食魚必鯉問名伊始合好惟新男女
居室大倫願言偕老幣帛筐篚將意幸異色荒
薄侑寸芹別陳尺楮女

王与符定婚啟

風露雙清水天魚淨恭惟某官於時處、降福
禳、某雖隔花封忝居葶黨敢奉尺書之敬仰
干丈席之尊既諏首鼎有嚴簡書當桂子餘香
之秋得隸萼相輝之樂清稽月令善保天和樂
施恩多尚書令遺風可仰太平榮在文中子正
學誰傳過攀閭闔之高乃合婚姻之好令姪女
閨房毓秀粹然四德兼全姪孫燈火相親勉爾
一經粗習所幸中東床坦腹之選豈非藉赤繩
繫足之緣問名通魚腹書將意遣鹿皮幣薄乎
云尔婦斯受之夫婦有室父母心信前言之不
繆婚娶論財夷虜道知道誼之不然

請期啟

婚姻無六禮之繁寔欽高誼唯諾千金之重足
見真情行成既托於冰言消吉乃稽於星曆擬

三月中旬之始合百年佳偶之歡想周南梅標
有詩看陳村杏花堪画得及時也式我願兮承
顏當合蚤之期敢云燕喜忭意表折梅之敬尚
冀色荒欣忭有餘敷陳罔既

王聘巢啟

男女擇德睭賢之訓照然婚媾以時父母之心
同爾願言合好庶勉愆期令女四德兼全天生
淋質小孫一丁粗識日習遺經念厥祖之暮年
此宜兒之蚤娶幸蒙金諾肯賜玉成敢將奠鴈
之儀就訂迎鸞之約後觴九日星在戶星在天
御輪三周從如雲送如雨

請巢氏父母送鸞二首

男室女家喜畢大倫之事山散野藪可無小酌
之歡敢望高車肯過衡宇相邀愧泥濘勿辭送
仙子乘鸞高誼薄雲天所願得嘉賓式燕

許年聞林下之風喜成姻媾後夜聽鐙前之雨
願叙團欒仰屈魚軒寵臨蝸舍之子宜家宜室
必加敬式之辭騎送如雲如雨將見爛盈之美

請符氏父母送鸞二首

居室大倫喜佳期之在迩婚姻良會宜此夕之
為歡掃羅雀門迎衛鸞從烹葵邀上客甚有愧
於荒涼隨柳過前川必不辭于光賁

嫁織女於河西依稀渡鵲降姮娥於月下縹緲
乘鸞跋予望之切有請也燕爾如兄如弟適當
姻禮之初象服如山如河願親母儀之盛

蕭聘張啓

張良為功臣與蕭何同稱三傑張禹有愛女嫁

蕭咸而得近居既兩家先世如斯宜百世姻聯
於此令愛育閨房之秀能采蘋蘩小當門戶之
勞頗知稼穡僥倖中牽絲妙選因循欠納幣常
儀欲調羹以奉慈闈柰乏人主乎中饋禮慚遲
慢事幸速成雖無雙璧之將已拜百金之諾今
日聘明日娶即迎鸞從之婦五世昌八世京永
叶鳳占之吉

姪娶請親翁啟

吾弟惟一息幸畢婚姻女子願有家必蒙往送

望公車騎光我階庭挹丹桂之香風玩清秋之
明月花燭洞房之喜相與欣々竹林步兵之遺
不妨袞々

張荅鄒請上客啟

兩小無嫌蒙養喜成夫嬭一尊重與太平宜會
婚姻伏辱寵招本當趨赴藉手之荆釵之飾何
顏覩花燭之輝男有室女有家且遂齊眉之樂
膏吾車秣吾馬別圖會面之期

童婚三載喜合盃之有期王母肆筵辱貽書之
見召維慚蓮鬢合拜蘭姿柰老態之隆鍾久無
心於燕樂梨花夜月對綉佛以長齋花燭春風
想金屏而多喜

代王孟學荅張希良賀乃父置妾劄子

一婢赤脚家君每謂包羞雙魚素書使方乃蒙
言賀適逢早出難擬莫歸僭開三印之封景見
八珍之貺本無稟命令用繳回柰雨即滂沱之
未休恐星使往來之多累弗辭躡等遂用拜嘉
今日目前甚愧瑤瑤之匪報他時膝下當言珠

僻之暗投

賀置壽器劄子

鼎新壽器比銀鏤之黃腸珠重安居喜玉板之無汗雖賢達豫謀身後宜歡娛益享目前是用送芹敢希咲粲賦詩自挽君應有陶令佳章荷鍾相隨誰不慕劉伶高見

王文甫嘗卧疾諸親友探問醫禱禮喜甚勤疾愈欲置酒叙謝未遑也至是設盛席招之凡十有七人各書以請

歌偈反行念隣民之久別作真率會慕前輩之遺風擬茲廿一日清晨舉我二三年缺典踏雪沽酒獻米煮茶思向耒採薪之憂難得此盍簪之喜白髮三千丈相看若圖画之奇金釵十二行但愧欠笙歌之盛 右請蕭岩桂

曩歲負薪之憂屢塵存問今日折梅之信敢有相期卜大寒一日之先作小酌三杯之款願陪談笑并謝扶持奴白飯馬青芻聊盡少陵之意贈金鑿羨玉糝真如坡老之 右請蕭舜卿

讀床頭易屢蒙枉問冰廬稱飲中僊每羨隱居
雲壑斗酒將謀於小席尺書預奉以邀 待堯
冀四英之新如蟠桃一花之會志於道據於德
勿云冠佩之殊和其光同其塵聊共壺觴之樂
右請吳雲
陵

往年問疾屢荷殷勤晚景居安寧志感激開小
閣會數人之客至大寒先一日之期沽酒謝玉
川先生下榻待南州高士折梅逢驛使寄言報
幽谷之春看竹到貧家毋吝踏前村之雪 右請

趙師呂

向未問病曾勞得 相過老去投閑願奉玄
高論將社酒一杯之舉待堯冀四英之更亟掃
蝸居秘迎鶴駕陶陸同社幸無麴蘖之嫌孔李
通家况在葭莩之末 右請姜 祇
紫霞

曩辱問平安之竹念我顛危迩未對索咲之梅
思君契闊速客先大寒一日呼兒辦小酌三杯
敢用坐邀幸毋他却頗嘗見此客不談塵生風
頌安所得酒乎隣酌鬪雲 右請張
伯起

往日負膏肓之疾多荷扶持連年懷肺腑之親
無由會集當此嘉平之月適為閑暇之時敢謀
廿一日泛飲之歡何異三千年河清之會願切
有請惠然肯來摘我園中蔬盤飴初無異品為
此席上客襟懷皆喜相知右請陳嘉會

昔擁衾聞鬪螳之聲曾勞下問今對酒如長鯨
之吸願與高談擬大寒一日之先望清蚤群賢
之集螳浮仍臆聊索笑於梅花騎氣如虹必增

輝於蓬華

右請月仲承

故舊不棄曩勞問疾於吾廬潦倒餘生合整謝
言于姻黨在嘉平下旬而先一日擬延留上客
以共三杯酌言疇之切有請也有客過茅宇登
然空谷之音携酒有芝山乘此刻溪之興右請蕭定鄉

人生幾何汨、塵勞之事歲聿云暮區、擬飲
之謀待堯階換四莢之冀望慶亭耒五花之馬
爐煨芋栗瓮瀉茅柴一算食一豆羹聊奉笑談
之樂三握髮三吐哺豈辭迎肅之勞右請陳居惠

疾病相扶持常懷往事故舊則不棄可無謝言
敢於後甲三日之期聊為知己一杯之款願切
有請賁然未思瞻彼牛臺却騎攬搖金之轡過
茲蝸舍長鯨吸藥玉之舡右請翁深甫

有患有身曾荷扶持之賜相親相近豈忘感佩
之情欲謝勤殷以成稽緩廿一日專邀大旆三
五杯聊奉清談地爐煨酒暖如湯仍浮臈味金
城土酥淨如練試簇春盤右請姜用佐

卧痾三載之先曾勞請禱話舊片時之款屢欲
邀迎柰何日出事生至此江空歲晚先大寒之
一日集佳客之數人對月歌竹枝當盡留連之
意搏拳握松子願陪少俊之歡右請周莘甫

饋藥感康子之意懷不能忘置醴敬穆生之賢
願切有請大寒之前一日小集之歡片時誦陋
室銘望高軒過仄香芋栗菲然盤飮之微人立
梅花忘却緼袍之冷右請陳君傑

有患有身往歲幾成枯朽是父是子當時多荷
扶持柰相逢傾蓋為難遂久失舉杯稱謝先大

寒之一夕請小酌之三杯田家拊缶之歌鳴、
共發故人綈袍之意戀、相看右請張送傑
曩歲負薪之憂疊承書問今日折梅之信專用
邀迎先一日於大寒會諸賓于小席煩君騎送
過我蝸居能籌衆賓之歡耶復尔耳綈袍故人
之意何日忘之 右請陳仲祥

老無能為每有索居之嘆歲聿云莫可無良會
之歡先大寒一日之期辦小酌三杯之款願切
有請惠然肯耒注玉傾銀咲田家之老尾搖金

織翠過才子之高軒

右請陳伯將

賀符君彥過

思劄子

平地風波偶罹人禍覆盆日月喜獲

天恩惟吉直荷天之休使橫逆如冰之釋某有
懷燕賀無奈龍鍾敢將芹曝之儀少助竹林之
宴叫躡東西隳突南北笑前時悍使之未能籌
交錯起坐喧譁想今日醉翁之樂

王與金定姻三幅啟

四月維夏南風之薰恭惟某官台使起居多福

某素聞華胄新締葦盟敢於六禮之初輒上一
箋之敬 寅恭事上申敬如前所冀順清和之
時而加調甘旨之膳行膺芝檢即上蒲輪
秣候珥貂之孫猶能世顯葉令飛鳧之鳥豈得
家傳媒妯殷勤婚姻繾綣令孫天生泚質兼全
四德之稱小孫日誦陳編方盡三餘之力得佳
偶之諧若此為大父之樂何如禮宜問名幣以
將意王郎嬌客勿戲嘲坡老之詩金縷綉襦想
富若樂天之語

新親賀冬至劄子

鳳鳴占八世之昌婚姻締好犧畫驗一陽之復
時序更新循乃常儀賀此佳節恭惟某官道隨
陽長德与年高烟々然若清冰英標接俗温々
乎如愛日和氣接人方霑賜帛之恩將見安車
之召某傾心仰斗轉眼書雲寄殷勤聊折毒花
諧伉儷將尋瓜葛日迎脩晷喜添紅線之工月
潤春春擬講青盧之禮

新親賀七夕劄子二首

瓜果庭前望鵲橋之仙偶芙蓉江上尋鴛侶之
嘉盟日景物以興懷具禮文而脩好恭惟某官
黃山毓秀綠瑩居間立志清高欲追蹤于巢父
無心機巧豈徵福於天孫其初造露浥之餘必
遠召天書之至某謀身甚拙曬腹無書卜兒曹
寫鏡之圓看合子蛛絲之喜獻芹可愧笑粲為
榮華屋神仙想穿鍼於良夜洞房花燭宜合盃
于明年

月花檢書以定婚姻之約天孫分巧豈無兒女
之情敢徇彝儀以賀佳節恭惟某官名揭日
壯氣橫秋縹緲十二樓正宜恭既庭之錦拍塞
五千卷又兼曠隆腹之書舉頭睹銀漢祥光拭
目進青雲高步某俯慚寒拙仰慕清高以瓜果
之時羞問梧桐之秋信薄乎云耳婦斯受之當
此時占喜蛛絲擬來歲往迎鳶從機杼織作毋
勞吟草堂之詩黼黻文章但願遂柳州之禱

新親賀端午劄子

訂月下書幸締朱陳之好賀天中節合循荆楚

之風景物未前禮文敢後恭惟某官身其蕭爽
居則清高月旦有評比南州之高士日長無事
卧北窓之清風九節蒲聊用引年三年艾堪濟
世獨醒咸羨多福鼎耒某舉目葵榴馳情瓜葛
雖所獻非雲羅風葛或可留付霧閣雲窓星春
起居雷同問訊忝達昌歇遥知盡華燭之歡免
絲階女蘿續當有佳期之約

殊

納采道日劄子

伐柯以斧言當納采之時差穀有書喜得用柔
之日雖居敬而行簡亦酌古以準今待季春更
六莢之莫効野老獻一芹之禮惟無責備必賜
色荒鶯語丁寧報金谷東風之信鳶粧次第看
玉臺明月之圓

問名道日劄子

月老檢書幸自天而作合星翁視曆敢擇日以
尋盟後中秋八日之期結佳偶百年之好切有
請也能無從乎獻芹聊效楚人題葉試看流水
男女之際婚姻之始禮合盡於殷勤父母之命

媒妁之言願早偕於伉儷

袁與陸三幅啟

綠野春明畫堂晝永恭惟某官考槃在澗增福
如川某忝在舊交喜成新好敬致鹿皮之幣敢
陳魚腹之書躬問燕居首陳魚素尚冀對朱雀
烏衣之景更加調紫駝翠釜之珍引養引恬善
頌善禱

累世傳家山之學共仰高風無人問牛渚之舟
有慚明月鳳占既叶鴛鴦偶期諧令愛育秀閨房
生全乃於四德某男服勤門戶學則悞於三餘
荷葑菲之不遺俾絲蘿之為好薄言納采厚望
乞荒春水桃花江上遣長頰 鯉秋風桂子月

中迎仙女乘鳧

象

鄒與陸聘啟

甫里世居門望偉鬱林之石道鄉家學師傳本
伊洛之源藕冰語以聯姻寔雲仍其多幸丁寧
鶯語催促鳧粧令愛夙奉母儀禮已閑於內則
而愚男勉承父訓書頗讀于中庸願惟在飄泊

之餘願早遂團樂之樂六禮之友雖簡雙親之意寔殷惟冀色荒毋嫌欲速迨今迨吉當歌梅標之詩宜室宜家喜對飛花之景送芹可愧咲榮為榮

新親賀冬至劄子

八世莫京幸陰陽鳳占之吉七日未復喜陽生犧畫之初婚姻方重於交歡節序合先於稱賀禮雜效芹羹之獻物乃如葭灰之輕餘皆削去繁文昔已感承嘉命既書雲物便約星期香閣日長看刺綉新添之綫梅欄春早遣過門親迎之車

朱荅李取男帖贅姻劄子

某揆辰珠澹檐花翠搖門柳恭惟某官考槃其和在阿在礪介福則如同如陵某依仁居鄭公之鄉於榆甚迓贅子效秦人之俗瓜葛維新荷不鄙西家之愚乃獲中東床之選首蒙厚禮言締嘉盟月下老既辱來前春帖子敬當納上題書桐葉足知流水之多情寄語桃花將續仙源之

盛事某伏望翠蓬星眷戩穀日增倘有委命毋
吝致晚

社學聘章

用黨庠術序之良規學開鄉社求蒙養聖功之
成效職在師儒賴琴堂為擇範模使編戶得從
規矩文風聿盛化雨俱霑恭惟某官學有淵源
眼空淮海一斑窺見蚤遊風紀之詞千仞翱翔
遠避烟塵之境適張公為江海之客知伯牙有
山水之音將欲脩鸚鵡之書先請坐臯比之席
姑鳴教鐸以俟徵車某願雲龍以相隨覩星鳳
而為快教將聘幣亟往招旌設絳帳於張林
青衿於鄭校予潔予進勿謂互鄉難与之言于
勤于思即若國子先生之誨

代朱弘道請張子安昆仲等

別多會少居常諷詠於停雲時和歲豐欲叙笑
談於終日邀上客一杯之歎在中秋三日之先
舉斝樽丹桂花前侯蘭棹白蘋洲畔難兄難弟
必能与吾弟偕行明月明年更約似今年同賞

臨書率爾望賜惠然

新親賀冬至劄子

新婚交締占八世之莫京寒暑荐更喜一陽之
來復節期在迓候問宜先恭惟某官韞玉儒林
濯纓芳浦高標絕俗烟若清冰和氣接人溫如
麥日盍鍾以湖山之秀而得夫詩禮之傳棠棣
聯輝才華益著書雲記事坐評魯史之祥賦雪
成名行赴梁園之召某弟兄舊愛兒女新歡眷
言尋合好之盟徵禮作踐長之慶念目親致親
者久矣視居簡行簡而恕之葭灰飛締室之時
且酌佳節花燭盟洞房之夕始待初春謹此申
聞伏希丙在

新壻整容致語

昔年占鳳皆云家世之昌今日乘龍果見門闈
之喜繼桃源之盛事留花燭之良宵魚水交歡
燕雀相賀某人曾藏錦綉口吐珠璣種玉有緣
聘嬾投其雙璧贏金既富傳家兼以一經將画
他張敞之眉先整我潘安之貌秋水為神玉為

為玉骨人謂無雙芙蓉如面柳如眉天生一對
敢陳蕪語用贊華姻詩曰

一雙新偶錦鴛鴦百歲和鳴翠鳳凰最喜天姿
如傅粉不須湯餅試何郎 伏願結髮維新
齊眉永好夫、嬾、常調琴瑟之音子、孫、
克紹箕裘之業

新嬾整容致語

天孫配鵲橋之仙相依銀漢秦女得鳳簫之偶
竝樂瑤臺蓋居室人之大倫而婚姻世之重禮

既諧鳳卜宜趣鸞粧某人珠箔銀屏綉襦金縷

梅華點額作壽陽宮樣之奇桃葉宜人有周南
國風之美眼橫秋水負斂春山香閨移步、金
蓮合盃出纖、玉筍不施朱粉本來如月裏姮
娥若論清真尤勝似人間西子欣逢好合敢頌
輿言詩曰

媒葉殷勤不負人燭華令照洞房春紅絲隔幔
牽情以羅帶同心結好新 伏願夫唱婦隨
天長地久五男二女享盛福於高堂四德三從

著香名於彤管

新親遣使請上客致語

兩姓為婚永結朱陳之好千里命駕當如嵇呂
之交持來雙鯉之書請送乘鳶之女柳筵盛設
花燭邀迎某官喬木世家耆英人物美矣育閨
中秀愛之如掌上珠綉褥金屏李監宅門蘭之
喜瑤簪珠履孟嘗君賓客之多既當年擇對東
床宜此日送行南浦金勒馬嘶芳草樓舡燕蹴
飛花明月隨人春風滿路送如雲從如雨之子
于歸星在戶星在天嘉賓式宴

請期劄子

曩中雀屏孫謀以為幸事今觀鳳曆親迎而有
良辰越流觴三日之期請合蚤百年之好燈花
有約梅標及時投以李投以茝用請期之常禮
宜其家宜其室締諧老之佳盟專此申聞諒丙
惟在

請舅上客

五日季春兩家合好烹葵邀上客因舊親以結

新親杖藜立芳洲望早酌而娛晚酌

請女上客

祓禊三日婚姻百年織女渡銀河鵲橋催諧星
偶王母會瑤池燕衍早駕雲車

李回徐再婚聘啟

因親致親之好從古流傳舊壻新壻之詩正宜
重詠魚腹聿耒其書尺鳶膠將用於續絃令姪
醫緩齊名以聰敏旁通儒術小女姊娣同氣乃
殷勤粗習女工齊眉之按雖新坦腹之床不易
自天作合如月仍圓琴瑟鍾鼓之樂故多幣帛
筐篚之將何勝前日受今日受不妨聘禮之耒
舊雨耒今雨耒重見御輪之喜回芹菲薄副楮
條之

答請期劄子

婚姻憑月老之言幸成佳偶聘娶攷星翁之曆
喜有良辰催花雨正此連絲五朵雲遽然飛墜
敬聞命矣迨其吉兮男女居室大倫古今所重
歲月日時無易遲速何辭

荅納幣三幅啟

花朝餘景桃雨方晴恭惟某官天相間居日膺
盛福某僭扳華閨幸締葦盟輒回魚尺之書專
問燕居之敬祇調燕申已嚴魚甲尚異對芳菲
之景而加調甘旨之羞善保安閑式副頌禱
一舍相望皆住崔溪之澣二姓合好永諧魚水
之歡載笑載言迨今迨吉某人案頭燈火殷勤
黃卷之間而某女針黹衣裳窸窣綠窓之下荷
不遺於葑菲斯可擬於松蘿納幣今朝結褵有
日桃華灼灼喜婚姻如此其宜瓜瓞綿綿看嗣
續將來之盛回儀菲甚副刻條之

納幣啟

張知府子聘盧
推官女

文武才之竝稱夙欽華胄齊魯論之兼講甚愧
徽宗知心本出於同鄉愛子乃求其嘉偶鄰封
伊述姻維新令愛四德俱全自是閨房之秀
長舅一絲粗習尚須燈火之工崔屏幸中於前
昔鴈幣宜陳於此日星翁消吉月老行成承筐
之畜既將合卷之期可待銑瓮城山花夾道似

入苑源金斗門官柳長街將迎鸞從寸芹菲甚
副楮條之

賀娶弟嬭劄子

令弟號河東之鳳生有奇材仙娥乘月下之鳧
來為佳偶禮成合盞喜溢連枝想洞房花燭之
歡娛送楚老茫姜而慶賀墳麓文作一家藹和
氣之春琴瑟和鳴百歲永齊眉之好薄言申控
厚望丙融

又

兄替厥家重乃友于之義弟宜其室合茲宴尔
之歡鳳卜有靈鴿原多喜某人曾襟量濶洪如
萬頃之波手足情親常共對牀之雨稱二難於
月旦行六禮於婚姻某亦在葦親敬將芹獻想
鴻鴈之行有喜受燕雀之賀無嫌翠舞珠歌花
燭夜驩諧伉儷金昆玉季樞源洞盛集神僊俛
述蕪辭仰希藻鑑

納壻請上客

得賢壻美如玉潤樂与同居慕親翁文有金報

願陪情話高軒寵過陋室增輝

請親眷送壻

女插荆釵幸致東床之壻客來茅宇毋嫌南阮
之貧傾蓋有期執盃專俟

又

得壻如桃源之樂琴瑟和鳴邀賓共花燭之光
樽卮小酌式相好矣請無却之

瑣之姐納壻欲叙團欒親之長未賓誠為
光飾再三申敬千萬寵臨

祖為孫娶請親家狀

抱孫有室之年寔為僥倖送女見宜家之好共
樂團欒花燭將迎慈裾寵賁

祖母娶孫婿請親家母狀

孫娶而倚門龍鍾亦笑女行而結帨鸞從將臨
願覩蘭安請移蓮步

問名三幅啟 萬荅蔣

天方巖肅月乃嘉平恭惟某官台侯動止多福
某交蒙舊愛姻締新盟承書粲駢儷之文荅簡

致殷勤之意

前陳候問上徹覽觀尚加調紫駝翠釜之珍以
安處画閣紅爐之樂蒲輪有召梓里增榮
山隨蔣姓大宗夙著於圖經莊用萬名先世亦
稱於鄉國荷相平居而交契宜冰人相語以照
姐令孫誦詩讀書承祖風之淳謹小女治絲執
臬遵姆訓之工勤吉從鳳占喜成鸞偶擇德之
初心既遂問名之彛禮何多受言歲之永為好
也竹開三徑相望如倚玉之榮梅贈一枝聊仰
作報瑤之敬

請新親家翁狀

愛女甚於男人皆羨安昌之比見我有此客執
不云父清之榮請式宴以交驩望御鸞而光賁
請新親家母狀

降月府之姮娥佳期在迩宴瑤池之王母良會
維新立候蓬門望移蓮步

謝免糧表

兩浙奉蠲租之詔恩意天寬群黎懷結草之心
惟穀雷動睠斯民而得此寔亘古以無之欽惟
德合乾坤明同日月由生知安行之
聖巍巍成功以博施濟衆之人洋洋育物干戈
既戢禮樂聿興普天率土慶以未歸甘露御雲
其呈瑞臣某等叨居劇郡幸遇明時遙瞻丹
闕之光仰效華封之祝一曰壽二曰富龜疇之
景福無疆千斯倉萬斯箱農疇之豐年多慶

中宮箋

德配一人聖政有內廷之助恩霑兩浙公租免
編戶之征臣庶均惟古今希遇
合則垂懿範於宮闈彤管紀功示母儀於邦國
厚同坤載壽與天齊臣出守微邦蒙恩大幸家
給人足喜闕睢麟趾之化行時和歲豐僕龍馬
龜圖之瑞出

東宮箋

主器參萬機之政日用三朝綸音蠲兩浙之租

恩霑庶姓

震長居儲離明協照星辰

河岳煌煌氣象之新車服旌旗奕奕威儀之盛
夷夏咸悅春秋鼎盛臣等藩守至微輿吉上謝
農餘粟女餘布樂謳歌朝覲之歸書同文行同
倫統侯甸要荒之服

聖節賀表

九月初五日

皇天錫羨篤生聖哲之姿化日舒長馴治雍熙
之治春秋鼎盛夷夏咸懽欽惟

德配

二儀量色六合立綱陳紀同天下之車書偃武
脩文舞階前之干羽蠲祖賦以紆為民者之力
增俸給以養為官者之庶庶績其凝彛倫其叙
臣某叨居郡守阻列朝班黎獻為帝臣粵有陶
唐氏萬邦之衆壽富多男子敢效華封人三祝
之誠

千秋節賀表

誕彌厥月先重陽五日之期時惟天繼洪祚
萬年之業永隆邦本大惟輿情敬惟
以孝以仁惟明惟允鶴駕鷄鳴而問安朝夕承

顏龍行虎步於太平乾坤篤祐丕承寶緒益衍
瑤圖某等微若草茅誠同葵藿望神樞之電統
壽祝儲宮願化國之日長恩霑寰宇

冬至表

龍飛御九有之師尊居丹宸儀畫驗一陽之復
律應黃鍾爰日舒長普天蒙福欽惟

乾坤合德日月同明度越古今用武功而平四
海制作禮樂敷文德以教兆民當亞歲之令辰
納應時之洪福某忝居小邑阻賀大廷干羽兩
階想天顏之有喜衣冠萬國仰雲之餘情

東宮箋

七日未復陽生緹室之初八表依歸位正青宮
之久欣逢令旦茂輯嘉禧敬惟 天生
聰明日新成德能仰承於聖訓用參贊其皇猷
眎金鏡以納忠義崇風紀奉玉卮而上壽恩重
天倫邦本益隆輿情允愜某叨居下邑賀語前
陳夙興視膳而問安更有書雲之喜賢佐保躬
而傳德尚論愛日之誠

中宮箋

陽生葭琯天時妙，幹於玄機惟藹。枿闈日畧新，
添於紅線掖廷和。樂寰宇清寧，敬惟

壽與天齊，德同坤厚。萬乘至尊之賓，敬雅重禱。
衣六宮內則之教，脩尚勤玄紈。載逢令節，益介
繁禧。某微若草茅，誠同葵藿。履長今日，宮中奏
式燕之娛，習美成風。天下賴閔睢之化。

正旦表

普天率土，幅員歸一。統之初猷，歲發春正。朔屆
三朝之始，時調玉燭。喜益瑤墀，欽惟

聖德。乾剛神功，震赫蕩々乎如天之大人。旣難
名昭々乎如日之升，物無不照。履始和之吉月，
嚮洪福之萬年。臣某等忝牧邑民，阻趨庭賀。鳳
曆啟春於天下，化及華夷。獸樽置酒於殿前，樂
聞忠謹。

中宮箋

四時成歲，游逢泰道之享。萬物資生，寔仰坤儀
之盛。春回寰宇，歡藹掖廷。敬惟 位正

禘衣功成去統風教天下閑睢正始之音朝夕
宮中卷耳求賢之志履端有喜介福宜多臣某
等領邑羈縻望闕稱賀紫宸配德新年布澤如
春彤管流芳億壽與天同載

東宮箋

正月之吉始和輿情共悅維天之命不已嗣服
益隆春藹青宮祚延蒼籙敬惟

長為

主器允應貞符親傳精一之心淵源聖學參決
萬機之政黼黻皇猷迎新茂對於良辰端本繼
承其大業臣某等叨居縣邑阻賀宮庭鳳曆頒
春大地之羣生有喜龍樓問寢齊天之洪福俱
增

龜巢葉卷之八



國家圖書館, NATIONAL CENTRAL LIBRARY, TAIWAN, R.O.C.

龜巢藁卷之九

序類

送黃仲賢同知吳江州序

國家以民為本故州縣守令之職必慎擇焉以
其近民故也苟知近民之理則必如醫之近人
察其脈而知病否農之近田視其苗之美惡毋
之近子求其意而知惡欲苟非其人則何異以
巫為醫以工為農以塗人為子之母乎至正己
已秋太尉丞相知黃公仲賢之能啟奉正命：

同知吳江州事其職可謂近民矣或曰君前為
江西省照磨為南臺掾雖所至蔚有能教未嘗
近乎民也矧今位州長之下僚佐之上凡所處
決非已得專其為政也不亦難乎余曰不然位
不同而理同苟吾之理明如鏡照物持此以居
同僚之間無偏執無詭隨一州之事交相可否
舉直錯枉惟理是從必能使斯民無嘆息愁恨
於田里者矣夫如是可謂醫之知病不者也農
之識其苗之美惡者也母之能求其子之意而
知惡欲者也近民之理如斯而已君之行其友
某等請余以理之一言叙而送之余則毘陵謝
應芳也

贈卜者陸仲明詩序

卜筮之說予嘗著辨惑編論之詳矣今吾友徐
君伯印謂中吳陸仲明氏善卜往往以疑事決
之其應如響故率諸善文詞者贈言且徵予為
之序夫卜功臣雖唐虞之聖猶用之若三代則
塗一之卜飛燕之占百谷之筮皆驗以興國特

不知當時掌著龜者何如其人也春秋時或者謂筮短龜長而龜獨重於世家國大事未嘗不謀及之善卜者誠能紹天之明以七十二鑽洞明吉凶其人豈易得哉但世之假龜筮以售妖誕之說者垂簾居肆所在有之君子不能無憾焉夫以伯印之明智而稱仲明若此則仲明之精於卜也可信矣雖然昔君平於問卜之士語臣以忠語子以孝其諸善道莫不隨其人以詔之於世教殊有補焉諸君既賦詩以譽仲明予不佞諸復以是規之仲明其留意焉

婁曲書堂詩序

人情孰不愛其子乎惟其愛之以德使之能自樹立斯君子之愛矣崑山殷君叙父有見於茲視羸金不如一經及買書築室於婁江之上命其子奎曰與師友講學寢處食息乎其間而奎也服膺父訓篤專厥脩或經歲累月足不跡庭戶外學與日積教聞遠近若參政鄱陽周公亦過而嘉之扁其室曰婁曲書堂既而鉄厓楊先

生及諸名勝皆有賦詠而予亦嘗題其鐸焉今君叙又欲因詩以賈其子之餘勇而益進之乃裒集諸詩時令諷誦且俾予序所以集詩之意吁若君叙之愛其子者可謂君子矣奎字孝章亦可謂孝于其親而名不虛得矣余嘗三復是編顧其詩類多警策不特頌殷氏堂構之美而已使凡為人父為人子者得而觀之又豈不有所感發興起而為風教之助云

杏林春詩卷序

予嘗讀列仙傳至董奉杏林之事嘗掩卷而嘆曰嗟乎奉必有道之士而隱於醫者也觀其用藥活人而不責人之報以杏易粟且復賑夫饑者非有道而能若是乎傳者蓋欲特著其事託為神仙以高之殊不知君子之所取者在此而不在彼也吳君中行去奉千載景慕之將繼其美乃大書杏林春三字於齋居之室示不忘也所謂杏林者蓋根于胷中方寸之地而春則發乎秉彜之天流芳後人傳之不朽昨蔚然嘉樹

而已吁中行之學人固知能世其家而其心則予猶恐人或未之悉也今觀四方士大夫遺之詩文咸嘉其存心之仁擬諸董仙無間然者可謂有諸中形諸外矣予於是益加起敬三嘆之餘用題卷首

送琇上人序

予聞浮屠氏之學其宗有三曰教曰禪曰律教以明法理禪以悟本心律則操且式而已三家說行互相優劣果孰得而孰失哉吾意其宗於教者猶儒而窮經要得其本矣彼禪冀頓悟律謹細行雖各有義然循其常而求之始乎粗而卒於精始乎求其言而終有得於言畜之外者則於教誠有取焉玉林師有見于茲也自少走吳楚間求其深於浮屠氏之書者從焉又旁求吾儒之書而讀之故能歲時享其祖禰而且仁其族也予故與之交且暱焉今玉林以斷雲法師主澄江迎福之席得華嚴之傳注貳之以尸其悅衆之職吁醍醐甘露悅乎口者也秘密之

箴要妙之理悅乎心者也師往以其書究竟衍
說廣示其衆來學者之旣焉孰不歡喜而信慕
哉而況有得於吾儒旨邪於是衆饒以詩予則
為之序云

送慈晉卿序

秦漢以來官不封建為郡縣者往々以交承之
數視為傳舍治効蓋蔑如也况巡檢或以省檄
為之過知授者截日代云其傳舍尤非麗縣之
以惟慈君晉卿則不然君未奔牛即諭諸衆曰
吾居此誠不知能幾何時然食君之祿雖一日
必事其事爾吏必謹其按牘爾巡兵必嚴警邏
否則必汝責弗恕於是各殫其力而君之用心
尤倍之居民謐寧盜賊屏息四境之內晏如也
既而郡府以材幹聞復以渠堰等事委之夫奔
牛當驛路之衝凡朝廷使命之出東南方物之
貢與夫省憲百司徃來駱驛罔不役巡兵護送
之稍緩則怒罵鞭朴皂隸不能堪而君處之恭
然每以身代巡兵之役退無怨言閱四年如一

日蓋其立志之確而忘其勞且辱也今鄉人德之郡府嘉之儒紳君子咸賦詩以華其行吁世之傳舍其官者聞慈君之風亦可少變矣

送秦彥明序

士不可以窮達論也窮而耕莘達而阿衡窮而釣渭達而膺揚窮而版築達則霖雨所謂窮達者時也鄉使諸賢者不遇於時則終為莘野之農渭濱之漁傅岩之賤夫耳吁今人猶古人也惟其藏器於身待時而用不躁不競斯為可貴世之狐趨狗媚竊利祿以榮其身者君子恥之淮海秦彥明儒先之子也家庭之訓聞此熟矣觀其所負之器如千將莫邪用為補履之錐豈其利哉然而貧而仕與時浮湛未嘗有毫髮躁競意征商之暇每與僕痛飲劇談高畧今古語及先民耕釣版築之事必奮髯抵几慷慨激昂盡醉而後已今其行無以為餞請以疇昔嘗所共談者書以贈之以堅其待時之志

送趙縣尹之安仁序

余聞古鄱陽之地土沃民富物產饒衍故以饒
名州考之今則銀錫絲枲魚稻之屬誠夥其民
誠殷名不虛得矣麗屬州縣六安仁其一也土
壤民物視他邑為最或謂其民習奢靡蕩禮法
不才者居多土沃故也為此邑者厥惟艱哉是
不然凡民之情有恒產而後有恒心庶且富而
後可教否則沒焉救死不贍教將焉施然則
安仁之民其可教者孰奚其難但近時州縣吏
視其地之瘠肥民之豐嗇以為幸不幸者其意
有不在乎治之難易也今趙君天祺為安仁令
吾知能教其民而不以為難也必矣何以言之
往者君大父為賢守令著祿于時君卓然有祖
風烈製錦斯邑牛刀發剗豈不恢々乎有餘地
哉斯民也吾將見其被弦歌之化成禮義之俗
熙々乎耕稼之為樂也寐々乎鷄犬之相安也
皞々乎不知帝力於我為何如也麻中之蓬亦
何待矯而直哉君之行可慶者如此而其民又
豈不大可慶乎

贈刊字張生序

古者毫楮未興書以刀筆故六經往々口傳耳受不能無誤然識者正焉其失猶未遠也毫楮既作書道乃備轉相傳寫謬滋多至近代板刻之誤而人有不敷遽易者况俗徒規利至有節去其詞使章斷句裂以誤學者然板本既行聖經賢傳乃得家傳而人誦之固亦有功名教矣今沙張敬之善鏤書者也家本業儒故能矯二者之弊且以篆隸定字書原委偏傍點畫毫髮無舛士大夫咸以是稱之方今天下文明正制度考文之日館閣諸書校讎有人勒之琬琰以幸來世將有取若之藝者若之名由是亦彰矣敬之其勉哉

送崔仲德序

予往有京口之行識崔君仲德於諸葛用中席上温々其容抑々其儀其言議粹然一出于正心竊敬之意其人非天質之美必師友淵源之懿也既而詢之士大夫乃知君姚文獻公之門

人自蚤歲篤學尚友千古文獻公特器重之及
壯侍親宦遊臺閩多薦辟不就今也為貧而仕
監稅呂城予嘗壺觴度亭得以聆文獻公緒餘
之論窺君抱負汪洋無涯既而部使者諗君之
才以郡中危難事命之蟠根錯節迎刃而解識
者避之或曰君往年唾視軒冕至是何屑之如
是邪予曰不然仕止久速時也安知徐驅於後
者不疾過於前哉苦心志勞筋骨空乏其身又
安知非天之所以玉其成乎予聞文獻公宗孟
氏之學君於此聞之熟矣尚冀尊所聞行所知
以益勵其所守功名爵祿特餘事耳請以此為
臨別贈

送小河徐巡檢序

常為湖右大藩府統州縣四巡檢司又五倍之
獨小河瀕揚子江風颿浪舶輻輳岸下販私鹽
以漁厚利者往々與居民通甚者禦人江海之
上日熏月炙惡習滋蔓數年以來號稱難治淮
安徐君達善適官於茲君患之視政之日即申

明憲章以嚴警邏吏不敢肆卒不敢怠未幾民
有蹈前轍者追亡捕伏罔或遺漏境內肅然道
東西行者爭稱譽之由是郡知其能乃命攝奔
牛黃土之警居一以公勤蒞之民有謚寧閱五
載如一日今代去彼鄉人之賴以安者設祖帳
青城下皆依之然不忍別余既嘉君之有德於
民亦喜其民之不忘德也吁今天下之盜豈止
是哉螽蟴之衆竊兵於遐陬豺虎之徒賊民于
當路斯居民尤苦之以君之才使之佩虎符擁
貔貅則螽蟴可埽也使之戡鷹冠持玉節則豺
虎可擒也蜂蟻埽而豺虎擒斯不負其才矣

贈醫士顧彥文序

顧氏為吳中望族舊矣近代家益濠者多業儒
至彥文生而岐嶷方壯角即慨然思所以濟人
且曰士而未達淺以及物惟醫其庶幾乎於是
挾古今醫藥之書往從舅氏葛先生學焉探賾
索隱垂十年業成而歸憊之乎欲展其素志凡
以疾告之者必詳審製善藥手足視貧富無間

然者故往、藥有奇效特稱良醫彥文方謙、
狀不自滿不責報於人、然人既德之而亦未
嘗無報也吁古之善醫國者其操心蓋如是耳
禹視人之病溺也殫力以疏導之法拯之稷視
人之病饑也盡誠以稼穡之方救之伊尹以一
中德療傷寒之厲周公以四事解中紂之毒調
陰陽弭災生月保養生息卒能躋羣黎於仁壽
之域以成十全之功漢唐諸公功雖不逮然於
人所疾苦隨用救藥罔不殫乃心力今觀彥文
用心之勤必有見於此乎一日友人安玄鄉以
其有未報之德相與載酒濠上因以前言質之
彥文笑而不荅余復告之曰昔丙吉於孝宣微
時有大恩其始末之知也他日將封侯丙吉病
甚上憂其不起識者謂吉有陰德必享其樂後
果如其言然則有盛德者不報於人必報於天
此又吾彥文之所當知者酒既終元卿請書此
為贈

送楊善章序

至正辛丑春予舟次吳門友人楊善章過予曰
先大父安撫公葬餘杭考妣祔之杭人以丘壟
之廣竹樹之盛名其地曰楊墳是也前年寇兵
入境蹀血百餘里古今墳陵遭禍樊崇者不可
勝計我先壟雖赭其地殯宮幸無恙焉然而寇
退之後榛棘蔽壑鳥獸之害人者出沒其間春
秋霜露之思悵望歛泣痛吾親弗及夏畦馬醫
之鬼一杯之土又安知終無綠林之患乎朝斯
夕斯情弗能已今將往以浮屠氏荼毘之法舉
之函骨而歸瘞諸吳之西山度歲時省掃以寓
追遠之意於理其可乎哉予曰此理之變也禮
曰古不脩墓况改葬乎不得已而改者固有之
矣舉而燔者未之有也雖然當此喪亂之時而
三綱幾絕父子或不相顧今善章一念之孝不
忘乎親冒險涉遠負其親已寒之骨去危就安
斯可取焉君子固不當以常理責之余既答善
章之問固筆諸簡牘以餞其行

送彭主簿調吳縣序

晉人謂州縣徒勞者誕矣夫州縣為民父母居是官必有其子愛之心盡撫字之誠以勤以勞斯稱厥職於戴星出入者致一邑之治運甓朝莫者成八州之功否則淪胥尸素有不免君子伐檀之誡若我長州簿彭公府其可謂能勤勞者歟長州隸大藩加次師旅飛芻輓粟事如蠅毛公以明察內敏之才劇繁治劇如庖丁解牛得其肯綮兩有餘地然一念之愛切之于為斯民保障服勞盡瘁不怠不息未幾府令出知視視水以董農事公所至訪民利病見諸施行集流離而為土著飭遊惰以躬稼穡抑強扶弱剔扶奸蠹民用大快或告之曰公今職有所專餘若可置公大不然言一邑之政皆簿所當為吾敢憚其勤乎尤務以廉律身以清苦自厲雖按行之勞酒肉不御日三飯脫粟而已吏卒送行操如束溼然割已俸食之使畏而愛於民無毫髮擾至若尊賢下士溫乎其容秩乎其儀動遵矩矱言必忠信有古人之遺風焉由是廟堂

嘉其能改調吳縣蓋欲用利器於蟠根錯節展其效耳今士大夫為邑人抒去思之情詩以贈之吾友陶君德潤知公為深走書以序引見屬凡所稱道皆予曩聞於人者吁賢勞如前加以無倦其治效當不止長州吳縣若單父而已將美繼長沙公八州之大吾言斯足徵矣

贈醫士吳中行序

僕老矣下嘗怪其俗之陋尚鬼而多惑嗜利而輕義欲得卓越之士不為俗所移者相與語道蓋耳一日友人趙執中書來曰去年春彞學家病疫垂髻之兒蒲伏薪水適錢塘世醫吳中行來閔彞故交過門視疾謂二親已不可療尋則藥而愈矣時族姒比閭方煽于妖巫之妄思乎疫鬼之害跡不及門獨中行暨里人陳希去日一二至扶持而藥之饋粥以飼之尋得不死未幾吾親果相繼而歿中行又力為之襄事越數月彞念蔑以報厥德姑償藥資中行拒而不受今里中士大夫皆賦詩以美中行請為之

序焉僕閱書起敬恨未識其人自既而識之且
聆語言知學問之博識趣之高不特業醫而精
又嘗得劍術之妙達官貴人多用薦辟然翫
不苟合不屑就卷而懷之泊如也惟讀書窮理
愈進愈力假醫藥以寓吾心之仁而濟物焉若
中行者可謂不淪胥於尚鬼之俗而惑者也亦
可謂能舍利而取義者也亦可謂卓越不群而
造道者也斯人也昔我願見而不可得今既得
之可不樂道其善以厲其俗哉吁麟角鳳翥世
不多見孰謂世無麟鳳與識麟鳳者知其待時
而出不久將有日矣僕等又當刮目以俟

送梅知州序

予嘗觀古之為政者惟能以廉律己則心清而
理明身正而道行故周官以六廉計羣吏之治
自漢而下史稱廉吏者其政皆焯々矧予西溪
梅公生質猶季雅廉也加以學問之力廉介絕
人初倅崑山鼓聞於時遂陞同知州事在州六
年門無私謁較諸楊伯起卻故人之遺羊興祖

辭府丞之餉范史雲之塵甌馮元升之齊馬無
以異也當其蒞事之日時與同僚相可否同僚
曰公廉而能所可否者非私也當從之無戾焉
御胥吏防其姦欺窘如束溼胥吏曰公廉而正
所窘束非苛也當謹之無違焉至辨獄訟均租
庸用刑罰以齊其民之則曰公廉而明刑罰非
暴也當服之無犯焉是故佐是州之久道日益
行政日益脩品秩加而名日益著焉耳今知吳
江寔為州長而位乎同僚之上其御史其治民
又非前日佐貳比惟仍以一廉處之則所謂心
清而理明身正而道行必矣吁庖丁解牛及有
餘地蓋得其肯綮之要也若夫以廉律身豈非
為政之要乎雖然克終之戒君子慎之某辱公
為布衣交於其行敢以君子所慎者告之為臨
別贈

送費知州秩滿詩序

東平費侯為崑山之五年二月初吉侯得代時
毘陵謝某適寓是州聞州人頌之曰公昔下車

時方擾攘民用蕩析老弱餓莩餘或行伍公勞
耒之乃復土著以耕以桑以生產而租賦然猶
懼不能安其業也賴公之明為能識民情而獨
吏欺使民得盡其要欲吏不敢竝緣而為姦虫
之氓間有訟於庭者侯必先誨之以理諄々
焉如賢父兄之於子弟良師友之於弟子陷于
誣則為之直其枉而避困於役則為之節其力
而不窮至其有罪施以刑罰亦未嘗無哀矜之
意焉是州地方二百里其民咸得安土而粒食
者侯之惠也又曰學校久廢侯振厲之尊育才
賢文教蔚興黌宇輪奐視昔有加而閭閻委巷
絃誦偕作使之駁々乎為禮義之俗者侯之功
也予聞而嘉之既而道海虞適無錫過長州茂
苑周遊乎淞江太湖之上士大夫凡與談 崑
山咸稱譽如州人之言其能詩之士各賦詩以
贈之予則即其所聞以序編首

書畫舫燕集序

古之人凡樂其高尚者必寓意於詩酒花竹山

水之間與之遊者蓋亦樂其樂若我玉山隱居
其亦可謂高尚者乎君生長世家一旦盡去其
少年豪華之習結草堂玉山中薜蘿種竹日與
山僧羽人布衣常帶之士以遊以居達官貴人
未嘗一見其面微車之來則踰垣閉門甚於段
泄不知者或譏以迂怪君聞之自若也至正庚
子秋九月愚隱師携棋上人等過之語道相契
日坐至夜分乃已一日君置酒書畫舫主賓凡
八人其七人皆善飲獨愚隱師性不嗜酒亦欣
然為之勸酌嗚嗚各盡其驩既醉以對酒當歌
人生幾何兩語闡韻賦詩時秋高雨晴芙蓉金
菊之花照映池島悅人心目而詠歌有不能已
者故分韻之外復有倡和之什焉夫愚隱師一
至居數日非惟主人留客之固而客亦眷乎山
水花竹之間而忘其去則所謂樂其樂也諸詩
寫燕集之娛園池之勝備矣余復引而申之以
識歲月

梅隱山房詩序

昔人有言天下無真樂隨所寓而得者乃真樂也今吾以珥上人觀之其信然乎珥上人遊諸方參菩提達磨西來之意名山勝境長年忘歸不知者意其江湖之樂耳既而歸錫谷影不出山涉獵群典適興賦詩怡然自得又若移其樂於山林文史矣至正癸卯春愚隱師主禪月道場召為記室上人以佛法誦同袍之士以辭章接縉紳士大夫人皆樂其道之行焉閱數月謝事當路者或薦舉之孰不曰以珥之才之美宜其繼美黃龍益弘斯道殊不知上人之來特以荅愚隱師相知而已餘非其志也於是飄然別去渡吳淞過崑山東瀕於海頽荒江寂寞之濱僧廬幽闌梅竹環繞境與心會乃寓餅錫顏其所居之室曰梅隱山房蒲團木榻晏如也定起之時曳履梅下或欣然猶如葉視拈花而喜而人不知也吁吳中巨刹樓閣相望鐘鼓之聲相聞苟從當路之薦置身蕭爽孰不為之樂哉今若此其樂蓋自得之有難以語諸人者歟諸君

懷上人者為之賦梅隱詩一卷碑不肖筆其首
簡予不敏姑以平昔所知者道其梗槩云

送理上人歸天台養親序

余避地吳下聞宗元師之名者數年及与之游
則知名不虛得方以見晚為恨師乃念親老于
家言歸覲省且欲築室于先人之墓祠佛養親
以醉罔極余聞而嘉之因請諸縉紳謌詩以贈
其行或曰子逢掖者又嘗著書辨老佛之惑矣
彼浮屠氏既與之游又從而譽之何哉余曰不
然余交浮屠亦各有所取焉往在京口以清苦
交了公即休在金陵以文詞交訢公笑隱於杭
交古昇銘公以其端謹而誠慤也今於吳交愚
隱智公悅堂顏公一以其有濟人之盛德一以
其有事親之孝也其他或學或行或識趣高遠
未嘗無所取焉今宗元有了之清又心乎顏公
之心可不敬乎吁當此兵戈之秋道路梗澁頃
步千里有能披荆榛冒矢石梯山航海勇往而
不顧者大率皆功名之士貨利之人求其如宗

元之行蓋虧矣夫宗元於蘇湖諸大叢林所至
安隱且有虛主席以待之者師皆辭焉誠使結
廬以守松楸之地持鉢以盡菘水之歡可謂釋
門之曾函欬吁波織蒲如陳睦州者固不得專
美於昔矣諸君然余言既贈之詩余乃述所至
敬宗元之意弁於篇首

為徑山顏長老送丁州判序

予聞古之任人者為官擇人未嘗為人擇官故
量材授任不遷更易必使久于其職而得以考

其績焉今丁君克明為崑山州判官洗心奉公
孜孜厥職凡州長發號施令必相與可否然不
務牟利惟是之從至如出郊勞農及河防繕脩
警邏之役靡不殫其力焉秩甫滿公府復命君
判嘉定州事可謂委任之專有古者為官擇人
之遺意也以君之才游任厥職是猶駕輕車就
熟路不遺餘力凡昔之所以澤此民者其必澤
彼民矣等而上之佐郡國貳憲省將無遠而不
可大器晚就其可量哉某以久處鄉邦故知公

為詳於其行書此為別并為嘉定州人之賀云

送陳允貞序

士君子負有用之才必得善識者擇而取之然後能適其用且譬之木若檀之可以為車楛之可以為矢桐之可以為琴瑟杞柳之可以為栝椽榱桷豫章之可為明堂棟柱材雖良能自致其用乎至正乙巳冬平命江浙分省參政用公開望亭河為固國計公知允貞為能幹濟使董其役允貞方以吳江州吏目秩滿而歸承命之重羨不容辭於是殫智盡力宣勞王事召畚鍤數十萬人為之計工程限期日不疾不徐民用子來兩月之間事功乃集河長四十里北接曹湖南通漕渠又東注于震澤吳人視之猶金湯云故當道咸嘉允貞之能而凡與其役者多德之然則若允貞者所謂有可用之才又得善識者擇而取之斯適其用矣今允貞赴鹽務幕官吾知其才足以有為也鹽法之弊多於牛毛部細民蓋有望於良有司也久矣惟允貞盡其才

之用焉

為智長老送蘇縣尹序

至正丙午春余方過上海卓錫于寂寞之濱適
縣令蘇君產祥秩滿而去士大夫祖帳西門外
野老遮道請留或矇行而前脫君之鞞先後數
回不翅攀轅而卧輒也余嘗揖老父而問之曰
蘇令何以得若等之心而此哉父老曰我賢廉
明公正材幹絕人三年之間凡可以康濟吾民
者知無不為且精于法律小大之事處決如沃
吏畏民服租賦非不重也賴除去宿弊而無橫
歛之毒徭役非夥也以差次民力而無不均之
苦至若謹庠序明教化置禮樂之器以嚴祭祀
增社學之設以廣文教凡祠廟之在祀典者皆
脩舉廢墜嚴牲之碑所在正立街衢橋梁舉邑
完好又曰縣瀕鉅海江流交接風濤橫肆險惡
萬狀禦人者往々出沒其中過者病之今乃相
地之利由縣治西南開大港接新涇口延袤幾
四十里墟邑相望雞犬之聲相聞昔之畏境今

為康莊風帆雨檝晝夜不休縣之人不忘所自
因以蘇名港名之余聞而嘆曰令賢乎哉此蓋
千萬世之遺澤也秦之白渠常之孟瀆杭之蘇
堤蓋此類耳今君賓府慕以所負之才贊画郡
政蓋涵之也今復何言時以前所聞父老之語
序而送之以抒邑人志思之意云

送鄧宜之還鄉序

昔二疏為東宮師傅告老而歸當時祖帳之設
黃金之贈太史民悉書之或曰以二公之賢尊
為師傅區區贈送奚足美哉是不然此蓋美其
還鄉之樂非以為師傅之榮也夫鄉里人之所
難忘也若班定遠馬伏波皆絕世之雄立功異
域名聞天下猶且願生入玉門関及追念少游
平生之語况餘人乎蓋正孤首丘魂魄之思沛
皆出乎本然之天也今宜之鄧君假館張侯群
弟子服勤盡禮講貫之暇主賓煖洽閱寒暑十
有二載如一朝夕然鄉土之念常縈乎懷束書
言還館人留弗能止其父子昆季乃翕然餽饌

又相率諸友人贈詩且屬余為之序焉與君鄉人也親戚也知君之心者也目謂之曰君之行有班馬之所無者方諸二疏雖榮名贈送之有不同而鄉里之樂則一身第慚余縶留徒知君之樂而莫能與之樂樂也君歸凡故人有見問者幸為我謝之

稼亭彙集詩序

洪武十年春上巳前之一日即守番禺張侯置酒多稼亭集僚佐洎逢掖之士十有三人相與訪前遺跡尚交而趾其美焉環視四郊烟鋤兩耕乃喜而言曰嘉我良民不負牧守邵農之意歎旁睨黌舍矜佩雲集又曰嘉我諸生其無負國家脩文之教歎至若渴浦環於前三山屏於后雲霞竹樹千態萬狀儼然為天開画图快人心目侯於是舉酒屬客臨流賦詩蓋其興之所適情之所寓有不翅蘭亭禊事之娛而已沂雩風詠六殆庶幾吾儕亦得以樂其樂也坐客詩凡若干篇侯以龜巢老生謝某客之右因命

為之叙云

贈醫士張恒齋序

夫良醫之用藥如良將之用兵知彼知己百勝百戰非偶然也且人之有疾必繫乎於五臟六腑殊不易知也苟曰飲上池之水而能了然於心目之間非吾之所知也必矣目其色耳其音語焉而推其詳脉焉而究其蘊如是而後可謂知彼矣彼疾既知又當所用之藥必中厥疾如戰必克乃所謂醫之良猶將之良也恒齋張公在居儀真以醫名家今提領常州惠民藥局事郡人往往負危疾詣公可否之其曰可者皆如期而愈猶龜卜燭照而數計之也蓋公自蚤歲究心於儒者之學以明物理軒岐以下數千載醫藥之書莫不探賸索隱觸處洞然未嘗出詭秘一言以自神其術也近吾友丁以道之子邁疾而危群醫縮首公診而藥之其病如春冰而釋其人如枯茨而生以道德之且言曰郡人蒙是恩者衆矣安得太史氏為作佳傳焜煌簡

冊耶吁予嘗以恒齋之學論之將來必醫及國
家躋斯民於泰和之域一史筆者當大書特書
傳之無窮也奚患無潤乎

送陳尚言歸會稽序

會稽陳尚言以其從兄為常州府幕長樹父命
來視之常之士友因得時与之游而東郭謝某
獨深有敬焉者尚言方妙年自持如老成人凡
相見時往往論古今忠孝事世俗之談未嘗一
出諸口也洪武六年八月之吉言別于余前兩

月方盛暑余嘗見束裝其兄固留之至是宜其
挂秋風之帆矣或謂尚言之歆亟其歸者厭我
陋邦而樂其故國山川之勝也予請詰之子之
歸將窮探禹穴搜竒索隱而求神秘之父乎將
幽尋雲門與山僧林叟相期游適乎將蘭亭觸
咏鏡湖第宅踵昔人之高躅乎夫以數目所知
尚言者觀之吾知其不為是也必矣子之歸朝
耕夜讀林樵澗漁搨乎為養親計將使紫岩
山中復見董召南以孝義稱孝感之天降厥家

世有韓退之又當雄辯大篇以播其遺芬矣尚
言聆余言笑而不荅后五日某命兒子木筆之
聊藉手為臨別贈某延陵人時年七十有八自
號龜巢老人云

代董知縣送同僚尹主簿序

洪武四年冬余備貲為武進令與縣丞陳德廣
相繼而至時山東尹公明善為簿數月同寅之
初嘗相與言曰吾三人之為是邑其猶同舟共
濟乎余嘗聞操舟之術舵者主之然必以篙者
擻者橈者楫者深以竿者緯以斫者桅檣而帆
者然後江海可濟也有其具蔑其人其能濟乎
雖有其人苟不僂力以事其事亦未有能濟者
也今明善蒞事久為之甚習可謂善操舟者矣
自是同心協力康濟邑民事無不理兩暮之餘
寔無愧於操舟之喻也六年冬明善以銓考增
秩余與丞及其代官張奉先祖帳而別明復舉
前說以勵吾人余曰斯言也豈特官是邑其宜
則之凡為雄州劇郡以及方面藩府皆當以是

為心則無遠而不可也古之善相天下者若傳說之賢其主猶以作楫命之况餘人乎明善之行吾請以前所言者筆諸縑素為臨別贈縣丞江陰人名某主簿澤州人名某余則鰲溪董某

贈寫照玉泉子序

玉泉子本常廬山亭侯之裔六世祖居金壇地因人姓是為蔣莊月鑒翁其父也玉泉以胷涵冰壺目烟岩電得乃翁寫照之傳甲寅春我郡侯孫公請為紀顏曰過予為傳老醜坐客有言

寫照自顧愷之始者予曰不然昔庖羲氏畫卦而人文肇開曰書曰畫蓋推輪於此矣余嘗觀六書如天之日月星辰人之耳目鼻口物之山水華木鳥獸其文類皆象形然則象形而畫其義一也黃帝堯舜垂衣裳而山龍華蟲之屬施諸五采作繪一語登載典冊繪畫之著矣殷高宗審象求賢而得傳說吾意寫照之原本此欤至矣漢兩君圖功臣於麟閣雲臺之上與青史鏡券並著勛烈自是而畫之名世者滔、也若

晉之愷之乃其一尔然今人寫真僅以形似玉
泉則并其神氣意趣得之見於毫素非汎々作
繪者可同日語况平昔於所見之人但曾半面
雖即世之久亦能想象而貌之至有使其子孫
下拜號呼宛然如見其親此又得乃翁不傳之
妙而能人之所難能也吁使玉泉生於有商必
能為君貌夢中之賢人矣當今郡公門國圖象
凌煙徵車胡為其未至邪月鑒翁年垂九袞博
物稽古玉泉歸請以予辯客之語質之而翁苟
以為然亦必以輪扁不能喻其子者然予論玉
泉者矣

送祖心上人省親序

學佛氏而不忘父師之恩知君命之重而弗敢
渝是為良浮圖吾當与之游贈其言而嘉之是
亦與人為善也蘭陵銘上人本四明宦族早失
怙元末時迺翁為江西省幙僚隨繼母侍翁居
官遭時擾攘江右失守省署移福建乃翁以王
事赴比俾其子往錢塘鞠於從父既而世變逆

父家毀於兵歲且荐饑流離蘇常間時貴游子
弟多失身上人獨能涉歷艱險不農工不丐隸
不服賈負販而趨利慕大雄氏空宗之教可超
脫物累遂祝髮從浮圖師東谷昇公而學焉禪
林矩矱蹈履惟謹其父子不相知者十有一年
然一念之孝根於其心常礼佛默禱得一日之
養以盡烏鳥之情志願足矣洪武甲寅春父未
金陵知翁無恙且有弟在膝下以奉朝夕上人
喜不勝於是告其師亟往觀省以余昔嘗以君
親之道語之請別於余且言曰銘之行雖為吾
親誠不敢畔吾師而國朝度僧之命而返吾初
服也織蒲之養或庶幾焉余曰然如上人者處
困之日不失其身居泰之時不易其心誠可謂
良浮圖矣撫其弟安其親使人稱為禪林之子
騫吾無間然矣彼人面而獍心者聞上人之風
能無愧乎能無警乎是歲四月之吉謝某序

贈錢隱居序

二月之吉余方據槁梧坐澹泊齋友人嚴子敬

過余而言曰去年冬某嘗患背疽狀如覆盆視疾皆寒心焉隣有陶君子錢氏志道甫獨曰無傷也藥可愈也既而用藥一如其言某嘗奉幣以償藥資志道乃固辭弗受敢請贊一辭以著其美亦以示不忘也余聞之仰而嘆曰夫疽發於背者危疾也古之人智謀如范增勇如姜才皆為所害志道能療斯疾豈易哉余還鄉五年聞鄉人之譽志道者籍籍今吾以子教之言益信且智道早讀書好結客竒方妙術故多得之雖常能以藥活人而不以醫名家其可謂隱德弗耀者歟不謀利不計功亦可謂好義者歟釀美酒以娛客畜善藥以與人吾知志道之心即蘇長公之心也世之鄙吝如斛斯者其妻以百錢市藥猶以為恨況與人乎聞志道之風薄俗可敦矣吁昔人為一卒吮疽尚登冊簡如志道之賢安知無太史氏為作佳傳耶

送太古禪師住持祥符序

釋門先覺之士以能荷大雄法者為象為龍理

固然矣求其七德五文之備和鳴而翔集所至
而羣從惟鳳為然茲又不可象龍槩論也今吾
以太古徽公觀之其僧中之鳳也歟公蚤歲入
雙徑窅照師之室韞德抱道蔚乎其文猶鳳毛
也既而主常之文明蘇之秀峯踞狔座說法微
密妙音聞者悅懌是猶鳳鳴朝陽也去此數年
而陵谷變改故鄉來歸不翅如翱翔赤霄覽德
而下視津里如丹穴飲太湖如醴泉以靈山古
法幢之顛扑徃扶植之瓦礫之地將為瑤圃灌
莽之卉將為琅玕使七十二峯之境皆為岐陽
而把茅挿竹皆阿閣也彼翕然而從者四衆之
外衣冠紛集有宗雷陶謝輩從遠公為方外遊
故叢林旦評緇素輿論咸謂公為僧中之鳳無
間然者慎勿諉枳棘非梧所棲而姑為素下之
宿也公之行郡邑士大夫咸稱羨而送之龜巢
老人乃為之歌曰鳳兮鳳兮一飛群隨覽德之
輝載鳴瓊枝維其時兮

送郡守孫侯秩滿序

人恒言罷縣之職愛民為先殊不知善為郡縣者必先能取其吏而後愛民之政得行焉若我常州府孫侯其可謂善為郡者歟侯濟南人奉朝命由起居注出守以舊聞小吏多蠹政下車之初即汰之澤之量材用之又從而戒飭之闔六曹操如東濕公勤廉謹身為率先民有不理於邑赴愬庭下侯之聽之惟一二僚屬與聞焉吏無敢庭立睥睨者至於抱按牘署決愴之為惟恐或毫髮悞舞文之弊蓋絕無之故善政得以行善教得以施一郡四邑之民咸被其澤視古良二千石無愧焉耳今也以秩滿赴京人皆謂侯能愛民治有成績余則曰侯能取吏乃深得為治之要故特為叙述將使為郡縣者聞之取以為法太史氏采錄為法於後人非徒為我侯頌美而已

送金生西上序

大學為賢士之閩尚矣洪武七年冬朝命下府州縣學以諸生勝冠者赴國學歷練矜佩之士

星聚雲集猗歎盛哉常之武進縣金生希賢申
縣學赴命請別於予且徵贈言余曰幼學壯行
古今一致上之人將使之仕之乃行其學也士
君子欲其仕學俱優卒有成效惟勤者能之尼
山大聖忘寢廢食顏回不能曾日三省若是皆
學之勤乎周公相國待旦而起陶士行在州而
運甕巫馬期為邑而戴星是仕之勤也吁聖賢
猶尔况學者乎蓋士之學与仕也猶農夫之治
田被農之勤者其耕也深其耨也熟其樹藝也
必矣時既藝矣乃耘乃耨乃蓰乃莖旱乾則為
之灌溉澇則為之決塞沾手塗足搨之乎斯須
不能休故其苗之興也勃然其稼苞之然其寔
則粟之然也及其穫也視惰農之收則倍蓰什
伯之不同為士而勤其功名爵祿如豐收之農
可必也生往拜國子先生暨諸公鉅卿請以是
質之苟然吾生其勉乎哉

送葉以恭赴京序

士不可以窮達論也莘耕之窮達而阿衡版築

之窮達而霖雨鼓刀漁釣之窮達而鷹揚之三
賢者苟不逢其時則泰然以終其身道之行不
行非所計也番易棄以恭以卓犖之才為張渚
批驗所官凡九年日與貿焉負販逐利者較
什一之徒此行道之日乎然以恭公乃心勤乃
事皦乎九年如一日其道未嘗不行也蓋以
恭以前人詩書之澤滲漉肌骨眎貪墨媚嫉者
不啻如赫腐之鴟慕羶之蟻耳班資崇庠非所
論也予老滿濱聞以恭才名久矣今赴調京師
適荆溪故人許克敬過予談以恭之賢且與論
相古今窮達士俾予筆之持以贈別云曰堅以
恭之志云

送陳長史秩滿序

古人之以言贈行者尚矣然其言或規戒焉或
勸勉焉不頌德不美才器不揄揚名教視後世
立言有不同耳若老聃於孔子之行曰無多言
無多事如斯而已夫聖人豈無可頌美者乎蓋
稱頌之辭無益於行有道之士所不為也余嘗

於學軒陳公暇日商畧古今請議及此相與太
息今公為常州府經歷得代將如京師士大夫
為詩為文以頌其五年贊畫之美者衆矣余請
以古人一事忠告而期望焉昔趙忠獻以半部
論語決大政卒成相業人到于今稱之吁時有
古今道無古今居今之世行古之道是亦古人
也况公之家學青檀一經淵源有自誠能慎終
如初仕學俱進則何施而不可何往而不達哉
幸毋謂老生常談而忽之吾將見世之稱忠獻
者為公之稱矣

送劉文可序

洪武九年冬吾友沈子英書末文可劉公南雄
佳士也為磨勘司掾屬凡若干月所閱按牘滯
類畢舉雖毫髮無遺焉今也書滿而別榮以其
吏事之精心目之明雅敬重之求一言為臨別
贈予曰傳不云乎胸中正則眸子瞭焉吾雖未
識文可視子英之所稱道文可之心可知矣吾
嘗以吾鏡觀之百鍊之銅瑩若秋水其所照者

物無遁形一旦蒙以塵垢光乃茫昧塵垢愈積
茫昧愈甚極而至于物無所見矣詩曰靡不
有初鮮克有終故君子慎之夫以父可之心無
私欲之蔽猶鏡之不塵垢也紫牘之繆詎能隱
乎雖然百煉之銅能照人之面而已不能照人
之肝膽能燭目前之物已不能燭天下古今萬
事之理是奚足以擬父可方寸之鏡乎父可持
此鏡以陟臺閣慎終如始光輝日新將來聖天
子取人為鑑則必置諸左右以輔昭明之治吾
與子英華又當相率以賀之并自賀其言之不
誣也是歲十有二月某日昆陵龜巢老人謝某
書

送孫太守奔喪歸濟南序

代魏同知作

洪武丙辰閏九月既望濟南孫侯某昆陵守之
五年聞母夫人即世撤甘棠之說動風木之悲
既而雪涕泣具卦告月日上聞將衰絰而歸邦
人愛公不啻如召父杜母聞公解印綬即相率
林立戟門外翕然而言曰閭閻之眊賴賢守宣

皇上德化政無煩苛使得力耕稼供賦稅以植
其業以畜其妻子非吾民所能為也學校之教
賴脩舉廢墜使得明教化育人才以展其用非
多士能自致也又曰賢守以廉律身馭吏如束
濕秉法如縣衡一洗貪墨舞文之弊至筦鑰之
細犴狴之繁租庸商征之屬咸得其肯綮而游
刃焉麗統四邑若網在綱一或不舉目亦隨之
索何斯言殆欲卧施而輒留也時余忝佐貳聆
州人之言若此然論公之才之美又豈苞屨臺
笠者所能盡哉公嘗言斷機之訓吾親猶孟母
也止酒之戒猶陶母曰清曰謹為時著稱又豈
非崔母之淋玄暉乎噫非母之賢不能泚子之
身非子之孝不能如其母之志移孝為忠宜其
不負聖天子承宣之寄它日大用豈易量哉今
觀士夫贈言凡若干篇余以州人之言頗詳且
寔因按之以叙編首云是月某日同知常州府
事某郡某書

續毘陵誌序

昔人謂九州之誌言九州所有土地所生風氣
乃宜也郡誌之作本諸此乎毘陵為古名郡其
山川土田風俗名物之屬登載舊誌尚班班可
考然由元初而至于今百有餘年曾無紀述之
者誠曠典也洪武十年春郡守中憲大夫張度
蒞政之初以朝廷命天下郡邑纂脩志書於是
會集耆宿之士稽今訂古博采見聞撰次成帙
凡一十卷中間無類踈畧不能無之至若前代
闕文則不能妄為之說然時有異同事有沿革
因是編而求之亦可以槩見矣是年歲在丁巳

夏五之吉郡人謝某序

贈儒醫徐士方序

余方據槁梧玩庭草生意里人萬仲珎過予曰
比鎡遘寒疾謁二醫皆危之於是邀徐鄉士方
眎之乃譚笑間投藥尅期而愈願鎡茂以報厥
德丐先生為之贈言示弗忘也余曰嘻仲珎何
相知之晚耶士方由早晚嗜學涉獵經史若六
氣七情之病乎人五藥十全之繫乎醫者已博

通之既而以父祖所傳軒岐之書金匱石函諸
家之方論旁參曲究以會其極且嘗賦遠遊得
四方賢師友淵源之懿故其遇疾也如庖丁解
牛得其肯綮恢々乎又有餘地是豈膚淺蒙昧
管窺蠡測者可同日語哉惟其重厚簡默猶連
城之壁混乎砥砢微卞和固莫能辯也老子曰
大辯若訥大巧若拙士方其近之雖然吾知士
方之才不局於是而已必也為時而出康濟斯
民卓然為醫國之士斯不負所學也責沈之父
吾尚當為仲琬為之洪武十年歲次丁巳六月
日謙 撰并書

贈刊生關士淵詩序

曰若稽古文字由竹簡以末世之欲傳久而不
朽者其惟勒諸金石乎然苟非專其藝而精之
敬其而謹之則所勒有無足傳者矣今觀荆溪
關士淵之勒石也一點一畫敬謹之至殆若默
契程伯子作字甚敬之意字畫八法秋毫無遺
是以我郡守番禺張公特賞識之中書史舍人

靖可盧舍人公武亦皆稱美無間然者吁士淵
之敬謹如此豈局於一藝之微而已哉昔人有
言能敬必有德使士淵遇知日季其必薦之如
缺耨也抑予又有說焉昔者安民山知敬司馬
公能從容一言於勒碑之頌登載史冊流芳無
窮其傳世又豈在鍊筆堅珉之外乎予嘗嘉士
淵出能贈以長句令郡中諸士夫之作者交相
揄揚詩凡若干首且俾予之叙焉

送王主簿克禮還江陰序

人有恒言曰州縣為民父母蓋州縣之職最為
近民撫之字之理宜以父母之心為心愛其民
如愛子也然所謂愛者豈其姑息而已哉使其
服役於公則如服勤於親授之事而責其成功
不棘不難不虐不苛如是者皆父母愛子之心
即君子豈弟之心也古稱召父杜母者其心蓋
如是耳以今觀之江陰縣主簿王公克禮其庶
乎洪武戊辰春奉令役邑人數千陶于常州府
武東簿董之與武進無錫之民夾運渠而陶其

眉薪芻豢填朝夕說薄之賢者矻矻不離口
鄰邑之人亦甚稱譽予因往視之其紀律非不
嚴也程督非不謹也鞭笞捶撻非不施設也惟
其慈威竝行寬猛相濟過之小者宥之情可閔
者恤之力不逮者濟之豈弟之心常藹然於紀
律程督鞭笞之間故蚩蚩之氓感其德忘其勞
不自覺其轂之出乎喙也予以是亦從而賢之
與之語曰夫縣之簿丞佐其令為一邑之父母
也郡之佐二佐其守為一郡之父母也公鄉大
夫臺閣守監百執事是皆輔佐天子為億兆之
父母也今也簿將歷階而升曰令曰守曰公卿
輔佐百執事成有日矣苟不以民遠而忘宦成
而怠則與人之誦太史之筆當並傳於時豈召
父杜母所能專美彼虐其子而廩焚井溺者抑
亦董其善而良焉斯民之幸也簿嘗然予言請
佩服今其行故書以贈之

送周牀文序

古之生子者設弧矢以射四方欲其有四方志

也然其親幾子為之者豈不能盡然哉但立志不凡君子遺之近代若曹武穆試周之日左取干戈右持俎豆天生洙質志在文武其后出入將相為一代名臣非偶然而致也今觀會稽戚先生為叔文贈言謂牀文早甚聰慧且好學尤喜讀尚書每開卷則竟日終夕寢食幾廢不啻口芻豢而耳前韶也夫書道政事叔文喜之其志可知然筮仕以來姜涉險阻特事親以孝行聞或疑未見其毅之焯々也是大不然夫位有崇庠職有大小能盡厥職斯為足稱姑以目前言之河泊三載洗手奉公所職之其恢々乎如庖丁解牛忍有餘地使其親不以尸素為憂豆區之養樂於鍾鼎使牀文為雋京兆則平反之政日娛其親又何患無焯々之毅乎吁丈夫之志有非或人之所知也先輩嘗說善觀花者見根撥而知花品之上下予於牀文敢竊比之

贈滄洲生詩序

延陵隱君子薛仲知氏以英妙之年能脫洒統

綺氣習織^心京洛塵土讀種楸書結交忘形
與臺笠靡屨者伍所居三山湖東南寂寞之濱
流水一灣漚沙半席每誦杜少陵吾道付滄洲
之句欣々然若有所得故自號曰滄洲生知之
言曰蓬萊十洲學僊者誇以示人且去弱水三
萬里之隔其荒唐繆悠而不足信也明矣唐有
瀛洲命十八學士居之其地位清絕尊崇顯榮
固不易得然一旦牝晨污鱗之辱有不能免者
是亦非所願也眷茲滄洲有四時天與之樂焉
春水觀魚荷風清暑扣月舩而歌披雪蓑而釣
是皆樂之得乎天同乎人亘古今而不窮者尚
何覲覲哉龜巢老人聞其言而嘉之與之交而
遺之詩曰樂波滄洲宅尔素侯某水某丘以釣
以游洲之西東三山芙蓉維北維南魚莊鶴林
風清月明我揚其舸滄浪有歌或濯其纓不鍾
不鼓不鼎不俎優哉悠哉尚友千古

送適知縣父還鄉序

嘗觀世俗所謂慈父者以其有息姑之愛無相

夷之惡而己自秦人慈子者利借鋤德色習以
成俗恬不為怪于茲有年矣當此之時有卓然
能教其子而不淪於俗習者其父之賢為何如
哉涇川適公以其子為武進令不遠四千里而
來愛之若欲置諸昧上教之則提其耳然不三
月而亟去子欲留養而不可得予以大耄之年
獲半面於鄉飲席間從而勸留之公曰吾兒以
一介之微蒙朝廷錄用長於茲邑若穉孺以負
烏獲之任必先也謹乃身公乃殫乃力規行矩
步以稱厥職如此則上不負聖天子拔擢之重
思下不辜斯邑斯民之望榮其身以慰其親吾
雖衣敝緼袍猶狐貉也啜菽飲水猶八珍也吾
既語吾兒吾兒能佩服吾言則吾歸吾廬何異
朝夕視側以享其祿養之娛乎吁公可謂慈而
能教愛不姑息而為時之賢父矣聆公之言覘
公之意蓋樂乎其歸而不可留於是酌之酒而
賀之曰今有美政民必頌之予將采歌謠之辭
筆諸簡牘附黃耳平安之報以報公也

送趙縣丞奔母喪序

洪武庚申秋朝命以昌邑所舉趙賢良為武進丞在邑多善政明年夏五奔母喪而歸士民攀戀有不忍別者丞慟哭而謂之曰比吾父未視予諄然以居官律身之法命之且云母氏之訓戒尤多父之丞歸將以安吾母也烏知未能以豆區之餘為甘旨一日之奉而吾遽至於此言未既嗚咽頓踣民亦涕泣而不能留某於是知其母夫人之賢殆不崔玄瞻之母也然玄瞻遵母訓而清謹為世所稱使賢母之名流芳百世非孝而能之乎今丞之孝於母也豈止被衰麻居倚廬不酒肉琴瑟三年而已哉必也居則養生喪死以事其親出則移孝為忠以事其君曰清曰謹終始一致罔俾崔侍郎專美於唐則其母之死猶無死也而則可以為孝矣雖然父天之尊巍然在上慎勿衰毀踰禮以貽親憂此又不可不知也

贈黃有文序

昔聖人垂^{yx}衣裳以治天下至五色作服則尊卑
貴賤之秩章矣後世於五彩之外加之以金
此又極其盛而文之然禮法之制惟在上者得
全於服銜之屬近代以空王老君之尊假諸王
者乃亦得而用之餘則有禁是故以飾嗟為藝
亦鮮而易弛焉常郡黃有文早孤受業厥祖丁
時之艱藝用弗售有文能不弛其業而益精之
昔既平大江南北數百里凡釋老氏之家交相
薦用殆無虛日洪武壬戌春郡城圓通院住山
釋壽公作梵宇規置法藏命有文贖施五彩麩
金而飾之有文若深諳乾毒之教莊嚴相好咸
適其宜至若轉藏之神皆金為甲冑威武侈力
如風轉蓬俛仰之間光明焜煌儼然為金色界
使觀者興起其轉惡為善之意吾嘗聞瞿曇有
言画沙童子戲以成佛若然則有文之功亦豈
少哉由是釋門名緇及方外能文之士多贈言
以嘉其能壽公乃屬予序其事如此余於是切
有感焉六藝之教禮樂為先今儒門子弟什廢

八九其大者有不知金穀玉振為聖學始終之
條理其次不能以金匱石室之書細為文章黼
黻治道甚者金根繆易傳咲四方視有文能世
其業寧無愧乎使有文之為藝以彼易此必大
有可觀者矣吁可惜哉可惜哉

贈醫士高彥述序

洪武壬戌夏友人詹伯遠書來曰先輩葛氏芳
山翁以善治傷寒獨步江表高公名德為外孫
而愛其業青出於藍故當時人謂有秘傳焉今
其子彥述業復如之比年以來人之抱危疾以
賴全者給々也如某家累亦屢病屢藥效若響
應厥德有未易忘者馬先生為之著述罔俾越
人專美於昔予曰嘻芳山翁予早歲親炙多聆
語言每云素問一經言簡理奧張長沙論傷寒
傳變總若干萬言其要在經之熱病一篇六百
九十四字而已人能明是經之理則終身之用
有不能盡者以是觀之其家庭授受豈外是乎
夫彥述之可敬者能象賢以承家學志不自滿

外無藻飾不誇張以炫其光怪不圭角以長其
穀價嘿、乎不易其 謙、乎不矜其能遇疾
則以理燭之如法以治之如由基善射發皆中
的觀者或驚異而神之耳吾知其父子所得於
葛氏者太經大法如此而已無所異聞也切嘗
以儒者之學譬之論語之書孰不誦讀趙忠獻
以是書半部相其君以救天下當是時遘五季
之厲群黎凋瘵賴以蘇息何嘗於二十篇之外
別有所傳授乎他日太史氏采予言而筆之庶
以見彥述之學源清流清且一洗俗論秘傳之
陋垂芳簡冊追配古人亦何慊乎哉

贈崑山醫士王彥德詩序

世傳秦越人之醫獨步當代在諸國則隨其俗
之所重者醫之戒小兒戒老人嬾女變更以售
其術蓋其心出乎穀利之私而人不察也予嘗
以事少之一日至崑山友人余彥智謂予曰醫
師王先生彥德專科為小兒醫其學有過人者
某兩兒患痘瘡甚危觀者縮手邀彥德藥之乃

指日而愈，醉之幣固，辭且曰：「凡故舊皆不為市利交，况契愛如彥智乎？」由是邑之士夫咸賦詩以頌其美。丐巢翁為之序焉。余曰：「喜視彥德之心賢於越人多矣。人恒言醫之難，莫難於小兒。蓋稚駮之秋，利害有不明言語，有不通疾，利易為顛躓，猶草木之萌，易摧折也。吾知彥德方寸之天，不蔽於慙，一以理之明，推治衆疾而疾無不治者，擴而充之，非所難也。特專科以世家耳。雖然，昔者淇有王豹，而人善謳；高唐有縣駒，而俗善歌。今崑邑之有彥德，博學如此，尚義如此，風穀氣習，動蕩一方。久之，則蘭鮑俱化，餘波之及董我晉鄙老夫，脩野史，又當牽聯得書以諸書為張本。」

松庵圖詩序

洪武甲子春某以鄒忠公遺文見邑宰河南彭公伯常，因觀四栢賦，宰謂予曰：「子知劉司諫之愛松亦如忠公愛栢乎？」司諫本東原世家，今居光州光山縣，從祖之故第山有美松，心甚愛之。

號曰松庵比遇知聖天子擢官諫垣謇謇諤諤
多裨治道天子嘉之聲溢中外然乃以松庵自
號也余是由繪山間之采之間之庵求能詩者
詠之以寓夫激昂之意敢請子為之序焉其辭
不獲雖未識司諫之面以其愛松之心推之可
以知其人矣夫松之為物九其直猶人之挺
拔也鬱其盛猶人之懋德也貫四時歷冰雪
猶大丈夫之真節雅操也凜乎趙清獻之鉄面
堅乎宋廣平之鉄心殆無過焉卓哉若人深相
契合不以山林臺閣之殊而易其素愛之心也
昔之人或喜聽其松風或欲巢于雲松或戕之
中庭之中或撫之東籬之東是皆愛之于心而
所以為愛者不同吾知司諫之愛在乎歲寒後
凋佩孔訓于厥躬吁山花澗草紛然望秋而
先零者寧不有媿于十八公乎今毘陵士友詩
凡若干篇皆相像况山而賦之一旦欽承恩命
賜歸菟裘蒼髯白髮相与歲寒又當別為咏歌
持去為松庵壽

贈義士池德澄序

昔元曆未終人方酣貴富汲汲乎進取德澄先
大父秋蟾先生慕老氏之學脫屣家事飄然為
方外遊德澄篤於親眷烏撰杖屐從之足跡遍
南土名山勝景多逢異人往往得藥術方技以
授其孫既而陵谷變遷先生亦從此逝矣德澄
今家居東郭混淆闐闐然而喜玄談尚高致綽
有祖風頻年復遠遊以適其志趣所聞所見益
之廣矣夫以藥術之妙觀之信乎有異人之傳
矣同里劉文忠負伯牛之疾者數年屢醫弗痊
殆瀕於危一旦蒙德澄療之指日而愈酌之幣
不納文忠德之需予言以紀其美予曰嘻神農
氏嘗百草為醫藥以濟天後世蓋以天地生物
之心為心也近代以來或假是微厚利以肥其
家否則哂然怒望之然去眎其困苦而天閼者
弗恤也可勝嘆哉德澄矯薄倍伏羲如此故余
以義士名之農皇大聖人在天之靈必陰陽以
成厥德以博施其義于人之報之有不止如

黃雀白龜而已也時洪武十七年歲在甲子秋
日撰

送唐用彰序

姬公相成周作禮制大司徒以三物教人即其
賢者能者賓興之取士之法蔑以加矣近代以
耒科目雖多亦彷彿成周之意而已但士之為
學於聖人心學之旨有味烏故或賢或否如魚
目之混驪珠者有之姑以一二言之漢之董相
仲舒公孫丞相弘同出乎賢良方正者而弘有

曲學阿世之繆唐之韓吏部愈柳刺史宗元同
出乎博學宏詞也而宗元有董附權要之辱至
宋三百年文盛之日凡居台輔必用碩儒如司
馬溫公光王荆公安石張公商英等皆進士而
丞相也若王張之屬其學無不精敏絕人豈有
不知聖人心學者乎蓋徒知之不能行之則與
不知者無以異也洪武甲子秋邑人唐用彰氏
以府學弟子貢中選鄉闈明年乙丑春二月赴
春官大比需言於予喜其孝弟稱于家謙德

著於旦評才華蔚茂而學益脩其大用於明時也必矣請以聖人心術之要曰慎獨曰思無邪曰精一執中三復而申告之惟用彰真知力行兩輪竝進則先輩賢者之勲庸事業我亦可為賀不惟上有以致君澤民之心而下有以遂顯親揚名之願亦可見不以老生常談忽之也

二十四孝讚序

人生兩間以天降之秉為秉彝之性故能參於三才有感斯應為萬物之最靈者也夫孝乃性中之一事然立身之本莫大於斯故尼山大聖人與高弟、子反覆問答著為大經柰何聖代彌遠風俗寢衰秦漢以來耨鋤德色箕箒評語者滔、也甚者至於人其形梟獍其心可撫膺切齒流涕而痛哭者也今觀郡人王達善所讚二十四孝裒為一編其間言孝感之事什有八九且以孝經一章冠於編首蓋取孝通神明一語推而廣之欲使人欣羨而勉於企及於名教豈小補哉或謂重華聖人千古一人豈宜與泛

者類稱是固然矣。吁！建善之意，蓋欲攬太陽，與月星竝照容光，焜燁無罅，不明老夫，假非其倫，辭不達意，宜君子無求備焉。

贈王仲文序

洪武乙巳秋，橫山大林庵主僧真公性存過予，曰：某重構庵廬，作觀世音菩薩伽山一會，其上則五雲縹緲，佛現全身，凡菩薩之衣冠瓔珞、岩竇地種，相好咸用金飾，其工人王仲文且能運巧思，僇力以成其美。今其行丐先生一言

譽之，予辭不獲，乃言曰：嘗聞瞿曇師有云，以畫為佛，以沙為塔，皆能成道。此蓋以因果立說，開方便門，使衆生由是而入大乘之道。自漢以來，其法寢盛，塔廟像設，若繪者綉者，縷玉石者，泥塑木雕者，從而出焉。今性存能以佛之心為心，誘人為善，莊嚴梵相，豈徒美觀，蓋欲具瞻者起恭敬心，好樂心，篤信力，行證無上道，非因果而已宜乎同袍之曹隨向化之人，風行草偃，如此其盛也。性存然，吾言請筆之，為仲文臨別贈。



道藏彙卷之九

國家圖書館, NATIONAL CENTRAL LIBRARY, TAIWAN, R.O.C.

龜巢藁卷之十

疏類

三教堂脩造疏

推倒人我山三教一家之意踏翻生死海十方
諸佛之心必須無風雨震凌乃可集江湖名勝
青山舊隱白馬弘規欲求木於工師須希金於
長者過我門入我室不妨分半席烟霞上我堂
踞我床相與話三生風月祝聖人壽報檀那恩

元山主造退居疏



掀翻黑漆桶舉頭見明月當空跳上白牛車拂
袖喜春風湍路毋怪急流中勇為退步怕從鬧
籃裏只管鑽頭但給孤舍祇樹之園則摩詰坐
散花之室作鉄門限透金剛圈畫圖對綠水青
山供養愛清風明月應無所住作如是觀大千
觀是一禪床但要覺得些安身立命之地百丈
只有三轉語必須撞著箇點頭會意之人了是
因緣勝諸福德

梁寶寺脩造疏

數百年祖師道場天龍圍繞五七件未了公案
歲月因循要令折確薺花生莫謂冷灰中豆爆
有緣相遇何事不成大丈夫直下承當小比丘
向前料理試看寶刹勝昔年梁武之時當郊華
封祝今上唐虞之壽無邊功德難盡贊揚

謝兩佛事疏

如快如焚方慮亢陽之地既優既渥乃蒙甘澤
之恩欲報效於鴻鈞敬皈依於象教伏念王某
同羽士吳某冠裳雖異鄉井寔同有公家賦粟

之証無憚子滄松之術望霓感額得雨寬心田
疇不失於農時溝澗免憂於他日感造化鬼神
之力誦如來秘密之言開法華道場設伊蒲法
供伏願百靈鑒格諸佛證明雨我公及我私尚
求霑足井而飲耕而食共樂豐登更冀萬邦之
咸寧永賴一人有慶

謝恩誦法華經疏

朝廷推曠蕩之恩饑饉處稅糧全免官吏執偏
私之見施行間荆棘橫生欲徵福於百靈當投
誠於三寶事雖不遂心曷能忘切念某等欽觀
詔條可霑德澤赴懇為七鄉之眾奔馳歷半載
之餘公乎私乎自謂上天能鑒仁者知者皆云
不日而成雖一時遭毒斂之蛇或它日得塞翁
之馬掃除梵宇持誦真詮二十四人同演法音
六萬餘言重宣妙義設香花燈燭之供奉天龍
鬼神之靈上答聖恩下祈民福伏願一人有慶
四海攸同大臣以道事君罔敢拂然綸之命庶
人召役則徃將來免粟米之征時和歲豐天長

地久

誦法華經疏

作善降祥上古之書垂訓供佛有福法華之語
流傳欲報德於百需用投誠於三寶伏念某戶
孤立租賦交征為公為私寧無過咎有財有用
幸遂經營居之安而資之深災不生而禍不作
荷天錫福靡日忘恩擇三五之良辰禮大千之
諸佛肅清陳供敬誦真詮伏願慧日照臨神天
感格吾老及人老家、無凍餒之憂新年勝舊
旦、有平安之喜

作佛事謝罪息蠲租疏

官賦半蠲欽奉九重之詔聖恩難報敝衣三寶
之尊敬藝清薰俯陳丹悃伏念某草茅雖賤稼
穡艱辛蒙曠蕩之恩又獲豐登之歲倉箱頓滿
饘粥可供盡力催科喜輸官之易畢中心報效
感聖代之難逢仰祝皇圖慶脩佛事伏願一人
有慶萬壽無疆乃聖乃神乃武乃文聖德合乾
坤之大自東自西自南自北清光瞻日月之明

結社畫淨土疏 并序

嘗觀釋迦世尊說西方淨土教人念佛真方便第一義也今欲按阿彌陀無量壽二經命畫寫効極樂境界仍遠法師會一百二十三人結為蓮社瞻依寶地修行淨業凡我同盟作成幸甚

西方過十萬億國有極樂世界九品化生東林社有廿三人與圜悟祖師六時行道茲欲精修淨業六須遠效前賢想像玉毫莊嚴寶地非助我者孰能為之孔方肯為結緣吳道子便教著筆有色無色有相無相看諸佛之本來面目如何先覺後覺先知後知見一頭之涅槃妙心方可頂門具眼言下點頭

海印庵起山門疏

遍大千界未嘗無見性成佛之人入不二門方得箇安身立命之地希升堂必開戶牖為巨室必使工師敢告諸賢用求多助老僧作鉄門限儘教雲水注來世尊放玉毫光轉見山林輝赫

大開方便是名莊嚴

請誌寶長老掩壙疏

為馬鬣封痛念慈親之歿作獅子吼願聞開士
之言陟彼此兮切有請也恭惟某人談空說有
窮深極微參透禪機面少室山中之髻得耒佛
法傳黃梅嶺上之衣五蘊皆空一絲不挂哀哉
無恃幸爾有緣願師乘出岫之雲為我送落山
之月覆將香合子超昇在一轉語之間作箇土
饅頭安穩於九泉之下勿孤申請願俟降臨

待雲庵雕觀音疏

念彼觀音本自尋穰救苦如是信解何妨粧假
成真看良工刻畫之奇即菩薩化生之妙大檀
越以七寶布施紫竹林現五色毫光龍女獻珠
鸚鵡聽法瞿曇老千百亿化亦須現光明之中
善財子五十三參管取在皈依之列其為福德
難盡替揚

請蔣居士造諫驛橋疏

編竹渡蟻陰德猶多乘輿濟人名傳不朽况此

河梁建造兼之佛閣莊嚴必須有力量人了此
大目果事某人荆谿秀氣竹迳遺風江水汲乾
無一老點頭印可 盤鑽透不二門信手掣開
尚古人淳朴之風絕時俗浮華之態積而能散
綽然有餘人皆仰之切有請也瞻茲諫壁實乃
要途爛月一舫每橫舟於野水垂虹千丈欲砥
柱於中流惟其成此飛梁從此免令病涉竦挿
天鯨跨海兩邊鏤三百蘭干簾捲雨棟飛雲就
上構七重樓閣如斯福德難盡贊揚

請蔣月堂建奔牛橋疏

古堰橫奔牛漫有前賢之句過橋乘駟馬方無
病涉之憂必得其人庶成乃事其人為善最樂
見義勇為廣造輿梁不特濟人於溱洧多脩塔
廟尤能事佛於祇園聚福海由歷劫之修登彼岸
乃平生之願難兄難弟均懷編竹渡燈之仁
賢子賢孫綽有降竈過父之美鄉閭稱善湖海
知名瞻此官河寔為孔道當一市人烟輳集通
四方車騎往來每遇斷橋如隔弱水不有填河

之鵲又無跨海之鯨欲得安行必須改作鼉鱗
之萬甃護曲之故欄車流水馬游龍聽揚
名於道上月出雲虹飲澗看橫影於波間慷慨
承當咄嗟可辨

置供佛花板疏

獻花發善智之心因緣不昧刻楮用宋人之手
工巧難成必須上根器人會此好因果事胷中
開簇筆底化生非莊嚴是名莊嚴此福德勝前
福德看他枝葉似優鉢曇佛士之養為我芟芻
作阿羅漢人天之供

天惠寺請愚隱長老開山疏

闔閭城萬竈貔貅多依佛刹給孤園七寶樓閣
大闡蘭誰其尸之曰有人矣某人攬鋒不露道
價弥高若王侯將相徃之歸心而淮海魚龍時
聽法慈悲願重救羣生於刀鋸斧鉞之間常
寐光明悟真空於文字言語之外逢場作戲到
處為家必須堅硬鐵脊梁庶不負布金心地久
矣暗中摸索直乎直下承當三千年河水重清

唱開元太平之曲二六時天花亂雨入如來般
若之門拈一瓣香祝九重壽

請亮西山住天慧寺諸山疏

佛法全盛以來在處有珠幢寶刹世道多故如
此其誰能玉振金聲聞斯行之可為難矣某人
頂門具眼鼻孔撩天數千卷貝多葉迷人都成
一笑五百歲鉢曇花瑞世自得單傳悠然卧北
窓清風久矣捲西山爽氣未此矻中流砥柱我
亦分東壁餘光葭樹相依鼓鍾交作如、不動
黑漆桶盡底掀翻綽、有餘破袖襖為他重著
慈悲廣大慷慨承當

天惠寺請亮西山住持疏

嚼碎鐵餒有幾人氣味相投搭着金伽黎二
千載風流尚在顧天惠以記公刀尺政日未立
百丈繩規去欲息肩未當接踵某人滌天殺價
立地機關捋猛虎鬚蚤歲入曇華密室揮白塵
尾前時坐三槐道場適逢雨橫風狂便欲山深
密如明月暗投者久亦陽春寡和而然闔閭城

突兀叢林任天惠姑安虎旅午橋莊往來雲水
聽雷音皆上龍門三呼北闕
聖人一示西來祖意

方外交送愚隱師住萬壽寺疏

禪月道場為吳下叢林之冠凌霄法窟得淮南
老虎之孫惟其祖武能繩可使家穀復振象龍
雲聚林經風生某人如愚不愚以隱無隱所見
即大乘境界其行皆實際工夫出入干戈曾救
百萬億顛厓之命扶持宗社寔有三大千恒沙
之功故名公鉅鄉多以為師而諸子百家亦未
問道今方外舊遊相慶了箇中大事因緣雖碧
雲之出本自無心然白雪之歌莫非古意昔萬
壽今萬壽祝

聖壽之無疆彼一時此一省將盛時之重見

方外交送毅剛中住承天寺疏

峙雙峨石古道場金布祇園示一指禪衆僧寶
珠還合浦頽馬齒掩嘉蔬之久如麟膠續斷絃
之初惟得其人迺弘斯道某人曹谿正派淮海

名流天下壯遊所至秦陽春白雪山中舊隱向
耒分明月清風南楚翁謂青出於藍北山老喜
拔茅連茹當此猊座重敷之日寔為象法中興
之秋王公大人既為更張天龍夜叉必加擁護
菩提對織塵不惹初無今古之殊優曇花滿地
還開聿見禎祥之意續燈諸祖祝聖萬年

新創水雲庵疏

庶苑二千年河沙界多興佛刹龍江六七里水
雲鄉宜建法幢布金地既已現成卓錫泉蓋將
湧出權輿自我恢拓在人振雷霆鍾鼓之音接
雲水瓶盂之衆彈指頃要開樓閣筆頭邊當落
珠璣長者布施七寶羅漢身何必朝西天而暮
東土華封殷勤三祝聖人壽正須望北闕以頌
南山福有所歸思無不報

方外交賀顏悅堂住徑山疏

展開一坐具視十方皆雙徑道場扶起大法幢
障百川為中流砥柱惟烏獲可勝重任如鳶膠
能續斷絃既得其人必弘斯道某人德尊一代

名徹九重金伽黎著處雨露猶香玉塵尾揮時
人天交敬賢相君問西來祖意針芥相投正法
眼得東璣親傳鉢花重現連步上凌霄絕頂先
聲至頑石點頭交瓦礫作七寶塔墀還成鹿苑
湍虛空見五雲樓閣永鎮龍宮鍾鼓雷鳴鉗五
星集士大夫期望如此者久矣佛世尊受記如
彼者存焉只有天在上更無山與齊此地真為
峻絕雖知燈是火不悟鍾非飯吾儕是亦知歸
亟奉賀言尚圖宿覺

東隱菴化齋粮跡

世尊遺教每朝令乞化七家衲子坐禪在處要
供需四事東隱菴雖云草創西來意正欲同參
必先為餬口之謀乃可得安心之法三條篋繫
縛腹此蓋藥山老特地求竒五斗米懶折腰是
亦粟里翁有田可恃必須盃盂裏喫見成粥飯
乃可蒲團上做著寔工夫願諸公欣々然指困
看大兀々乎面壁攪河成酪待他時節到來運
水搬柴是我神通妙用常當飽德誓不食言

化募畫十王等像疏

數百年水陸科儀廣傳緇素三千界鬼神情狀
妙入丹青看天堂地獄之不同使鐵心石腸之
俱化莊嚴如是因果何疑欲得吳道子筆下通
靈必藉孔方兄眼前助力有相無相非無相直
須是得免忘蹄大乘上乘最上乘更不待畫蛇
添足諸公具眼為我點頭

西歸庵化齋粮疏

一把茅盖頭即不免隨緣安衆三條篾縛腹豈
盡能為道忘饒欲安迺心必餬其口望檀信舉
指困之手令木魚作呼粥之聲凡釜中爛煮虛
空僧堂裏儘留雲水佛世尊善衣持鉢幸傳沃
如此家風龐居士運水搬柴但作用無非神妙
施當有報誓不食言

千墩寺造木橋疏

編竹筏而渡蟻猶有陰功造輿梁以濟人豈無
因果千墩浦素為衝要駟馬車孰不徃來惟相
逢一咲揮金可使使犀工斫木試看流水即跨

長虹澗山湖水國人家自是生成畫圖趙州老
石橋公按別當拈起話頭了是因緣勝諸福德

大祥薦父水陸道場疏

代徐伯樞薦父
徐太中作

喪不過三年鞠育之恩罔極佛能度一切慈悲
之願弘深俯瀝丹衷仰于皇覺伏念某顯考某
官縉紳推重臺閣蜚英立身揚名以顯其親賣
金買書而傳於子赤心報國居京師為三品之
官白骨他鄉賴朋友掩一杯之土死或悟空花
之幻生豈忘風木之悲遠亂離而蒲伏莫前非
恐澣而劬勞敢負旅櫬雖歲於東蓊神遊當往
於西方祥禪日臨緇衣雲集吹螺擊鼓熏脩按
水陸科儀掃地焚香禮泮作天人供養伏願一
靈感格諸佛降臨執金剛臺接引至七寶金沙
之地瞻玉毫祖化生託四色車輪之花凡在幽
冥悉皆超度

水陸道場榜 同前

今據某處某州某鄉奉佛弟子徐某及弟某等
投誠伏為顯考太中大夫中書戶部郎中徐公

不祿以耒致喪三年禮畢除服追念父恩昊天罔極取至正二十一年十二月二十六日為始啟建冥陽水陸大齋三晝夜藉此良日用伸超度道場

喪制有終人子念劬勞之報法門無量世尊垂慈愍之仁故弘開水陸道場乃集河沙功德天龍圍繞嶽瀆感通今齋主徐某善念先君壽五六十年生斯世成百千萬事官居三品名聞四方衣紫隨朝所存者致君澤民之志焚黃先世且及乎封妻蔭子之榮痛憐客死於京華欲得神遊於淨土廣邀緇侶虔奉金僊琅函翻貝葉之文鐵鉢供伊蒲之饌香雲縹緲花雨繽紛鼓燈懸明月光阿鼻獄燦開幽暗斛食施甘露味尸陀林充滿饑虛凡所謂六道四生皆於此三皈五戒是名無礙以濟群生其齋主當盡乃心我清衆各脩厥職有感斯應無願不從徐公百不憂直往生於極樂恒老三轉語更何在於多言無間寃親俱能解脫

廣濟庵道者化脩造等緣事疏

瀕湖祇樹園林劫灰久冷大地禱花世界佛日
長明三條篋縛腹緊做工夫一莖草瑯樓湏教
出現今甘古井總是醍醐想像靈山粧巖寶地
無孔笛要聲諧律呂有髮僧當力效殷勤諸公
從筆底落成不日見眼前突兀燕雀相賀龍象
群居比丘衆千二百五十人重宣般若方丈室
八萬四千師子共禮維摩壽祝楓宸福歸檀越

蛟龍庵塑觀音等像疏

觀世音七佛之師神通具足阿羅漢諸天之衆
在處依歸今欲令粧假成真柰不解將無做有
請開寶藏滿載鐵舡對長州茂苑之江山作補
陀洛迦之境界願菩薩三十二應刹：度人看
善財五十三參時：見佛相逢具眼必為點頭

忠清院脩造疏

忠清公宇宙隔越猶奉烝嘗瞿曇老風雨震凌
豈容坐視雖曰即心是佛也須開口告人小苾
芻固碌：不才得錢米則多：益辦八萬四千

脩月斧儘教匠石呼來百千萬億恒河沙頭施
主福田增廣但蒙金諾即注錢銀

萬峯庵修造跡

半夜傳衣諸佛祖當時道在九年面壁小禪庵
近日人多本末無鏡以無臺合肯堂而肯搆
工師求木非赤手而可圖長者折枝須點頭而
相許金錯刀作成用鉄門限準備都來雲水
依歸天龍擁護橫展布金之地大開選佛之場
豎起硬脊梁每日坐三條椽下掀翻黑漆桶大
家上百尺竿頭壽祝楓宸福歸檀越

化城庵鑄銅鍾疏

舊用鐵今
易之

舊錯聚六州之鐵久已知非新鍾鑄萬選之銅
今將改作惟檀越共為爐鞴而蒲牢即出範圍
乍興禮樂於山林號令人天於夜旦山鳴谷應
八百聲吼動鯨音月落烏啼三千界喚醒塵夢

佛會祈禳跡

時和歲豐喜見昇平之兆天高地迥難酌覆載
之恩感仰鴻鈞皈依象教切念某等或僧或俗

為里為鄰田疇茂水旱之虞邊境絕烟塵之患
物無疵疢家用平康變眩如此其相憐豺獮豈
忘於報本莊嚴寶地諷誦琅函遍造之天地神
祇同鑒此河沙功德伏願一人有慶萬邦咸寧
日斯邁月斯征立見秋成之富災不生禍不作
群居生計之安

化衣鉢跋

世尊入舍衛城也須持鉢祖師過大庾嶺先已
傳衣惟二者之得兼乃一生之可了柰羅兵燹
俱化劫灰令千求衆檀越相成庶圓滿小苾芻
所願一鉢在手三衣稱身海上降龍使可比六
通羅漢山中禮佛更不需半點塵埃由此成功
誓將報德

法華經會疏 為陵埜鄉等作

去尊千百億化愍大地之衆生法華六萬餘言
有恒沙之功德欲憑資報是用皈依切念某等
忝在人倫幸叨佛化天地之為覆載風塵迨乎
廓清擇暮春望日之良辰建同社常年之勝會

三周七喻齊演梵音六道四生，
曠筭香蕤旃檀賴象王頌力之弘深感龍天鬼神之歡喜伏願潛銷黑業復見清時熾而昌壽而臧尸：獲康寧之福哉不生禍不作年：過豐稔之秋

化脩造疏

西歸庵勤上人寫金字法華經化脩造及增益觀音殿

有漏無漏硬脊梁撐拄虛空前三後三爛葛藤
掃除風雨要此屋似銀山鉄壁問誰家無明月
清風孔方兄但為點頭公輸子便教動手敢持
貝葉用告恩檀黃金字寫七軸蓮華藉妙法河
沙願力白玉毫現諸佛菩薩眷圓通宮殿隨身
是名莊嚴勝前福德

散華文 為版上人作

夫散者心地栽培善根滋長春生金剪枝：奪
造化工夫香滿錦堂柔：作人天供養如風飄
墜似雲繽紛優鉢曇大地皆春曼陀羅從空亂
雨昔天雨散之維摩室中者此也我世尊拈於
霽山會上者同乎勿云色界迷人正要頂門具

眼肇自一花而五葉皆為同氣以連枝欲了知
是色是空須會得無聲無臭莊紅李白河陽縣
車馬塵多魏紫姚黃洛陽城綺羅香溷曷若傾
葵心於佛日乃蒙眊蓮目於慈雲想像金園莊
巖寶地千江水見千江月共看法性圓明一片
西飛一片東燼悟色身虛幻其為因果難盡贊
揚

募長明燈油疏

密地工夫不用說石窓油盞普天照耀要單提
露桂燈籠老苾芻畧用吹嗟大檀越正須傾倒
膏馥沾漑因果分明二六時中常別起靈光一
點三千界內總利他癡暗衆生

西歸庵脩梁武懺疏

空王為象教之尊慈悲廣大懺法脫蟒形之苦
因果昭彰既響報於昔年宜精修于今日即蘭
若皈依金相為檀那宣演琅函必須衆力維持
乃備諸船供養作功德海開解脫門娑婆世間
滿眼是誌公和尚忉忉天上舉頭見郝氏夫人

福德無邊讚嘆難盡

二聖院浴佛疏

九龍水浴紫金身慶西方聖人初度二聖庵結
白蓮社東林遠公道場想毘藍皈依極樂大檀
越隨喜布施小比丘如法莊嚴諸塵非塵是名
微塵清淨身本無塵垢憶佛念佛必定見佛廣
長舌同演佛音幸發心花共成因果

滄洲庵脩造疏

本庵草創之初事有未備茲欲蓋造前軒粧塑
觀音聖像晨香夕燈脩行淨業端為祝延聖壽
上報四恩旁資三有敢望諸大檀越相与作成
指廩揮金多益辨

插竹建精藍鎮蛟鼉之窟宅開花成結果展龍
象之法筵莫謂滄洲庵小小規模要作補陀岩
巍々境界軒開寶地像塑珠纓惟諸公同為結
緣則良匠皆能呈巧莊嚴相好非莊嚴是名莊
嚴福德因緣此福德勝前福德功歸檀施壽祝
楓宸

化城院募緣疏

辨

本宅以下元令節啓建念佛道場與諸上善人同脩淨業所用香燭齋供之儀望樂助焉其為因果蓋有讚揚難盡者惟好善者領之參一指禪本元：坐三條椽下念梵毅佛要人：生九品華中當此下元敢提前話舉赤手欲諸般辦集用青蚨須衆力圓成香火焚脩人天供養者西方極樂世界只在目前比東林祖師道場亦非分外願言向道請為結緣

千墩寺翻蓋大悲殿疏

延福寺襟江帶湖梁天監之年遠矣觀音殿震風凌雨魯靈光之狀巋然雖千手千眼乃吾佛化身然一瓦一椽皆衆人願力因緣有遇脩證何難磨磚時用南岳工夫加泥處會古靈說法即有漏而無漏在求仁而得仁寶蓋珠璣瞻妙相於旃檀林內金螭鉄鳳展畫圖於秦柱峯前壽祝楓宸福歸檀越

齋僧簿叙別

徑山興聖萬壽禪寺徒弟淵切見宿生多幸忝
與僧流道業無成四恩回報謹以平昔所受信
施之資自四月八日為始齋僧千貲每貲銅錢
四十文為一飯之供敢望各題芳字以滿區々
之願云

出家以六和為尚勉守清規傾囊與衆人結緣
願酬素志效減米同舟之意助折蘆渡水之行
一千貲白足倘過茅庵四萬箇青錢聊供蒲饌
東手耒西手耜去免虛孤信施之恩左畫圖右畫
方請連署題名之筆佛日照鑒宗風振揚

釋氏舉棺文

佛說西方極樂邦大千沙界更無雙諸天接引
移蓮步認取光明大法幢恭惟某人現媚女身
生娑婆世不宿業八十幾年之內菩提心慕樂
士十萬億國之西念阿彌佛三從不失五戒能
持子行孝而暗合禮經婦服勤而俱無諍語愛
男孫女孫之親意毫髮無偏待姻黨鄉黨之真
情骨肉相似報緣斯盡享福亦多到這裏蓋棺

事定正要脫洒出門超凡入聖噴一脚踏翻生
死海道送直上九華臺

活套起棺文 代吳彥德作

堊花繁盛不多時明月團圓亦易虧一窮鑿開
方寸地百年生死了無疑恭惟某官天性高朗
心地坦平精勤六十五年料理百千萬事嗣祖
宗之基業寔為有光了男女之室家皆如所願
到這裏出門一句要說到佛老氏夫曾說處神
鬼皆聽會麼自古斯民行直道青天白日甚分

明

剃僧頭致語

然解脫香點光明燭恭請十方諸佛說法度人
要令四方幻身脫塵離俗煩惱根盡皆除去善
提封自此負成伏願法嗣興隆不負真如之印
宗門光顯能傳無盡之燈詩曰 煩惱根生歷
劫前如今盡落寶刀邊頂門露出金剛眼照見
三千及大千

募緣造藥師琉璃燈跡

諸佛開方便門救衆生之楚歷劫轉光明藏破
六趣之昏迷藥師燈宜用於道場素門氏合營
其法具煌々火樹欲他因地移來朵々金蓮自
我心花發現惟金諾一揮大筆便玉成數尺長
縈毋論爨蠟之齊雙色勝燃犀之溫嶠膏澤注
琉璃盃內恒沙佛同放白毫恩光分阿鼻獄中
大地人皆除瘴業功成普照福有攸歸

薦父醮詞

親恩罔報勉為改葬之圖道力可憑敢有超昇
之望俛陳丹悃仰徹玄穹切念先考某官蚤稱
善人晚罹惡世群雄血戰故避地於湖南一旦
身亡乃敢塗於道佐以兒女室家之相失豈衣
衾棺槨之能周荼毘近效乎緇流煉度全憑於
羽士櫛葢神主地易佳城設齋醮於新居薦英
靈於仙府十極之高真降監九原之幽滯同升
伏願天得以清地得以寧由是魂升而魄降父
止於慈子止於孝庶幾舉立而道生存沒俱安
罔明無聞

妻七終七日設醮疏

共內助而興哀音容如在祈上蒼之垂愍冤鬼
起升俛滙蟻忱仰干鴻造切念亡室王氏自少
結髮至老同心忘正室側室之尊卑渾無妬忌
均養子庶子之親愛皆盡劬勞諧和而處者閱
三十餘年頃刻而亡者又四十九日蝸居設醮
羽士真朝誦靈寶之妙經獻齋厨之清供伏願
蒙恩三境超度一霧脫跡塵寰棄絕人間之事
標名仙籍逍遙天上之游

蚤壇辭

上天之載廣大難名如日之昇昭明無際雪手
香花之供星冠玉筍之班伏願三境勰：竝降
臨於下土萬靈奕々咸拱衛於中天

午壇辭

日方之中式瞻光耀風斯在下重覲威顏心傾
葵藿之誠躬致蘋蘩之薦伏願恩覃九域均化
育之仁澤及九泉罔俾沉淪之苦蒙

晚壇辭

日之夕矣禮益宜勤天可必乎善無不報仰止
九關之望肅然三接之儀伏願浩々其天鑒精
誠於方寸昭々在上降德澤於幽冥

幽醮建壇詞

為王文父作
凡五首

兩喪終制靡志追遠之誠百拜籲哀敢瀆蓋高
之聽肅瞻金闕肇建瑤壇絳節下臨綠章上達
巍々蕩々洽大德於寰區窈々冥々度幽魂于
泉壤

蚤朝詞

明發懷二人恐淪鄴土齋沐祀上帝祇仰鈞天
照對戚顏備殫悃幅伏願維天之命恩光被於
重泉如日之升魂氣超於清境

午朝詞

日之方中祥輝廣被道之云遠仙伏遙臨載伸
對越之忱庸表處于之義伏願清都洞鑒共循
晝接之儀幽壤超升永脫昏迷之境

晚朝詞

日忽々其時莫深念幽冥皇剡々其揚靈允能

超度惴焉三瀆仰止九天伏願黑藉銷名長夜
脫沉淪之苦丹臺受籙熙春樂道德之言

青詞

甥姪銜哀先後七旬而無怙眚賢垂訓古今三
載以終喪俯慚悲悼之忱仰徹穹窿之聽伏念
先兄某創業歷胼胝之苦勉成家妹夫某贅
居為骨肉之親始終同爨繄冥隔世祥禫踰期
緣歲凶重困征徭故日久有稽薦拔爰憑羽士
式演真科三重飛奏其緣草諸孤泣除其素鞵
不違天於咫尺如履冰而戰兢

薦父幽醮建壇詞

為王敏孟學作

陟岵興哀欲報劬勞之德籲天歸命庸伸薦拔
之誠休建瑤壇式敷珠笈伏願罪除黑藉名署
丹臺零落歸丘山悟人間之梦境清高隔風雨
遊天上之仙都

薦父青詞

子養親不待深負劬勞日邁月斯征 經祥禫
對越虎闕之遠敬陳蟻悃之誠伏念某先考某

質直一生辛勤多故仰事俯育盡心堂構之謀
朝出暮歸殫力戶門之役訓子觸屏而無怒賓
妻舉按而甚恭忍棄諸姑脩踰三載雖雪衣之
已釋柰風木堪悲所冀超昇有嚴醮事伏願帝
鄉可到仙靈必通遊白玉京行矣跨吹笙之鳳
朝紫金闕飄然往飛鳥之鳧

醮星青詞

代陳子純為弟
禳疾作

天有六淫病病多由於感受星羅萬象吉凶或
繫于運行稽首瞻天傾心告斗伏念某弟一身
多病數月弗瘳手足拳攣動若太山之挾脅膈
否塞梗如雲夢之吞敬脩清醮於生辰敢乞洪
恩於列宿伏願瓊衡照鑒瑤闕感通德星聚太
丘憂者樂病者愈熒惑退三舍居之安資之深

幽醮薦父青詞

子養親不待難酬罔極之恩民欲天必從敢徹
蓋高之聽蟻忱所禱虎拜其陳伏念某同弟某
父歿踰一十五年深負終天之痛母喪畢二十
五月又逢忌日之臨怙恃俱無劬勞曷報爰馮

道衆式演真科區：盡對越之誠切：有超昇
之望伏願千真列衛九老啓途左画圓右畫方
變化五城之境東王公西王母道遥三境之天

道士化法衣疏

神僊足官府追陪長用鞭鳶海圖折波濤補綻
豈互顛鳳黃冠空戴藍縷包羞必須著紫霞衣
乃可立紅雲殿窮道人不妨鈔化富公子當為
作成曳月出門待金闕晚鍾之後携烟滿袖拜
玉皇香案之前報施主恩祝聖人壽

請曹月湖舉棺疏

蓋棺已矣生死閑未脫塵寰出門何之神仙路
豈無捷徑敢煩指示庶獲超昇恭惟某人和光
同塵尊德樂義一襟湖海湛如明月澄波三尺
風雷間與孤雲出岫嗟我鴈行之相失煩師鶴
馭之寵臨說破玄機大道只消一語喝醒凡夢
飛魂直上九天

請鄧混然起棺

蓋棺雖定莫酌母氏之恩拔宅無緣那到神仙

之境必求高士為指迷途恭惟某人和光同塵
出類拔萃發揚宗教混々然活水之源游戲辭
章蕩々乎春雲之態簪星曳月乘虛禦風仰希
鳴佩之臨分付出門之語喚醒濁夢俾聖善之
超昇飛上清都庶精神之不死再拜稽首萬望
點頭

代仁惠觀請周彥忠

孔李通家之交蓋由道義揚墨儒之道必賴師
模誰其尸之曰有人矣恭惟某官才高時輩譽
藹旦許濂學家傳不剗憲前之艸唐詩句好能
吟觀象之菴未坐羣比行看豹變某強名曰道
主善惟師敢期如大匠誨人幸勿拒童蒙求我
道其道德其德第慚所學之不同步亦步趨亦
趨但願其徒之速肖

代歸真觀請孫伯昭

寄老子法中強名曰道誨諸生館下主善為師
久欲依歸敢云招致恭惟某稽古究春秋之學
蜚英冠月旦之評不惟獨抱遺徑抑且旁通百

氏玄都賦種菀之句足擬唐人山陰寫籠鸞之
徑可同晉帖平居養素尤善談玄才名三十年
想未厭廣文之飯扶搖九萬里尚肯為逍遙之
遊大器晚成英才樂育如某者仰如山斗居此
籠天墨婦揚：婦儒曾聞其語士希賢：希聖
寔慕斯文敢設坐壇以迎教鐸孺子或容其進
履相儒可隱於書堂澹泊相忘清虛共守道其
道德其德小哉坐井之觀步亦步趨亦趨矍若
絕塵之後獻芹申敬鑒茹為榮

蓋庵疏 為江林庶作

潦到餘生三百籠寒蓋未了派離數載千萬間
廣厦誰依庵居卜築於江湖土著便同於鄉里
竹圃三徑藤刺四簾惟諸君贈草堂之資則老
我得菟裘之計脫粟飯視同珠玉黃菜根嚼出
宮商養藜藿之幽姿交膏粱之舊習落成有日
座中約青州從事交驩繼美當年杯後為冰壺
先生立傳併懷有自感戴奚忌

壽寧寺請源別派住持諸山疏

嗟哉古塔隻尖插霄漢之間蕭瑟禪林一爻徑
烟塵之後念正法凌遲者久待偉人振厲而興
某人豎硬脊梁有大力量宗門下識時俊傑緇
衣中少年老成從金山躍龍門如神鼉鼉鼓舞
對劍井坐貌成說法猿鳥依歸能於此扶顛持
危乃卓然出類拔萃烟霞接境度筦分東壁餘
光雲水滿堂相與挹西山爽氣式脩鄰好益振
宗風

方外交疏

比年以叢林凋謝恬養者多望之而去今吾別
流源公以壽寧禪寺禮聘之勤奮然為茲山領
袖真可謂以道自任者也吾黨之士深用贊歎
敬緝儼語以效燕雀之賀云

千丈渾寸膠難澄久俟河清之日百鳥鳴孤鳳
忽見將來道泰之願茲山竝立浮屠由前代特
稱名利駕言弘道先在得人某人學有源流名
揚湖海妙高臺了翁法窟如青出藍毘陵郡新
興道場如風偃草游戲卓水雲之錫棲遲橫野

渡之舟末法中為宗門棟梁知音者歎朱絃疏
越堂前露柱明、為諸佛放光塔上風鈴疊、
與衆生說法

華亭縣請仁伯靜住宣妙寺山門疏

鳴百里之絃歌固云在我振叢林之鍾鼓正在
得人由諸山鶚薦而未宜千仞鳳翔而下某人
崑丘產玉合浦珠藏蚤遇作家函丈入澤公之
室中居報國法筵提智者之綱仁者靜固其本
心道之行綽有餘力望雲出岫如月當空虛室
白生即洞達光明之藏華亭清咲亦宣揚微妙
之音聖壽萬年法輪三轉

諸山疏 同前

繼三支而稱博學遠躡遺蹤用一夔以作大章
足知雅曲時則可矣聞斯行之某人米雪丰姿
江湖襟度執經問難遍參諸老之門領懺司賓
兩秉叢林之政蜚英聲於方外展闊步於雲間
踞鳳皇山作獅子吼天高地迥面九峯翡翠之
屏月白風清目三泖水精之域

方外交疏送大雲講主權住福壽院

福壽禪院者錦谿之佳處也山中耆舊以主席不宜久虛力請我大雲和尚居之事雖從權而林泉頓為增重吾黨亦可尋盟連社矣持一瓣香綺語以賀

山不在高安靜處卓飛空之錫老當益壯談咲間用合道之碓暫踞狴床橫揮塵拂某人春秋八十功行三千豎如教硬脊梁得天台真骨髓慈雲廣大諸方蒙教雨旁霑智月圓明在處有人天交贊鍾鼓震錦谿北柵衣冠比廬阜東林或疑為入谷之幽自謂作逢場之戲法雖脩於出處義不失於隨時當此黃楊尾閏之秋乃有白蓮結社之日魯司寇攝行相事曾三月以成治功遠法師影不出山且六時而脩淨業薄言燕賀永締鷗盟

永安院尼請禪老興正宗住持疏

余曩歲以衣鉢之資檀施之力創造本院年今八十有六力不能支且無法嗣是用以一應恒

產捨為十方禪刹恭請紹隆正宗和尚入院焚
脩接納雲水契券雖明礼宜疏請

昔天竺第一代祖師得度賴阿難之力今震且
編十方禪刹流傳皆達磨之宗欲改換其門尚
宜選擇乎領袖位須德稱道在人知某人學有
淵源名揚湖海千岩老恬目謂能承鉄壁箕裘
一把茅蓋頭又多挹玉峯温潤撥慈航過未不
遠將法幢扶起何難雲擁猊床風生塵拂泗橋
流水喜縈回說法之場祇樹獨圓當恢拓布金
之地香捨一辦壽祝九重

真武經堂會置田疏 代張伯祥作

某將建真武道堂為吾黨月會清脩之地尊室
塑像勉當獨為預置齋田敢裒衆力惟諸君領
之上真玄聖揚霸足踏於龜蛇下土蒼生報本
心同於豺獮擬一已力營真館率諸賢預買祊
田年々得黍稷之馨日々奉蘋蘩之薦永言祭
享賴此膏腴作善則祥不善則殃此躰不遺之
妙同盟之人既盟之後正自求多福之秋筆底

揮金隴頭種玉

置草堂疏 代施天朋作

某久客橫塘視同鄉土業欲築室於此圖將老
焉敬惟諸君子夙昔庇士必賜作成脩辭抒情
不自覺其抽黃對白也

仲宣依劉荊州慷慨作登樓之賦子美詰王錄
事殷勤覓草堂之資蓋依仁乃客子之本心然
芘士寔故人之高誼孔方兄但能助力公輸子
便可成功鶴帳弗空菟裘可老厦成而壤雀相
賀喜化日之初長門高而車馬能容看德星之
常聚帡幪有造感戴奚忘

方外交疏

予生寡諧俗特於方外高識之士樂与之游若
我雪心和尚前居南山相好為忘年交今主領
天寧禪寺緇素歡欣山林德色予於是緝數語
以頌其美以抒其交情云

齊雲古佛刹留泗州僧寶之衲衣慧日大法門
為常郡禪林之冠冕稱其名宜其有寔如其道

必得其人恭惟顯公禪師妙年老成竒冠卓犖
入松林室中布毛吹雪傳無盡燈坐楞伽峯頂
塵尾生風握真如印如卷舒于前日大展布於
斯時金斗城圖畫天開鉄門限措紳雲集尔乃
竿木逢場而作戲我豈燈花有約而不來青々
翠竹鬱々黃華聽法皆能會童觀々高山洋々
流水知音當為點頭變賀聿脩鷗盟永好

招魂致語

為陰陽正術吳彥德作

伏以狐正首丘凡物有本原之性鶴華煇表雖

僂亦故里之思三魂或散於異鄉一念可通於
八極焚香拜跪剪紉招要切念近故某官生有
多聞遠無遺憾驅馳日下空知行路之難漂泊
天涯竟作顛崖之墮玉門関峯迴路轉金斗城
物換星移庸歌宋玉之詞敬效巫陽之力往年
蜀魄思家而千載號呼今日楚魂歸第而六親
迎迓洋洋如在肅々有敬高堂共燈燭之光靈
几享穀羞之薦月白風清此良夜獲叙幽情水
遠山長愁殺人交為佳境

醵諸友買石題獨孤公檜四字

廬山種蓮堪笑者區、佞佛董林栽杏可憐哉
碌、
玉箸篆重題姓字金斗城倍有輝光
尚須假力於錢神即俾奏功於匠氏立羊公一
片石乃大書而特書比季子十字碑尤居簡而
行簡願言鳩僦詩與鷗盟

干親友重構草堂 代黃仲器作

荒徑猶存陶彭澤歸來太蚤吾廬獨破杜少陵
受凍何堪巢一枝欲比鷓鴣樹三匝正如烏鵲
風雨旃幪孔方兄毋吝點頭公輸子便令動手
十萬貫揚州鶴上人自求仙八九家錦里村居
吾將老矣合矣完矣優哉悠哉

大林庵佛像粧金法事疏

芳茂山大林道場鼎新革故補陀岩圓通法會
粧假成真仰恃慈悲俯陳悃幅切念某鉄船渡
海鋤斧開山浩劫峯玄都之兔葵淨壤、甘
露獨園之祇樹新霑從把芳次第鳩工置刻木
粧巖象設金色界移耒勝境玉毫光照見恒沙

鍾鼓雷鳴瓶盂雲集一宿雖成於頓覺四恩當
報於將來伏願佛日照臨龍天擁護我見人見
衆生見目見趣以精脩梵音海潮音觀音教
圓悟尚期檀越同證菩提

橫山白龍祠脩造疏

天蓋高而地蓋厚人能感通山有仙而水有龍
官為祭祀必嚴廟貌乃稱輿情公輸子欲便興
工孔方兄必先助力蜿蜒靈物想像高堂駿奔
走執豆籩參酌用古今之禮鼓雷霆順風雨願
言無水旱之憂輪奐美哉神明彰矣

重造東山港木橋疏

東山趾頭橫巨港橋斷連年東里子產無乘與
人皆病涉每鶴立相呼趁渡令鳩工重作飛梁
事欲速成力須多助牽牛來往真可比牛郎七
夕之牛乘馬徑過亦何異馬御駟車之馬吾事
濟矣衆皆悅之

無錫興道鄉重建太平橋疏

長安道到處皆通溪山滿眼太平橋連年大壞

鄉里驚心義合勇為力宜多助不用集填河鳥
鵲便當見跨水虹蜺乘輿濟人施惠毋勞于子
產丈夫題柱揚名何異於長鄉

方外交疏賀指既明為知程講主

壽安山坐鎮朔方如：不動華嚴海流傳妙界
浩：無邊惟得其人乃弘斯道某人學窮圓頓
道混根塵舌上瀾翻皆白馬未馳之文字胷中
囊括有黃龍不測之攔關挺然冬嶺孤松接乃
秋江正派即從別業以監法幢天龍加以護持
猿鶴為之鼓舞江流百數里同梵音演竺國之
徑吾輩十餘人比賢士結匡廬之社尚期珍重
式副願言

重建忠祐廟疏

自隋朝稱八絕之靈魏然廟食與陳墓對一杯
之土端若堂封人傑地靈者八九百年灰飛烟
滅者一十三載剪除荒棘經營閔宮展今日之
宏規復前人之舊觀工師求木政須用使鬼之
錢長者折枝敢請下如神之筆紅雲殿香雲繚

繞白雀溪流，水迴環看眼前突兀之屋，既成有
宰上搓牙之松，堪畫難；在宮肅，在廟儼，遺
像於丹青，赫々厥毅，濯々厥靈，振英風於今古
福庶士壽祝一人。

普度齋壇榜

大地衆生多沉淪於苦海，恒沙諸佛能極救于
慈航，會遇有緣，冤親無間，切念齋主僧某，洎諸
信士等，為見曩因喪亂，兼值凶荒，或被戮于兵
戈，或遭烹於鼎鑊，或疫厲而全家不赧，或饒羸
而比屋俱亡，月明星稀，長夜發無依之嘆，天陰
雨濕，常時聞冤哭之聲，三寶前今獲皈依，九泉
下悉令解脫，故此新開鹿苑於焉，延奉象王命
苾芻，按乃科儀，傳華嚴諷諸經典，燈燃火樹，阿
鼻獄焜燿靈暉，食施斛拌尸陀林，飽饜甘露齋
主，宜志心歸命，僧流當竭力奉行，有感必通，無
敬不遂，伏願佛垂慈愍，人得超升，玉毫相光照
十方，咸聽正法，金沙池花開四色，同往化生，壽
永天家恩霑沙界。

千人贈行疏

嘗聞朋友有通財之義今某人毘陵人也久
客居貧歆還鄉而不可得敢請諸君子伏養
以贐其行真美事也

聽馮驩彈鋏之歌不勝感慨覽王粲登樓之賦
志甚懷歸事有難言理宜代述切見某鄧侯華
冑毘陵宦家二十年海內兵戈遭逢塗炭五千
卷胷中文字收斂光芒故園之采菊都荒算景
之素榆不暖但空載滿船明月豈能乘兩腋清
風惟諸公曰餽贐焉則此老營菟裘矣腰纏十
萬貫便可比揚州之行負郭二頃田更何用蘇
秦之印毋嫌饒舌特為點頭

代曹仲鉉募親舊作隱居疏

白髮三千丈悵然咏謫仙之詩行窩十二家徒
爾慕堯夫之樂借巢鳩拙統樹鳥飛屋茅席卷
於秋風衾鉄寒添於夜雨歆新構作菟裘之計
必故人贈草堂之資徑之營之完矣美矣潞城
風景幸春回兵革之餘劍井虹光看日射軒窓

之外旣蒙有自感戴奚忘

道家受生會疏

大功不宰巍，乎上帝難名小道不觀碌，乎
下民有報蓋豺獺不忘其報本即潢汗可薦其
誠芳名請日下先題勝會在天中令節惟白
水真人辦力有玄都道士通靈水到渠成山鳴
谷應天一地二天三地四要之同受於初生人
一已百人十已千宜尔力行于斯道

黃崔庵居疏

飡五粒松前度看菜田變海縣一壺藥今番結
茅屋居山要得如清溪道士之家必蒙助白水
真人之力旣蒙有造脩養奚難遠香烟崔聽珠
經山鳴谷應養神丹龍蟠金鼎地久天長

辨惑編鈹板疏

左賦初傳洛陽紙頓增多價白詩可易雞林賈
猶用一金矧端人正士之立言皆至聖大賢之
遺訓人能弘道德必有隣切見龜巢老人行年
彌高信道愈篤文字五千卷筆前言為辨惑之

編辛艱三十年絃古調待知音之聽固緝補其
舊矣宜鉸梓以廣之登山采玉入海求珠所寶
無暗投之歎製芟為衣紉蘭為佩相成俱化之
功瓊重斯文咄嗟可辨

奔牛壩南重建井亭疏

古堰橫奔牛高下分河中之水碾渦深沒馬傍
邊宜井上之亭中書君但請揮金公翰子便能
求木畫檐飛起接金臺藹之雲烟素縵未趨
波琅甃冷之冰雪願言多助立見落成

沈子英以先駘毀於兵重葺木主作佛事
追薦疏

七十二疑塚求全難救於昔人千有億化身超
度祇憑於我佛投誠三寶進悼隻親伏念某顯
考某官顯妣某氏歿有後先恩皆深重北邙埋
骨不期毀馬鬣之封西郭招魂復用卜牛眠之
地附卯君而安厝題神主以珍歲情極哀傷事
從權爰爰命緇衣之侶共陳素供之儀鳴佛樂
於法筵宣梵音於教典聚功德海及尸陀林伏

願佛日照臨人天感格九品蓮臺之極樂父母
超昇一杯莎土之無虞兒孫祭掃天長地久存
順沒寧

方外交疏賀行敏中住永慶寺

塵生東海八荒宇宙重開石爛南山一壑烟霞
猶在欲起廢而還舊觀須作興以布新條水到
渠成山鳴谷應某人深悟單提之旨旁通百氏
之書石麟角前膠續絃從禪月道場得來三昧
秋兔毫囊雖脫穎有滌天穀價震動諸方道之
行與時則可矣折松枝升座說法種蓮華結社
招賢且自怡隴上之雲將突見眼前之屋置草
堂宿土室今吾似少陵先生留玉帶鎮山門何
代無東坡居士燕賀有喜鷗盟弗渝座

忠祐廟脩造疏

竊稱八絕數百年人傑地靈廟食一方二十載
灰飛烟滅欲舉手作長廊廣殿向知音說流水
高山老我雀歸良工鳩集惟長者秉如神之筆
能慨然助使鬼之錢經之營之完矣美矣丹青

遺像若生存大業之初恢拓如規將復見靈光
之舊福滯衆信壽祝九重

諸山請偕長老住報恩寺疏

金園祇樹胡少師原是恩檀玉筵菖蒲蘇長公
曾留詞藻雖往事盡成隳廢惟得人乃可作興
某人學有淵源教溢湖海大力量能勝重任諸
行輩或稱老成松月堂前吹布毛於禪衲錢塘
江上揮塵尾於法筵斷絃琴未續朱絲無孔笛
別成清調如斯出手方謂作家岸為谷、為陵

更看歷僧祇之劫士希賢、希聖會當傳佛祖
之燈隣壁光輝宗門焜耀

三山湖重建木橋疏

踏蘆渡水莫言他物外通神伐木為橋且作此
目前方便故址在兩汀烟渚良工運月斧風斤
要得速成必須多助彷彿填河之烏鵲稀跨海
之虹蜺三山湖岐路縱橫人無病涉駟馬車諸
公絡繹自可留題濟衆云功垂名不朽

重建排墓橋疏

斷橋人不渡如弱水以隔蓬萊小徑曲通村柰
荒野而披榛棘溪分魚尾路繞羊腸必飛梁重
壓烟波則大道直趨城郭金錡一揮於長者斧
斤群集而成之浮杯僧不用驚鷗題柱客儘堪
乘駟沒天上填河霸鵲毋聽謠傳躡空中跨水
長虹佇看高步咄嗟事辨讚嘆福生

遠塵居疏 為善慶堂作

塵數河沙未盡僧祇之劫遠離塵垢詎忘吳佛
之言一把茅得_得以蓋頭三條篾儘堪縛腹道須
多助室乃苟完離舊隱稍入深居近新洋最為
佳境展開一坐具地截斷諸塵勞門寒山帚不
用掃除明鏡臺毋勞拂拭招白雲為伴侶更無
心出岩岫之間對玉峯作畫圖其妙趣在丹青
之外以安隱想入清淨觀

陵口慈院化脩造疏

扶起法幢據一帶江山之陵口飛來禪錫憇十
方雲水之路頭剪荆棘重作叢林掃埃燼仍為
寶地數年不輒百廢俱興今將捲屋上之茅從

新覆瓦更合剡堦前之草依舊磨磚搆層軒奉
七佛之師望北闕祝一人之壽小苾芻向前料
理大檀那直下承當種々莊嚴綿々接續使工
師求木聚良材以待匠石之需為長者折枝脩
因果而有福田之報惟金尔諾斯玉其成

方外交疏賀蘭楚芳住法濟寺

以大法濟世而出接跡前脩如小山招隱而未
增輝同列布金園雖云廢毀硬鍊漢斯可承當
某人學有淵源名揚湖海虎阜藹勝雲之氣在
昔與教藏通靈蛟溪響流水之聲至今效分座
說法道將行矣人皆仰之西排灣重見珠林東
印土俱成寶地陶彭澤入遠公社更不勞沽酒
見招韓昌黎聽穎師琴自肯為賦詩相贈忘形
緇素同志清高

塔寺疏

青山門匝地荆榛化城安在紅塔寺倚天樓閣
勝地重開雖苾芻卓錫而徑營必檀越布金而
成就掃除瓦礫整頓林泉壘七級之浮圖復還

舊觀成一區之蘭若永守清規報施主恩祝聖人壽

設冥道場榜

金仙慈愍開八萬四千方便之門寶公科儀指一十二數超升之路既殷勤而脩設宜次第以宣揚燃解脫香秉光明燭緇流星集幡影雲揚專追悼於一靈敬皈依于三寶禮菩薩諸天聖衆召阿鼻拾府冥主法雷鳴鐃鼓之音甘露洒盤盂之供經演三乘妙法懺除累世愆尤燃藥師燈破諸罔暗施伽陀食濟衆饑虛散五彩之憐花解多生之冤結爾齋主必加精恪無願不從我清衆各盡虔恭有感斯應伏願佛光普照法理圓融成就功德山筭比恒沙之喻脫離生死海亡靈得淨土之遊

作佛事薦陳都事疏

名同仁字仲堃前常隨徑歷

念伯道之無兒誰承祭祀賴西方之有佛可異超升追悼同寅投誠大覺伏念某官儒林拔萃仕路蜚英五六年勞贊畫蘭陵卓然可敬四千

里赴承宣蓮幙遽尔云亡桐棺藪葬於大原木
主奉祠於精舍供陳蔬筍香蕪旃檀世尊於玉
毫相光釋子誦金剛般若集恒沙之功德為淨
土之粧嚴表我交情助公冥福伏願洋々如在
濯々厥霸柏子庭前聽法會西來祖意蓮華臺
上遊魂得上品化生

方外交疏賀澂太古住天寧寺

一天寧有內外之稱經權並用九雲夢無帶芥
之迹觸背俱亡惟麟膠可續斷絃侶烏獲能勝

重任道之行也人皆仰之某人前輩老成算提
正印早入宋照室得徑山骨髓而歸親承圓悟
宗聳秀峯頭角而出由々然寸絲不挂堂々乎
大器晚成坐蘭陵一茅道場納芥子大千沙界
蘇州有常州總成嘉話舊雨未今雨未皆与忘
情鍾鼓雷鳴衣冠雲集古調倡陽春白雪餘香
存晚節黃花韓昌黎海上留衣特出敬大顛之
意蘇子瞻山中解帶不妨向佛印之禪凡与鷗
盟永言為好

方外交疏賀聰聞極任天寧寺

毘陵稱劇郡天寧為第一禪林泗州留法衣風
化有許多因地舊網惟重新振舉大力量直下
承當湖海推賢山林增重某人堂、偉器藉、
英毅虎阜師承聞圓悟相傳之極致龍河法藏
得摩維未譯之先梵浮盃使日出之邦駐錫懋
春申之浦有毅画無聲詩等為遊戲橫說禪豎
說教儘自圓融踞此猊床香雲徠繞拈將塵拂
華而續紛石池種靈運之蓮山門對獨孤之檜
道則高矣美矣人皆見之仰之三千年黃河清
喜遭遇今朝之盛日十八賢匡廬社當繼承前
輩之高風凡我同盟順爾成德

薦亡女疏

女因產而亡

腹母裂腸於生育轉致冤愆象王慈眼於沉淪
能解脫皈依大覺教露微忱切念亡女某氏為
結子之花花一時飄墜視當塔之蕓英三載更
新欲撒靈帟知開法席梵唄演瑜伽教典慈恩
降向鼻獄人寶燈破冥路之昏斛食濟陀林之

餒罪如霜釋業比冰消拯漂溺以上慈航洗穢
濁而歸淨土伏願佛天覆燾慧日照臨大乘上
乘最上乘哀諸功德歆界色界無色界從此起
斗令

常州府天寧寺修造疏

娑婆世大千沙界注古耒今毘陵郡第一道場
殘山剩水大法幢要人扶起老禪衲領衆支撐
開甘露門持脩月斧佛有殿似靈光巋獨整
天龍衛從之威鍾有樓五鳳添脩免風雨震凌
之患新兩廡而鴈堂奕々廣丈室而狔座巍々
形勢依金城湯池周圍護銀山鉄壁興言多助
立見有成視銀杏為雙樹林數百尺鬱葱佳氣
接曇花從五竺國二千年矣葉餘芳

除服設醮薦亡疏

明發壞人恐沉淪於下土齋沐祀帝敢對越於
上蒼仰瞻威顏俛漑情悃伏願恩光普見旭
日於雲中魂氣超升御靈飈於天下
日之方中恩輝廣被天之所覆大德難名存陳

伉儷之情尚乞哀矜之賜伏願一誠天鑒幸獲
接於齋壇萬罪冰消獲早生于仙境

日之夕矣事亡如存天何言哉有感必應稽首
三瀆馳情九霄伏願黑籍除名竟飄然而遺世
丹梯飛步即從此以登僊

居喪踰古制之期緣嬰世務煉度伏高真之力
可濟幽靈仰籲洪鈞俯陳丹悃切念亡室某氏
生無妬忌能內助以成家備歷艱辛甫中年而
即世琴瑟之音固絕室家之意難亡命黃冠演

其科儀設清供同平禴祭敷宣道典歌詠步虛
諸孤除服以追哀十極降恩而超度伏願朝紫
金闕乘織女之雲車居白玉京勝嫦娥之月府
尚期遺澤益裕後昆

重建後餘橋疏

論靈鵲填河之事每笑謠傳假祖龍鞭石之神
何憂病涉睠此滿湖頭濶港寔為崔溪上要途
惟諸賢發鄭僑濟人之心則良工用媯氏補天
之手以舊石加諸土木看新冬成此津梁客有

馬長卿必為題昇仙之柱賢如鄭子產毋勞用
漆洧之車

太平興國寺脩塔造寺疏

毘陵郡諸山起廢幸此明時太平寺一塔竊存
依然壯觀風摧雨壞歲久月長戒壇與梵宇俱
已画水在圖經空載巍々乎七層巨構茫々然
百晦荒基扶天柱之傾宜先出手聽風鈴之語
會有知音雖卓錫之有人焉而布金必須長者
千年鉄柱骨看青蓮居士重礼冥僧半天拍闌
干待簡齋先生留題佳句聿成事勝求善修名

常州府送聰聞極住蘇州萬壽寺

一笑視齊雲舍利重現神主三遷至禪月道場
能繩祖武遽尔風吹別調本來雲出無心某人
見合真知聞皆極致是空是色出熙怡藍外之
青自本自根得妙喜骨中之髓進非躡等道在
力行猊床擁五色香雲塵拂洒六時花雨以淞
江太湖倒傾其法海於長洲茂苑振起其宗風
登東山登泰山道眼盖明於天下處北海處南

海交情何異於日前尚曰隣封毋忘舊好

常州府請中道立住天寧寺

乾毒發一花五葉之春
沤芳震旦天寧為四縣
諸山之冠填重毘陵
必須得前輩老成乃可為
後學師表切有請也
聞斯行之某人
有蘊皆空
無道不立山林下
工夫鎮密湖海間
報價淨磔
無準翁祖派傳來
得寧翁虎丘之親授
穹窿山
寶珠拈出陞景山
狻座以盛行連年
橫墊渡之
舟此日繫擔江之
楫平地把法幢
扶起獨圓隨
坐具展開白掇雷
鳴緇侶雲集金斗
城鳴抱關
之拆鍾鼓相聞
鉄門限待問話
之人衣冠聿至
佇篋三祝同寅一誠

普庵堂脩齋安奉德藏王靈位代蟄作

叢林鍾鼓道本貴於同脩
祠宇香燈義不忘於
前輩敢謂東山小宗之
從子仰於西方大覺之
慈悲惻愍具陳慈悲諦
聽切念故師伯藏主德
公早遵父訓過巨廬蓮
社之門繼得師承入靈
隱竹泉之室主名山一
大藏教典涉危途十餘

載兵戈常時若緘口無言凡事皆灰心不作雖
病業難逃於俗舍乃寂滅預知乎去期法已荼
毘礼宜蒲供安奉覺靈於舊隱宜揚科教於今
辰伏願成就菩提圓融般若六十五年娑婆世
界夢幻俱空百千萬億清淨法身光明普照

延福庵衆設法華道場保安疏

居安慮危愍衆生之煩惱扞災禦患賴諸佛之
慈悲俯述輿情仰干大覺切念某人等家居長
幼咸寄幻於兩間氣候燠寒或愆和於四体共
闡道場於延福同宣妙義於法華爐爇寶香藹
祥雲之繚繞花生銀燭增慧日之光輝伊蒲列
供於齋筵因果緣成於梵宇伏願佛天覆燾法
雨霑濡五運六氣之流行無灾無害七喻三周
之功德無運無邊凡在乎隣里鄉黨之間共享
此壽富康寧之福

延福庵脩造疏

脩月之斧數千世傳異事補天之石五色神立
奇功矧草創之禪林乃檀那之福地必加脩補

愈更作興或捨舊而圖新或衰多而益寡斧被
鋸被輪焉與焉上漏下滿處任在朽工東塗西
抹時先生髮飾孔方兄但能助力阿羅漢別當
現身非莊嚴是名莊嚴此福德勝前福德展兩
一坐具舉頭皆延福道場更上一層樓彈指見
華嚴境界願言金諾事悉玉成

常州天寧寺請性天之住山疏

金天地作瓦礫場空玉殿巋然突兀缺門限為
戈戟用僧伽衣久矣源靈必得人扶起法幢特

為我展開禪席執盂雲集鍾鼓雷鳴某人北山
三鷹早歲入曇翁之室西江一吸無人當馬祖
之鋒煮虛空煨折脚鐺談般若聚點頭石在處
香雲繚繞有時花雨繽紛時止時行了無罣礙
浙左浙右靡不依歸今菟裘將老之營而竿木
乃逢場之戲幸無多讓勇為此行吳山青越山
青柱杖挑白雲飛起常州有蘇州有湍舩載明
月歸來

延陵精舍疏 并序

昔司馬公諸君子在洛為邵克夫先生買宅
人到於今稱之今井濂江微君世居江陰與
延陵季子墓同里清風高節寔景慕之迺來
避地吳下擬欲築延陵精舍於淞江之上使
學者有所依歸吾黨之士宜相率以助其費
庶乎為克夫買宅之意也不揣僭言作成
幸甚

君子憂居不鄙九夷之陋英木可教常存三東
之心欲袷佩之游從宜齋廬之講習非助我者
孰能為之切見某人喬木故家飄蓬林壑書劍
客長州茂苑襟懷藹和氣春風五色筆之文章
家傳久矣十字碑之賢墓鄉念存焉築精舍笠
澤之濱揭故園延陵之扁既不忘于桑梓且樂
育於菁莪願言為長者折枝僉曰使工師求木
美輪美奐鼓瑟鼓琴試看荷蕢過門之後皆為
升堂入室之士青山在上流水在下馬公樂花
竹餘春先生如丘學舍如舟蘇子以齋鹽送老
亟圖燕賀永締鷗盟

呈長洲縣請修頌元公祠堂文

嘗謂古昔名賢合奉烝嘗之禮世俗淫祀豈容
混雜其間風化所關事宜改作切見晉散騎常
侍贈侍中驃騎將軍開府儀同三司頌元公相
門華裔文武全才當時與陸機陸雲並稱三俊
王導慕江南之望張華號南金之奇以樂道而
鼓琴能知人之錫炙乎六州之大亂成一代之
奇功其他勲業具載晉史祭典曰有功於民則
祀之若元公之賢理宜廟食今墓在長洲縣二
十九都皇天蕩南舊有祠堂為鄉里奉嘗之地
近被一等無知小民將本處廢廟中土地神像
移入本祠使夫嬾列坐玉石混淆惑亂觀聽於
理未應如蒙官為致祭撤去續添神像禁斷樵
牧整葺祠宇非惟尊先賢辨淫祀以明禮法且
能正人心厲風俗有補風化為此合行具呈

崑山州學講堂上梁文

設庠序學校之教於國中
人倫為重聞金石絲竹之音於堂上
聖道彌尊賴有人心上徑綸見

此屋眼前突兀恭惟知州相公理明聖學職守
神州念斯文重繫綱常知厥職寔兼師帥如文
翁化蜀多除弟子更繇似常衮治閩親與諸生
揖讓頷瞻鴉泮乃構鱣堂看接武布于上下之
間欲求仁得仁於講論之際先聖人洋洋如在
賢太守赫々厥教視鄭之不廢鄉校而過之比
魯公能脩泮宮而成矣齋廬俱備廊廡亦新駟
虞之德諸侯之風是皆本先王之教宗廟之美
百官之富喜共窺夫子之門爰舉脩梁敢陳善

頌

梁之東日出扶桑燿太空五色喜看祥瑞現
八荒都在照臨中

梁之西湖上青山玉笋齊千里風塵銅馬去
四郊春雨錦鳩啼

梁之南負郭人家瓦甍翬蚕共愛甘棠周召伯
重歌岐麥漢張堪

梁之北江水滔々歸海國人心亦自水朝宗
教教依然流九域

梁之上萬象森羅天蕩之日邊氛祲已全銷
天下太平今可望

梁之下州里絃歌總風雅三吳德化服淮夷
多士文章繼班馬

伏願上梁之後一人有慶萬邦咸寧舞干羽格
苗氏之頑大禹班師而勿用修文德未遠人之
服顯史近費以何憂化日舒長士風益盛

募朋友置十七史疏

農有菑畬可盡畊鋤之力儒無簡策曷資講習
之功借於人或謂為痴閱於市自亦可笑切見
某人螢窓苦學陋巷甘貧十七史歷代之書擬
求善本數千載古人之事又欲周知區區未遂
其心咄：不離於口割鷲股柰何無肉刮龜毛
安得成瓊雖君子存固窮之心在朋友有通財
之義多助寡助大書特書便令載米家之船管
取插鄴侯之架知之者好之者樂之者相與講
明歲之餘日之餘時之餘儘教披玩其為感佩
奚可弭忘

當時以中統鈔題助者趙師呂蕭昭卿王伯
祥王子芳王仲德各一百貫葛用中王若壽
道士鄧混然各五十貫初塵外蕭子璋金君
玉各二十五貫僧瑋玉林二十貫命甥女婿
周朋舉詣集慶路于託士友陳雲心買紙儒
學內印置共作四百六十冊所用裝演作料
二真等費計二百貫落泊齋歲貯諸史時至
元五年歲在己卯余在鳴鳳王氏家塾是書
至正丙申春日辟兵因寄藏金壇縣戶秀
峯家其子吾壻也

勸募刊思賢錄疏

代張希尹作

某伏觀故宋道鄉先生鄧忠公常郡名賢程門
傳道其一言一行皆可為天下法若龜山楊公
了齋陳公南軒張公晦菴朱文公丞相李忠定
公諸賢咸有贊述宋季及元郡守校官暨諸名
士嘗為表著祠墓之作散諸四方者不一龜巢
老人謝某裒輯成編名思賢錄凡若干卷然非
鈔梓以傳則忠公與諸賢之文辭將遂湮沒寧

不惜哉某比以楮版百片助之其鋟刻之資尚
有望於好事君子書成之日度諸學宮庶得以
貽永久也洪武十一年八月中秋日江陰張端

刊龜巢摘藁

代王尚綱作

嘗觀石鼓之詩閱二千餘年剝落未盡學者猶
可得而傳焉近代板刻頗乏類此今吳中黃宗
禮氏欲以龜巢謝先生之詩鏤版而傳之適以
事阻因循十年敢用告諸君與巢翁相知請為
協力以玉其成夫巢翁之詩多以忠孝節義形
於詠歌苟得刻木以廣其傳於世教豈小補哉



龜巢藁卷之十

國家圖書館, NATIONAL CENTRAL LIBRARY, TAIWAN, R.O.C.

龜巢藁卷之十一

書類

上奉使宣撫書

時為歲荒而述

某嘗觀孟子告鄒君之言曰凶年饒歲君之民老弱轉乎溝壑壯者散而之四方者幾千人矣而君之倉廩寔府庫充有司莫以告是上慢而殘下也夫鄒小國也孟子猶以是告之况堂堂天朝富有四海而倉廩府庫比之鄒君相去萬里奈何有司者遇凶荒之年而不思救荒之策



知出納之吝而不知時措之宜其殘慢又甚於孟子之說者責何可追耶伏惟大人奉

聖天子明命巡歷遐陬詢民疾苦其矜卹黎庶慈如父母糾正有司凜如風霜蓋能以

聖上之心為心惟恐一夫之不得其所耳然民之疾苦莫甚於饑今常州屬邑曰武進曰晉陵其境土與鎮江相連歲之凶荒實相侶也今兩縣之民皇：焉嗷：焉與鎮江之民何以異哉然彼則有仰給官廩之喜此則有餓死溝壑之

憂國家一視同仁初無彼此厚薄之殊特繫乎有司之能告與否耳嗟乎常之民自冬徂春訴饑郡邑僅嘗得羨倉之粟一二斗而已斯人也譬之久旱之苗微雨斯須豈能蘇息必待優渥霑足而後免乎枯槁耳當此之時青黃不接食草木之根者有之鬻子女而食者有之去父母離鄉井行乞道路者滔：也有司方且移文西敷寔籍有田之家計畝科粟以為賑卹之政其不不思之甚矣夫粟之為物必產於田歲凶則

田不收矣夫不收之田雖累巨萬粟何可得乎况頻年不登賦役重困產去稅存者十有八九一旦又加諸賦斂之毒其狼狽為何如哉徒使皂隸之徒家至戶到叫號之聲鷄犬弗寧是以有田者亦多為東西南北之人矣其詣有司者則拘之繫之鞭之朴之刮龜毛於箠楚之下割鷲股於挫辱之餘區區所得民不足贍假令能贍其民亦何異奪烏鳶之食與之螻蟻耶若是者某誠知大人君子之心必不忍為也忍令有司為之乎夫常之為郡大郡也官廩之蓄陳、相因又有附餘之粟存焉公帑之積綽、有餘又有贓罰之金在焉斯二者非國經費有司亦何靳而不以施諸民乎苟能以是施之亦可解倒懸之急况能如汲黯發河內之粟乎惟大人舉而行之上推

聖恩下副民望盛德之至然民疾苦豈止於斯如公田之重租宜減官鹽之高價宜輕田戶之酒課宜更都水之冗官宜汰冗如此類未易枚

舉獨以賑饑一事首瀆鈞聽蓋民之顛連命在朝夕非若他事可少緩也芻蕘之言倘蒙採擇餘者又當條具而悉陳之惟大人垂察焉區區干瀆崇巖不勝悚息

與王氏諸子書

諸君子居喪三年除服有日間欲命羽士設醮以助冥福所費計統鈔二百緡有奇以粟用之幾四百石是亦出乎孝敬之心循乎世俗之禮也然冥福之寔果何有哉以愚言之用三日醮

筵之費賑一鄉人戶之饑當此凶年使數百千人得舖其粟而免為溝中瘠者其歡欣贊頌奚止百倍於黃冠師之口哉若諸君更欲盡追遠之誠則祥禫之日豐潔致祭亦庶乎終喪之禮矣但今之世俗親歿之後凡言做好事者非佛氏之齋必老氏之醮二端之外餘無用情雖祭祀亦不為意蓋亦未之思也愚請引古證今以齋醮無足信者為諸公詳之佛氏以釋迦為師其書自漢以來流入中國初無設齋之說也至

梁武帝晏祈因果俾僧流為之厥後亡滅宗國
餓死臺城使設齋而有因果豈至是哉道家以
老君為師自周以來其書傳之天下亦無設醮
之說也至宋徽宗妄意求福令羽流為之未幾
傾危社稷流落金虜使設醮而能獲福決不至
於此矣二君昏迷不明物理信一時妖幻之言
為二氏衣食之計如此前代名賢當今豪傑卓
然有見而不惑者固多有之惟閭閻細民惑者
什九何足論哉諸君負聰明特達之才有深遠
宏闊之見平居高論迥出人表豈至是而論
胥於污陋之俗耶必能以理燭齋醮之妄以財
行賑卹之仁上下一心虔奉祭祀一以寓孝思
之意一以報罔極之恩上天鑒臨何福不至先
君有靈必含咲冥中矣余以忠告者朋友之義
也在交契不敢不忠惟諸君念之

論吳人不當祀范蠡書

授老異鄉如龜藏六未嘗敢輒造公卿大夫之
門為游說之客也今一造焉亦不敢如方朔自

譽毛遂自薦以求其用亦非有富國強兵之策
驚世駭俗之論以衒其能特以古人一事有闕
風化敢請為閣下陳之僕近過吳江嘗遊三高
祠顧瞻遺像覽前人記載金石之文見所謂三
高者曰范蠡曰張翰曰陸龜蒙謂其清風峻節
天下共高之邑人為東家丘而祀之僕於是竊
有感焉夫季膺魯望吳產者也吳之人慕為東
家丘是已鴟夷子皮始終事越間嘗以行成留
吳其心未嘗一日忘乎越也進美人納寶器以
惑吳之君臣乘虛進兵以滅吳之宗社大率皆
蠡之謀越人論功蠡居第一豈非吳之大仇乎
惟其功成名遂遯迹而去其識見高於常人然
浮海適齊則裝其輕寶珠玉以行在齊復營致
千金之產自齊之陶懷其重寶而去居陶而父
子畊畜轉物逐利又致累鉅萬之資僕嘗觀太
史公以是屢書不一書者蓋深鄙之非取之也
較諸子房辭漢脩然從赤松子遊相去萬々矣
又觀杜牧之詩蘇子瞻之詩皆謂蠡得西施以

申公夏姬為比由是而言謂其人為貪為穢亦不為過尚何清風高節之足慕乎今也以吳人馨香之黍稷享敵國貪穢之仇讐於理其可乎哉禮云民不祀非族况仇敵乎或曰有其舉之不可廢也僕應之曰吳有三高人特未之思耳若太伯仲雍延陵季子真可謂天下所共高者也凡為吳人苟非土木孰不高山景行之思雖欲止之而不能也惟當道君子徇名責寔改而易之實足稱三高之名雪千載之羞而厭服輿人之心矣然斯言也僕不往告之他人而特告於閣下者誠以閣下心正而理明學博而識高見義所在勇於有為凡於正人心厚風俗之事知無不行特此一端偶未之及僕所說必不以人廢言此僕所以發其久箝之口也惟閣下參秉鈞衡之暇稽諸祀典以理裁之以義決之為之改作奉三讓至德之聖人祠於堂上配以二賢仍以季膺魯望列之從祀如此則正前人之謬戾新斯民之耳目振高風崇禮讓激衰世薄

俗而勸之其於風化豈小補哉惟大人君子垂
察焉若謂蠡有功而祀之則越人祀之宜矣如
諸葛武侯之賢蜀人祀之吳魏亦未嘗有祠焉
斯理之公古今不殊繄明無間所謂質諸鬼神
而無疑者也第恐不知者以僕之言既不足以
謀身又不急於世用斥其迂闊而譏笑之僕於
心誠無愧焉古語云可與智者道雖与俗人言
所恃高明必蒙鑒察區區干冒崇嚴不勝悚息

代與李中丞書

某去年夏四月嘗奉狀附某官漕運之行不審
徹鈞覽否即日仲春伏惟鈞下神相多福某避
地吳下六年于茲顛沛流離困窮艱難萬狀遠
不能奔父喪於京師近不能塋母骨於鄉土兄
弟妻孥救死不贖故於父母殆若忘恩其實銜
哀茹痛朝斯夕斯未嘗頃刻忘於懷也若大人
之深恩厚德重如丘山亦未能伏謁門下效犬
馬之力以報其萬一幽明兩負度日如年惟大
人念先人之夙好憫遺孤之艱虞特賜哀憐不

加譴責為幸甚矣某擬今歲歸畊膠山剪荆棘
藝禾黍庶一稔而有宿春之糧即洒飲先人之
墓一負荆於大人之門也茲因吳縣尹詣前謹
奉此承候起居并述所所以趨趨負罪之故舍
弟某臨書羅拜悃不殊前下情無任悚懼感慕
之至伏惟鈞察

上盛教諭論土地書夫人書

常州路學教授盛克明以父廟先聖殿及門廡
等屋湫隘皆撤而新之廟前建文昌土地二祠
其土地舊多淫祀嘗詢之應芳悉皆除去但夫
人之像為或者所沮而存余盡力請毀之至書
再上教授乃白諸郡守賈侯然之像遂毀
自先生之教于常也講貫之暇繕脩廟學二三
年間百廢俱興某竊嘗與鄉之諸老論之皇元
置罷博士以來未有如先生用心之勤者也功
其懋哉功其懋哉特有細故一端尚宜改作敢
以狂瞽之言輒瀆清聽惟先生察之伏覩本學
重建地靈祠於儀門之外其神有無姑置勿論

使誠有之是豈不知廉恥者哉今肖像之設夫
嬭偶坐楚：手裙釵之飾盈：手朱粉之粧侍
從旁立男女襍處儼然坐聖人清廟之下能無
耻乎禮曰男子居外女子居內又曰女子出門
必擁蔽其面雖近世禮俗之敝亦未嘗無男女
之別也至如閭閻細民之家人或過之其妻猶
避嫌不出豈有身為神靈而為之配者不知內
外之分呈身露面眉按竝食以饗士大夫籩豆
之薦反不若閭閻匹嬭而能避嫌乎吁幽明雖
殊理則一致決無是理也明矣比嘗吾先生以
此為細微之故不欲矯世違俗而姑從衆也與
先生之心固然矣但學校者風化所出之地凡
有作為人所矜式愚恐四方來觀將謂禮或宜
然轉相倣效而卒莫知其非矣又恐禮法之士
從而議之又安知先生初見之明如彼其後從
衆之意如此耶此愚所以不避譴責僭伸尺喙
以罄其芻蕘之誠惟先生以理揆之勇為撤去
非惟雲神羞明禮教不淪胥習俗之謬抑亦可

見先生之不，以人廢言矣。抑愚又有說焉。夫地之靈者，莫靈於賢者也。若吳季子張文靖、胡文恭、鄒忠公諸賢，正毘陵土產之英靈，學有舊祠，庫隘弗稱，即於此祠而奉之，不勝天無名氏之鬼乎？程子曰：「除神廟而民為善，斯言也。」雖質諸聖人在天之靈，亦何疑哉？夫如是，而或獲戾於鬼神者，凡有殃咎，宜加於某之身，無悔區。借越惟先生之

又上盛教授書

某比見地靈祠設夫婦之像，恐未合禮。切嘗冒昧有言，欲裨明見。庶乎他山之石，耳或有誚予者曰：「恠神之事，聖人不語，非不語也。蓋不易語諸人也。夫地靈之神，其配偶有無，未易窺測。若果無之，則儒先君子必嘗論說。今吾子以一介之微言，雖屢中，又安足取信於人也哉？僕葺之既謝，不敏退而考諸五峯胡先生之論南嶽曰：「世俗為貌廟，置男女屋而貯之，衰瀆之甚。厥後北溪陳先生之從而釋之曰：『自聖學不明，鬼

神情狀都不能曉如泰山封帝儼然人形垂旒
端冕且立后殿於其後不知又是何山配之為
嬪也然則土地之于山嶽類也像貌之設已為
不經况復加之配偶乎惟先生撤而去之以祛
衆惑其有未喻者乞以前二公大儒之言曉之
其誰曰不然况當今天下之所通祀者曰三皇
曰孔子曰社稷或廟貌焉或壇壝焉皆未嘗有
匹偶之設何物他靈而獨有之乎愚也稽之古
訓已如彼參之祀典又如此反覆思繹決無是
理不晚再用塵瀆以殫其千慮一得之愚惟先
生垂察焉

干周侍御作頌元公祠堂碑書

某毘陵鄙人也逃難異鄉百事踈懶惟好古之
念根於其心老而彌篤遇有感觸奮然欲為力
雖不足亦必假手於人卒於成而後已今有一
事復因人 諸輒敢具述顛末為閣下陳之某
僑居葑門適與頌元公之墓相近地方五六里
俗稱頌榮墓是以知之既知之數往弔之而問

焉夫元公晉之名臣也其勲業家世詳見史編
元帝大興二年十一月十七日卒于官延今凡
一千五十餘載碑表文雖失丘壠尚存土人以
其地如鳳形名鳳凰嶺前有二墩峙立左右麓
祠一區為鄉里奉嘗之地其來遠矣近有無知
之民舛置土地神塑像數輩列坐其中其荒謬
淫褻有不勝誅者以某一介之微莫能改作是
用言諸長洲縣令周君：博雅而文方其視政
之初力行古道故葺而喜之遂与某等展墓且
詣祠奠謁屬某為文告之曰何物地靈混此室
處既而令方議斥去淫祀整葺祠宇邑人張寔
乃樂成賢令之志輸財效力惟命是從巧人梓
工竝手交作瓦甍之毀者易之棟宇之朽者新
之像設供具門垣墓表靡不完好二墩則各植
梧桐二株名雙梧墩蓋張華嘗稱公為朝陽之
鳳及墓名鳳嶺故也月餘畢功令復躬祭祠下
醴牲有碑宜勒文以發昔賢之幽光而周令亦
牽聯得書然必求大手筆為之斯不朽矣惟閣

下碩德令望為令儒宗典雅之文追古者若篆
隸之妙則雖秦丞相漢中郎竝駕而驅吾不知
孰先而孰後也兵革以來諸老凋謝所謂斗南
一人而已惟閣下追念前脩賜之述作并為揮
洒使刻之堅珉則詞翰兩絕焜耀丘壠將見士
大夫爭先摹寫以廣其傳則元公之勲業聞望
益著於青史之外矣某又考諸南史晉武帝立
碑表著於令甲至元帝時驃騎府主簿故恩墓
舊君頌榮請為立碑詔特從之然則今閣下之
文繼美千載可謂無愧焉耳如區區龜巢在往
歲猶蒙黼黻矧斯文之傳有補風化閣下豈不
樂其美耶某不揣僭越拜書閣下意閣下之必
不却也輕瀆崇嚴不勝悚息

上王總管正風倍書

嘗聞豐山之鍾霜降而鳴說者謂氣之相感理
或然也今某一介草莽覩吳下風俗之壞扼腕
切齒不忍隱默敢請為閣下陳之蓋以閣下得
天地之正氣養之於身施於政事區區狂直感

而有聲猶豐山之鍾也惟閣下發號施令行諸郡邑必能誅鉏滯穢一洗汚俗振其氣之餘烈是氣也在天則為風為霆為秋霜烈日在地則為草而指佞犬而咋姦豸而觸邪歐陽子所謂天地之養氣而孟子所謂浩然者也夫以閣下之清非秋霜乎其明非烈日乎政教號令非雷厲而風飛乎如某者氣稟犷直疾惡如仇蓋亦似乎指佞之草咋姦之犬觸邪之豸也吁昔孫奩教殺兩頭蛇而陰德之報位至楚相自世俗觀之教之殺蛇損物命也殊不知除一物而免衆人之害德莫大者也今日之事正類此物故復舉此以破世俗之惑整其一得之愚惟閣下察之

賀丁州判到任書

某客居江潯帶經而鋤一日鄉之父老過余曰兩年吾州以州長之民用復業今又復得賢州佐共仁其民必能盡除煩苛使田里無歎恨之聲矣余居此飲婁江之水是亦婁江之人也

可不喜乎可不賀乎余曰倅方下車曷知其賢
曰吾鄰之居家能敬其親居官則敬其同僚遇
武士則敬武士則敬緇衣黃冠醫藥卜筮之屬
咸禮貌之微而皂隸亦善遇之又歲而蚤之
民伏庭下訟曲直者亦謹以三尺之法裁之未
嘗厲其聲怒其色也是皆敬之存於中形於外
如此非賢而能之乎時甚樂聳其說因默念先
民之言謂能教必有德以治民而民必被其
澤矣既而入州以父老之言詢諸文武醫卜緇
黃之間無間然者至於縉紳月旦之評道路輿
人之頌比前所聳者尤加詳焉是誠可喜而可
賀也然則一州之人今被其澤固當為一州之
賀乎而上之澤及一郡則又當為一郡之賀又
乎而上之歷臺閣羽儀天朝可為斯民之賀
者未艾也惟一念之敬始而終之君子慎焉

與陳翰林子山書

某丙申冬逃難吳門逢人問閣下出處頗嘗為
浙東路難之憂後二年聳居翰苑深用為喜近

於唐彥博處又喜知爵位之崇道德文章之盛
每誦一代不數人百年幾見之詩馳慕而已某
離鄉六年備歷艱險年今六十百無所成獨與
兒輩固窮嘗共其故步也比來目昏耳聾髯白
如雪惟髮尚有黑者則其狀全類社公可咲可
笑鄉人多無唯類而某一家數口幸而無恙父
子筆耕粗免溝壑特未知將來如何耳茲因胡
宰行謹此問訊即日秋高伏惟善加保愛亟秉
鈞衡以福天下

上周參政正風俗書

某毘陵賤士也曩歲以避兵來吳閣下時為郡
主有所控訴俱蒙接納由是知閣下為能聽言
為能下士常懷野人芹曝之獻而未能也今閣
下參秉鈞衡為國柱石以斯世斯民為己任吳
人賴之若子之有慈母風雨之有夏屋別妍媸
而有鏡較輕重長短而有權度也况閣下不自
有其明下士之勤吐握不倦聽言之功詢及芻
蕘某雖老無能為視舌尚在豈終無一言以效

其曝乎然國家之事錢穀甲兵則既有人籌之
矣講求法制亦有人矣薦賢舉能又有人矣特
吳中風俗壞於浮屠氏之不肖者魯無以及之
某敢請為閣下直述之夫舅嬖有別然後父子
親父子親然後義生義生然後禮作禮作然後
萬物安無別無義禽獸之道故禮謹大昏詩首
關雎易著咸恒書稱肇降聖人慮天下後世深
矣彼佛之為教雖有異公然以淫為戒亦甚至
切但今之浮屠玉石混淆所謂不肖者乃僧中
之羅刹佛氏之罪人無別無義之禽獸也某處
某寺之徒未易枚舉姑以目前言之某以堂々
佳持之稱樓墻而妻三為雖繼室索中之妾駢
集方丈行窩旁觀因往々唾斥怒罵但未有言
於官者耳全衣不敢言之教門之鄉里不敢言
々之恐其怨害也上司懸隔而不葺州縣置之
而不問是以恣其荒淫了無忌憚遠近效尤淫
風大行良家子女蘭鮑俱化甚可惜也愚惟狂
直不忍喑默然某本異鄉之人區々借言殆猶

西家之犬吠東隣之盜使其主因吠而驚且能使家衆捕之亦庶乎救其所失不然則犬為徒吠且徒取憎于盜耳今閣下當路於吳非斯民之主乎有司非家衆乎治其人使返其尤物而風俗還淳非尚能救其失乎以閣下之明必不使某為徒吠之犬而徒取盜者之憎也惟閣下察之或疑浮屠氏不肖者多莫能盡治是大不然君子之德風也小人之德草也風行草偃如響斯應有不待家至而戶到也昔明道程先生言於朝曰治天下以正風俗為本然則區區所陳不為細故惟閣下採擇賜之施行非言之幸斯道斯民之大幸也

與劉旭齋書

某三復誌文皆達生委命之意不珣不斷之辭深用敬服謹依命微潤飾之但迂莖二親不宜說以便省掃亦不宜混風水之說也啟敢而迂庶合古制所謂以家學授受而姪子青領鄉薦乃家庭盛事宜特書之至如流寓崑山亦紀實

也若孫某必書在某處不然則有其人而不知
所在是闕文也以術數二字場相者之言則虛
中之說前後相應又見公精於虛中一家之書
而免議者有多惑之誚所需挽詩未能措手題
小像教語方爾腹稿續當納上若夫戒酒一節
未諭高見古人居喪不得飲酒食肉然必曰五
十以上血氣既衰須酒月扶養者則不必然
是則酒肉乃老者之不可無也今年將八秩正宜
以詩酒自娛盡其天年死無所憾戒而不飲非
惑於罪福乎若以戒酒為盛德事勉而為之則
古之聖賢皆久此一德不然何老癡如是耶望
不以人廢言亟請呼麴生以永朝夕重九日僕
當折菊一枝携酒一壺并作活祭文詣前為公
洗胸中凝滯也

與孝章殷君書

相去纔一舍地不面動經半載可勝馳情比聞
足下以名後而往如玉抵鵲深用慨歎既而知
有傭力者代之得不廢種學績文之業又深為

之喜也某嘗謂士生斯世固樂於得時行道然
有命焉非力可致當此之時苟能有一畝之宮
可以栖息賣金買書教子共讀客至沽酒劇談
古今真樂事也左近朋友惟足下洎子英袁君
公振馬君明南執中二趙君有之幸足下以
細故少沮而遽改其樂焉某於二十年前固嘗
樂於此矣今茲窮途不復可得家累百六十指
借屋而居仲春以來風雨連月顏檐敗壁征薪
破窻視累輩若有不豫色者某賴有陶詩一編
可以自娛且時與樵歌漁謳更唱迭和乃釋然
無纖芥之累於胸中也諸友會間煩以前所陳
者告之使樂其樂旭齋劉先生無諸君子之樂
者則以漁樵倡和選之亦必樂余之樂矣僧廬
十絕先乞示教

上何太守書

僕本毘陵人也寄跡吳下于茲有年竊聞賢府
侯以清靜治民廉明之教洋溢千里凡民得以
安集於二天之下者為幸多矣僕雖窮居一室

從事筆耕然日與田夫野老為伍而共休戚焉
比者欽奉綸音大赦天下寔恩汪濊物無不沾
而斯民之幸尤多詔曰罷敝之民何以紓之又
曰民有不便有司舉之觀此足以見聖天子憂
念斯民之心如此其切托付有司之意又如此
其重也由是田疇之民歡忻鼓舞意謂痛入骨
髓今又有增科水脚之患焉譬如久病之人舊
疾未愈新病復增實何可當哉柰何里胥催徵
急於星火飛芻挽粟夤夜不停搢、無吐氣暇
雖欲赴訴於甘棠之下不可得已况能訴諸輦
轂之下乎如某者以筆代耕田無寸土於官賦
重輕本無干預然斯民困苦之狀日慘於目嗟
怨之聲日刺于耳誠有所不忍者况葦賢府侯
吐握下士子愛庶民故輒敢以芻蕘之言上達
台聽是猶豐山之鍾霜降而自鳴楚人之芹愛
君而持獻也一誠如此餘無覬覦惟大人君子
上以體

聖天子矜卹之意下以察疲民疾苦之情鑒僕

愚誠恕其僭越特蒙採擇賜之施行使困苦之民得以蘇息愁歎之聲化為謳謠將見太史氏以循良之政登載簡冊而僕亦當作襦袴之謠與田夫犖老歌詠於郊野間矣

呈府侯書

嘗謂國家更化務從寬大以安民州縣承行貴在申明而無弊事既有乖理宜陳說見奉詔書內一欵節該民間凡有不便事理該載不盡者有司明白申舉事輕者中書省即與施行重者

集議聞奏欽奉如此切見崑山州歲辦秋糧八十餘萬石舊年本州遵奉上司所行每糧一石起科水脚米一斗各保人戶赴京納糧其所用水脚俱係自行出備當時有司失於申明上司優免開除蕪之張氏以來比於前元多增糧額民以窮困輸官不敷今加水脚其數益厚不能辦納致令催糧里長人等破家蕩產累遭杖責監繫囹圄受罪數月逃亡縊溺者不知其數直至今年八月欽遇赦恩纔方釋免切詳上司允

行每糧一石科米一斗既是明白水脚蓋以人
戶赴京送納遠涉江湖艱難重費以此糧米為
稍水船脚之用其理顯然上年官司所收不見
如何用度即係重復于民未經定奪開除况今
洪武元年見奉上司明文起科舡料令佃戶自
辦人舡脚力送納官糧又每石收銅錢五十文
及以官糧二百五十石起科水夫一名赴京畿
漕運司應後上項元科水脚糧米有司一槩征
收使民不支給官無用度非上司元行之意人
民受害下情不能上達良可哀憫若不建言尤
慮今歲秋糧必到似前拖欠負累官府人戶逃
亡不無荒廢田業閥繫非輕其他州縣事亦一
體如蒙來覽備申上司詳議為民除免甚副
聖天子憂卹之斯民之美意公道幸甚蒼生幸
甚

與孫彥民書

伏覽題頌元公祠堂詩語皆事實且以辯斥淫
祠表而出之非苟作也筆之懷古錄中歎賞未

已忽州人抄示礼部荷文行乎有司禁止淫祠
且令取勘忠臣烈士之属載諸祀典皆奉制集
議而行寔為聖朝更化之盛舉忠如元公真宜
廟食第恐里社之人不知東家丘之可敬不為
申報良可惜也望先生借重一言詢諸郡邑必
合於祀典載之有司歲時之祭將自茲始庶不
負朝家之美意又恐革命以來巫覡之淫復以
妖象混淆扇惑愚俗軍民樵採或不知禁更乞
上陳督府旁及颍縣請給榜文嚴加禁約尤見
先生之仗義也元公在天之靈蓋昭々耳某本
合親奉周旋適病齒痛劇其頭涿々寒食不可
以風故弗能前然視舌尚在且有知己者可與
之言故不自忘僭越而縷也惟先生不辭緩
頰之勞特賜發揚公道幸甚元公本傳就用緘
去拙詩奉懷別楮呈侶一笑熱

慰頌國衡喪父書

暮春承令先君書首叙別懷次言羈况驚虞憂
患靡不詳悉所喜舊疾新愈惟手顫未能作字

又曰顛定更寫詩寄去也時予以來人便回即
口占一律用代荅簡豈意五月六日遽聞捐館
初疑謬傳未以為信又細詢之果爾大故不覺
老泪之濕衣袂也區區友朋猶此慘怛况為之
子若孫者其鉅痛為何如哉然孝子之志宜以
後事為急顯親務如刻銘紀德瘞骨山及
以遺稿可傳世者鏤板而傳之如此則先君子
之止猶未已也僕以衰老弗克蒲伏往吊切見
張司業以詩祭韓吏部勉效一篇以陳薄奠因
敢僭越相告如前所云諸季洎令子諒惟孝心
所同各冀節哀順修力遺事以盡孝思之情
臨書悽楚至禱不宣

與陳彥直書

古人有言曰瓜田不納履李下不整冠蓋嫌疑
之地不可不慎衆口鑠金不可不畏今執事欲
以臨濠倉屋就宅上為之意在招致同役鳩集
梓工朝夕相與規措監督而成就之至如供給
飲食收拾物料亦得以驅馳臧獲輿隸之人為

之效力此固忠厚子之用心視公家之事如家事也然以嫌疑論之則類乎整李下之冠納爪田之履知幾君子可不避乎數日以未事未作而行道之人已有萋斐之况他日乎吾嘗詢諸執事之骨肉至親及宗族姻眷朋友相知者皆曰誠有可嫌疑者如前所云但恐拂執事之意不敢直言不敢強諫退而論之謂猶可更張造作之地如鄒墟陳渡橋苒處鄰鄉接境密迩今役執事領袖於彼使佐貳者各任其責工匠者各展其力凡一切所用錢物公同出納明白簿書如此則不根之言無自而生矣或於公務之隙歸理家政亦何不可斯言也雖出自衆人之言寔合乎老夫之心是用筆之荀贖以告執事蓋亦恃以平昔相愛相敬而以忠告朋友之義如此執事勿謂潔已奉公無可為其謗者昔周公聖人也而有四國流言樂子賢士也而有盈篋謗書况今俗薄其疾妬怨憎搖唇鼓舌者所在而成群一旦妄生謗讟譁譁然而蜂起執事

將何術以止之耶苟無術以止之則其患有不可勝言者可不慮哉可不慮哉易曰君子作事謀始又曰君子見幾而作不待終日始而不謀見幾而不作後雖噬臍恐無及矣區、僭言切希恕譽

與許鈞善書

春初承諸名勝惠詩益以社樛無用之材或能致壽而忘其蒲柳之秋也知感知感自是音問曠絕不審動心何似可勝懷仰區、徒居橫山日與楚翁溪友班荆坐談或泥飲繫缶更相唱和以為娛樂餘無可言者數日前久雨而晴出門野望欣然見百穀稔熟遙想吳淞江上西沃壤秋風擺極黃雲滿目真可謂先生賀吾免森得舅氏新田四五畝耕以執耒度其所收亦可釀酒作粬粉以充其親之老饕若先生之家豈不十倍於此倍十之喜亦可知矣千墩諸故人煩問訊并致豐年之賀臨書馳系

與袁子英書

比者周履常來承手誨具審起居安吉諸公多
星散所喜孝伯教諭遠回及有提舉俞先生寓
同里閉朝夕相與講明古道或倡和時以為樂
而某違距幾三百里恨無縮地行術可以同其
樂也如景仰何如景仰何曩嘗欲著書以究事
學之蘊其他述作必更有之示教一二可乎吾
儕道全志合雖各處一方苟能於文字間以古
道勗率交相責善視連屋不相往來与夫往而
幾可語者遠勝之矣俞先生未嘗參拜莫敢以
此情告公及秦陸盧殷熊迥諸契家念僕舊交
勿棄老繆幸賜警策則區區未死以前皆以可
與聳古道之日也某目雖昏尚可以強觀大字
書耳雖聾亦可以聽人高聲語但健忘絕不能
記或欲作一詩閱數日而不能成既成而援筆
欲寫又為茫然嗜學之意寔未厭也惟諸公念
之春晚寒暖不常切冀為斯文慎重

與京口俞伯鎮書

比小兒去丹陽倉卒附舟不及書問及歸乃言

嘗至瓮城以塵容倍狀羞去謁見即日仲秋計
惟天相斯文動止迪吉朝夕游後或山歌楚唱
以適其適餘無可与故人道者西望長江馳慕
而已公居泮宮必多著述不鄙老繆尚希有以
見教近葺丹徒令君死塋魚腹蔚有政教區々
恨不得其姓名事寔之詳筆諸楚史敢煩高弟
錄示可乎本官遺文暨諸大手筆之所記載尤
望示警吁喧啾百鳥中忽見孤鳳鳴識与不識
皆樂為之一聞耳未由會晤更冀珍重

荅熊玄脩書

頃辱賜詩及書其詩所以開釋老懷者多矣書
辭詳悉如聆面言然皆辱追理清事非世俗寒
暄之問而已蒙所跋雷震事言簡理明珠有警
策辯惑編未到書府不知陸沉何地矣今再用
一冊與鷗盟文送上此文命題蓋子虛烏有類
也繆悠之談苟合雅意使老夫亦得掛名鷗社
中不亦可乎愚見以間叟易野叟之號名寔相
稱且人皆得以稱道耳比聞寓舍有鬱攸兩畚

之厄而卽困且為萬里之行懷抱欠佳然君子
處困亨乃為曠達况有令小卽幹父之蠱朝夕
侍側足以為娛此意此言惟先生然之如某者
自去秋為凶人排陷嘗繼以重疾人皆危之賴
天之靈復延殘喘由夏而秋村居放適數日患
痢自謂必死僥倖又不藥而愈亟命兒輩執筆
口授答諸公春首之書及盡償隔年詩債先生
聞之必為我一大暖也

與姪僧德藏主書

汝七八歲時父母鍾愛因汝父好佛欲令汝為
僧身雖在家已僧其首教汝讀論孟即兼佛書
垂及成童遽命從釋汝母泣而從之時優曇師
為汝祝髮授以五戒及汝侍靈隱竹泉師法席
果若之費罄汝衣鉢汝父且竭力繼之蓋望汝
為釋門偉器至如成佛作祖說法度人皆汝父
所望也不幸汝母先卽世父亦客死于兵俱不
能見汝特達可不念哉可不念哉今汝汨沒困
時之使然兵鋒數年竟不復點檢其身奮厲其

志賢，焉甘於闡茸豈絕然不記憶汝父之言
耶近聳去金陵謁西域高年之僧受戒而回吾
謂此行在庸人則為可喜在汝則為可咲蓋庸
人昧理有不知殺盜淫妄之非或酗於酒一旦
受此五戒遵而行之妄惡為善是可嘉也汝自
幼為兩名師弟子豈不曾授汝之戒乎抑西來
之僧不以瞿曇為宗而別有所戒乎不然則往
年之戒即今日之戒受而不持徒爾僕：是可
笑也吾嘗見佛書說父母劬勞四恩之一也凡
學佛者在所當報不知胡老僧曾語及否吾聞
汝於二親烝嘗及俗禮掃墓等事皆不為之其
心必曰古禪老有言一子出家九族生天是為
大孝惟恐未能盡出家之道不能度九族之人
負乃劬勞為人訕咲以為豺狼之不如於心安
乎余近者一病幾死日來稍愈恐旦夕溘先朝
露則斯言無復有人告汝故扶憊援筆布露肝
膽慎勿諱疾而忘鑿躅前覆轍父母所生二子
汝兄蚤喪惟汝獨存春秋祭祀奚忍從汝而絕

耶侶續之計老不可為若釋門祠奉之禮汝志
可為否則奉春秋祭掃隨倍禮以終身其亦庶
不忘罔極之報云耳若夫脩行佛道非吾之所
想亦當先務點檢其身奮厲其志持守戒律由
粗入精水到渠成何所不至誠能如是乃不負
汝父平昔之願也汝其勉之汝其勉之予生業
儒故不事佛使其為僧則衣佛之衣學佛之學
凡與汝所言者汝當力行幸勿謂言耄而忽之
也

與蘇性可書

中秋前一日淫雨喜晴晨起坐瓦牖下焚香尾
鼎三復魏公百韻詩追念令先君面諭之言雖
隔一宇宙猶昨日也感慨之餘書數語卷末謹
用納上以令觀之前輩如瞻翁先生得正大之
學卓然不為異端紊惑者蓋鮮矣幸而象賢有
子又薦生磊落振拔之孫及有姻眷如伯遠元
者相與矗立交相勉厲視百家妖妄邪誕之說
如鴝鵒夜鳴唾罵斥逐不一動其心此僕所以

愛之敬之以三俊為忘年交也數日來抱疾待斃百無掛牽但恐兒輩於共怙之後為鄉俗所移或違治命吾死之日三君子有能為中流砥柱者乎伯遠洎令嗣偉正同此致意頽憊不克親書必蒙照答

與蘇州吳趙二心友書

今春曹德升去嘗致書二妙隨得報章知中行避地海濱蓋亦離群而索居也時老夫臨憂患中聞之為之悵然荷執中垂念不遠三百里欲賜見訪此情豈泛愛者可今日語哉某二三年來父子遭迍有不忍與故舊言者前年秋某為縣學訓導冒嫉者以擅自離役訟之愛答五十斤為編氓去年暮冬忽分憲於案牘求在府司官曹俱被罪責而未復加五十五杖發鳳陽屯種時某以卧病不能為之教訴痛苦而已抑鬱而已其從弟送行至正月中旬負疾而歸暨救月餘屢瀕於危老夫平生惡况未有如斯時者既而病者勿藥老懷欲紓方擬抱牒赴臺閣之

下以鳴其不平承郡首以毘陵誌書付托辭不
獲命自春徂夏屢勉校正疲憊之軀如墮膠漆
每一思之涕淚交瀉如此又兩月之餘夏初誌
書甫完乃盲左目雖可見天日如隔烟霧由是
杜門餌藥又復經月慮恐雙目俱瞽則此志不
伸此子不復能救矣於是奮不顧死力疾詣憲
府陳詞仍以惡詩傾寫舐犢之情賴臺官上下
如秦鏡竝照灼見肝胆特賜哀怜信宿之間上
徹天聽欽蒙

玉音某歸養半年陷阱一旦得脫於七月初三
日到家老夫先歸兼旬其抑鬱痛苦積於懷抱
者方米糴矣然則非上天有以相之不能也非
祖宗之遺澤未泯不能也願區區力援其子
以盡為父之道實斯文啟迪之力為多二公吾
斯文骨肉視木如弟姪者其受禍必為之憂苦
其蒙恩必為之喜懌故歷叙顛末用徹清聽不
自覺其醜縷也拙詩就呈事亦槩見凡知己如
元脩子英公振鈞善諸先生就煩舉似或者有

以見教則老夫得歌詠為樂其幸多矣蓋平昔
樂於讀書今以目疾而廢但每日飽飯熟睡百
無猷為亦無可為樂者惟樂此一事以待斃耳
未會問惟二妙德業進修繄真養福下情不勝
至禱不宣

荅許鈞善書

中秋後一日翰墨到手甚慰馳思且知三書渺
茫垂念愈切蒙薦館地且玉其成鮑牀之知何
以過此但某年既耄矣某子如死而復生有菽
水之養矣苟不知止貽笑老聃亦違我聖人貪
得之戒矣佩服重言敢不聞命分竹杖甚佳受
惠感激承問吾兒其事見於吳趙書中皆抄去
先生視之必重為之戚而喜也

荅管伯齡書

一別十年相去幾三百里非惟會面之難而書
尺亦不能寄清風明月未嘗不思玄度世美上
人自錦來歸得手札并佳章情誼謁然文藻燦
爛足見德業與年齒俱高欣羨羨婁江之東

詞林獨步又安得尊酒細論如曩年終日竟夕
之娛乎然昔人有言心親則千里晤對矍鑠二
老扁舟往來不消十數日程相與訪諸故人於
三江五湖之上以適其適真吾輩餘生之樂事
也歲晚有興當踐斯言奉和來詩聊抒情愫鄙
陋之辭蕪一咲耳令嗣過庭煩道前悃金陵往
還過故寓白鶴溪上可乎兒輩曰木曰森皆為
農橫山之陽廢學可耻林也蒙郡守過愛舉充
江陰縣學職固辭不獲去有日矣其如居者僻
立何諒故人垂念故及之餘不一臨書無任馳
系

與盧公武書

前歲殷文學再赴咸陽持至佳作且極談幽貞
之吉甚慰馳想今年春得袁子英先生書乃知
公車入鳳閣而演綸之筆已在手矣可喜可賀
即日諒惟德日益脩道日益隆而文譽日益以
著可勝企仰從子林到京令向起居并以拙詩
一小編呈侶盖有學子王尚綱者將欲刻畫無

益出醜鄉里於予舊稿中摘出一二類而編之
敢望痛加刪削賜之序引則庶或不為醬蒙矣
往者懷古錄辱有紀載今亡之原稿若存更乞
抄示區區綦花于巾并因碑一本送上希領意
歲晏更冀為斯文慎重以迓春禧

與陶孝思書

比月旦鄉飲而別湍望執事與郡庠諸公公過
鄒墓以陪賢太字及官僚公為祭掃不審胡為
不來也夫鄒忠公為道學君子天下共賢之在
昔學有祠墓有亭郡守教官歲有祀事二三百
年之間遺文尚存非謬傳也然豈特鄉郡如此
哉凡其平昔過化之地莫不尸而祝之惟近歲
以來郡中之祠亭俱燬奉嘗之禮寢成廢缺今
府公舉茲墜典與斯文有光較諸吊與長弘祭
樂毅屈平田橫諸先民者豈不韙歟是行也雖
道路之人猶為興感矧學士大夫好古而尊賢
者乎某於五月七月間有拙詩二首茲用錄俚
蓋以執事相知而不哂其迂相契而不責其替

必能倡率鼓舞賜之述作若郡博士先生及周
儲二妙見之亦必翕然揄揚以崇先哲縣學諸
名勝聞之又安得不從而作興耶展墓之行想
能有日而某又當持一楮以陪沃醑區、別有
僭言庶得面盡矣不宣

上武進縣樊大尹請置先賢祠書

某嘗聞古者祭鄉先生於社蓋祭社以功而鄉
先生以德而預享焉崇德報功其義一也近世
祠鄉賢於學宮是亦附祭於社之遺意其禮可
不事歟姑以武進言之若我胡文恭公張文清
公鄧忠公霍狀元乃所謂鄉先生之表、者前
知縣江右董公繕脩黌舍嘗置祠文廟儀門之
左欲於此祠而奉祀之以秩滿而去遂成曠典
今明府視政以來闔邑之事大小畢舉特此一
端偶未之及然而事雖至微寔繫風化如蒙即
此祠宇脩設供具崇奉先哲尸而祝之使邑人
知所向慕必有過祠下而嘉歎之者曰今之山
川猶古之山川也今之學校亦古之學校也士

生斯邑苟能如前人之賢為世師表亦得享無窮之祀矣由是而感發興起奮厲激昂風教習氣渾然俱化又安知不有胡張鄧霍之賢相繼而出耶愚所謂事雖至微而係於風化者此也惟明府不以老生之言為迂而以國家之風化為重舉此盛事以厲風俗斯文幸甚鄉邑亦幸甚

荅崑山袁子英書

七月望正壽。若熱忽承六月二十四日書及

聯篇佳作逐一披玩快然如清風入懷加以金井水洒面醴泉甘露之沃烟火肺腸也繼即付小兒林達張溝南近林自郡庠來歸云學中諸士友全觀蚩梧之詩不勝稱羨想希尹得之玩味賞識其快意無異於老夫也某白首歸里故舊淪沒惟希尹相知為深若思賢錄一見即欣然助楮板百片且將率好事者刻之想執事聞之亦以為喜故用語及區。又有一事不避詭笑專此干托學子王著款以龜巢稿鋟梓因摘

數十篇與之名曰摘蕩愚意亂道雖多不能盡
出醜耳然必大手筆如提舉平齋余先生者略
為序引若右軍為蕺山老嫗書扇則非惟價重
當時而名亦為之不泯惟執事玉成之某於此
先生固未嘗有半面之雅去年冬嘗蒙惠詩以
光衰朽乃執事過愛其亦從而愛之今之求文
涼執事一語之賜必可得矣他日當奔馳辦香
因徐見孟以鳴謝悃餘有干瀆別楮具陳鈞乞
留意朝莫間拱候報音辰下雨涼伏惟講貫之
暇多有著述示教一二尤妙東望玉峯無任馳
想

與賈教授書

昔麗庠祠道鄉鄒先生祀享而學官復有墓祭
由宋及元未嘗廢弛今我郡博士未蒙舉行蓋
兵革之後學校方興前此或未之聿也區區老
生用敢饒舌幸勿以人廢言與周儲兩助教議
之特賜脩舉則某亦當採薇橫山挹泉龍井扶
僊駿奔以後諸公之後矣茲有口占并以思賢

錄送上惟講貫之暇電目一覽必有佳作如前輩發先哲之餘光也詹奉在邇書不盡言臨楮馳系不宣

與鄉友鄒鈞顯論合祀忠公書

嘗聞盱江李太伯之歿家無子孫其鄉邑學校葬而祠之祭掃不缺也柳耆卿客死襄陽群妓合金而葬每春上塚謂吊柳七至今而為美談吁以太伯視吾鄉先生鄒忠公之賢有間矣况柳鄉乎夫忠公程門傳道為一代名臣且嘗以

義文周孔之易論孟之書發明妙理垂教百世
祀有祠墓幾三百年不幸因元延祐以來有非
其種而為似續佳城毀裂殆盡繼以陵谷變遷
蕩然無遺去年冬賴有賢郡守率僚屬墓祭碑
之仆者植之樵而牧者禁之庶亦無愧太伯之
郡邑矣第吾黨服儒衣冠未嘗持一觴以澆墳
上之士眎襄之舞裙歌扇者反不及之區、老
生感今懷昔可不告諸文獻故家乎惟執事乃
故家之傑出者也願某嘗以忠公之盛德大業

洎諸賢士夫紀述之辭錄為一帙名思賢苟能
板刻而傳使觀者知忠公之賢如此則其高山
景行之思駿奔豆籩之敬自有不能已者景鄒
有亭顯忠有庵皆無異於古人矣夫如是則斯
文之光鄉土之榮風俗之厚且美為何如哉昔
人有言曰存則人止則書蓋書存則其人之止
猶不亡也耶

與詹伯遠書

前兩季宜興許主簿六月送炭蓋其知范牀之
寒豫為之計今足下於此月惠布蓋與許公之
心同乎一誠也老夫雖嘗以小詩謝之今衰懶
不能措一辭然此心感荷寔不能忘知已者必
以情恕非苟慢也近得江陰張希尹都事夢屋
篇謹用緘去此老語不過諛而意有抑揚足下
宜識營之餘人所作尚未到手惟可賢父子佳
章毋吝見示老夫自月旦到陳館代子訓蒙稍
暇則以古今名人之詩長歌短詠自以為樂殆
猶魯皙之嗜羊棗也可笑可咲辰下暑而涼惟

樂歲優游安享清福為對

與李石泉書

某寓此寂寞濱日以吟嘯自娛過客多望之而去有如一泉近仁至則聞坐片時語及吟事者蓋絕無而僅有也所需拙作令學子錄去諸人視之必有笑吾輩所好如柳下之鍛何足樂哉然自得之樂難以語人亦不必強与之語也秋涼過此必留一宿然庶得清風明月之夜傾倒所懷耳聾以一泉為字久矣近獲晤語言乃改為石泉又欲以固本為字石泉則為道號矣某因足下去速不細論想所以欲改者必有人謂一泉二字奇崛且無出處是大不然夫一泉者謂一脉之泉自魚而出非溢美之詞也若僭效古人之九淵及世俗所矜玉泉之類却當改之况道号宜在晚年隨所寓而稱之不必拘於名字之義回示雅意當為作字說去矣餘文後述不宣

荅袁子英書

秋間領教帖及發至余先生叙文此蓋以執事
過情之譽致蒙褒拂如此兒輩得之即毀諸梓
老夫感銘于心豈忘所自哉今拙詩二首其一
寫懷仰之情一以謝余提學并寄陽羨茶一畧
惠山泉兩罌區：微忱煩為轉達所諭毀范蠡
祠不審果否抄示之文又不知前輩遺稿耶今
人所著耶毀祠於某年某月某人言之某官行
之耶欲得其詳傳之郡邑使在位君子有做做
者是亦遵令典正風俗之一端也某曰兒子木
入杭代渠訓蒙陳氏閱三四月漁樵唱和無足
舉侶近作辯訛數十語將與館人行之錄去求
教某詞冗長以其欲揭之策詞論彼愚倍不得
不然所愧不能言簡意明如古作者欲再得木
居士等一二事引用其間惟執事多識前言敢
求批示某以兩目昏盲不克詣座下細論徒增
馳慕而已余先生洵諸名勝同此請益即日祈
寒切冀安居養恬以壽斯文

荅惠子及送泉書

一別兩年將謂假館華庄優游蔗境未嘗移席
縣庠也故昨者於學齋書中有共問訊茲承賜
詩与惠山泉偕至不勝感激遂即刻奉和以抒
謝忱曰龍山只在片雲間不到山中四十年多
謝故人知渴想瓦甌封寄煮茶泉咲々學齋回
更煩尋水符之盟毋使山靈咲人寐々也竹山
詞久為烏有弗克奉命歲晏未由晤言惟善保
為斯文壽

與曹師禹書

昨詣魁壑值入城未回絳帳之下衿佩仍集賢
主翁代鳴教鐸清風穆如歆羨而退老夫歲六
如龜然亦有時蹢躅於西枝之西東洲之東如
曳尾泥塗者近葦里中有孝感事心甚喜之作
小傳為記其寔片楮錄上敢望与實翁德和諸
名勝交相潤飾賜之咏歌庶幾觀民風者採接
亦可為教教之助云爾

與永慶雪心長老書

比承裹茗過窳冥濱閭々話言殊可人意且蒙

以清節處士徵余義文不容辭然別後思之似
難以畫竹之美遽用為孺嘗觀古之人以孺著
稱者多矣姑舉其一二言之若晉之陶淵明門
栽五柳因自謂五柳先生世以其不事二君乃
以靖節處士稱之非自號也陶弘景掛冠神武
門歸隱華陽洞人稱陽隱君後賜號曰玄真子
亦非自美也白樂天平生顯官晚年放意詩酒
孺醉吟先生及與香山僧滿等結社稱香山居
士而已宋徽宗以徐仲車不仕為孝栽木連理
甘露屢降謚節孝處士歐陽公以劉凝之棄官
歸匡廬作詩贈之有曰丈夫壯節似君少其後
朱晦庵為作祠亭扁曰壯節皆非架空立說也
由是觀之曰清曰節詎宜自稱在他人亦不宜
過情而譽之今王處士之家或有清節可愛之
竹以寓名稱或於逸興丹丘羽人為方外游即
以此意澹然為孺豈不趨歛今畫者鞠躬問道
於師之像寘諸卷首亦人所未曉也是皆待公
與之定論批示詳悉方可措辭拙直之言必蒙

領畧秋暑尚熾惟安穩為宗門自重稍涼造見
以謝先施并盡所懷臨書不勝馳系

荅集講主書

八月初書及詩乃知仁祥二長者一在九京一
居濠上前聞陶生之言皆謬也誦詩驚怛而嗟
歎之迄今未已惟高隱清脩得大自在且與諸
親友及密近者游從如昨可敬可羨所諭聽兩
蓬海萍等作丁寧再四義不容辭但昏耄無可
人語茲用稿呈煩為潤色庶不為二公之醬蒙
耳兒子林去冬臘月赴新鄭縣不得奉命若海
萍之詩必得釋門善知識以上乘宗旨發揚方
盡其妙非兒輩章句儒之所能也如老夫者亦
臆度想像而已淞南小隱却易可作六煩先得
其詳方可著筆區區管見改日細論有恒公振
諸吟伯求賦錢孝女詩煩介意取寄呂克明宅
專望更冀以宗門自重不宣

與林掌教論建先賢祠書

夫學校以明倫為本育才為務風化之所由出

也如追慕前賢褒嘉忠孝節義守事樹之風報
使化行俗美則於學校之教豈小補哉汝今所
職不可不知此為先務也吾聞新鄭為古名邑
有東里子產故鄉宋歐陽文忠公之墓在焉
此二賢者一為鄭之賢大夫事見春秋傳守書
不毀鄉校已有大功於世教况其諸君子之道
乎其一以道德文章為世師表力排異端羽翼
名教配諸孟韓功亦茂矣凡過而知者當為起
敬邑之人可無桐鄉之慶乎汝今多幸奉天子
之命領教茲邑訪求古蹟知有二賢理宜考諸
簡冊參之理經告於當道請置祠學宮是亦古
者祀鄉先生於社之遺意也釋菜之禮以誠以
敬毋事繁文尤不宜用世俗楮鏹如賄賂然其
祠堂供具亦從簡古毋事華飾所費之資當割
俸與諸生及賢士夫協力為之慎勿為邑氓之
撓愚見如此未審諸名公以為何如

與熊元脩書

昨者不以衰朽自棄往訪故人滿擬細講道誼

傾寫素懷柰何以青之日加以暴疾不如所願
臨行辱厚餽不能謝別蒙諭滂祀雖以懷古錄
荐呈亦不能面議攘斥之竟悵然而歸連數日
所患不痊暗室坐卧因思洪武初欽觀詔條斷
除塑像令彼無知民不以顧元公忠蓋為敬而
以俗稱金家神之類群然土偶玉石混淆非惟
循蹈覆轍有負前人且違今代惟新之命宜於
里中及守祠者示以禮法悉以屏除獨設木主
題曰晉散騎常侍顧元公之神庶得上遵國典
下息邪說豈不韙欤想先生以足疾所沮忿然
于懷莫若告諸鱸鄉隱者等一鼓作氣伏大義
而為之不啻如摧枯拉朽耳某寔以衰病不前
此舌尚存詎容泯默先生与諸公必能矜察非
徒為是喁々然也乃事願末具載周左丞記中
請稽考事實合宜而行慎勿為狷吠雪者弛焉
雲山相望顯侯報音夜未聽兒輩誦佳作于孝
女之事議論抑揚詞意古淡非泛々者可比小
兒求引年詩尚希賜教鱸鄉諸吟友二詩兼得

尤佳鎖碎不及各書煩為引忱臨楮馳系不宣

與吳中衡書

別後第三日小兒以舟自無錫問津到令親蔣宅滿擬請判閩孺人與老妻兒嬾輩少聚柰何如燕鴻相避悵然而歸然令岳母老安人在彼養疴賢夫嬾必有候問之日望乘便過窳寥瀆茶話以償所願鷗社翁所言淫祀愚意以執事寓居長洲難與里中言語鷗社軟脚疾雖厄健步或可以今古理法告諸鱸鄉隱者從吏而為之則無以異乎老夫奔走先後也尊翁挽詞并舊文錄上所領厚惠舉室知感同此申謝到千墩王有恒處更煩索引年集求諸公詩賤累老妻而下兒輩等皆囑筆問貴眷起居并奉相過之約區區慙禱不宣

與馬公振諸故人書

比到千墩蒙締袍戀日與周旋吊死問生恚如所願又獲贊成思賢錄事欣幸佩德沒齒不忘但不得一登草堂連床夜話荷執事以目疾

見憐弗責爾如仲昭甫孝義恭謹襟度恢宏雲
蓬叟敬老愛客挺拔出羣其禮意溢乎款接餽
贈之外有可思而不可忘也南澗海萍二法師
忘形而知心有恒濟民二契家愛敬而盡禮明
善則薦親戚重師友才識兼進尤為可喜相見
間煩一道感謝意別後到陳溪信宿逢人說項
無不歎羨思賢錄命刊書者為之為無梨板未
得速成想中秋前王猷訪戴以日書成則偕往
晤言特未知病眼為何如耳執事詩已編錄孝
女詩于吳彥德處取至但欠伯齡先生詩作尚
有望焉諸公賜引并詩多益嘉更煩發去中
行兄處蓋熊毛諸吟欲作故也老夫重改去慈
竹軒詩尚冀群彥以郢斤交斲付明善入卷無
致為大方笑仲安賢良彥清昆季同此致意不
及另書

答謝袁子英先生書

惟中上人來承問念吾子早世以詞氣之以雞
酒祭之存歿知感即日暮春伏惟師弟風雲詠

歸追踪古人賸有樂地老夫可仰而不可及也
自去夏以來目昏則見人不能識認耳聾則低
聲語言不聞齒髮皆脫落幾盡日食糜粥殘喘
僅存然此心好古嗜學不減疇昔時令小孫輩
近立侍傍高誦原道西銘大極圖說等篇不忘
素志柰有時以目前平地風波為之驚憂恨不
得与亡妻相從九原之為愈也謹此奉謝并述
潦倒之狀如前所云晤語無期切冀善保以享
清福不宣

與姜天定書

前者得挽詩二首吾子冥冥中必知感高羨老
夫亦知所學非舊阿蒙但不克一相見與細論
不識近日為鑿為儒專於何業少暇可過潞城
与小孫同到橫山啜清茶說淡話就煩刪擇舊
稿類抄別帙蓋年來兩目昏盲謄錄者字多差
誤得正是之庶免貽後人之咲耳有一館地就
議可否寒家雖遭兩喪皆不用世俗所尚之禮
足下之來無勞虛費夫貧者不以貨財為禮老

者不以筋力為禮此古之通議也但近年朋友
道喪不可不講風俗甚薄宜敦勸之若吾友吳
啟之父子王季高妹姪令弟用輔皆平昔有
見識有議論者聞吾輩講古今必能輔相激勸
以薦人倫以厚風俗曾子曰人之將死其言也
善請誦此以速其願行老夫衰頹不久於世逢
則不復論此古道矣良可惜也偶有謝新鄭張
宰一詩錄去過目觀其仗義如此薄俗之敦六
庶幾焉

與袁耕學書

比在崑山四十日凡新知舊交青目顧盼赤心
解紛指迷途挽頹波者皆知所自也况飲食交
載禮意俱隆老夫与子孫輩感銘心骨有難於
筆舌者會間煩一二代謝六月朔到家布帆恙
無但病目赤爛兩耳益聾殊覺厭世若友文齋
扁頰先生為之俞孝女事政宜上旌善亭表著
以遵令典以厚風俗具移文立傳事合詳明宜
大手筆為之吾輩當從而贊美可也姓名年紀

歲月日時得批示一知尤妙即日暑而希倍加
珍攝為斯文壽

與俞彥智書

昨到崑山故舊中如耕學先生靈光巋然新相
知者皆可人意惟執事削去邊幅能伏大豕能
勤小物能刻畫無鹽以銜其美老懷銘感之死
奚忘兒子及孫感亦如之兩文皆納上幸恕稽
後即日秋暑諒惟起居安適酒邊清興必多然
客之號但當風流如賀季真以稱其名至若滑
稽大過或笑中有刀以貽後患詩曰善戲謔兮
不為虐兮聖人于三百篇中垂戒如此宜深察
之老夫托愛厚饒舌再四蓋區：如愛美玉恐
污於蠅聲茲於心不忍緘默幸毋責焉坡翁詩
案曾蒙許借望付至小孫輩一覽秋冬決當奉
納臨書懽禱

與海萍講主書

崑山延福僧舍中兩獲晤語知平地風波所在
有之達人大觀必不芥蒂於靈臺也會後抵家

不及言別想已還滄溪安穩清遠老夫以思賢
錄刻完追感王仲昭處士獨成其美羨不敢忘
今以此書一部送置霸几吾友士庸於宅務之
餘不時誦讀以忠羨視為規式也勉以循蹈之
則先尊深為象賢之喜也揚子曰希顏之人亦
顏之徒惟講主誘掖獎勵以玉成之醉琴賢賓
主續當印去懷哉昭甫無任悵惜

與余茂本通政

昨到崑山得傾蓋如故者數人而執事開誠心
論古道片言隻字商畧可否其謙益有過人者
遠大之器豈易量哉况飲食饋遺禮意兼盡使
老夫及兒輩感佩而歸未知所報嘗浼作亡子
挽詩必蒙留意望付至以光泉壤區、贈無逸
一詩煩為轉達令親雲蓬高隣仲名會問呼賤
名致謝即日秋暑更異節哀慎重以終禮制臨
書馳系

與張子才

曩歲承艤舟東郭知老夫坐分鷗沙賜以專席

奈交臂而失候歸帆者兩三月而後已去年秋
亡子辱諸公哀輓之詞小孫裒為一編名幽光
錄今年重九為予泣而誦之且曰公有一詩別
紙見寄乃令再四高誦使予泚頰芒背想吾兒
九原感作亦如是耳緣來詩初到之日病目昏
盲致使明珠暗投不曾荅片言以鳴謝臆殆若
忘故人綈袍之高誼其過奚文其過奚父自春
以來衰老愈加公聞之必哀矜而弗責也次韵
一詩聊抒情愫并想像肥遯之樂而嘉之餘詩
用以見老况如此惡薄俗如此之甚請與野居
先生過目同談浩嘆晤語無期東望不勝馳仰
惟高隱自重不宣

與陳彥直書

去冬見安道蒙玉成思賢錄書板常恐如畚土
為山功虧一簣死不瞑目今完矣印去一部以
踐吾言候有暇日若電一過則先言忠孝之道
足以私淋授兩令子亦可為進脩之助焉聞尚
絢諸友自有樂事不發去為猶翫蒙也俟相見

當盡所懷茲不一

與王季高書

昔者蒙先尊延置西塾二十餘年敬為賓師愛同骨肉想足下能念其親必不忘其親之所教愛者老夫之心寔亦未嘗忘也聞令嗣聰明可教摘彙一本送去與之又一本送令姪孟凱之子此生曾從游姿質亦甚可喜區區拙作譬若滄浪孺子之歌善聽者當自有所得亦庶乎進學之助言耄而繁尚希采擇

與曹德聲

歸耕之文承命再四不容以言耄辭今腹藁粗成令小孫錄去若文意有疑似處脫畧處未愜雅意處無吝批示當更思之辭雖不工皆親家所吐之真情所處之實事無虛褒妄貶以累懿德吁歸耕如此植業如此三親之樂又如此風聲氣習里俗可敦草茅之言庶亦無愧區區恃肝膽相照布此真情非足恭也

又

昨承手教并惠佳布足見崇重斯文之意本合
拜嘉但忝在瓜葛居常多蒙眷愛雖辭之感激
如受之也改去拙作頗盡老懷尚恐有說未到
處無吝喻及吾孫或有所見亦可說來老夫平
昔不諱疾忌醫凡於朋友中商畧文字亦必忠
告未嘗面是而心非也早晚相見當盡所懷即
日寒煖不常切冀順時遵養以迓春禧

與袁耕學

本年夏五客崑山以詩言懷辱先生於詞林八
俊釋門二老玄都一高士從而和之聯珠合璧
皆歸錦囊且欣然欲賜序文裒為一卷以飾衰
朽自秋徂冬懸在望新正得幸耄老書聞別
有高興此詩卷豈置諸度外耶或有人作殷洪
喬耶區區老痴望猶未已敢請湔其所望焉

與高彥述

往來之禮尚矣然事有不及又當以情恕之不
拘繁文末節而求脩焉所為君子之交也且
如昨者家下小孫歸妻相邀茶話值足下以令

嗣姻期之迫不暇過訪若此真情吾何訝焉今
老夫本天地间一無用人了無羈絆深欲去賀
足下醮子柰手足俱瘡膝灣尤甚牽拳痛楚不
能屈信及臂無空膚行坐皆不可得而難往矣
足下亦必以真情恕之况山兒有出不克代行
千萬莫遣人相招徒勞往返亦不勞饋餉如舍
下以區區羨哉送人皆成臭腐空為文具耳老
夫待瘡疾既愈必到宅住三兩日晝則同嬉市
屢夜則連床清話飲之食之無所不可吾知宅

上乏僕無異寒家天道暄暖甚於前日幸勿勞
心役人蹈吾覆轍也吾兒森揆時度物同吐肝
膽如此惟足下聽之信之而為知心之親戚矣

與辛彬甫

日者令似婦曾致書問并晚求諸公賦節嬾詩
想留意朝暮間專望寄示令似有老夫適永懷
寺詩藁就煩抄至今緘去邵濟民瓜隱詩此公
為貴縣官醫必有行館敢勞一寄幸勿浮沉畊
學先生暨陳朱尹呂諸賢良諒惟起居皆安文

譽益振所求珠玉早賜壓卷區々嗜詩如嗜飲
食幸毋哂焉臨書懇禱不宣

與任義甫書

人之所貴乎有子者生而事之死而葬之祭之
先王制礼用是以長其思愛其未尚矣但近代
禮廢俗尚浮屠難於改易比聞主壻之喪始欲
茶毘是則釋氏之教也衆以為戾法而尼之其
餘佛事初不相混子乃屬纏未定而闔棺訃音
裁行而發勒銘旌不立三虞不祭一切喪具皆
謂無用是不畧遵古喪礼也然大小佛事亦皆
不作使其子將何以表孝思之情耶若夫靈唯
題神主不稱厥考又何以致其子如在之誠耶
死而有知不能無憾先王之礼未見其然釋氏
之教恐亦不如是之謬也以礼論之莫若令外
孫改題神主曰顯考某官之靈旁書曰孝子某
奉祀如此則名正言順存沒皆無憾焉且如虞
祭不設以所用之資作為佛事內以塞一家之
責外以解衆口之嘲抑亦可以敦孝順厚風俗

也老夫忝在瓜葛愛如弟兄不避譴訶故用忠告惟伯大牀立諸親從長從心勇而為之

與孫彥銘書

瞻月既望兒輩在周石泉處持所贈節婦詩歸詩序中過辱愛敬謙卑之老与文焰俱高不啻得驥領之瓊連城之璧也蒙索辨惑編并拙藁茲用納上譬若人有痼疾揭之大途尚希遇倉扁而為之藥石為應芳就稟犬馬之年今九十有一矣去冬初度荷鄉中諸朋友贈言成軸如蒙大手筆刻畫無監粉飾衰朽得不以為萬里之歌乎即日新春伏冀以道自娛為斯文壽不宣

回黔陽簿長孫書

別去將半年家中老幼皆安舊冬槁客口傳菜石信知布帆無恙為喜今皂隸二人至知汝到京未書取夏衣書冊等物一一付去汝途中作詩固好但到任之後當以佐令丞治政為重以稱厥職有暇則細玩律令參考經訓日夜究心

決不可作詩作文有妨公務最要緊者正己以
待吏毋致欺罔循禮以待同僚毋黨無偏諸事
勤謹庶不負朝廷付托之意平昔家訓更不縷
述惟吾孫念之曾有二書正月半寄新河周元
吉子去恐未到

與陳德廣書

某蚤歲失怙緣經中蒙豸官品顯光生腐草俛
焉就學覲有少進柰駑鈍卒無所成無補於世
於是掇拾古聖賢遺訓綴辨惑編彙幸公為邑
丞孱工板刻今增前元趙學士所著葬圖其
說本乎周官義理昭著良可為法但欠知本官
封謚乃有缺文欲得元史考究三四年未嘗於
江陰無錫丹陽三縣學干借俱云無之干諸士
夫相識者亦然愚恐溘先朝露貽笑後人用敢
再瀆望於宜興縣藏書之家特為轉借趙公本
傳一抄明說老夫好古之痴如嗜吐炭人所不
堪自以為樂有能使之厭飫其為欣幸死而不
忘即日兩涼惟琴書自娛坐享清福臨書馳系

不宣

荅呂克明求序文書

某奉白昔者在太冲賦三都玄晏先生序之張茂先見而美之然後傳寫者衆而紙價為之益高至如陳師錫序歐史半山老人乃有蠹穢佛首之譏吁序文之作可有可無此又不可不知也彬甫來以所著文冊徵序余以目眚不能閱其文之美而贊一辭又以長孫有無妄之災惡况滿前罔克構思初非縉紳見譏而固却也然予嘗聽人誦三教圖等篇善為抑揚可喜可喜今足下年妙如此敏學如此爨同椽竹何患乎無賞識者乎區區老言幸希恕察

與張子才書

前歲和高作甚愧稽緩相去遠相見難然相敬相愛之心如故即日秋高想林居優游恬養清福某老狀如糶土墻加之風雨頽在朝夕否則芝菌之出慈土或有日焉敢請與執事言之野居先生義人也人皆曰蚤歲有杜季良遺風非

予所知予所見者戎馬搶攘中由錢塘來長洲
以故人趙某舉家病疫親戚無過門者先生裹
藥活其兄弟妻子凡五人又如起閑居俞縣丞
某之痿救東滄賤工某姓名者如虺如瘵如餓
芋而再生皆饋謝而不納至如儒而貧緇衣黃
冠貧而清者亦如之吳之人多以是稱焉余久
欲效野史作小傳以勵薄俗所謂撰土而出芝
菌也煩執事以平昔所見所聞枚舉錄事更煩
詢訪諸士夫必廣有之區：失記趙俞等名氏
竊恕不宣

與吳中衡書

十月旦得手書并文知連年情況不如曩昔然
天時人事易地皆然無可柰何所喜厥疾既瘳
養生有述珍重以盡天年可也蒙諭墓銘古之
人本無生前預生體制來意甚切交情至深雖
旨聳齒痛舉身瘡瘍勉強腹藁寫去中間用朱

筆批處令賢即從寔填寫令閣之賢已於中衡
墓誌見之不必別作子祭父文古人別無之蓋
擗踊泣血之際何暇作文如葬鞠等事只用祝
版直還家禮有可考不敢杜撰若伯林父祭姪
等類却有之幸勿見訝小孫垣今春軍役乃先
塏去秋死老夫曾有口號云：見存寡婦孤女
六人幼男九歲屋已賣田多荒吾兒見在橫林
橋南張家訓蒙託庇無事森因去年巡擱而貧
餘無怨宅居何處土產何物有便人令去問安
也賢即名某字某年若干子女若干亦望見報
兩子孫三世之交亦古道子才賢良諸及故人
子孫相見者皆呼賤名問訊區區不宣

賀府學教授到任書

某蚤歲嘗聞之師曰凡府學官郡為士當以
師禮尊之是故聞先生到任忘其雙目之旨兩
舍之遠即扶僮往為斯文賀可喜者謙光和氣
待人接物至諸生則嚴條約以規之所謂道並
行而不相悖也區區蒙飲食數載禮意過厚感

不勝容其大可喜者親承

聖天子以明倫育才之道諄々乎命之增重斯
文之恩至渥也別未三月逢人語之或曰常郡
於八九十年之間屢經兵燹衣冠文物蕩然無
遺欲其一鼓作氣變齊為魯不亦難乎是不然
夫以教官重於朝則逢掖之士重于野况有賢
太守承流宣化相与作興風動一邦化行四邑
則犁鋤帶徑者有之牛角掛書者有之負薪持
竿而誦讀者又有之正不待家諭戶曉而使之

然也一榜三魁將復見矣其文献之光魚六八
統又豈乎一壺而已哉某不揣愚陋嘗綴思賢
辨惑二編茲用逐達或可為學校消埃之助云
言耄而繁切希矜恕不宣



龜巢叢卷之十一

國家圖書館, NATIONAL CENTRAL LIBRARY, TAIWAN, R.O.C.

龜巢藁卷之十二

詞類

驀山溪

遣悶至正丙申歲作

無端湯武吊伐功成了，賺盡英雄動不動東。
征西討七篇書後，強辨竟無人，他兩個至誠心。
到底無分曉，鬪髀滿地，天也還知道誰解輓。
銀河教淨洗乾坤，是好山妻笑我長夜飯牛歌。
這一曲少人聽，徒自傷懷抱。

沁園春

丁酉春寓堦錢氏寫懷

龜巢藁卷十二

冷咲斑超要覓封侯棄了毛錐看今未古往虛
名何用朝榮夕悴浮世堪悲老我衣冠傍人籬
落賴有平生鐵硯隨西莊上對溪山如画鷗鷺
忘機相逢喜得新知更不用黃金鑄子期把
胸中磊砢時時澆酒眼前光景處題詩輕帽
簪花柔茵藉草時復樽前一咲嬉沉酣後任南
山石爛東海塵飛

滿庭芳

玉雪梨渦錦雲挑扇紫簫雙鳳和鳴觥船初棹
煙繞博山青最喜清和天氣綠陰靜梅雨新晴
高齋裡馬融書帳風捲絳紗輕華年纔幾許
培風健翮曾試脩程偶歸來林下閒聽松聲咲
道葵花伴我芳心在向日長傾黃河水如今重
看朝暮還清

沁水曲

四海烟塵一權風波經行路難幸兒孫滿眼布
帆無恙夫妻白首青鏡猶團笠澤西頭碧山東
畔又與梅花共歲寒新年好有茆柴村酒薺菜

春盤 傷人莫咲儒酸已爛熟思之不要官任
伏波強健驅馳鞍馬磻溪遭遇棄擲漁竿霜滿
朝鞍雷鳴衙鼓何以農家睡得安閑時裡喚山
童把餞野老交懽

自和

雪壓新年花開想遲鶯未甚難喜杯有屠蘇春
風艷 盤餘首著朝日團 六十年來尋常交
際江海鷗盟終不寒移家處涉園成趣居谷名
盤 忘情世味辛酸但吟得新詩勝得官儘
教我低頭三間矮屋從他高步百尺危竿白首
無成蒼生應笑不是當年老謝安琴書裏且消
磨晚景麥用清懽

又和

竹與梅花偃蹇冰霜甚稱二難我依梅傍竹借
人茅舍吟風弄月坐個蒲團梅樣精神竹般標
致遶莫清癯未足寒柴門外一湖春水侶拍銀
盤 昔人恨橘多酸我只笑青松也拜官每醉
時低唱滄浪一曲閒時高臥紅日三竿兒輩來

前老夫說與梅要新詩竹向安餘無事只烹茶
淡飯儘有懽餘

蘇武慢

蘭雪衣衿芝雲冠佩咳唾動成珠玉芳草萋迷
蓬萊杳渺皎々白駒空谷灌髮滄洲怡顏芳樹
樂甚從伶絲竹問天生湖海元龍豪氣肯令消
縮君不見二陸聯芳三蘇接武殺動九重黃
屋天上碧桃日邊紅杏真足快人心目拂袖東
膠出門西咲莫戀故園松菊看濁河流水重清

齊唱大平遺曲

滿江紅

恠底春風要將我船兒番覆行囊裡是群公相
贈數篇珠玉江上青山吹欲倒湖中白浪高如
屋幸羊來阮藉慣途窮無心哭歸去也餅無
粟唵嘯處居無竹看造物怎生安頓老夫盤谷
第四橋邊寒食夜水村相伴沙鷗宿問客懷都
有幾多愁三千斛

一翦梅

一色蒼髯兩阿翁年也相同月也相同六年湖
海共飄蓬煙也溟濛雨也溟濛 移家今住葑
門東朝也相後莫也相送何當歸隱舊山中
也春風李也春風

風入杏

寄朱原道為
生日賀

姦花折太一枝春人在太湖濱天生襟度容江
海每開樽坐客如雲此日醉看蓬矢吾兒應吐
華茵 湖光山色淨無塵魚鳥慈情親姑蘇城
上遙相望見湖山如見伊人綠髮年華全盛白
眉聲譽方新

又

歲寒心事舊相知相別去年時如今重覩春風
面比年時消瘦些兒天上玉堂何在人間金鼎
頻移 風塵不染素羅衣脉脉倚柴扉桃根泥
葉爭春媚儘教他濃抹胭脂老我揚州何遜隴
頭誰為題詩

金縷衣

袁林度新居

卜宅林園裡響丁丁風行月斧杏梁飛起窻戶

青紅煙樹綠焜燿碧山鄰里鷄共犬也知輪美
燕子飛來堂下舞似輕盈掌上人堪喜更可愛
新桃李長洲水接松江水秋風鱸魚葦菜葑
田菰米艷屋神仙羅綺楚舞吳歌娛晚景肉臺
春筍供甘旨五馬貴未足擬

沁園春

脫屣紅塵移家碧山安羅樹邊有兩兒冠帶眼
前騰踏諸孫文彩膝下聯翩石几焚香冰甌滌
筆重註義經得異傳餘無事但觀雲默坐聽雨
高眠 龜巢幸與相連飲湖水清如飲菊泉問
絳人甲子今踰四百皇家鍾乳何用三千銀艾
忘情玉枝無汗一味清閑足引年并午也看天
恩賜帛雪髮垂肩

西江月

老大無人青眼淒涼奈爾黃花秋來杯勺斷冰
霞兀對江山如画 夢裡去尋東老覺來欲喚
西家山童若說未能賒報道點茶未也

風入松

青龍地暖土酥香，產玉似崑崙，可憐不入瑤池。
宴到冰壺，味淒涼，忽憶故園時序。春盤春酒，羔
羊青絲，生菜韭芽，黃銀縷，染紅霜，枕花人面。
柔荑手，酒巖酣，犀箸頻將，鞞鼓一聲，驚散六年
地老天荒。

西江月

綠樹雲林窈窕，青苔石磴縈紆。兩人林下曳長
裾，應是山中巢許。空谷似聞樵斧，危橋不度
徵車。誰來為我借茅廬，未與白雲同住。

南鄉子

四野接平蕪，一曲清溪似畫圖。燕子日長溪館
靜，菰蒲風灑，軒窓暑氣無。林叟話樵蘇，相送
東橋日已晡。啼鳥不知人禁酒，蒟蘆教我提來
那處沽。

摸魚子

夔春佐

看東風柳搖金縷，精神頓美如許。獨憐老我，隻
蓬鬢無復，少年張緒。樵葉渡任山水清妍，可柰
非吾土。借人茅宇，但有客相過，清茶淡話，閑與

論今古 傷心處客去卧聽鞀鼓看花渾在烟
霧姑蘇臺榭笙歌散麋鹿又如前度誰恁悞教
無限蒼生命墮顛厓苦蕪葭洲渚賴有個扁舟
一竿釣竹相伴閑鷗鷺

水調歌頭

戰國^音縞如雪月色慘中秋照我三千白髮都是
亂離愁猶喜淞江西畔張緒門前楊柳堪繫釣
魚舟有酒適情興何用上南樓 撥金甲馳鉄
馬任封侯青鞋布鞵且將吾道付滄洲老桂吹
香未了明月明年重看此曲為君謳長揖二三
子煩為覓菟裘

憶王孫

銅駝泪濕翠苔茵落地如花墮玉人可是東君
不惜春向花神海變桑田幾度新

又

齊雲一炬起紅烟頃刻煙銷事已遷折戟沈沙
月爛船回祈連安得河清憶萬年

水調歌頭

秋色淨如洗南極瑞光多秦柱山中隱者孤矢
掛烟夢野老敲門看竹珍重主人留客呼酒瀉
金荷為問春秋多少咲明道年六十勳業竟磨
斲萬羊祿千駟馬待如何洛陽城市又看荆
棘卧銅駝且喜堦庭玉樹五色鸚鵡俱好此
琴瑟和一曲華胥引雙鬢雪兒歌

洪武元年秋余卜居千墩嘗作水調歌今
也人事乖遺欲還故里故復和前韵以
述其情并以留別吳下諸友時三年六

月初也

牙齒豁耒久老氣尚橫秋買得歸耕黃犢兒輩
幸無愁相近六龍城下只在三家村裡屋小如
舟倚樹覽山色且免賦登樓看官爵都不侶
醉鄉侯里翁閑話便同學士坐瀛洲寄語東吳
朋友乘興能耒滿浦棹聽漁謳無酒不須慮
解我破貂裘

滿庭芳

塵拂風生薰爐烟裊劇談天上人間馮夷擊鼓

白鳳舞崑山驚倒五陵年少聽三老口角鳴湍
江南好梅前菊後天氣帶微寒客未雖話別
重歌舊曲不是陽關笑間雲似我時去時還最
喜烽烟盡熄青天淨一鏡團圓重未也尋盟鷗
鷺訪竹問平安

點絳脣

初度作

七十年前抱麟虛負復親夢一襟空洞生世曾
何用老我東門瓜也無心種松醪甕瀉如鉛
汞時占漁樵共

又調

海上歸來鬢毛枯似經霜草薄田些少茆屋園
池小三子犁鋤三嬾供蘋藻村居好兔園遺
稿是我傳家寶

三調

弧矢休懸舉杯聊適棲遲意明朝冬至有酒還
沉醉堪笑神仙要作長生計人間世金烏西
墜難把長繩繫

四調

老眼猶明著書未了餘生債客未休怪淡飯黃
齏菜 踏雪觀梅清興依然在南門外夜來尋
戴扶醉馱驢背

五調

點檢龜巢素琴絃斷餘何有夫妻白首相敬如
賓友 三四孫兒五色斑斕袖梅花酒為翁稱
壽羅拜爹孃後

沁園春

借問黃花過了重陽如何始開為客中陶令逢
他初度尊前杜舉要我相陪十日秋香百年晚
景一笑今朝酒莫推風光好正涼生沆瀣淨洗
生氛埃 胸中華岳崔嵬下筆處長江滾滾來
且折花簪帽劇談清事 盃省劍聊適幽懷健
翻低雲脩鱗蹭蹬人道公非百里才還知否那
黃河清也白日悠哉

水調歌頭

六載遠相憶一日侶三秋別後雪添蓬鬢著迹
遣窮愁幾度欲尋安道溪上帆片飛去興盡復

回舟明月出東海，隱約見瓊樓。
喚龍伯擊鯨，鼓舞陽侯，何時杯酒重歌蘆。
葉舊汀洲多謝寄，未雙魚。白雲陽春數曲，為我和巴謳。
什襲付兒輩，好學製弓裘。

南樓令 壽陳縣丞

赤手拔鯨牙，長安早看花。
鏡春風百里，索麻柳色，宮袍銀帶親受錫玉泉家。
鐸報朝衙索，弓掛綠蛇，拜雙親。
杯捧流霞，只恐哦松哦未了，天上去又乘槎。

八聲甘州

為友人贈

喚嫦娥白兔下蟾宮，玉杵擣玄霜。
自焚蘭古鼎，心融靈素，默契岐黃。
不假殘膏賸馥，時俗共傳方。
用我上池水，遍洗膏肓。
家住大龍城裡，有舊家風月，三徑蒼筤。
更一林新種，紅杏暖生香。
問年來活人多少，只輾然微笑說尋常。
誰能為寫成佳傳，汗竹流芳。

滿庭芳

夏五雨窓
言懷

十里橫山一灣流水，東洲藁爾孤村。
移來田舍

山水對衡門老我無能為矣犁鉏事付與兒孫
湖田上黃梅雨足蛙黽鼓聲喧 親用三四老
鬚眉雪白言咲春溫每携手相過清事閑論坐
挹山光水色茅柴酒傾倒乾尊章臺路馬蹄塵
土不到紫苔痕

又調 和寄江牀廡

鷄犬相聞溪山如画梅花只在前村逍遙杖屨
不過崔公門前度春風已先對芳草還憶王孫
長安市看花人去車馬正爭喧 向來東海上
水南水北如石如溫念鷗冷詩盟何日重論老
我蓬蒿三徑開懷抱賴有琴尊公知否蕭齋雨
漏四壁篆書痕

菩薩蠻 七夕作

鋒稜磨盡方截拙老懷羞對天孫說風葉動清
商依稀似九章 飄蕭隻鬢雪卧看孛孛月月
缺有時圓人無再少年

水調歌頭 再和前韻

青白阮生眼皮裡有陽秋誰信近來懷汨汨泥

窮愁昨夜僧房聽雨如在瀟湘夜泊欹枕臥孤
舟無復少年日解佩醉秦樓 更休說爛羊尉
爛羊侯三山湖上如今田舍在東洲瀕洞十年
金革蓬勃一襟塵土白雲雪向誰謳濯足弄雲水
披我老羊裘

又調代陳氏謝徐孟銘

玉杵搗靈藥丹鼎養芙蓉城市山林小隱家住
驛橋東況是南州高齋更飲上池真液米雪烟
心胸醫國手初試在處起疲癯 種陰德方寸

地繼頤翁活人多少滿林新植杏花紅遮莫南
山石爛又復瀛洲水淺都付笑談中刮目看塵
表黃鵠駕天風

沁園春

寄張希尹兼簡劉少齊

憶昨秋風送書画舫過楊柳洲把錦囊傾倒燈
花共喜棹歌歸去詩草仍留坐榻高懸家童偶
語此客尋常頗見不襟懷好比子猷尋戴別樣
風流 別來一日侶三秋且喜花時可勝遊要
尋山問水春申故國賦詩釀酒季子高丘醉帽

簪花吟茵藉草莫咲踈狂老未休同來也有堂
前舊塿江上盟鷗

點絳脣

往古來今何人不道閑居好忙多閑少應被青
山咲蒲柳衰顏我獨驚秋蚤茅齋小瓮番掀
倒風雨都經了

風入松

孤舟浪打石尤風霹靂浪殺中布帆喜得歸無
恙繫長橋閑侶漁蓬蛟渚如今寐鷗波舊依
溶：秋花開到鴈來紅金菊對芙蓉一襟磊
塊卻澆太飲紅灰如飲黃封睡到日高三丈從
他衙鼓逢

點絳脣

彩翼雙鳧寄來一幅天機錦將意何
懃恁歲晚空山不怕冰霜凜西風緊便添袍
緼被德吾無隱

八般甘州

記年時東走避風塵隨處覓桃源偶相逢一笑

堠山西畔喬木參天百尺元龍樓上下榻許高
眠鼓我飽已瑟魚欣然 每日春風池館有竹
林諸阮醉袖聯翩要簪花捧研常挾兩飛僊又
安知素田變海竟飄零老去雪盈顛緜袍外故
人餘意肝膽雕鐫

滿庭芳三闋

神仙有無安居華屋即是蓬壺榴花也學紅裙
舞燕雀喧呼水晶盤饌供麟脯珊瑚鈎簾捲蝦
鬚吹龍笛繫罨鼓年々初度長日儘歡悞

風流醉翁褊褊舞袖窈窕歌童琵琶要与知音
共換羽移宮玉蓮盃將酒供金蕨盃滷凍歡
毅哄年々醉中岸幘藕花風 橫山翠屏蔽龍
古井走馬長汀四時花竹多風景勝似丹青好
兒郎天生寧馨好時節日見昇平氛埃爭年々
壽星光照望雲亭

水龍吟

舊家金谷園林盡隨海交素田了一灣流水一
林脩竹菟裘將老瀟灑軒窓波光隱映筆床茶

竈但豁無六逸林無諸阮誰相與論懷抱
不用滄洲洗耳聽風前此君清嘯黃金臺上儘教
塵土騁車爭道魚鳥情親漁樵邂逅不時談笑
看古來行路難行真個是閑居好

賀聖朝

吳松舊雨相鄰住喜復來今而那時同過十年
艱險劔頭炊黍

滿江紅

舊約尋梅蹉跎過小春時節忽隴頭人至一枝
先折喜見春風顏色好縞衣不更緇塵涅把十
年湖海舊相知從頭說 三江上滄洲雪千墩
下珠林月似許詢支道總皆清絕重看青山携
素手此情方解相思結待瀉湖水泮柳風輕孤
舟發

沁園春

笠澤東頭翠竹漁莊滄洲釣舫看三江雲浪宛
然圖畫一蓬風月隨處留連巨口鱸魚團臍螯

鱗坐飲蓬窓醉即眠蒹葭畔不收筇箬意若忘
筌向來四海戈鋌好戩艦都成赤壁烟笑癡
兒航海空尋蓬島漁卽失路漫說桃源漚社盟
寒敲殺斷烟水寥數百年玄真子有家傳舊曲
重扣吾舷

鵲橋儗

青年去了青衫破了舊日青檀無了一時清興
未能除說與故人知道春花春好秋花秋好
每日看花尤好人生活酒買花錢消得杖頭多
少

一剪梅

崑岡火烈去年時玉也灰飛石也灰飛鶴長鳧
短總休提善有天知惡有天知今年快活保
妻兒歌也相宜舞也相宜揮金如土醉如泥休
負佳期莫負佳期

又

東風吹醒老梅枝南也芳菲北也芳菲月明半
夜五更時笛也爭吹角也爭吹青松涧底獨

離奇寒也誰知煖也誰知老夫聊為一戲欵梅也題詩松也題詩

三調

一天和氣益春暉
桃也芳菲李也芳菲若教風打雨淋漓
紅也塵泥白也塵泥
花前把酒插花枝歌也相宜舞也相宜
鶴長息短總休提長也天知短也天知

江城子

去年今日瀉瓢天水滔
斷藍橋阻我群仙
鶴赴蟠桃獨有商羊偏喜雨跳且舞上山林
今年南極見丹霄射金蕉瑞光搖
澆去胷中磊塊儘醅醕莫厭琵琶
琵琶彈舊曲長聽取鬱輪袍



龜巢彙卷之十二

國家圖書館, NATIONAL CENTRAL LIBRARY, TAIWAN, R.O.C.

龜巢藁卷之十三

行狀 誌銘 贊 箴

故伯母行狀

從母姓鄧氏諱某常州武進縣曹坊里人也年
十九我從父諱文正娶為妻動遵禮法事舅姑
甚謹如晚歲失明每飲食必相之徹而後退平
居雖甚寒暑服勤嬾工每夜分而后寢至元乙
亥天兵南下以常州未平駐師京口游騎往來
居民多避地他徙吾謝氏居城西烈塘以世業

弗忍去置東西。門募丁壯守之，騎不能入。然人情恟懼，母自以少艾，恐遭俘畧，嘗謂娣姒等曰：「設不幸為北兵所虜，將若之？何？」衆皆曰：「苟無所逃，惟聽命耳。」母獨毅然曰：「吾寧自死，義不受辱。」是年五月八日，騎者二十餘輩攻里門，甚急。衆不能禦，遂奔潰。攻者火其廬，虜從母及鄰婦數人，遭係累而去。行臨漕渠，母乃潛脫，其馬投簪珥於道，傍投水而斃。時南歲蓄鬻，醫中有竄伏者見之，已而耒告求其屍，果得，嗚呼！吾從母不屈而死者於今七十年矣。應芳為兒時，先子屢嘗語之，今諸父六人俱無嗣，不肖苟不白其事，是泯其潛德，謹錄先子遺言，狀其行如右。惟當世立言君子，賜之著述，則從母死且不朽。謹狀。

王佛子行狀

王佛子諱彬，字文甫，常州武進人。往遭亂，譜系喪，共弗究其先所自。考從龍當至元乙亥，天兵南下，家曰織焉。常既內屬，繼室以張氏。養子質。

數年而生君：潔白端好父珍之六歲即延師
教於家性敏慧善記誦明年生痘疹疾時已授
孟子書恐為同業所先數號泣白其母：曰兒
疾旦暮且愈以兒強記之姿寧懼弗及乎殆不
能釋用是致青一目稍長事親孝與兄質無間
然者未冠經營家事率有條理公私內外咸便
之居無何費用益饒父母終每遇時祀則追思
飲泣曰向吾豐：計裕親也親今亡矣多蓄奚
為願傾貲之半以施考佛祈助冥福再涉南海
禮補陀山君子憫其以報親為心而弗疵云及
兄歿喪葬亦如禮至是與兄同居者七十年矣
平生慕馬少游之為人好閱古書中孝友陰相
事然性剛直人有過面折不少貸每旦起立卑
劫庭下晝投鉅細事大要歸信讓勤儉子孫少
有不及必加誚責待其兄之子若孫殊覺寬假
常勵之曰吾非爾宥也苟怠吾事行且罪及兄
子輩愈趨事以勤食指或數百總服同爨歲時
須費及嫁娶品式至於服食織蓄皆均一無私

家庭之內肅如也晚築遐觀樓以延賓客多致時流名輩相與娑娑嬉遊諸子姓因得磨礪浸潤亦醞藉可愛佛子方少時有里人夜為盜為家隸所獲將殺之君力救免且戒隸勿言後數年其人臨終時自語其子使毋忘焉聞者或以是詰之終於不言同母二妹人其一嫁邑人姜氏生二子至正間其父子俱為仇家誣陷抵獄吏鍛文垂成如律乃惻然為援之遂脫其死餘親故藉其力以排患難亦多類此故鄉邑倚之若長堤鉅防之於湍流狂瀾云若隣里貧而病者每助醫藥之資且常置棺置別墅有不能斂者則與之或乘馬出入遇負載者雖少長亦引避田間見耆老必下馬相勞苦以為常故鄉人號為王佛子浙西以田賦為重州縣吏以其家租入之多命為正首徭役殆無虛月然按文應需之外課戒子姪毋以豪髮橫擾細民人賴以安仰之哉如父母橋梁溝洫不待官府督責而豫自辦集公私兼濟其利亦以此自悅也至閑

暇時委家事諸子姪携一二朋舊問丹陽道過
句容臨白下陟鍾山治亭之杪徘徊徙倚訪六
朝遺跡挹臺閣清氣或入吳抵錢塘覽湖山勝
槩悠然忘歸此又其高致而人少能知者至正
十二年十月紅巾據常時佛子方臥疾于家賊
衆至盡掠其所有意恐為里人禦奪發倉廩
誘之皆不至賊縱火迺為撲滅已而賊誅君疾
造愈起召里人嘉勞之明年春正月卒于家年
七十二子庭玉等以其年二月葬君於直瀆之
新阡送者千餘人多哭之慟皆曰善人慰矣妻
丹徒周氏生子男三人長庭芝蚤卒次庭玉次
庭槐女二人長適丹陽周氏次適吳門金氏妾
周生子庭梧孫男曰敏曰政曰孜俱有餘尚幼
兄之子庭桂次庭椿其子尤夥某與佛子同里
聞且辱招致教其子孫者十餘年故知君為詳
謹狀其行實以俟當代立言君子撰序次第期
示不泯

故處士存心先生陳公行狀

曾祖諱文表宋蕪州司戶餘缺祖諱寔鼎宋從
政即行國子錄餘缺考諱聖澤字容軒宋承節
郎提刑提舉牛酒庫提幹陞提刑司簽幕兵馬
鈴轄朝奉郎常州通判賜緋銀魚袋帶行都督
府檄宜文字先生諱師可字伯大自號存心老
人通判公之第三子也宋末父居官常州武進
縣奔牛鎮宋亡而元遂為武進人母某氏先生
生至元十五年戊寅不數歲能通孝經論孟大
義父常問之應對如流然天姿醇朴不尚文藻
既長當路者多薦辟之皆不就孝奉二親於喪
事祭罔不如禮其弟振可父命為同邑張總
把後蒙可贅盧庄金氏後振可頗豪俠先生數
勸止之然其好賓客接後進飲食教載送往迎
未之不减乎其弟也平居坐蒲石軒觀盆池小
魚洋洋自得曰魚之樂猶吾之樂也或小飲微
醉歌安樂窩先生之詩擊節嘆賞晚年家居為
童子師無賢愚貴賤但內拜則進而教之束脯
之禮不計其孰有而孰無也元末草竊蜂起御

里有不可得而居者挈家依無錫東膠山安氏
食指百數恬不為憂蓋人多知先生為有德之
士供具不絕既而鼠輩旁午乃轉徙蘇州城西
先生及妻康氏相繼以病而歿先生享年八十
有一妻年若干宰木幾拱遇世變環城數十里
河隍變遷而大明開天矣先生初娶陶氏生子
曰以仁先卒繼室康氏子男四人長曰某次曰
某娶某氏孫男三人長曰融娶丹陽陳氏次某
俱幼洪武己巳冬塋二親衣冠於唐原祖塋之
側嗚呼先生之死始終兩遭兵變不以艱危虧
事親之禮不以困厄失守身之節存心之号不
誣也某自蚤歲游逆且忝姻戚知先生為詳故
狀其梗槩如右

誌銘

管伯齡妻壙誌

張氏諱某蘇州鐵瓶巷人也性聰慧女工多不
學而能其精巧有過人者父母種麥擇配遠邑
得處士為儒族名家子厚貲裝而嫁之事舅姑

能盡嬾道凡祭祀賓客在中饋所當為者為之
靡不中節鄉閭則之男女婚嫁之禮亦然生子
男二人長曰嗣娶同邑宋氏次曰繼娶陳氏從
軍某州女三人長妙真適方氏次泚真以真所
適皆里居嚴氏孫男三人長顯娶周氏次仰克
皆幼孫女一人適史氏曾孫女二人長復奴蚤
亡次孝奴在幼自處士沒丁時多艱憂患在床
禱者幾年某年月某病卒享年若干某年某月
日封定與處士同穴毘陵謝某嘗寓居為隣故
其槩如此云

義士吳先生墓誌銘

先生諱轍字中衡其先會稽人祖某元江浙省
醫學提舉居官杭城因家焉考某妣某氏某年
月日生先生性聰敏過人初家塾之師授以孝
經論孟即暗誦如沃成童通醫書內經奧旨餘
如脉訣歌活人書等多疵焉至如吹洞簫鼓瑟
琴舞劍皆不學而能其志若有不屑于醫者元
末多故南臺某官買里古思公知其才召為幙

賓方欲力薦而大用之古思公以他事被纒落
陷穽公懼禍波及之變姓名挈家海上久之乃
賣藥以養其親長洲故交趙執中舉家病疫隣
里無相過者獨幼兒應門先生過其家呼厥子
入視皆以藥飲之數日而愈執中父母妻子跪
拜奉幣而肅之先生固辭曰朋友患難不相救
乎進士某縣丞俞某患軟脚疾先生憐其貧往
視之曰可療但藥餌三兩月方愈俞言無畏藥
之資先生曰君有此則吾豈為不速之客乎後
如期而安其報禮亦毫髮不受或問俞之文非
趙氏比何同然耶先生曰斯人有可用之才使
得存為世而用之不亦可乎凡貧居有一寸一
藝求醫而可醫者皆然故吳人翕然以義士稱
之然吳江富人有沈姓者遣幣招致及門其主
人方事巫禱先生乃飄然而歸翌日沈氏復重
幣固請先生終不赴而返前幣焉凡如此者亦
多或譏其桀敖弗辯也平居能孝奉二親、歿
則廬墓終制化行于家妻某氏事舅姑亦盡嫺

道先生於大明洪武某季甲子終於家享年若干塋崑山縣石浦考塋之側先妻某氏生子曰集後趙氏無子皆先卒其子某以余父執知其親為詳請誌其墓故述其梗槩如右銘曰時不利志不遂假方技兮行吾義全是身悅是親骨雖朽兮名弗湮於乎蒼天德哉若人

管伯齡墓誌

先生諱壽昌字伯齡蘇州府崑山縣人也祖諱某宋開寶中以詞賦領御薦考諱某遭宋革命遺逸而終生處士於元之皇慶四年某甲子某月某日氣質清秀不數歲能暗誦小學四書通大義既長為學道書院訓導諸生悅服文譽蔚然越二年以病請告踰百日而歸自是季益長而學益進蓋屬文尤工于詩泗橋杜玉泉氏招先生以教諸子時玉泉亦以詩鳴花朝月夕更倡迭和其詩如元白而不俗郊島而不寒不瘦也館穀凡二十餘年玉泉歿而教授于家學徒愈盛如歇後鄭五輩及緇衣黃冠能詩者咸與

之游有 儒之遺風焉 大明洪武某年月
日卒年七十有六葬某處娶某氏生子男二人
長曰某經鋤養親次曰某從軍某州女二人嫁
里中嚴氏孫男女若干於平先生抱俊逸之才
負高尚之節齊名尚志超然晏居有詩文二十
餘卷曰尚志齋集歲於家辟藻之名榮于軒冕
誌其墓者昆陵故交謝某也

墓誌銘

龜巢老人姓謝氏應芳其名子蘭字蚤從其親
聞譜系世居開封多顯貴六世之祖武進尉東
西謝庄族滋熾大父別業烈塘溪生男七人一
進士遭宋革命家乃燬烟滅煠飛三百指舊家
奕世盡蕉萃賴有隻親踣而起四男一女同遺
休勇皆吾兄女吾姊伯兄早歿孤藐尔二仲及
嬖竟無嗣我生迂踈昧生理妻任井臼畜三子
木也左右奉菽水曰林曰森伯為禰七孫惟塏
冠而儼坦坦成童餘幼穉商周興亡陵谷異舉
家幸獲全生齒干戈十年浮海避強名龜巢等

游戲還鄉無復舊閭築室橫山墓山趾春秋虛
度八十二著書數篇而已矣府公遺石誌丘窀
聊尔云々叙終始大明洪武十年歲次丁巳七
月十一日病中口授友人江陰張端

吳處士妻墓誌銘

逸菴處士之妻姓曹氏諱某崑山人享年若干
後處士若干年卒吳俗尚佛氏死者火之其子
輒卓然能矯俗之弊以禮塋石浦之原與處士
同城時某年某月某日也毘陵澱子蘭與處士
有通家之好處士屢嘗語蘭曰吾妻性柔慧蚤
歲在父母家精女工事親以孝謹聞既嫁而主
饋奉嘗靡不適舅姑意領予性嗜酒喜狎賓客
語多滑稽賓退每相規焉及其為母教輒與女
皆有矩度教輒嬾亦如之然平居言笑雖連屋
之人未嘗聞也輒負氣節以剛直多與物忤母
常戒飭之不敢隸微如臧獲御之亦盡恩義凡
如此類其姻戚比閭之所稱道無間然者今輒
以蘭知其母之詳乞為銘蘭于是紀述舊聞使

後之為女為嬪為母者像之則其死猶無死也
銘曰淑德之全德容靜娟玉溫潤而栗然其生
也天永其年其歿也人稱其賢又奚卹形管之
無傳乎

駮孫墓碑銘

龜巢謝老第六孫名駮孫生三歲而能言父口
授周南閔雎等篇立能成誦余愛之意他日可
業儒以繼先世甫五歲以痘疹死時洪武十一
年三月十有三日也翼日瘞潞城之原余乃哭
而銘之曰茁而折斃而斲造是物者何滅裂

張處士墓誌銘

處士諱功懋字寔甫蘓州崑山人也先世多顯
宦譜謀具存考諱應辰不樂仕進居鄉里為鄉
之善人母曹氏生君之日世方中微君蚤歲即
幹蠶有所樹立既孤養母氏極甘輒之奉鄉人
稱之母歿而家益肥中歲畢婚嫁事即以家政
授二子又能豐其殖焉君乃構佛廬於先人墓
左以奉祀事仍與僧日居之故四方浮屠師多

與之游平居月齋十數日卉服蔬茹泊女也旦
則持佛書諷誦畢乃戟手向天敬謝其意若曰
吾之所以得此者皆天也不敢忘也施僧之餘
眇窮乏或周之然奉身寡約始終一致自號守
齋蓋以此耳吁其亦可謂有恒者歟妻沈生子
男四人長曰天麟娶邑人金氏再娶姚氏次天
麒娶朱氏次天祐出贅同邑夏氏先卒季天祐
贅嘉禾王氏而婦女四人曰妙善妙清妙靜妙
智皆有家而妙清早世孫男曰畿娶倪氏曰綱
未冠孫女曰真曰善曰因曰寧皆得配曰瑄與
曰玉英尚幼處士春秋六十有九洪武元年五
月十二日終於家明年五月二十七日瘞祔考
塋其子天麟乞銘于毘陵謝某而某久客吳下
且知處士銘曰始蘖其樞率蕃其枝惟根于天
者弗移曰德之恒予是以銘之嗚呼其止于斯
兮

方寸鉄銘

天地為爐陰陽為炭鑄方寸鉄非柳下鍛剛不

可屈堅不可磨侯堅侯剛利用寔多人工欲以
之剗食月蟲環以執政剛過於崇惟善用者為
衡之權稱物平施錙銖弗偏嗟尔有此歲之於
密以素氏硯改而為筆擣辭琬琰百煉其工剔
去魚魯斯文有功彼寸鍤兮人孰無之欲偉其
器繫鈴由錘寧小為錐勿大為錯凡百君子非
由外鑠

永思軒銘

人之生天地中父之恩與天同生而養送厥終
盡以禮猶哀恫矧遠離遭鞠凶一失怙無由從
德固極思何窮生之初本倥侗玉而錯金而磨
器之成皆父功哺不烏乳不糴忝物靈漸灑寄
念尔親脩尔躬以尔孝移為忠其親顯名亦崇
苟不然思奚庸霜雨露愴厥衷執籩豆感必通
永爾思如水東于美墻見像容庶象賢繼高風

方竹杖銘 并序

予性喜方偶得一方杖甚愛之因念古之崇
節羨尚廉隅者類焉刻銘其端持以自警

猗歟竹君易園為方虛心固節悉如其常其方
伊何如玉界尺不砥而平不繩而直曰予老矣
賴君扶持羨以方外庶克似之

竹素齋銘

為鄧宜之作

天人交敷義畫馬圖文明九丘科斗六經於昭
日星漆書汗青姬公宣尼斯文緝熙為世範像
百家之多繼聖惟軻如江如河竹兮素兮文斯
寓兮開牖戶兮爾於其中樸斲磨礱德業攸崇
苟習其辭舍已弗治雖多奚為余言若茲曹弗
爾欺亦以自規

願學齋銘

溧陽曾明府塾字子嘉前家居之日以願學
名齋今居官扁仍其舊其友常州府同守楊
侯徵予文辭不獲命乃為之銘曰

終始典學德脩罔覺昔哉斯言為世矩矱欽惟
素王聖本生知學而不厭惟日孜孜好學如顏
為聖之亞天若假年不日而化三千七十步趨
後先曰願學者子華之賢卓爾君子志華之志

揭諸攸居書紳何異學以明之仕以行之仕學
俱優兩輪竝馳厥德之脩與日俱積豈惟日積
乾之夕惕願學若茲勲業鼎來不負所學尚慎
旃哉

凌日堂銘為無錫趙德和作

先民有言孝有不及人之事親所以為急矧伊
大母春秋七十彌六耆年為像里邑晨昏定省
扶持出入甘輒而饋輕暖而襲養非徒凌敬事
必給慈訓竝成蘭薰蕙裒慎言與行如玉之執
曜靈西馳恨莫能繫分陰寸晷斯須必嘗厥德
既脩業亦樹德位愛日若茲衆善斯集毋早我言
陞階拾級

白賁軒銘

天地之文我象我像惟文之極澹焉是宜賁之
上九白賁無咎苟為不然咎將吾有聖人立言
妙理冲漠能近取譬亦孔之昭如衣美錦其父
煌煌維其尚綱簡然而彰以賁而白不賁之賁
君子以之咎弗我致嘉尔釋氏修乃白業殊途

同歸意明允愜

永思堂銘

崑山呂昭克明起家業儒信道篤而事親孝以父母生前奉佛志極堅固有不可移者常承順而悅之及其歿依釋氏荼毘法瘞骨于墓後治命也至居喪則多用古禮縗麻哭踊不酒不月以終三年之制視世俗舍禮法而溺乎異端者不同也既而近佳城擇地構堂龕木主香燈朝暮歲時烝嘗追遠之心懇切惟恐後人有弗逮者堂永名思蓋取諸古經永言孝思之意洪武癸亥夏五月克明徵余文故為之銘曰

人之有生曰父曰母劬勞之恩天高地厚方具慶時綵衣青春志弗克養徒美八珍一朝云亡無復定省雖欲愛日捕風繫影嘉尔孝子事死如生塋後治命祭盡其情日居月諸時則遵矣繼承或怠懈矣經言永思揭諸斯堂非曰能之示不敢忘姜水滔兮不舍晝夜悠兮我思

與水文瀉溜，沅水無古無今我思悠，與水
俱流。春秋霜露溪毛，河酌有感斯應。來享來格
無形而形無散而聲美。楠見之是為思成。烏鳥
之忱豺獮之意。雖子若孫有引弗替。

存耕銘

人有寸田產仁。與義君子存之。罔俾蕪穢。詩書
耒耜。耕以學力。種德樹業。如黍如稷。我苗芄，
我稼既同。仁熟之秋。其用不窮。彼自棄者。厥田
弗治。耕也。鹵莽獲亦如之。舍己芸人。斯尤可嗤。
勗哉存耕。惟日孜孜。示工戒虧。不其餒而

贊

鑑景儀先生画像贊

山澤之癯頽然。而長面有詩紋。鬚眉雪霜。幅巾
藜杖。逍遙相伴。不可貌者。其行之力。其心孔藏。
其音琅。德哉若人。俾也可忘。

張伯仁畫像贊

隨俗衣冠。容物襟度。坦然真率。頽然魁梧。屢涉
危途。不共故步。嘗即其天之所賦。徵諸人之所

慕其可謂吾韜俊之光而寔能達時務者歟抑
亦可謂泯星鳳之跡而人欲快觀者歟

月泉道人小像贊

炯：乎精神蕭：乎衣巾涉陵谷之變而久於
風塵忍泥途之辱而全其天真玩世濩落隨時
屈信噫是所謂涅不緇磨不磷託跡為方外之
隱淪者也

曹節嬭贊 有序

按家傳嬭吳姓婦曹氏二家皆江陰望族生子

曰有寔方幼婦秉節十有五年娶居宇孤慈
而能教遇世變乃携子辟丘子被執母即赴
水而死既而子得脫欲收瘞母屍日夜號哭
求諸水濱久之終不能得遂以母所遺服飾
之物厝諸棺合葬父塋哀毀骨立鄉人悲之
君子謂有寔之薦於親非親教之有素而能
然乎夫以子之蚤孤母不失教不賢而能之
乎然婦之所以能死節者又豈非世族文獻
之澤有以致之乎故為之贊曰

楚臯之蘭生有餘芬瑜而不瑕藍田之玉_琢猗与
尔婺比德蘭玉為女為婦像尔族屬蘭摧玉湛
于江之陰跋彼共姜心乎心

箴

拙逸箴

嗟世之人知謀為賢膠、擾、靡日不然不作
聰明不事機巧尔逸若兹庶乎近道身弗行險
意無外馳尔逸若兹孰云非宜作偽而拙其拙
可羞好遊而逸其逸可憂拙逸之言本乎周子
吾其申之以寃厥旨巧凶拙吉巧勞拙逸旨哉
斯言宜尔勿失

師箴

堯舜湯武為君而師洙泗設教斯文在茲寥々
漢儒章句云尔漁洛諸公麟角鳳翥師道之大
寔難其人曰為者温故知新若童子師為亦弗
易養正之功寔繫於是師乎師乎宜日三省吾
為子箴亦以自警

坦率齋箴

嗟今之人以文滅質允矣君子欲矯其失徑情
直行是為坦率本之於身作德心逸推之於人
言踐其实不脩邊幅不任智術不奴其顏不婢
其漆其腹無劍口亦無蜜始終弗貳表裡惟一
坦率若茲亦孔之吉彼異端者蕩無紀律居不
衣冠馬牛其匹坦率若茲乃固足述吾亦率尔
言為尔弼謂予不信有如皦日

拙齊箴

維古聖者徑綸大徑至巧若拙無為而成唐虞
之民其俗皞皞不識不知非無六鑿三代以降
知巧百出或摭或愚或得或失去古日遠巧日
益多卓尔君子拙如之何言抱其朴不事華藻
不鼠之黠不免取狡彼蛛為羅巧於謀食我飲
如蟬清風兩腋鳩拙於巢蚕巧於繭巧拙若斯
可亦無覘作偽而拙其拙可羞誠拙而逸其心
休戒之謹之真偽兩途十日所視毋失其趨



龜巢葉卷之十三

國家圖書館, NATIONAL CENTRAL LIBRARY, TAIWAN, R.O.C.

龜巢藁卷之十四

題跋

題陳松居所書昌黎詩後

僕蚤歲誦符讀書城南詩嘉韓公教子如此其切意其子必樂有賢父之教而成學及以他書考之符也果登長慶進士第斯亦可謂不負其親矣然而為集賢校理乃有誤改金根之繆噫是豈以擢第之後遂弗究於學歟今觀松居先生筆韓公之詩以示其子蓋先生之心即韓公

之心也為之子者得不以親之心為心乎仲楚
今學優而仕方且以學軒暑燕居之所勲：焉
懇：焉佩服父訓為學不厭夫如是視韓公之
子有間矣昔人有言顏何人哉希之則是况希
韓乎僕雖老尚刮目以俟時洪武五年二月初
吉毗陵謝某書

題太乙真人圖

按韓子蒼之詩曰太乙真人蓮葉舟又曰龍眠
画手老入神此盖顛李伯時画也所謂真人者
姓名時代考之列僊傳等書無之不知其果何
如人然以蓮為舟偃然高卧風神蕭灑以非有
幻化之術乃能真蛻骨而僊者疇克若是乎是
圖摹寫之妙較諸龍眠笔法人無間然其必善
學而得其傳乎神僊有無姑置勿論夫君子玩
物以適情身當此金華擾攘之餘人方埋頭塵
土欲超然物外之游而不可得覽是圖者當心
融神會与博望之槎琴高之鯉金僊氏之浮盃
踏蘆者同適其適不止論形似而已宗禮求予

言俾題其卷首云

書歷代蒙求後

世俗以千字文為啟蒙之書尚矣然使之識字而已餘何益乎是書六四言為句便為習讀自羲農以來數千載世代盛衰曆數脩短粲然可見搜蒙童令熟記而知之豈云小補觀者其毋忽焉某年月日龜巢老人題

題子昂竹石

昔文敏公初赴京過毘陵心宗人東臯先生家人多求公翰墨後仕於朝徃來雪上時先生數從之游因得公書畫凡數幅內竹石一紙公題小詩絕類此卷吁公初以書名於時其畫與詩本皆絕妙今此卷備焉有區々未易贅述者特以予家藏舊物皆亡於兵時今又隔一宇宙捧玩再三不勝慨惜

題敬親樓詩卷後

丹徒陳彥芳既葬其親於別墅構樓以奉先祀扁曰敬親示不忘也夫死者魂氣歸於天形魄

歸於地故廟以妥神墓以藏休廟必於家者
神依乎人者也今彥芳奉祀別第其有徵於古
歟抑其心有得於敬親之實而非矯焉以假其
父者歟夫目之所視而思從之登斯樓也丘壟
在望松楸蔚乎其前知吾親之歲於茲也與其
族之人時而至焉固將姜牆而見之抑是室也
吾親之所種樹今則拱焉吾親之所燕遊其遺
跡在焉彥芳即是而思其親其有不起孝敬乎
詩曰維桑與梓必恭敬止延陵季子曰骨肉歸
復於土魂氣則無不之也彥芳之心其有徵於
此因書以歸之

題觀奕圖

世謂觀棋者恒高於當局之士予曰不然顧其
人智有優劣亦係乎用心之至與未至耳今觀
是圖寫對奕者二人其風度閒雅皆若聊爾於
奕坐而傍觀者一人則注目棊局凝然若精思
入神或一著可以決勝負而未易語人者孰視
其狀殆猶陳平患諸呂逆居深念不見陸生生

時也吁世之當國者旁求參佐與之策安危計
成敗亦有用心如觀矣者乎撫卷三嘆用題其
末庶覽者或有感焉

楊妃齒痛圖

王環瓠犀以荔子而痛，未甚也。三郎為環而
痛，則甚矣。使移是痛以痛天下群黎之痛，惡
有天寶之亂蜀山之狩乎。今觀唐棣斫圖不痛
環之痛而痛三郎之痛，抑亦為當時群離之痛
也噫。

題山谷香巖偈墨跡

宋高宗學廢於五季，至本朝蔡襄等方入格律
蘇黃米薛各有趣向，然則山谷之書為一代名
筆，豈易得哉。

題麋氏家譜

凡為譜牒者，往往追稱先世勲業之盛，世代遠
邈，交革不常，茫然絜然，有未易考者，或乃致送
華胄之誚，君子耻之。今觀崑山麋氏子才家
譜，則不然。世祖而下，至金紫光祿公為高祖之

考然後旁及群後至於人所不知之地天其報之如此家譜之祚蓋欲其後人念祖脩德象其賢行其澤非直為觀美也詩曰子子孫孫勿替引之予亦誦此為他山之石云

跋許氏臺菜集

予嘗以天下福善禍淫驗諸古今其理未嘗不焯々也若曹彬曹翰皆宋重臣以彬之賢屢世榮顯翰肆貪暴子孫饑寒當時史官特竝書之以示勸懲詎不信然今觀宜興簿許侯克敬所

示臺菜集譜其族自南唐金紫公居番迄今垂五百年其間擢魏科登臚仕者代不乏人非尋常世族之家所能及也其從兄德夫為金紫公十六世孫以舊編所紀詳於名爵畧于行義乃重著而脩錄之諸先正之潛德幽光粲然在目然以愚觀之必又有多蓄陰德默契於天者雖子孫有所不知閭里有所不聞國史郡乘有所不能傳載天其相之裕乃後昆所以緜遠盛大至於如此不然何代屢易許氏之澤愈久而愈

不泯邪詩曰無念爾祖聿脩厥德又曰子之孫
弗替引之愚請為克敬誦之詩為祝規并筆
于卷末而歸之時洪武七年夏五月之吉毘陵
讞某

跋族墓圖

河南保定趙先生所著族墓圖其說本乎周官
叅諸衆論尊卑昭穆粲然有倫使觀之者心生
孝悌亦猶觀老泉蘇氏族譜也如是以葬其親
以祛去其風水之惑於名教豈小補哉先生諱
炳字季明其經學德望為中州時宗至元大德
間七聘方起官至翰林承旨學士平居多著述
若四書選注等書皆有功斯文愚恐東南之人
有未知程伯淳者故粗述於圖說之後鏤版而
傳之詳見元史

跋蘇魏公百韻詩後

古蘓魏公百韻詩叙平生出處行事之大節謙
言為家訓也然字之句之皆足為世模楷豈特
一家之訓而已哉若考亭朱夫子西山真文忠

公諸大賢咸有贊述區、後學尚何言歟某竊
嘗忝與公之裔孫景瞻父游婁蒙出是詩警教
嘗謂某曰名教有餘、異端戒多奈只此二句
有終身行之不盡者蓋其服膺祖訓力踐正學
卓然不為異端邪說之所惑故有是言時某等
知所向慕者亦幸賴私沐而加勉焉於乎瞻父
既歿世亦隨變瞻父之子若孫家毀於兵獨琬
箴是詩出入戎馬間三十年與身俱存且能奉
庭訓不淫老佛之可謂不負魏公垂訓之意也

愴

某重獲覽觀儼如對瞻父晤語敬書此以寓感
跋脫時敬叅政手書

字書心畫也人能觀其親之心畫而知其志焉
斯可謂能子矣今觀高郵同守畏吾氏伯堅於
兵革之餘得乃翁脫公大叅所書畫錦堂記如
獲重寶愛之敬之不翅若其親之在日其殆著
存不忘者歟愚嘗論歐陽子之為此記也蓋知
韓魏公之志在乎德被生民功施社稷故以此

二語為一篇之要大。叅筆其文得非志魏公之所志乎？使伯堅灼見其親之志曰：德曰功當知勉其所以繼之者，是則愛敬之心又推之於書字翰墨之外。能子之道必如是而後盡耳。昔者辛卯秋公來毘陵，遠予復忠公墓，田築祠立碑，公為之大喜。嘗以吊祭之文示予而往焉。時所書端謹，持重視此篇，筆意蕭散，神氣飄逸，有不同者。此先見其字學之妙，不凝滯於一偏也。於辛落月滿屋梁，猶疑見顏色。况心畫乎？想像高風，不勝起慕敬書此以告伯堅，并抒所懷云。

書安撫陳公跋先君小像自贊後

昔者狄節使却梁公画像，世固稱之。若先代遺容遺言如安撫公父子者，其後人當視瞻如生，存敬恭如侍側，勉焉冀企及之。雖時有陰污命有通塞，有不克奮厲以繼先緒，然所以是非不避權勢，赴人急難如救頭，然是皆起懦疾之藥石也。慎毋以狄公藉口而藐眎厥祖如塗人。然詩曰：無念爾祖，聿脩厥德。軒冕云乎哉！閱

閩云乎哉今安撫七世孫茂吾壻也出示石刻
祖像并覽贊跋起敬起慕目題其後如此云

跋張氏家譜圖

右番禹張氏家譜圖知常州府事中憲公度倣
歐蘇族譜為之由七世祖而下瓜瓞延蔓尊卑
戚踈瞭焉在目中憲需予言愚於是切有感焉
書首九族詩重同姓吾夫子嘗刪定二經垂訓
萬世其敦本之意至深切矣若夫大小宗之瀉
蓋推廣之後世宗法寢壞世教日衰然天理民
彝未嘗泯絕東平九世之張江州百口之陳亦
代有之若文正公則能以祖宗之心為心瞻族
有田疏遠畢給真可謂不負詩書敦本之意今
觀中憲公追念厥祖留情譜系惓惓如此他日
叅大政得厚祿如文正公為之時以是心為之
吾知文正公不能專美於昔矣揚子雲曰願何
人哉希之則是愚於是云

跋呂仲珪孝思卷

夫為人子者或不幸於養生送死之道有未盡

焉處理之安當從權以事其事豈徒抱終天之
戚而已哉今觀崑山呂仲圭氏早歲以父命出
贅不能奉甘旨後其親族殯白下太家五里百
又不能春秋省歸以寓哀思服闋數年痛盡如
昨與人言輒流涕蓋仲圭以孝有不及情莫能
忘然則如之何而可也惟所謂權宜用釋氏茶
毘之法函骨而歸瘞諸故丘宰而楸梧祠而蘋
藻薦萬悽愴常若見之則其親之死猶不死也
若夫繼志述事或出或處樹其業以其親則

諸士夫頌美孝思之言斯足徵矣

跋凌克禮父子孝感詩文後

管聖人以子騫父母昆弟之言而稱其孝蓋人
之善事親者必先目之口之於同室之人而後
一鄉一國熟聞而著稱極而至於流芳天下後
世矣前數年客有過毘陵者說潤鄉父子之孝
吃：不離口予未妻江妻之人咸譽之既而盧
充州子長嬰以趙徵士用晦所贈孝感序并諸
賢士夫歌詩凡若干篇皆本乎其父母昆弟之

言予然後知潤卿二子長克仁次克礼能罄家
輸粟以贖父罪去之日奮不顧數千里危難爭
先而吁昔趙礼兄弟遇暴將腐食之其兄孝
曰吾体肥可代吾弟若克礼事雖不同其志趙
氏之心也欤然或者謂是亦常人所能為予故
原其心而論之如此豈易得哉豈易得哉今凌
氏五世而居重蘭色養曰父曰孝其所以盡其
孝道者固不心於是也洪武十六年夏五龜巢
老人謝某跋

跋陳寺丞思愛菴疏

右故宋寺丞陳公以思愛菴奉先疏請果上人
主之駢灑精切字画端勁其為人可知寥寥二
百餘年為果嗣法者不知凡幾代是菴易名園
通蓋亦有年公之跡文章幸而無恙今性中師弟
子知敬重之求士大夫題識余於是竊有感焉
宋之文憲禮樂盛於漢唐然當時世家如文潞
公之有家廟者絕以請寺觀為香火院者滔
豈禮樂不明淪於俗習以致然乎今性中知其

文當知其心知其心則知所以敬其先世者在
乎菴仍舊名庶存初意如此則名正言順而奉
先之事終於有成寺丞公之死猶無死也豈徒
重其父而已哉

跋岳氏族譜

岳氏為常之望族舊矣予蚤歲過唐門見其第
宅相甲乙者數家且聞竹山蔣先生言宋乾德
間岳王弟徑畧使之孫自九江來居由宋而元
子姓蕃衍文物之盛拔萃同里比以陵谷變遷
矣葉焦痺東之懼譜牒散失嗣而緝之猶老泉
蘇公之譜其族也泉之言曰觀吾譜者孝弟之
心當油然而生吾知東之亦以是有望於族人
焉或謂昔者狄武襄不沒梁公君子歸之是大
不然非其後而附之者非也為其後而自外者
尤非也故人苟能以東之之心為心由孝弟以
行吾仁則民吾同胞四海兄弟無徃而非仁矣
然則族譜之作豈小補哉時洪武十有九年六
月既望龜巢老人謝某敬跋

跋經訓啟蒙

右經學啟蒙北溪陳先生之所著也先生經學得考亭夫子之傳卓然為一代師表病世之訓蒙者所教麗襍蕩養正之功故采摭徑傳以三字四字為句緝成韻語以便習讀其書言孝之大原學之旨要使幼學者誠能熟讀而蘊之於心養其德性既而施諸事業則舉而措之耳蘭曩避兵東吳得此書三十餘載郡人徐孟容孟曾等見而寶之謂明珠暗投良可惜也是用版刻以廣其傳於乎先生經訓以教辟蒙蓋以聖賢之心為心視麗襍之書蘭蕪不同俱化之效久當見之凡為父師者可不慎其澤乎子程子曰習與性成聖賢同歸吾於此亦云洪武己巳九月重陽日昆陵老諸生謝某敬跋

張孝子傳

張孝子小字阿伴常之無錫人也為兒時父母以歲饑去鄉土流離四方後徙居晉陵之東洲未幾父卒兄之蚤世家益貧母查氏僕偃不能

任婦事中歲復多病常在床席伴傭力黃氏家
仰給之黃氏工染色伴日學焉久而遂精其業
主愛之歲益其直伴身無完衣其奉養之具則
隨而豐時得一美味必歸遺母或分飼之則
給云已食母盡之則喜當暑月每夕炳蒿艾以
驅去室中之蚊拂枕席以安母寢隆冬雨雪鑪
不絕薪夜必煨母於懷如此者二十餘年服勤
於親殫力於傭未嘗一日廢其事忘其志也母
壽六十五以天年終伴慟哭幾絕先教歲預營
墓具及歛之日即舁柩歸無錫合葬父塋今墓
木已拱春秋携酒肉省婦必邀至隣里飲食之
奉之焉為保全丘壟之計平居遇飲食適口猶
常動風木之悲或哽咽飲泣徹而後已且以親
在之日仰食黃氏深德之効力愈謹或者常欲
倍其直慕之伴不從嗚呼斯亦可謂義烏耳今
鄉人特嘉其孝稱為張孝子云

贊曰以魯騫之賢又親炙聖人得學問之力其
孝宜矣若伴之微生長陋俗目汙凶德耳習諱

語乃卓然返哺跪乳梟獍之群使游聖門而學
焉安知非曾於鴛之徒歟區區受傭於人又能
以力振效久而弗忘吁世之朝祿爵而暮亡叛
者其人寧無愧乎

錢孝女傳

錢孝女者吳郡田家之女也父母喜其性婉順
納壻與居洪武初兵亂歲餘徙家常之三山湖
服勤婦工兼力農畝措之乎共養其親父卒母
老而病踰兩期腹有痲癖號呼痛楚女甚憂苦
每中夜禮佛籲天拜跪懺禱一夕潛以刀割股
給其母為他肉熟而進之連年之疾即刻而愈
既而隣里以其母無孺痛報故詢知其然衆皆
驚嘆女姨母呂氏為吾隣嘗詰之言其平昔細
行多不可及久而益勤至不恤其肢體斯亦可
謂篤孝也與論曰昔人之孝同於錢氏昌黎
伯嘗非之其言蓋本諸經以毀傷為未善也
然閭閻匹夫之愚礼教不知一念之誠根於方
寸通乎神明而孝感昭著如此豈易得哉豈易

得哉於乎使薄俗之不顧養者聞錢氏之風亦
寧不泚頰芒背愆其心而知悔悟也與是歲庚
申六月望日

諸葛節婦黃氏傳

黃氏名真淨丹陽縣呂城諸葛用中之妻也父
家晉陵以其女生有泚姿善女工父母鍾愛擇
配數年聞用中為兒時過驛亭適南臺監察御
史普公見之以其能屬對擣大字甚佳呼為奇
童聰慧之報洋溢四境故黃氏之父以女許嫁
之既嫁而翁知其能遂託付家事使其子得專
儒業翁歿其夫婦皆能以翁之心為心服勤如
初賓敬之禮弗渝肥家之功益著養子而作愛
不姑息凡鄉里之為父為母之賢者咸儀之元
末兵興夫婦挈家竄吳下蒿簪卉服藜藿食飲
艱苦十有餘年夫病而亡哀慟幾絕吐肝膽告
之柩前曰未亡人真淨三年服除當星冠羽衣
若女道士以終其身有所否者天殛之由是教
其子以繼承宗嗣無忝厥祖洪武改元於鴻鴈

安集之初歸葬其夫命其子復舊業什有二三
餘皆棄置蓋亦知止足之義而無殆辱也數年
之間又能搏其餘力助羽流重構清微觀以祠
先世身佩符籙日誦老氏書貞節愈固今春秋
七十有二鄉人嘗欲聞諸官乞旌其門嬭曰夫
死不嫁吾分內事耳卒不許於乎婦有節義禮
教所嘉况能繼述以昌其業以裕其嗣續豈尋
常守節者所能及哉予常往來常鎮間聞諸邑
人質諸鄉校無間然者故撮其要而書時洪武

二十二年三月之吉

長白山居圖說

客有過余者而窓焚香相與覽高沙李侯山居
圖客謂余曰世謂畫為無教詩信矣往者李德
裕以軒冕之貴疏平泉之遊賦詩憶之是圖之
作亦其詩之意歟余曰不然平泉花石以力致
之窮奢極靡蓋溺於玩物者也夫長白山天然
勝槩為梁鉅冠冕甘泉巨谷嘉木幽卉蔚有清
氣昔范文正公讀書其山壘茹靡食與山俱清

卒為一代名臣今侯鍾茲山之英人品卓絕學
亦如之至於擢高科參大政出處繼范公故武
山中猿鶴詎云亡情但時方歎歷中外若安石
為蒼生而起奚暇復顧山東乎是圖也蓋侯默
寓家居讀書之意以示其子孫抑亦示不忘素
梓之敬焉耳平泉之思豈其比哉客唯而起且
俾以所答之語筆之圖左俟侯見而質諸

月泉說

學老氏之學宗乎無為而能無不為者惟其心
之清明洞徹不泥於物所謂圓機之士為能然
耳吾友闕伯真殆庶幾乎漢天師四十二代孫
張公大真人嘗以符籙授伯真伯真宗其道行
之於家黃冠鶴氅蕭然出塵然而陰陽醫藥巫
卜之術又旁通至於素海交易溷跡塵土亦未
嘗忘其學離其道也真人嘉其能乃大書月泉
二字為伯真號吁名者寔之賓也月泉之称豈
苟然而已哉 惟千載心秋月照寒水昔吾朱
夫子有是言也今真人直指其心而喻之所以

警伯真者至淡切矣是必也誠能皎狀如月之
明湛然如泉之清無幽不燭有感斯應雖以膠
、擾、之物紛乎吾前而吾之至清至明者盖
自若也然則圓機之士不幾乎和光同塵升老
氏之堂而入其室乎伯真勉乎哉

無知生說

夫人與萬物同生兩間而其所以不同者心知
之靈耳彼巢而知風穴而知兩鳴而司晨吠而
警盜知恩而返哺知機而避去若此者亦未嘗
蠢然而已人而無知可以不如物乎吾友趙君
執中生聰明又嘗用力於格致之學行年三
十號無知生故聞者不能無疑焉或謂執中以
時俗尚智術飾巧詐狡獪萬狀深疾之將欲塗
其聰塞其明矯俗之弊以返乎不知不識之天
寧為啗、之氓而不辭也予曰不然若是則因
噎而廢食矣吾嘗執中讀孔氏書尚友千古觀
聖門高弟賢如顏子聞一知十方且有若無寔
若虛終日如愚人然况學者乎故雖多識前言

往行而自視歔然猶無所知也然則名為無知
寔欲求知其所見之大為何如哉予嘗扣之執
中執中咲而不荅故筆此解或人之疑并勸吾
執中亦以自勸云

子京字說

父命子名而朋友字之禮也吾友張君伯祥之
子名畿予固知其愛子之心期以遠大字曰子
京且為之說曰京畿人海也五城十二樓金門
玉堂冠冕佩服館閣之文物羽林之 伏瓊林

大盈之府庫凡如此類皆天下所無有實為魚
龍變化之地也故有志之士雖在窮髮必勇其
行乘風雲叫閶闔瞻日月之光被雨露之恩然
後為無負也今子京年方壯強一日千里弗忘
命名取字之意不然則齷齪與蓬藿同腐徒美
其名何足尚哉

存耕說

為孫允昭州
判作

客有遇存耕叟於龜巢者商畧今古劇談久之
客謂予曰叟方撫任而暇耕乎不耒耜茂畝畝

耕可得乎予曰不然善觀人者於其心不於其迹夫以其迹論之叟固嘗主一之簿矣嘗為一州之俸矣然方寸之地了無荆棘耕之以禮耨之以義存而遺之子孫故於昔人之言取以自號以示無忘之意耳吁以其遺較諸德公蓋亦大同而小異歟且天生斯人皆有此志莫不有耕耨之具為但往々荒穢弗治棄而自失苟存之則其後之人以耕以穫以收其成功乃必然之理何泥其迹為哉客語塞空起而謝曰詩云他人有心予忖度之巢翁之謂也請以對客之語貽諸後人自曰存耕說云龜巢翁者毘陵謝芳氏也

景中字說

尼山聖人筆六經以詒萬世中之一言間見特出既而子思子著書以授孟子寥寥千五百年知者益鮮至伊洛諸賢發明蘊奧昭如日星後之人敢畫蛇而添足乎然所謂景者景慕以冀及之學者之志也中則人所受於兩間與生俱

生無物不具。學之道必先知無不明而後行。無不當。竊嘗以射譬之。物理之中猶射之的。凡射必先知的。其之所在。謹乃弓矢正已而射之。斯可言中矣。不知其的而射者。妄也。妄而或中。乃偶然耳。吾無取焉。惟時中。君子從容中道。無適不然。是妙於射者也。詩曰：高山仰止，景行止。如此則思過半矣。景中勉乎哉。不然，執中如子莫中庸如胡公，不免為天下後世之誚。此又不可不知也。

德宏字說

東林趙先生為前代遺賢。今其四世孫名廣。姿稟之淋。善讀書。兼明今古法律。以勲業自期。不狹隘。以自局。為故朋友以德宏字之。請其說於予。予曰：人生天地間。眇如一粟。謂其能與天地參者。正以執德之宏。心同宇宙。萬物皆備於我。萬化皆出於茲。所謂小無內而大無外也。勲名事業。蓋亦隨其廣狹。小大而成焉。若夫方寸之衷。彼疆我界。藩籬荆棘。雖有所得。蓄縮如蝸。不

免貽笑於大方之家耳然名者寔之賓也名浮於實君子恥之夫以子為東林有道之孫貽謀未遠其立志果不心乎執德果不虛乎昔者孔門諸弟不如曾點漆雕開能見大意聖人乃悅之予之使學者誠能有二子之見以弘厥德則宙吾心也吾心宇宙也曾何人哉漆何人哉希之則是慎勿謂老生常談而忽諸

寶山字說

余聞淳屠氏之所寶者三曰佛曰法曰僧如金銀珠玉之屬為世所貴雖亦以七寶名之較諸佛法不啻霄壤故瞿曇在祇樹園說法有曰人以七寶厚施而求福者莫若般若一言持之於已教之於人得福為多由此觀之金玉之寶積如丘山何足貴哉今夫趙居士拱貞有志學佛在家出家淳屠師以寶山字之其意若欲使之歆豔而得之是亦意其為善也不然則郿塢積金賈然臍之禍銅山鼓鑄致餓死之辱凡如此類識者恥之况欲使人歆豔乎楚書曰楚國無

以為寶惟善以為寶如是而言則語意明白開示以導其進庶可謂善誘人矣居士徵予意予無可言者請以楚書之語、之於浮屠之言或可補其闕云

學古字說

先友丁德齋往嘗以家譜示予曰五世祖為寶祐相國多藏古聖賢書厥後以陵谷交改家用淪落書亦漂散元初大父乃徙居鄉城以慈幼齋醫藥如成都賣卜者烏他書無復有也今德

齋胤子喜讀軒岐靈素之外嗜六經諸史不翅膾炙故老夫以學古字之謂曰古之學以三綱五常為重綱常不舉則無以立身、不立則道不行於妻子况餘人乎然道有小事有緩急必先其大者急者後其小者緩者毋泥焉古之人巢居穴處無宮室也茹毛飲血未稼穡也凡如此類苟一切是古非今舍此取彼不幾乎迂踈放誕而行怪者乎吁居今之世反古之道裁必及身子思子垂訓後人烏世藥石此尤不

可不知也學古宜慎諸

聽其自然說 為黃仲器作

老友黃仲器以聽其自然四字揭諸齋居一日
載酒過龜巢需予文予以不知其言出何書意
何在莫敢妄為之說仲器曰吾意天為自然餘
無所知也予於是臆度而告之曰物本乎天而
天宰之者理也夫所謂自然者如陰陽之消長
日月星辰之運行江河之所以流山岳之所以
峙草木鳥獸昆虫之所以動植變化至如人大
者三綱五常富貴貧賤死生壽夭之類小者如
四肢百骸飲食衣服宮室車馬之屬皆本乎自
然之天昧者乃欲以人勝天而不聽之若季孫
氏以魯大夫僭天子禮樂富於周公秦皇漢武
欲長生不死者未嘗不自禍其身也孟子曰順
天者存逆天者亡斯言盡之矣仲器作而謝故
書此以警諸紳示諸人亦庶乎有所警云

無名異

江湖之濱有物焉其大如菽圓如楮黃而黝外

強而中乾，似沙非沙也。礫非礫也。累乎沙礫之中，不知者直以為沙。不然，髹者得之以和桐漆之漬，易燥以益堅。否則工雖良，弗能使之燥也。况堅乎？故善髹者率用之，以其有奇用而無名，故以無名異目之。而邑有雷氏者，髹數世矣。其亦老於髹矣。每役大夫士家，則以是詢之。卒未有得其名者。一日語予而悲之，予止之曰：是奚足悲哉？夫君子負有用之才，沒世而名不稱者，滔滔也。况微物乎？噫！世之用人者，其亦有如雷之悲者乎？

蛇蚓

五月望，予舣舟城西，見牧豎數輩飲牛於河，俄有走而踣者，曰：蛇將噬人，豎皆失色。已而聚觀，果然伏蛇草中，咂舌掉尾，吐毒氣，勃可畏。群豎欲殺之，擲石礮如雨，蛇度不能免，乃游于河。猶昂首騰湧，作噬人狀，旁觀有不勝憤者。持短挺涉水擊之，應手而斃。衆惟譟為快。予既歸，明日過白鶴溪，上時暴雨潦水盈溢，而蚯蚓縱橫。

於途之人殆不能容足先予行者三人老一
壯二皆擇地而蹈不蹂踐以殘其生吾如之回
眎吾蒼頭亦然予因是切有感焉夫蚓內無筋
骨外無鱗介苟欲殺之斯須可累千百今若此
視城西之蛇不佞矣噫蛇欲害人而人害之蚓
則無害而人亦弗為之害非有所厚薄也人而
蛇者可不悟哉

盟鷗文為熊元脩作

鷗社叟老于元末屢聘不起遂屏迹五湖三泖
荒寂之濱魚鳥為伍睨京洛萬人海中鳳有池
鶴有軒膺揚而鳥集紛々乎五鳩之屬造羽鴛
鷺為時羽衣是皆出類離羣弗與吾友而吾亦
弗為之友也惟鷗也素服涓潔野性閒雅且夙
嘗與叟相親賞風蒂月雲濤煙浪凡可以適吾
適者莫不与之共之一日舉觴酌玄真子天隨
子乞靈為鷗社盟主而之曰鷗乎鷗乎忘尔
機吾亦如之恒游居於斯又曰鷗自蚌持鵬自
溟徙斯盟或渝者如白水時龜巢老人亦奉盟

較公泓之涿而與盟焉廼丹書其辭如右

招隱論

夫連城之聲韞乎荆山明月之珠藏乎滄海苟非識者有以取之則希世之珍不能自銜而自粦也隱逸之士蓋類此耳嘗觀古之隱者如莊周所稱巢父善卷許由樊仲父之流土苴天下雖唐虞聖人之事皆為汙耳此蓋荒唐謬悠之談無足深信請以商周以來經史所載拔其尤而論之伊尹耕有莘之野以成湯所知致幣三聘遂為阿衡不然則終於犁鋤之北矣傳說隱於商岩以高宗所慕圖像旁求乃得為良弼不然則終於版築之夫矣周之太公濱海而處坐茅而漁非文王載以後車則鷹揚之功不見武成之日矣漢之四皓茹之商山其不赴高祖之招而從儲君之游者蓋為矣劉氏基本而出其大功為何如哉若夫淮南王八公之徒大山小山之什其才華文藻不為不盛然未聞為朝廷得人使之康濟斯世斯民之用故君子無所取

焉至如光武成中興之業海內之士雲合響應
而巖光周黨獨能以節高之或授官而不拜或
廷伏而不謁卒歸於江湖荒寂之濱欣然與魚
鳥為伍惟其清風 節砥柱頽波殊有裨於世
教也三國六朝而下求其如南陽布衣鞠躬盡
瘁以報其主三顧之勤者固少然徵舉遺逸代
不乏人但燕石或譌為荆玉魚目或悞為隋珠
不免有純盜虛教之誚者矣今郡府之職歲舉
人才是亦古招隱之遺意也惟能知之人而取
諸岩穴之間度其才而薦之朝廷之上鉅細精
粗各適其用此誠一聖天子恢宏治道之良法
也詩曰濟濟多士文王以寧夫士也為時而出
其必有以古人之所寧文王者以寧今日之天
下國家毋徒視終南為捷徑云

東吳楚語

許慶一者崑山縣石浦人也贅同邑許家墩繆
氏既而父歿母食貧往繆氏依焉慶一妻不孝
於姑天歷三年六月十三日將晡其姑以饒訢

隣人許本空適安亭陸省殞澳魯道在坐且與
繆姻戚遂同往勸說之本空以其釜中所餘飯
飼之嬭奪而覆諸戶外曰寧与犬食本空等方
怒罵厥嬭、毀姑不輟且指天誓所毀不妄時
片雲起北俄傾烟霧塞晝暝如夜霹靂震地里
中大駭獨其家無聞焉本空等但見有白氣如
練緣竈突下垂三人則恍然若有推出之者跌
仆在地大雨傾注平地水湧踰半尺屋焚婦震
死然隣居相接畧不延燎嬭死至夜復甦遠近
驚異時嬭妊數月或者謂天不忍其腹中之子
故爾由是婦方知懼養其姑以壽終今婦年六
十有七當時所震者生女四十一歲矣洪武壬
子冬毘陵謝某過許墩許均善家聞其詳如此
嗚呼孰謂天為茫、耶屈東海之婦而旱乾悲
齊堂之女而振風矣霜降獄螢惑退舍其鄉音
應若此者已多矣豈特斯嬭乎然天即理也人
不順理是為逆天順天者存逆天者亡蓋皦乎
其不誣也雷震之事予特欲使昧於理者知有

所警故筆之

癘鬼辨

往予過無錫適州人出郭近神赤髮青面吻出
兩牙狀極詭異旌鼓吹衛從而舁之予嘗訝
而問焉人曰此唐張巡也且言公死時當作癘
鬼故世稱公為疫癘之神而崇奉焉嗟夫是何
邪說者附會如此耶按唐史公守睢陽如一木
支大厦之踣兵盡力竭死不忘君故發憤曰生
不能報陛下死當為癘鬼以擊賊此蓋忠義激
烈之辭豈謂為疫癘之鬼以害天下後世之人
哉所謂癘鬼乃汎言剛癘之鬼若韓文驅癘鬼
之癘相侶非疫癘之癘也誣枉前賢罔惑後世
邪說之害一至於此可不辨哉第恨老無能為
不得為州人毀除淫祠一洗習俗之陋區區謬
言用告耒耜者

重建縣學事寔

皇朝革命政教一新設學校置師弟子負以教
以養以求其寔效非疇昔文具比故官於郡縣

者皆以是切之也洪武五年武進縣知縣臨川
董某縣丞江陰陳某以縣學弊隘會議易之既
而乃割俸構講堂三間其軒楹如堂之數翼以
兩齋廡各三楹教官等齋廡庖福之屬又十餘
楹由是師生有講學居息之地矣明年春眎夫
子廟棟橈柱折懼將壓焉曰殿曰廡曰戟門及
靈星門皆徹而新之聖賢肖像重為脩飾而邑
人具瞻之敬益益崇矣又明年規射圃于學之
傍為亭三間闢門道南向深若干步而作外戶
閤人守之凡廟學計若干楹其崇廣皆比昔有
加地皆甃甃繚以周垣樹之嘉木無輪之美丹
碧之輝煥如也某切惟前元時武進縣初無學
宮所設教諭附郡學廩稍至

年有司

叔始記者謂病地弗知益苟焉而已今吾令與
丞皆儒而官故能以興學為己任前主簿登萊
尹某及今簿澤州張某相繼翼贊以底于成民
非不後也而後之以時故民忘其勞且有樂助
其才力者皆賢長貳祇順朝家教學之意而邑

人化之又能心長二之心也育才之盛當自茲始真可為斯文賀

辨訛

夫江南淫祠在唐為狄梁公盡毀唐衰禮廢繼以五季之亂妄意徼福諂非其鬼泛然以大號加封祭禱祀典廟滋多里巷間土地有祠蓋肇於此然以民情推之其始也必以農穀之功本乎地土歲時祀享亦近乎根本之意迨夫廟貌之設無可為像遂以御之有齒爵者當之既久而世代交革承訛踵繆至有可笑可怪而不可曉者姑以目前言之郡城西南三十里曰梅村廟稱三姑其初必曰某姓三孤之官後乃訛為三姑也按周禮三孤之貴次於三公即後世所謂少師少傅少保是也村毗巫祝之流無知妄作以孤為姑又城之北東有稱十姨者必拾遺之訛稱兩淋者必羽林也夫以十姨為一嬪人以兩淋而不室處是則可笑也已至若三姑乃儼然塑少艾三人冶容美飾衆所具瞻且復交

九里塘為九女以附會其無根之談蠱惑人心
傷風敗俗有不容不辨者改而正諸宜自茲始
吁甚矣人之好怪也昔蘇長公之詩有曰舟中
賈客莫謾狂小姑前年嫁彭郎蓋江州有大孤
小姑之山澎浪之磯其俗亦訛孤為姑訛澎浪
為彭郎公戲而譏之意甚明白有足以破其惑
矣如應芳者雖究明是理灼見其非柰無狄公
在位之權又無蘇子名世之詩請與鄉之士君
子追原俗情遵依法律徹去謬像題其主曰上
地三孤之神如此則可以正訛傳息邪說合今
朝之令典釋舊俗之群疑且不共其初報本之
意若夫掃滌淫祠行之四方有不在我者不喋
也芻蕘有詢尚俟他日

釋異

古禮人之初喪所以待三日而後小斂者蓋冀
其或再生也今吾子死終日而甦無足異者但
沐浴裳衣神識不亂命諸生筆遺屬二千餘言
有倫序視其字之悞者索筆為塗改之比常

人之死固有異焉至若啟殯之日經盛暑兩月
不臭不腐面色如生則其異甚矣宜乎立言君
子墓誌不書此蓋遵用聖人不語怪之遺意雖
然吾嘗觀晉書盜犛尚書令卞公壺之墓壺屍
僵且握拳透爪宋劉忠顯公軫靖康中使金不
屈而死之燕然愍其忠敢諸西 凡八十日金
退方斂葬顏色如生史皆不誣矣又如玄鳥生
契履武生稷說者謂神人之生異於常人麒麟
蛟龍異於犬羊魚鼈夫死者一理也有生者之
意於常則死而異者何足怪哉區：所言非謬
子也非好辨也公天下之理而論之曰前輩有
曰千人萬人中一人兩人知殆謂此耶噫

請除淫祠文

先王祭瀆載諸禮經曰法施於民曰以勞定國
曰以使勤事曰捍舊禦患者則祭之非此之屬
皆淫祠也是故狄梁公盡毀淫祠程子言除淫
祠而後民為善蓋淫祠不除則愚民無知將謂
福可諂求而得罪可妄祈而免所以為愚者肆

而為善者鮮矣欽惟聖朝更化之初詔誥多方
淫祠有禁革諸神大誦之僭稱斷嬭燒香於祠
廟釋道菴院不許擅入况淫祠乎此國家洗陋
俗之新條息邪說之要道普天率土固敢不遵
切見本府西城門外有不得姓 男子突然於
大驛路旁創立金家神廟扇惑群氓燒香不絕
若不蚤為禁止將來為患可勝言哉如蒙官司
覈實當地里甲人等果有寔跡諭令拆毀庶免
無知之民誤遭刑憲如此則梁公忠國之心程
子教民之意一舉而兼得矣區區老言因國朝
正大之氣感而應之如豐山之鍾霜降而發穀
也僭越之咎必蒙矜恕賜諸施行公論幸甚風
俗幸甚

甕天解

洪武甲子殊冬之交多雨而早寒兒輩為予作
小閣東廡、周圍紙屏上蒙葦席方廣裁七尺
有咫圭竇出入垂之以簾六織筠而楮之與屏
一色如聖鑿然瓦盆柴火傍置小榻老夫得坐

卧飲食乎其中既安日煥熙然而春外間雖層
冰積雪鼓之烈風天地六合為一凌陰此室以
衛護 密寒氣無罅隙可能入也但一已之樂
固能及人猶醯雞之天局為一甕中耳故名之
為熙 甕天客或笑之曰樂固能則樂矣何誇
歎彼富貴之家雕甍繡闥熾鳳炭之爐重獸錦
之茵暖玉為杯酌以醇酎肉臺盤交進於前肉
屏風擁於其後溫柔之鄉其樂如此子之甕天
能彷彿其萬一手予曰不然彼樂於人吾樂於
天樂於人者肆其欲樂於天者安其分區之楚
老年將九十日識一丁之外餘無德能爵祿資
財皆篋以致之今若此不惟鄉閭側陋者鮮能
周之古之君子若使虜持節者嚙羶沙漠佐主
中興者渡兵滹沱抗疏而謫官潮陽擒賊而夜
入蔡州是皆冒冰雪涉危途急於報國而不暇
顧其身也又若羊角哀之往於楚左伯桃之死
於樹樓煩墮指之卒赫連蒸土之衆其為凍苦
可勝言哉今予之樂竊比乎醯雞甕中之天非

諱也自為足也言未竟客掩口而去

揀弊

世俗以浮圖治喪以先正斥之蓋欲行古喪禮終事親之孝而厚風俗也比年以來或者吝於財而薄於親者泛然以父公家禮藉口喪禮不行佛事不作視骨肉至親之死如塗人然棺壙之外餘皆無之不孝不慈傷風敗俗至如俗禮以飲食待執佛之人亦靳而不為親戚非之鄉里譏之有愧乎設無敬齋者多矣嘗觀佛事之作雖非正道亦彷彿古今祭祀之儀然香點燭猶鬱鬯庭燎之用也疏文陳白猶祝辭也齋厨供饌猶籩豆簠簋也楮錢楮幣猶玄纁圭璧也葬之日以幡幢代銘旌以鼓鈸導輜車亦皆教吾親而送之也然則鄉俗之人喪禮既不能行而能為此者亦可以寓孝慈之心表哀戚之意也嗚呼今薄俗一毛不拔二者俱廢吾恐轉相倣效習以成風將胥為獍獍之屬是故不得已而言佛事之用如前所云初非舍正道崇異端

而忘古先聖賢之名教也吾家子孫當先警省
知言君子宜以情恕洪武二十年秋七月龜巢
老人言

猫捕雀圖評

物之性有微近人性之象者猫捕鼠犬吠盜獬
豸觸邪是也猫舍鼠而捕雀失其性也失其性
斯不義矣夫雀耗倉廩耳比鼠之害什有其一
今畫工貌啖雀之猫銛牙利爪吻流饒涎踞坐
而猛若蝮虎是張其可畏也嗚呼張網已矣埋
輪之語世莫得聞故良工用史法訣意以警夫
綉衣豸冠之屬微而著隱而顯觀者宜默識焉

讀易齋

秦燔六經藐大易為卜筮書不為煠燼夫豈一
經之幸而已哉寔千萬億載斯世斯民之幸也
是書出羲之周孔四大聖人之天也地也人
也萬物萬事之理也洪纖高下包括無遺學者
當薰沐稽首北面而讀之口誦其文心維其義
見聖人於美牆之間燭妙理於形器之外全體

妙用或庶幾焉所謂卜筮之理固在其中特不
專於此用耳先正程朱二先生所以並舉而兼
得之柰何近代以來去聖遠邈邪說害正假禍
福託妖幻以誣著策之靈又有宗九師而異其
傳吞三畫以神其術如是時自謂探賸索隱者
滔也至若目之以遺而消世慮凡如此
類不幾乎侮聖人之言者乎吾友彬甫自蚤
歲讀易如悅蕩豢猶恐不及而或失之故以讀
易名齋需予言者數月予惟大易之象天高海
深豈管窺蠡測者敢贅疣乎惟導之敬之對越
前聖如神明父母口誦心維假以歲月將見源
頭活水之未溷泳乎先天後天也洪武十七年
十月既望毘陵龜巢謝某

獬犬文

東家翁以防盜畜獬犬數十居平多嚙人翁或
之其一忽之牙口吐舌妥其尾疾行而不停
嚙同類則其狀亦如之翁坐視若無見焉人曰
獬犬也宜謹避之里有多膂力者頭髮上立忽

曰我人也誅鉞搏虎吾力猶能何避此為適有
獠突如其前遂怒踢之躓而不死屢足脛微有
所傷不數日叫號而唾人為衆所殺嗚呼犬之
獠者固病也翁坐視繼群惡為物害無算不仁
為甚矣然世之人形獸心害同類而無厭者滔
々也豈特獠犬哉

學書

字書之學訓蒙者率以上大人二十八字先之
以為點畫簡而易習也然所謂三千七十殆若
指孔門弟子而言如則第四字乃聖人名諱理
合回避豈宜手之口以瀆萬世帝王之師乎其
末兩語之乖刺尤甚故某不揣狂瞽嘗易之數
与方名曰一二三四五六七八九十百千萬億
兆曰東西南北上下左右前後以字畫較之亦
簡易也待其手熟即兼以壹貳叁肆伍陸柒捌
玖拾伯阡萬字教之以備公私計筭之用區々
管見於茲有年敢質諸先覺訂其是非倘不以
人廢言或可為他山之石云

書耕習軒後

往予識崑山陳侯某慷慨論前代事高宴曲塘
既而陵谷變改各天一方未得與阿戎談也洪
武唐午冬學張子文中以陳侯之胤子孟剛耕
習軒記見示其文乃汝陽袁先生所作其辭有
曰夫畊婦簪帶經鉏犁以漢魏間倪常比之吁
昔陳侯以貴富雄一州今其胤一旦舍統緒而
臺笠緇撮委膏粱而羹藜飯糗熊膽之丸不勞
於其親牛角之歌不效於前人蓋立志之高能
為人之所難能者如此袁之言信不誣矣尚奚
用畫蛇而添足乎雖然靡不有初鮮克有終此
古人苦口良藥也孟剛需予言敢用此為芹曝
獻



龜巢彙卷之十四

國家圖書館, NATIONAL CENTRAL LIBRARY, TAIWAN, R.O.C.

龜巢藁卷之十五

祭文

祭姚吉甫文

於乎物之不齊誰其主之齒去角存從古如茲
如公之生壽富且寧不泯其胤百福具并柰何
飈蘭摧桂折乃館二物以繼其絕苟非達觀佛
鬱奚堪公能釋然優游煖酣凡我親朋時相往
來有客必醉春風滿懷數日之間數往向疾留
連眷顧其情愈密卜云其凶醫獲微功方疑著



龜遽尔而終於乎蒼天知乎不知伯道無兒干
古之悲所可憫者女能奉母歲時蒸嘗亦猶有
後凡我親戚忍言長違真此杯筆涕泗沾衣

代王文甫祭兄文

嗟：我兄少歷崎嶇相我先子經營厥家自失
所怙顛危誰扶繫我與兄左枝右梧我室苟完
兄力其痛嗚呼哀哉兄於斯世閱七十年天賦
其醇撲而不鑄故此家事吾其勉旃尺布斗粟
曾無間言所可喜者兄其息肩幸有二維能奉
周旋日飲無何皞之其天意此安佚壽域可延
柰何既衰屢疾屢痊絕粒信宿晞露溘然嗚呼
哀哉誰無兄弟我獨孤苦願二維者視予猶父
我嘗勗之以續先緒矢心以辭酸泪如雨

代祭子

嗚呼天降禍於我家何其酷耶我生勞之髮已
垂白冀汝冢子仰事俯育以續先緒汝年既長
頗涉世故與汝諸弟左枝右梧我徑爾締我作
尔述知稼穡之艱難未嘗敢慢而敢逸也惟汝

多病常貽我憂去歲仲冬幾致弗救厥疾既瘳
我心則喜然未嘗假以詞色寔慮汝因疾之餘
弛而弗張馴致怠荒故也正月之吉我適錢塘
別方兩旬訃音忽至將信將疑屢泣屢心意汝
暴疾氣或絕而復蘇毅或喑而再語匍匐來歸
汝篋已易汝棺已斂吾無復見汝之面矣可不
痛哉可不痛哉嗚呼彼蒼者天我罪何居人或
釋之子淵之天願路柯辜信乎脩短之有數耶
天道之茫茫耶不然何乃使汝不得其壽也嗚
呼汝子汝女嫡庶五人女嫁其一子皆未婚汝
何忍置之不顧耶食指之衆賦役之重又何忍
老父無息肩之日耶死而有知汝必念我於冥
之中而我之所以念汝者將何時而已耶嗚
呼痛哉我築之室汝弗與居汝蓄之器用以祭
汝今卜日祔塋於祖塋之側撰此食飲与之永
訣汝妻汝孥哀慟欲絕

代王氏祭牀父文

嗚呼痛哉我牀父春秋七十有二年始於承家

中於克家終於成家其劬瘁艱苦非諸幼所能
盡知也但見完美之室風雨不動衡後其晦阡
陌相連男有室而女有家水乘舟而陸乘馬非
泮父之功積累之功何以得此哉至如目能識
丁皆叔父延師之力也行不犯義皆泮父提耳
之訓也一家之間總服同爨以泮父之恩無偏
情無私鳴之威嚴不可犯故能齊其不齊以
致其齊耳嗚呼痛哉庭訓之言萬之千之今不
能盡述矣如南塾篝燈東軒奉茗嘗屢進某等
於前而語之曰吾兄弟自生至死未嘗有 墻
之日也吾夫婦自少至老無牝晨之患也鄰不
爭畔帑無私蓄許人以諾不食其言鈞距不知
掇克不能汝等亦能如是乎凡此數事反復告
戒知幾朝夕今其已矣斯言不可得而聞矣而
某等為之子為之姪為之孫者可不追念貽某
而踐其成法乎否則為泮父之辱親朋之讖御
里之笑天地間之罪人也嗚呼痛哉去年之先
人皆謂泮父矍鑠其壽未艾也孰謂數月之頃

眊則眊為聽則聵焉筋力索焉方病而紅冠入室病愈而租吏打門百憂感心二豎成褶而某等猶以醫藥可恃而不懼也詎意遽至是耶嗚呼痛哉教育之恩固不能報其萬一但速塋以遵治命如此永別之悲五內加割泣血一酌惟以告哀嗚呼痛哉尚饗

代周華甫祭伯文

昔我先人蚤棄諸孤所恃兩伯其一復殂歸然獨存山澤之癯憐我兄弟教之友于雖異厥居有無相須撫之愛之與子不殊奉承周旋匪朝伊晡階庭之間言笑怡愉小過弗責曲禮弗拘叱咤之教固及僕夫鄉稱善人久矣不誣年踰八秩健飯為娛詎意一疾竟若推枯由茲而往誨言則無疑難誰質顛危誰扶寧不使我哀號痛呼伯兮伯兮死不復蘇薄陳簋簋清酒一壺收泪永訣靈其鑒諸

代祭吳閒閒真人文

玄元之學世遠言湮不有先學孰貽後人伊昔

上卿道契世皇手持玄珠光明四方我師繼之
山鳴谷應弘道累朝惟清惟靜帝錫之爵羽節
霓旌邈乎高風崆峒廣成出入西垣在帝左右
黼黻皇猷厥功亦懋名日益重德日益尊世則
賴之以棟玄門豈不懷歸怡雲奮翬勇退弗獲
祇承天寵聞之之情聖皇所知大書。

所思奎画煥然寶斲無數瓊館逍遙以永朝夕
胡厭斯古遷遊薜蘿哀聞九重傷如之何我諸
葛翁嗣法之孫如牛馬走忝為後昆舐鼎而仙

為亮西山祭光祖庭文

生必有死斯理焯々况我釋氏以滅為樂獨於
交情寔不能無若我与君忘之可乎昔在光孝
親如葭葦承平異處患難相扶故山丘墟避地
東吳未幾言還如蛭如夔銅馬西來猛於貔
再涉大江九人与俱披榛問道体無完膚既脫

虎口猶虞畏途吾二人者始終持扶白茆宵征
狐嘍鬼呼磧沙過舊迺衣迺鋪萍聚雲散連年
海隅每一握手猶論毒痛維莫之秋以予起篋
爰繼我師踞天惠室与居相依鍾鼓朝夕平居
論道風飛電激方期進脩各殫其力君遽云亡
必樂於寐我失良友是用悽惻溪毛之薦 惟
未格

祭沈仁齋文

天道何茫：耶顏氏之仁不永其年抑昭之暴
壽胡以延豈有生之初氣稟其偏乎抑螭螭朝
莫螭蝓春秋一皆聽其自然乎如君之生洵美
且都鄉閭共稱吉人之徒蚤歲共怙藐烏而孤
仰事俯育綽子有餘若騏驥之夙駕且能範乎
馳驅每遊四方以曠其居 如遺
如其有知忍此別離我嬾我子其慟亦宜天命
柰何彭殤不齊傷哉永訣漬繇以詞

為葛子寧祭父文

嗚呼天乎人孰無父獨不假我父之季遽止是

耶在昔家居仰事俯育以大父遺業之重隻力
負荷常思弗克所樂者惟琴惟書惟吟惟咏而
已餘無所嗜好也嗚呼之教弗及犬馬姻族閭
里咸薰其良善人之稱無間然者數年以來遭
時艱棘流離異鄉食指百餘賴父全活亦豈易
為然邪嗚呼痛哉時之避難者妻孥啼號或委
溝壑吾父則旁求治生之術使某与母等無凍
餒之憂也時之人居無室廬或冒風雨吾父則
網交伏羲之士使某等得居處之安也至若族
有孤寒之胤家有滅獲之衆亦莫不愛之如骨
肉然縉紳之士多與莫逆葭莩之親相與依倚
但不肖孤不能幹蠱負義方之訓為多然我父
之慈訓未嘗不勤也今也一疾遽尔大故頃某
等為孤為娶者真若喪家之狗失水之魚矣嗚
呼蒼天其無知乎如其有知視孤娶之悲若此
而不為之娶遺乎然而悲則悲矣倘有可憫乎
冥冥中者吾母以柏舟自誓將星冠羽服以終
其身且願以父之靈陰相之某雖愚不肖既於

父有風木憾之幸母之存寧不服勤奉養以慰
吾父乎矢心陳辭維以告哀惟吾父念之

代祭表嫂文

惟靈之生錢橋望族嬪我表兄閨門睦、賴有
內助以生以育暨肥其家且養以福吾兄強仕
朔南宦遊嫂居於家、政克脩男齒而嬉女幼
而柔以母可怙父弗為憂頃因喪亂家燬於兵
吳旌越還千懼百驚寓茲吳門待時之清念我
胤子可教而成以女許嫁親、相仍擬古朱陳

卜世莫京雖居異御客舍連 嫂嘗有言兒女
鍾情必娶必嫁此心乃寧適予親喪連服絰縗
子未可醮禮文亦虧惟嫂之言艱難共知戮力
同心教子擇師眷我嬪子朝斯夕斯一味之珍
食必共之方期將來嫁娶有時安知一疾遽尔
而萎聞者愕然慘怛啟歎况我骨肉胡寧不悲
最可悲者兒號女啼而今而後筮、何依嗚呼
死而無知 之嗚咽尚饗

代祭弟婦文

嗟我兄弟遭時艱危兵燼其廬星散其人使汝
妯娌等不能同家而處共爨而食於今凡六年
矣然吾弟賴汝之力以巾以櫛以絲以 以鞠
其子女常得以慰吾心焉御也吾弟與而避地
浙左吾夫婦每念汝婉妾之姿跋涉山川漂搖
風雨多有可憂者焉幸而言還得同居長洲茂
苑間者數月吾乃就食於錫無矣又使汝妯娌
乍聚而散百里之間相望相憶而不能數相見
也近方喜汝子暫贅而歸其妻將有拜姑之日
矣又喜汝女擇配得人亦將有館甥之時矣滿
謂時將小康仍居故鄉少長咸萃構一畹之宮
犁二頃之田歲時洒飯於先人之墓則吾妻與
汝復得相率以事蘋蘩矣數日之前方聞安信
片紙之上忽來訃音使舉家相顧失色始而疑
焉終而信焉莫不為擗踊而長號也於乎痛哉
天胡不仁奪吾弟之內助者耶地胡不仁奪吾
姪之所恃者也苟曰非天也非地也以汝之不
柔淋慎乃何為天 如此哉自今以往雖不知

故鄉之願能遂与否其或遂焉亦不得与汝一日之同也死生之間此憾何極雖然天降喪雞犬弗及寓哀茲觴無任於邑

代祭趙師呂文

公之生也七十有六年時有盛衰事有得失境有順逆物有欣戚公其處之操履如一其少也以簪纓之裔而無爵祿之念其壯也以陶猗之富而無奢靡之習及其年之老成尤儉素而篤寔為鄉里之善人不鬪智而用力橫逆之未唾面弗拭盖明夫舌存齒亡之理而得乎全身遠害之術每論平生禍福靡常鸞膠之絃三斷而三續鳳穴之雛或存而或止銀羽化付之渺茫知有命之在天忘鳧鶴之短長維箕維喪授子及孫間居別第翟公之門清風茗椀沉水鑪薰日怡情於畫書絕無心於世紛視不羨之富貴如太空之浮雲獨念先世欲勵後昆託祠事於老佛之廬屬喪具於葭葦之親視死如歸餘何足云或謂公之可憾者莫子樓化為劫灰科

肆飄為風塵殊不知公之達觀藐如墮甌未嘗
怨天而尤人也今也人遭亂離多殞鋒鏑橫屍
四楚烏鳶之食公乃得全体之歸掩佳城之室
回視前日之死於非命者安能企其萬一手某
等親之尊之道義交結涉江以送其喪雪涕以
臨其穴一觴敬醉千古之別公知不知我語又
安知信宿之先方歸覲省一別之後遽疾而
徂於乎哀哉倚門之母其望縣之垂髫兩兒其
泣漣漣原永歎鸞鏡莫圓德哉若人何辜於
天如某等葭莩之親情猶骨肉既不及匍匐而
往救徒号呼而頓足旅襯來歸橫山埋玉頌彭
殤之不齊信斯理之難燭漬絲以詞酸泪盈掬
哀哉尚饗

代張希良祭王文甫文

公之一生磊落操心至公俛仰無怍出辭
必信不事鐫鑿人或狙詐言諄聽藐家庭之間
一呼百作奔走服勤罔敢乖錯及交親朋春風
笑謔恩誼有餘禮文則畧患難相救扶顛濟弱

鄉閭庇庥恩尤不薄或饑而舖或病而藥或輔
其仁或糾其惡周恤貧窶不輕唯諾頻年時危
所在踞鄉人愛之歛衽如昨施德有報理亦
昭灼我曹多幸松蘿附託凡詣甥館必席賓幕
從容語言疑洽杯酌別不忍去期必如約今公
已矣失我渠孃枉者誰矯情者誰覺寐者誰範
觚者誰削誰指其迷誰斷其壘靜言思之相視
錯愕掩袂拭涕薦此河酌

為周縣尹祭顧元公文

盛德之士使人後千載而興起者其信然乎猗
欽元公才兼文武其文也世稱三俊為當代之
儒宗其武也羽扇一麾走六州之豺虎醉非嗜
酒免禍驕主醒非沽名赤心自許抗疏補衮職
之闕擇賢進邦國之輔史不一書勲業昭著世
徒知思尊而歸者之為高而不知採巖南山之
言先入乎其肺腑故公之歿特為公鼓琴而悲
慟哭而去也睠茲長洲寔公鄉土素梓之宮墓
有祠宇何物地靈混此室處斥而去之陳我簋

簾帳烟塵之滿眼懷清風之白羽維公有神以
福黎庶

為周尹立碑祭元公文

昔典午氏碑表有禁勒石公墳勲業昭甚事傳
信史石亡何時走尸茲邑永言懷思載葺祠宇
遵豆具陳祀神有詩刻諸堅珉峴首之碑令人
墮泪吳人於公亦復何異惟公有靈陰隲吳人
克文克武無愧先民

代姜周佐祭姨夫王仲德文

君之老姑為我林母而我女兒獲奉箕帚我弟
於姨復得其偶如古朱陳婚姻世守先人嘗言
君性醇厚人或顛危君力能救吾親雖亡斯語
不朽如不肖者公亦弗陋有過必規有善則誘
眷我弟兄無一或否公年半百閑居靜守閨門
之內肅若賓友忘情軒冕適意杯酒獨柰今年
避寇奔走挈家於母虎兕傍吼千驚百憂窘束
如杻一女鍾愛疾莫能救群盜稍息歸卧南牖
襁褓之珠復碎於手公之痛心如割如剖痛猶

未定厥疾斯邁嗟哉吉人天胡不祐今公之歿
命也誰咎凡我私親倚仗何有尤憐女兄孤燈
白晷撫膺長號淚濕淩袖

為王孟學祭母文

蚤歲失怙惟母為依母其視之猶掌中珠未寒
而衣未饑而飧左提右挈顧之復之夙夜檢束
惟恐不能自立以保其身以承其家以奉大父
母及諸父之訓諄諄之言不一而足每於舅姑
之側視其色有不豫然者退則惴惴檢其不及

既自檢束又詢之二雛曰而於大父母之志或
有違乎事或有怠乎抑而不能謹飭以貽其憂
乎母之欣戚繫乎兒之有過無過未嘗一日忘
乎懷也仰事俯育發居而憂勤者十年男室女
嫁志願方畢然於祭祀賓客之奉身先中饋亦
未嘗一日之或懈也嗚呼痛哉兒以母之康強
而未艾烏烏之情方圖萬一庸詎知一疾而不
起耶臨絕之言謂死無憾特以弗克終養舅姑
為慚是則吾母之孝於舅姑為何如哉宜乎舅

姑之痛不翅如父母嗚呼風木之悲兒將柰何
惟當追念母訓兄、弟、各勉成立律身成家
竭力以奉承諸父以養大父母之志尺布斗粟
昆弟共之不敢有毫髮欺隱意其所否者是忘
其親則不孝之罪上通於天雖吾母之慈有不
可得而宥者惟母有神尚克相之庶踐其言以
慰母靈

為陳彥直祭外姑文

嗟我外姑德不可滅孤燈十年柏舟高節為婦
而孝為姑而慈林下之風鄉稱姆像如諤與謙
材俱礪、壻于名門兼葭倚玉每詣甥館升堂
起居必詢女家諸兄何如或墮優逸勉之克勤
防微杜漸忠言屢聞或坐孱弱戒之自立扶顛
持危惟恐不及比嬰微疴 在床席我未候向
仍飲而食眷頽之情無異於常及女未歸語猶
琅、一日之間遽成永別卑尊戚踈故皆痛切
曰壻與女感息如前豈不哀思泣涕連、幸有
賢嗣篤親如母夔姪相憐義當永久死而有知

知予之悲一觴敬醉靈之格思

代胡伯亨祭外舅張守齋文

於乎惟我婦翁鄉之善士不鄙庸愚妻以其子
既妻其子恩義兼至念我先君夙昔交契今也
孤窆遭家殄瘁勗女內助庶弗顛躓每詣甥館
言提其耳翁經州閭必過故止綜理厥家以綱
以紀親之愛之矧子無二別無幾何聞疾以瘧
女舟歸寧夜渡淞水訃音歟驚使躡地匍匐及
門翁已長逝我服維緦我哭不矧為女者其
痛曷已潔此一觴進饌霽几永言哀思翁其鑒
只

代金子俊祭錢仲居文

嗟、仲居其止於斯福善禍淫天胡我斯父為
善人君亦如之非羨弗取非善弗為曰儉曰勤
俛焉孜孜業日益廣家日益肥十數年間遭時
艰危賦歛之虵毒入骨髓君安其親茹荼如飴
弟則友凌室家其宜是皆深淳親之推眷我
姻戚肝膽相知温之其容抑之其像莫可忘者

顛危扶持僉曰若翁澤流未涯厚培其根必茂
其枝詎意一疾遽尔而禍福之柄誰其倒持
於乎蒼天夭閔若茲某等念乃疇昔胡寧不悲
矧如雙親遺孤與嫠其痛之鉅庸曷已時我春
不相我淚霑衣言采溪毛薦此一庖嗟之仲居
庶或格之

代張伯仁等祭父文

嗚呼痛哉樹欲靜而風不停子欲養而親不待
哀之諸孤所以痛裂乎其內也仰惟父天覆我
兒女舅室女嫁志願俱畢且復為之樹產業立
根本使各得行其餘澤焉第所恨者吾父之生
過於勤勞六十九年日用斲之未嘗得一餉之
優游也矧逢艱時子或受圍於城者親雖墊處
心常危之或行役於遠者親雖家居心寔隨之
餘在侍旁親若可樂然憂患則為之料理怔搖
則為之區策亦未嘗忘於懷也至如鶴長鳧短
物不能齊又豈能不拂吾親之意哉今也免無
所依女亦何怙菽水之歡不復可得是雖五內

之裂亦徒然耳某与弟等但黽勉襄事以吾親
素嗜佛學視身為幻敬以茶毘之瀆奉之遵治
命也輜車在門翌日永訣菲爲一奠吐此哀衷

祭先墓文

於乎陵谷之變知繫乎時惟情所鍾不能不悲
昔我先塋松大十圍今皆宿莽荒烟晝迷不思
言者佳城或隳或幸而存冢眠狸曰不肖孤避
兵海涯九死一生如鳥無枝十有六年豈不懷
歸回首鄉關道阻且危丹陽之東吳門之西方
數百里野無黔黎我兄我姨冢亦靡遺我父與
母夢或見之既寤而歎涕泗交頤今我冢子携
厥妻兒歸耕舊田丘壘是依餘口猶十未能同
歸何不能生理未治旅食異鄉破研日隨尚
賴遺澤歸或有期載載穫烝嘗於茲或樹松
楸如前盛時嗟我祖禰知乎不知拜伏墓下拭
淚陳詞

代張伯仁祭黃景先文

近年耆英晨星霜木婁人視公崑山片玉公之

為人生有器局遭時必遭如玉韞匱措紳之久
固不刮目公之處家仰事俯育陸賈之索兒女
均蓄彼 緯同一機軸公之居鄉春風穆
凡與之遊惟善是勗 烈高風遐邇咸服於我
姻黨眷義尤篤念無後人墜緒誰續以孫贄居
我女蒙福哀我親喪觸暑匍匐之唁之沃盥
之辱比予走謝留連款曲別方兩旬書往而復
豈意公亡疾不經宿予聞訃音哀泪盈掬柰後
於官如薪濕束送不執佛罪奚可償公或我知
矜我碌 束芻之奠鑒此心曲

祭大雲講主文

師之高年七十有九以退槩而論之復傷之何
有人之所以哀吾師者我知之矣一大截教淹
貫胸中如魯霸光天台之宗今也砥柱摧折墮
波洶 同袍之士其誰適從三周七喻化尊群
迷隨所住處桃李成蹊今也羣狐長嗥弥天疾
藜信從之衆疇將依歸吾黨固嘗有月旦之評
曰善與人交僧中之晏嬰也度不可量方外之

黃生也其愛客則孔融而衣緇其滑稽則方朔而釋名也觀其詩則見其心之平淡而無牛鬼蛇神之怪觀其画則知其興之清逸而出乎山礬水澗之外若是者豈非大雄氏所謂無星礙者乎抑亦所謂得游戲三昧者乎是則吾黨平替之所敬愛而今日之以為誅也彼千駟萬鍾而死者欲使吾黨贊一辭而不可得而况為之沃醑乎言采絲莼淞江之曲懷哉若人薦此寒涼

祭柴處士文

近年者英晨星落：刻剝為方誰其矩矱惟公渾厚不 不鐫如玉在璞如珠在淵寄歎隴畷絕意圭組為龐德公不入城府以善為樂襟抱生春為馬少游鄉稱善人高坐眉案如賓如友梁鴻孟光無此白首幹蠱有子三鳳翩：源深泳衍理固宜然昔吾先君深敬於公所以敬者古人之風先君云亡公未慟哭吊死問生重禮之辱由茲而來陵谷變遷干戈所至流血成川

公之居安其福孔厚年過七十曾為希有予聞
訃音羨合匍匐吏呼石壕去不可得言采溪蘋
薦此一觴公其鑒之我泗沾裳

子祭父文

代柴貴賢作

父生三子女亦如之長養婚嫁恩義惟均以恭
出贅凌念尤篤定省雖疏音問不絕每歸侍旁
奉親飲食分甘食之親稠稚豈惟食之誨言
諄：惟懼孱弱弗克樹立撫恤諸孫欣：色康
兒所喜者親在健飲兵戈擾攘十五六年幸無
禍波以及吾親歲疴月餘靡神弗宗恭役於官
如墮膠漆間嘗請告歸侍湯藥父曰亟去公家
事兒能了官父心乃安別方數日聞病小愈
豈其奄忽永訣終天風木之悲尚何忍言嗚呼
哀哉吾親之死人皆哀之姻戚之哀思親義也
鄉鄰朋友哀善人也我兄我姊我妻我孥其痛
如荼五內崩裂罔極之恩奈弗克報所不敢忘
各慎其身勉成立無忝所生尚賴遺澤垂裕
後人

祭蕭處士文

蘭陵望族竹帛著稱高年過於伏生儉德同于
晏嬰自羅喪亂多遭屯遭萬死一生脫性命於
帑口三吳百粵寄身於于狼烟覩姑蘇之麋鹿
重遊念北山之猿鶴相望言歸故里欲正首丘
願親故鮮有子遺喜父子獨能無恙安居未幾
怪事忽生叫閤抹無辜之孫霜飛六月奉命復
愁遺之老風動四方蓋埋劍之氣衝於斗牛故
覆盆之先照於日月遂尔貽謀之願灼然陰陽
之符骨月聚於目前潸灑供於膝下得正斃而
全四體應含笑而赴九泉蹇余劣才荷公知己
自青年而蒙館教至白首無異金蘭又如王趙
之交亦有陳雷之義今皆已矣可不痛哉老泪
淋漓持束芻以效孺子儀容彷彿撫絲桐而呼
彥先即此微忱伏惟尚饗

祭錢鼎卿文

代作

吳越世家焜煌史冊公為雲仍蔓延遺澤昔在
妙年青雲氣格弗屑於時丘園自適風流文彩

穀名籍、晚罹兵燹稍涉躋危三江五湖浮家
泛宅歸帆無恙佳兒連壁迺疆迺理薶棘菟裘
鶴渚谿沅環碧公其優游素願斯獲邀月呼酒
看蒼岸憤賓朋往來冠蓋絡繹滌瀨之供子盡
厥職自春徂冬頗須藥石厥足蹒跚心仍夷懌
所懌者子服勤無懌其宜泰然瞑目中夕願惟
某等攸居咫尺非親伊故心皆莫逆今也云亡
如共肘腋緬懷德容傷心如刺御飲之歡無復
共席薄言采藻薦此寔安惟公鑒之有如平昔

又 代兩甥及甥女壻作

管人有言見舅如母此蓋由親、而推之乃常
情之所有如我舅翁其親、凌於甥及女之夫者
尤恩深而義厚厥恩伊何、濡撫摩眎孱弱而
為扶植者支一木于幾頃之厦、砥柱於頽波
厥義伊何切嗟刮剝念昏愚而為墮之者鑿渾
沌之七竅投阿膠於濁河然則翁之為舅氏而
愛其甥者眎餘人為何如嗚呼痛哉軟脚之疾
醫云無傷謂翁健飯全愈可望如某等朝夕承

奉於理固當柰公私之服後磨旋蟻之奔忙故
不得服勞於左右操几而執床又安知一夕甘
寢而遂亡邪嗚呼痛哉聞訃而疑蒲伏救之救
不可得徒哭而悲念平生之恩義雖欲報而無
期一醉永訣涕泗沾衣

武進縣學起講堂祝

維洪武五年四月二十日丁酉常州府武進縣
承務郎知縣董某從仕郎縣丞陳某將仕郎主
簿尹某謹以釋菜之奠敢昭告於大成至聖文
宣王曰夫學以明倫尚矣凡為學宮必先乎講
習之地使學者登降揖讓咸有儀度朝斯夕斯
以明人倫之道斯堂之所以亟其成也而某等
勉成共厥職以副朝家興學之意尚惟聖神于
斯文有以相之

縣學諸生祭陶兄文

天道何茫：耶昭暴而壽顏仁而天蘭摧桂折
樗櫟合抱是皆必有其說蹇余昧而莫之曉耳
吾友陶兄如玉在璞鍾厥愛於雙親求良工而

雕琢既賣金以買書復徙居而近學惟吾兄心
父母之心故能孜孜厥修如麟之角也吾
黨碌碌辱交連年竊隣燭之餘光亦效曠而勉
旃方期我兄馳騁乎詩書之林游泳乎道義之
淵又安知車方駕而覆轍弓始張而斷絃也耶
嗟哉彼蒼誰薄誰厚賦命不齊吾將誰咎惟沒
世而有稱斯可謂為不朽彼區區與草木同腐
者雖龜鶴之年而亦何足取哉嗟我友兄其止
於斯其心孔哀其友亦悲一慟永訣漬繇以詞
武進縣學移先聖祝文

廟貌之設人所具瞻所以尊聖賢寓祇敬也棟
宇朽腐懼將斃焉不敬不尊責何可逃今將一
殿兩廡撤而新之汛掃饗堂昇置神像聖靈洋
々無適不存具瞻之敬益自若也工儻事集神
其相之

祭胡秀才文

公之父兄為吾友朋公之子孫吾與師生公嘗
以父執遇我謙々乎奉承翼々乎將迎席必置

醴途不竝行我步我趨視為規繩然吾亦愛之
重之與之語言未嘗不肝膽相傾也於乎人孰
無死有未死之前為子孫者或不能如親之志
親歿之後或墜其基業是皆不能無憾於幽明
也惟公不然孝友之行父兄素稱曰子曰孫起
廢兩興別第新築良田歲登可以供粢盛奉翰
征恤孤寡鄉里稱少游之善犁鋤帶常林之經
死而有起豈不含笑於九原乎於乎昔我與公
俱避甲兵公亡我存無復合并每想見之於墻
於羹令也以一勺之行潦表四世之交情睇彼
東吳遊魂杳冥吾將假巫陽之詞以招之曰太
湖之陰風濤震驚魂兮來歸我毘陵父兄之
丘壠相望子孫之箕裘適成念此土桐鄉之夢
念老夫芻束之誠魂兮來歸天風冷

祭胡子明文

於乎逸翁生長越杭以醫宦遊臺閣蜚英晚罹
世變戈戟搶攘挈家海壖晦迹韜光予未識公
結交令節觝斥妖妄氣節激昂既見於夜穆如

春陽時方艱虞紛然。虎狼誨言諄：戒慎周防
吾其服膺如龜六藏。歲時往來雞黍。范張公年
已高。神氣益昌髮。顏童飲可百觴。興致酣適
庭視八荒。詞多滑稽歌。或慨慷以公。達觀物累
俱忘。亦有子動合。羨方福善。自天家有餘慶
婁涉畏途。竟為康莊。予嘗比之珠玉琳琅。父執
遇我。思敢當所貴。相知心腹。腎腸公。吾兒
翦拂揄揚。將玉其成。取寸之長。通家之好。幾二
十霜。洪武己酉。我歸於常。贈言孔嘉。且貽篚筐
心親迹。疏烟水相望。前年莫秋。過公豁堂三宿
不寐。情話連床。延致画史。為貌不颺。復命其子
擎舟送將。別來兩秋。懷思弗忘。初冬病餘。孤臥
若僵。寄書言懷。并書數行。歲聿云暮。嗣音渺茫
雪洲之振。乃謂公已。崧陰石川。悲風白楊。命林
往奠。老泪其滂。

祭黃朱二友文

於乎兩駒竝駕。兮同一蹶。兩輪並進。兮成覆轍。
秋氣肅以成物。兮羌蘭摧而桂折。鳧雀斷而可

悲兮何短長之足說嗚呼天乎

祭徑山長老顏悅堂和尚文

福慧俱足惟佛稱首能具而蔽世亦希有如我
悅翁是希有者德尊一代教溢叢社蚤被殊渥
著金伽黎所在說法四衆依歸晚坐南屏雷鳴
鍾鼓雨華西湖魚龍起舞丞相授經化伏群魔
凌霄絕頂砥柱頽波慧以知幾福以歸休崑岡
之陽為師菟裘師方退藏陵谷變改兀如嬾融
得大自在我昔避兵識師東林忘形儒墨結交
以心時有早評稱師孝禪吾其敬之僧中子騫
九流百家問無不知吾其愛之僧中子期師之
於予亦敬且愛片言可觀如拾珠貝我歸故鄉
師其別歲時音問往來不絕前年孟冬丈室
信宿白雲陽春和舊曲亦減樂矣師固云然
我思故交中心悄々擷茗陽羨泉錫山詞
以抒情塔鈴吾言

夫祭妻文

於乎誰無夫嬾琴瑟相交惟汝與我憂患白首

粵自世爰家燬於兵扶老携幼 血霄征具區
之山龍馬留跡羝觸月離幾中鋒鏑載歸故邑
遭歲荐饑裙無完布簪遺折著而於舅姑菽水
朝夕生事死葬與我僇力烽烟滿眼人皆岷岷
賴而內助匪義不為我擔耒耜而躬井臼長育
二雛庶亦肯構所居三徙非故孟母全身遠害
以避豺虎內外服勤乃成此室卑疾來居庶安
且吉而飲而食而言琅 辭絕而逝悲風滿坐
六十四年不失婦道雖逢百罹卒逢壽考嗟我
父子痛心如割骨月思爰祭此契濶歲時烝嘗
誰為薦羞我暑誰葛我寒誰裘風雨孤燈室與
誰處齊眉之按誰為重舉宅兆斯卜祔而姑孀
一酌永訣我泪其滂

兩祖祝文

維洪武九年歲在丙辰七月初四日不肖孝曾
孫某等敢昭告於某官之靈伏念某兒子木不
幸逢豸冠之怒無辜屯鳳陽之田骨月生離肝
腸痛割以卑悃陳詞於烏府蒙大臣請命於丹

墀欽承釋放之恩幸獲來歸之喜雖風憲紀綱公道之力卓然行之非天地祖宗陰騭之靈何以得此天無以報祖何可忘謹以蔬果酒饌之儀用陳菲薦

考妣祝文

伏念某兒子木屯田臨濠如落陷阱而某原其罪狀撰諸刑書為父者有可救之理於是扶億觸熱赴臺陳訴幸而臺官垂憐轉而上聞玉音俞允放歸養親此恩固不敢忘也然某思之苟

非蚤歲蒙父母教訓之力則懵於義理昧於法律視其子可援而不能奮身為之則為父之道有所未盡今也賴吾親之訓於昔年脫其子之難於今日思其可忘乎况乎上之人所以矜恤所以釋於使得仰事俛育而骨肉完聚者非天非祖宗有以相之不能也嗚呼天無以報矣豺獘之敬聊表於親至如父子受辱有玷先世其出于不幸而非繫乎不義而致者惟天惟祖宗尚或宥之

外舅姑祝文

伏念某兒子木比遭禍而屯田今蒙恩而歸里親戚骨肉重獲團樂其為外祖父母者死而有知其必哀憐眷顧而陰相之也推情揆理義不能忘

三兄祝文

惟我長兄有幹蠱之才而不得其壽由是而家人失節門祚陵替幽冥之中不能無憾也必矣然而幸存一息以嗣烝嘗如木櫱丁兄必愛之不啻若已子耳 罹竒禍屯種濼梁豈不為之哀愍哉今蒙國恩歸奉菽水又豈不為之陰祐乎生而孝友死必不殊區、哀思詞莫能既惟我二兄深著佛學早絕佹儼誓不與同室而生同穴而死也早育二子長令出贅幼為沙門兄則超然自謂在家出家矣避兵之日緇流與俱杳不知其所終此固兄之素願也然而某佩服儒訓雅愛人倫念同氣不宜泯絕命其子林以奉嘗焉今以木屯田而歸如獲再生如脫鼎鑊

吾兄以佛氏之心為心亦必為慈愍焉惟我四
兄未壯而克家將娶而即世父母悲悼終身不
忘諒吾兄於父母之子若孫亦不忘也如木者
幸脫屯種歸畊故隴以養其親以畜其妻子兄
之喜為何如哉兄無後人命吾子森嗣之以承
祭祀尚期垂裕使得與木等聳峙而樹立也

姊及姊夫祭文

於乎賢姊之生爰弟深至視弟之子已予無異
木之屯田姊必憂恚以今還家必喜而慰閱予
莫年遭時不利父子汗辱有玷先世所自釋者
中心無愧微姊復生孰語於嗟而子孫俱死疫
癘歲時禱嘗賴女承繼我今摧頽百事俱廢念
姊之心獨爾弗替姊夫善人義同昆季庶幾來
格鑒此微意

祭母舅文

代陳彥高作

昔人有言 舅如母今吾不見舅氏者閱四五
年又何異別吾親之久乎瞻彼陽山追懷亂離
脫萬死於虜口幸重逢于盛世然而度谷變遷

各天一涯舅甥之情惟天其知遭險人之排陷
若參商而東西方鴻飛於魚網奮病翮而來歸
聞舅疾而往問涉雨露之途泥承訃音於中道
乃匍匐而星馳顛崖之苦疾藜之悲皆不能與
舅氏細數而陳之釋此憾者將何時邪言采溪
蘋薦此涸酌哀歌渭陽涕泪交落知乎不知神
在冥漠

代任仲文祭妻祖父

翁於女孫親愛所鍾及其夫情亦與同既玉其
成加以磨礮藻雖不忝感恩之隆服勤右左黽
勉厥躬歡然菽水庭闈春融金澤之濱瓢湖之
東居凡三徙天風轉蓬今年夏秋巨浸如洚賦
歛之虺毒於射工避地蘭陵請謀吾翁去危其
安翁樂其從瞻彼橫山滄海駐蓬將營菟裘一
晦之宮月有旬日往來憧憧豈其微疾藥石罔
功我方抱持滫瀡之供語音未絕瞑目而終嗟
我夫婦遭離罹禍凶倚若泰山、頽倚空賴有
大母同此哀恫棺以黃楊衣衾重、忍茲永訣

涕泗沾胷三寵而酸以寫愚衷

祭朱仲起文

生於東吳歿於西州七十四年陶朱之疇其生也有一廛而弗處樂淳家以優游有二子而離居各專力於箕裘其歿也繼室厚衣衾之具過百倍於黔婁女孫得藁砧之良襄大事而能周視世之生不聊生死不得其死者迥乎其不侔又何憾首丘之正与不耶某等或忝微姻會晤無幾或傾蓋於東洲之濱或結鄰於橫山之趾聞哭聲而匍匐徒往救而弗起兔死狐悲矧吾人耳一觴敬酌歌用蒿里

祭妻祖文 代楊彥澤作

昔在童牝聞翁厚德邑之名門視為矜或遭時變故挈家中吳人多覆轍翁行坦途陶朱之裝固有遺共食指百餘乃保終吉陵谷既遷言婦故丘橋梓相須聿成菟裘匪德之積曷能云尔陰隲自天灼見斯理如某不才誤蒙采菲以孫妻之撫愛莫比每至甥館誨言諄々俯育之意

益然如春及翁卧痾或輟或作往来安問眷頽
如昨七十八年如旦而莫眎諸天潤寔有餘祐
所可悲者永別終天女孫歸寧誰其眷憐某於
美墻思亦固極薦此溪蘋凍泪沾臆

祭卸忠公墓文

公遊程門游揚比肩慎獨之學首得其傳孝以
事親如曾如騫移孝為忠厥德兼全補袞之闕
蒲伏涕漣數悖六罪群邪凜然柰何城狐威福
得專推落陷阱矣風瘴相忤物固尔精誠動天
遐陬峻嶺感應有泉處困而亨斯文究研既釋
論孟復解韋編義文姬孔美墻見烏蔽日雲開
暫脫迍遭再寵再辱愈磨愈堅明月之珠薶光
九淵鳳穴有雛赤霄翻。暴白先志誣曠悉蠲
德薰晉鄙垂四百年顯忠有祠奉嘗有田由宋
而元有司豆籩度守是邦追慕昔賢諸遺黎知
公故阡增土鬣封起碑顯之樵牧有禁溪山連
延何以奠之秋菊寒泉仰止高風服膺奉。尚
享

祭陳氏親母文 代曹子壽作

惟靈生衣冠之茂族作佳配於穎川相夫子以
無違寔四德之兼全出鳳雛於丹穴彩翮之
翩翩熊丸之教有法掌珠之愛弗偏予是以有
東床之選蓋亦慕北堂之賢方鳳占之叶吉結
朱陳之姻媿何飄風之結不情折萱花於歟然
葭莩黯乎其失色朝露若為之涕連念九泉之
永訣酒三寵於樞前靈洋洋其如在鑒此意之
勤拳

子祭母文 代陳煥章作

嗚呼三子蚤孤皇々疇依賴有慈親恩斯勤斯
非徒養之而又有以教之視我三子掌珠之惜
遭時艱危基業蕩析萬死一生達幸逃鋒鏑徒
茲渴濱苟烏休息其不滿於吾親之心者一子
一孫介胄而歿居侍傍者但供其菽水習史業
者常離於朝夕每勞乎倚門之望鮮能遂板輿
之適所幸時康方安厥居孰謂微疾遽然云俎
方巫醫之竝用竟永棄其諸孤嗚呼痛哉而今

而後雖日用三牲之養而吾親無復為之娛矣
一杯之土無復寔於吳矣徒感傷於風木媿返
哺之慈烏奉觴永訣肝腸若剗

祭陳母文 代陳彥直作

生長勾吳秀鍾林屋有林下風四德之淋隨世
爰遷家此溪曲鄉稱姆儀徽音馥郁能允教子
峙若鼎足伯為督家仲則戎服季也刀筆搢紳
刮目甘輒之供如食厚祿斑衣諸子森如立竹
春藹慈闈家用雍睦壽踰稀年歿有餘福季婦
自棺慟哭烏鳥之情悲乃風木里不巷歌弔者
接躅某等姆儀之教義當蒲伏言采溪毛薦此
醴醪貯嚮有靈眎同芻束

又代 李一泉等作

孟母之斷機教子成其子為亞聖陶母以剪髮
待賓致其子有大名世之為人母者苟能有其
遺風則其子亦必有可稱者矣若我陳母遺風
伊何教子之功不鮮待賓之禮亦多昭哉彼蒼
福降洋、八十 子孫之盛七十三壽考之長

東隣西舍愛同六親簞食豆羹饗如八珍為一
鏡之姆像誠四德之淋人倏尔云歿孰不酸辛
時無張林 德弗碑劉向不作立傳者誰我酌
此卮我陳此辭亦庶乎薤露之悲彤管之貽也
歎

祭萬氏子文

人與萬物一氣所鍾何乾坤之為父母有賦予
之不同顏路之子聖師之賢胡不永其年耶柳
季之兄凶醜赫烈胡不使短折耶美牛山之木
而厄於牛羊戕於斧斤彼樗櫟之不才乃壽而
輪囷放梟因鳳則足麒麟若吾甥之淳朴孝敬
而夭者皆莫曉乎混沌某等忍痛雪涕敢一問
乎大鈞天雖不言聞必酸辛持杯湮以弟窮泉
之幽鬼以慰高堂之老親：乎親乎慎勿為
卜商氏之喪明徒貽誚於聖人嗚呼波蒼聞乎
不聞

祭沈氏女文

維洪武十二年十一月初八日老姨公携其子

以酒肉於姨孫女沈氏之靈曰汝之父與吾子
為弟吾之孫嘗中選汝父之雀屏今也如寶鏡
之破於未照玉簪之折於未成于乎傷矣哉吾
父子之情傷矣哉吾父子之情

又

某年月日老姨婆與姑娘等以酒果家饌奠於
時娘柩前於乎痛哉汝之生也母亡於七歲之
初使汝不得蒙其撫養汝之死也父役於千里
之外汝不能與之訣別未筭而善事繼母久病
而不弛女紅是皆可哀可憐而可憾者嗟哉彼
蒼何彭何殤骨肉之悲寓此一觴

祭外祖文

代上海任仲
文作

翁於外孫恩德俱厚三孫之中藻為最幼維其
幼也特恐愚陋其愛尤深加之訓誘翁自中年
無心組綬湖山秋九風月杯酒幽花秀竹蒲石
清繆翁於其間婆婆白首陵谷之變干戈日久
危而復安賴天之祐八十八年可謂遐壽為鄉
善人其德之懋甥孫紛然日在左右藻則出贅

翁為擇偶索梓連陰穀聞雞狗犁鋤畝復客
桐江數月宿留廢禮百端辭莫能完比聞訃音
痛心如剖匍匐而歸豈云敢後以病莫前徒抱
哀痛瓢湖之水難洗厥咎翁其閔之庶或原宥
雪涕陳情薦此簞豆

為曹元度祭姑夫鄒桂堂文

昔魯羨姑抱姪遺子恩難兩絕羨重如此公篤
於親如姑之情撫字其姪同乎所生念某昆弟
稚孺而孤適逢亂離干戈九丘垂涸之鱗蒙激
滄波無依之鵲乃栖瓊柯息以畜之義以泚之
威儀語言教且勗之人皆蒞藜我則衽席居矣
數年如一朝夕陵谷變改公還故御某亦里居
烜以餘光咄彼青蠅竟浣白髻投畀遐萊混淆
瓦礫咸謂貂蟬將出兜鍪天定勝人無悔無尤
夫何不吊迺涉重坎訃音之未痛割肝膽丈夫
馬革死不顧身唯其骨肉極切悲辛巫陽之招
竟其來歸桂子秋風高堂德惟知恩罔醉羨後
以報見公美墻泪滿懷抱魯之義姑我姑之夫

書以厚俗疇茲董狐

祭徐達卿文

往昔辟兵衆依於仁纍、乎喪家之狗躍、乎
脫網之鷹公之視予騶虞麒麟暖蘭湯而濯足
下縣榻而重茵館婦子於別室撫臧獲而所親
不以俗有數米而炊者以玉其粒不以時有祈
餼而爨者以桂其薪或戚或踈恩惠俱臻長筵
燕集禮意慇懃是故人皆以和氣氤氳喜色津
、忘憂於叔蕩之秋湛樂於熙臺之春殆若古
桃源之避秦也別公數年滄海飛塵干戈阻絕
公歿不聞迨歸里而聞之日羈繫於世紛欲一
酌僑玄之墓閱姜歲而因循竊嘗論之世衰俗
薄徇利忘義者什常八九公乃磊、落、猶獨
鶴之、雞群然一飯之報吾志弗信抑亦有愧
於古人瞻彼膠山如隔而塵舉斝樽以洗墳上
之土頌遺愛而云、酸風撼林嗚呼孔賓

為陳以貞祭王母文

昔在故里媚德著稱鍾禮却法容儀具并豎孀

居之一紀羗玉潔而水清令居蘭城母儀之懿
奉檄有係盡歡甘旨奉重闈之慈訓謹操持于
胥吏故凡葭莩之親素梓之共莫不受之敬之
尊仰乎林下之風也樂善之本出天賦口不絕
西佛之名如渴飲手甘露其心愈慈其髮半素
諸兒女之通家每升堂而拜母起居安問匪朝
伊暮方鞠月之下旬捧壽觴於初度安知彼蒼
災祥竝臻賢孫有鶚書之薦而大則病入於膏
育巫藥罔功遽爾云亡正所謂賀者在門吊者
在閭變怡懌為畫傷矣衰絰之孫擗踊哭泣吐
令伯之哀衷人皆為之嗚咽不有形管孰紀高
節采溇浦之寒藻薦郢筒之香雪拭淚陳辭千
載之別

祭崑山張伯仁文

洪武之初傾蓋如故買宅買隣日益清頌於時
蘇城樓櫓灰飛公脫臨阱欣然而歸人之所稱
百鷲壹鶚有猷有為抑強扶弱我所見者厚葬
其父故舊不遺保障鄉土數載之交視同懿親

為公所憂里多荆榛縛虎而縱 其齧 鵠
鷓夜啼興妖作孽室雖有繼卒以無嗣播遷臨
濠日以毀 女之嫁者遽共其良兩婿承家池
魚竝殃公在異鄉寸心千里骨肉傷殘痛何可
已一紀之別老我千家每聞奇禍為公怨嗟蒼
天蒼天斯人何一困厄摧折乃至此乎客未今
春謂公蒙恩難弟難兄同歸故園予欲賀之恨
臂不飛以詩言情不勝瞻依安知隔歲公已物
故集師書來我淚如雨追念疇昔肝膽相知各
天一方徒云坐馳面不復晤其可招悲歌此
辭鼎此一瓢

生日祀考妣祝文

父母生不肖八十六年矣不肖雖不能為賢人
君子為世矜式然未嘗敢為小人之不臧也雖
不富不貴不能顯榮其親亦未嘗饑寒失節以
辱先也長太平之時則微封其業遭亂離之日
而不殲於兵夫妻白老者暖衣飽食早眠晏起
不憂不慮以安以娛是皆天地之大恩父母之

遺澤也蒙天地父母之恩澤其可忘乎其可忘
乎所願者子：孫：中外和睦爪硠延蔓荆棘
不生使不肖夫媿如是安娛以盡其天年不久
床褥全歸遺體尚賴天地父母之靈有以陰相
之始生之日釀酒以告

冬至祀外舅外姑祝文

嗚呼悲哉仁而無後斯理之變而又遭世之大
變也三子八孫靡有噍類所遺之業盡屬他人
傾為女為壻者老無能為竟不能為主後人以
為似續以承祭祀每一思之慚色而已振腕而
已嘆息流涕而已惟茲一陽薦此蘋藻 匪
薦：以此心靈之鑒之閔其所不能為者 宥
厥辜

祭唐親家母文

代陳以貞
母氏作

德為母像五十九年見而知者罔不稱賢昔我
冢子多幸自天崔屏中選以女儷為主我中饋
毫忽罔愆母教之泚豈容忘 昔在鄉里絲蘿
纏綿今居毘陵同居一廛姻婭之情益加於先

母在床褥久弗能痊曰女曰壻常侍榻前我來
問安飲食留連今也云亡骨肉棄捐為子壻者
公務所憊羈旅金陵未能言還女以孳育月輪
未圓棺弗能憑線麻涕漣垂髻末孫其哀亦然
我念疇昔淚如迸泉有菲蘋藻供陳几筵靈其
如在鑒此惓惓

祭表伯母文 代王仲孚

昔居故里家為比鄰綿瓜葛如朱如陳今茲
異鄉六復如舊通家往還情日益厚靈以沉疴
一載之餘匪朝伊夕俟詢起居若我婦子均蒙
眷顧食必分甘骨月相處字方驅馳信宿而歸
靈乃即世幽明永違匍匐往救已不可得陳此
薄奠涕洟沾臆

祭王君壽文

昔在西塾廿有餘年公之父牀坐予講擅愛我
敬我如骨肉然公於此時鴈行聯翩敬以父執
禮意勤拳規行矩步靡不勉旃厥後一別陵谷
爰遷公宇故丘我落邊萬死一生脫身戈鋌

我東來歸公喜自悲喜獲再見悲歷艱危冠玉
之美殘為瘡痍樓臺廣居化為茅茨衣不攸綉
緼袍為宜食忘八珍啜菘如飴樹菊軒堦杖屨
棲遲幹蠱有子蔚乎孫枝樂事以酒餘皆弗治
佳哉蔗境為鄉白眉吾嘗鼓琴隔浦之湄連城
婁宿細論昔時負笈之孫服受我詩自茲以未
別多會稀花朝月夕每有所思去年莫冬尺書
載馳緣有義事要公共為安知踰月遽然其萎
偶出西關路聞葬期彼祖輓者舟欲同移眸子
眇昏行且尼之送不執紼奠莫奉卮烈塘之東
滂徨涕淚還家數日晝夜忸怩細惟前吳絮酒
千里嗟今之人跬步或弛朋友道喪恬不為恥
擷此溪毛陳詞盡紙物薄情深公必鑒心

祭妻文

嗚呼悲哉靈年八十以微疾不兩日而亡人皆
謂天錫之福子孫滿堂衣衾而歛瘞之高岡并
餘一紀家居樂康既葬而鄰里騷然紛提軍而
驚惶使襄事之日而過之則惡乎有數百之人

祭奠於北堂縞衣而送喪也未幾而季子森為人謀陷嫁禍其身我扶憊而赴救詣郡邑而具陳刀筆之吏欺天罔人妄移文于崑邑欲玉石之俱焚賴公道之不泯如屈蠖之得信雪埋而歸父子悲辛以今思之六十年之沆瀣常居安而欣、雖世變之秋避兵海濱亦未嘗遭此之不仁信乎吾細君有可福之善蒙陰相於大鈞也邪卒哭之祭遂致目死而有知必不我嗔吾知母之慈子必哀憐其邁屯柰何死生幽明之分兒哭之慟我亦沾巾嗚呼悲哉

祭張溝南先生文

維洪武十六年月日同羣老友謝蘭謹遣孫壇以清酌庶羞之奠致祭於故心友溝南先生之壙曰嗚呼近年耆英晨星落公在鄉邦雞群獨鶴詩三百篇精華咀嚼吐而為文光輝焯々粵自早歲蜚聲臺閣遭時多艱婁進婁卻歸來故山雲臥一壑洪武更化群髦進趨克嶷有子首應而須手持直筆追縱董狐如哲有參養志而

娛寶樹遽折悲風叫呼公無怨尤曰命矣夫中
郎之女傳業於家丙申莫春郡志有作時我與
公同秉筆削甲可乙否語皆良藥別來數載心
交如昨愛及吾兒羨尤不薄前年過我新秋夜
涼中庭夜坐月白如霜劇談千古把酒淋漓興
盡而去東方未明太年夏五我兒云已公為墓
銘九原有光弔我唁我喻以大方斗城之別譙
門夕陽自冬徂春人多讚揚優哉悠哉新居艸
堂幽花秀石池島蒼葭不徒玩物世慮俱忘願
我潦倒理宜溘先安知矍鑠乃在吾前四月九
日訃音忽傳無忘之灾網羅正纏葬不克送湮
不漬絲每一思之淚如迸泉病目昏盲舉步欲
顛壇持瓣香拜於靈筵鮑牀知我鑒此勤惓

姪婦祭姨母文

昔侍姨母東吳避兵我姑繼諸婦奉承及歸棗
梓羊舍之隔歲時候問眷焉如昔今我姊姒等
哭姑之泪未乾而又哭姨母而永違母乎見我
姑於地下其能說諸婦之哀思乎溪嶺 霜薦

此一觴阿翁張、作此祭章

代常信孚祭親家母女

曩予之家幹蠱之人賢卽贅居蒙養而姻維時
魚軒雲從祈、繫我嬾子獲瞻母儀事雖從權
悉如所願舉室驩然親、眷、去年合巹蒙饋
蒞蘭爰子及嬾息出肺肝願予東床每歸問安
慈愛之深尚蒙垂訓所可喜者起居樂康予嘗
詣門亦得升堂別來未幾聞有隱憂豈意成疾
竟弗能瘳訃音忽至婦子匍匐泣血呼天救不
可得我來樞前奠此束芻區、哀忱靈其鑒諸

冬至祭母女 代木森作

嗚呼痛哉每年冬至齊宿祀先母率諸婦供具
酒食今也中饋或有缺共誰憫、而最之邪每
年冬至賀客過門毋語諸嬾治具 今也禮
意或有懈怠誰諄、而命之邪一味之甘誰分
諸幼邪糗餌之屬誰饒諸鄰里邪是則曰節序
而追感者如此至若子孫之有室皆吾母擇配
而為之子之婦孫之婦其婦工有未善者皆吾

母教而成之平居之日旨甘裘葛之奉則吾母
弗求其備溫清定省之禮或有疾則終日終夜
木之濠梁屯種森之滕州被劫林之客死新鄭
吾母為之廢寢忘食晝夜憂思痛苦哭絕喪明
慈愛之情言莫能盡如此之恩又皆在劬勞罔
極之外今子之死者固不能報其生而存者將
何以報其萬一邪母兮母兮無復見予寫此哀
衷矢弗諉於遠兮

祝亡子文

洪武十六年十一月二十一日老父命汝弟森
持思賢錄一簿置汝靈几酌之酒而祝之曰往
歲板刻辨惑編既成汝嘗執書立吾前而言曰
不圖今日遂二十年之所願欲矣汝於此時喜
容可掬吾知吾兒推心父腹繼而摘藁尤喜成
速携二書新鄭之行不兩期而瞑目今老父偶
逢於知己又為刻思賢之錄此汝之所當寫者
稍樽節其簡牘工數月而就緒我已育其雙目
摩挲紙本無復能讀於乎誰念其為之不易寶

之如玉邪誰為其喜而傳之士夫道治丐乎道
鄉先生之膏馥邪悲哉吾兒身不可贖置此書
於靈几猶掛劔於宰木願觸屏之子若孫絃將
斷而復續觀物思人淚沾汗竹

祭母舅文

代東洲黃氏作

嗚呼見舅如母念母不忘舅復厭世豈不永傷
若我舅甥世居邑里如鳥同林穀育棲止版圖
之繆牽連伏辜天恩汪濊姑緩其罰脫網之魚
頰尾發：七里八岡水溢溝澮載欣載奉過我

歷塊蒼髮黧面泥土衣裳忘乃劬勞負疾而歸
賀者在門退不旋踵吊者之來乃哭而慟如某
至親洎諸姻婭痛不可忍涕泪交瀉將來休戚
無復相知俯憑肝膽醉此一卮

祭賀彥銘文

代陳彥
高作

南華有言曰上壽百歲中壽八十下壽六十一
月之間得開口而笑者或四五日而不能及也
况遭世之變乎如公之生垂及中壽喬木故
家不為不茂遇陵谷之變遷若催枯而拉朽坐

衣冠於途炭脫性命於虎口元龍之豪氣雖象
丹穴之鳳雖方雖俄陸海之風波沉鉄船而莫
救有竹林之小阮尚枝梧於左右五六憂患之
中能一笑如南華所言者亦烏有也嗚呼哀哉
凡我親舊居同里閭困蒺藜於世交之日煦涸
轍於濡沫之餘犁鋤乎荆棘之場屋廬乎瓦礫
之區若夔蚺之相憐不戚施而蘧蔭吉凶慶吊
出入起居或叙情於杯酒澆磊落而歎歎今也
云亡痛當何如奠楸槩於三寵墮清淚如蛟珠
悲風愁雲送乃輶車

祭妹文

代陳彥高作

嗟我先世錫山故鄉曰朱曰陳閭閻相當乃以
吾妹嬪之良為嬪而賢孝於姑孀陵谷一變
雲萍四方念我兵餘如龜六歲聿耒依棲鄰壁
分光尔居再遷半舍相望手足之情眷々弗忘
常念吾甥來我渭陽吾兒念姑安問亦常焉知
微疾遽尔云亡朱陳六親罔不痛傷况予潦倒
孤雁遑々憑棺飲泣奠此壺淚

祭妻文

大哉天之所以為天兮宰萬物而幽玄雖陵谷
而變改兮恒福善而弗愆觀若人之始終兮蒙
陰陽於彼蒼避戎馬於句吳兮涉畏境如康莊
聚原鴿以數急兮作歸鴈之同行舍故土之荒
穢兮蠶豐業於暨陽託家政於仲氏兮日娛客
以壺觴津優游於棗榆之景兮家有餘慶蹇予
早歲有室兮得名門之女弟賴昆季之眷顧兮
於今四紀睽小阮亦僥倖兮辱妻以其弟之子
悵東西之相望兮多契濶而會少比安問而抵
家兮喜棣萼之俱好孰謂別無兩月兮聞訃音
而絕倒慘余室中之人兮姑与姪其同悲徒匍
匐而莫能救兮淚滂沱而沾衣奠楸楸而永別
兮叙平生而陳辭

除服祭母

二月十四日為兒
子木杵作

齊衰母服也三年之喪猶卒哭而再祥禫而除
其服者古之制也然劬勞重恩固克有報孝思
之心有不能隨服而除者也於是撤靈帷於斯

寢奉神主於祠堂歲時烝嘗寓不忘之意也不
忘者何敬與愛也凡吾親之所敬者敬之所愛
者愛之則親之死猶無死也苟忘其親則親之
故舊或踈如途人親之孫子交惡為仇敵也以
若所為是不孝也觀夫孝之至者通神明不孝
者必獲戾於神也過庭之訓諄有年勉而行
之請質諸母之靈也矢心陳詞終身戒也

遷祖考神主祝文

嘗聞祠堂之制當設四龕以祀四世之親不肖
幼年在父兄之側失記高祖考官稱高祖妣姓
氏故曩於兵後重立神主由曾祖及禰而已虛
設第一龕于茲數載今因以妻喪既終其子木
等奉母命主入祠敢請遷曾祖居第一龕曰祖
曰禰從而遷之以第四龕安奉其母任氏候應
芳之歿然後改題高曾祖禰稱號也不肖違失
禮制不能無罪惟尊靈恕之

寒食祭曾祖墓祝文

傾賴先世德澤未泯瓜瓞遺蔓幸繼烝嘗時維

禁烟隨俗展墓匪去報本庶不敢忘伏惟尚饗

祭祖禩墓祝文

墓祭非古也以應芳不肖不克歸里不能以時
省掃常愧於心每年寒食展拜墓下豺獺之意
庶效萬言一尚冀先澤垂裕後人有永弗替

墓祭母弟祝文

代木莘作

寒食墓祭雖徇俗禮為子孫哀莫省婦亦庶
幾豺獺報本之意為惟慈母賢弟魂魄有靈必
蒙歆格

墓祭先兄祝文

父母遺休本有三兄仲兄避世不知所終伯兄
季兄竝窆於此時維寒食祭掃茱丘手足之情
庶乎不怠

娶孫婦祭祖祝文

維洪武十八年歲次乙丑三月初四日乙丑孝
曾孫應芳等以孫男墳於初五日丙寅吉辰娶
本縣安豐南鄉呂氏女為妻敢昭告於某官白
娶婦三月而廟見者古婚禮也近代之制以日

代月各有羨焉應芳輒敢參酌古今從宜從俗
擬於翼日親迎婦初入門先當謁拜先世以見
不敢忘本之意然後祇見舅姑及諸姻眷自茲
以往庶得奉承宗祀蔓延嗣續尚賴遺澤垂裕
弗替謹以清酌庶羞前期祇薦謹告

祭徐仲清文

嗚呼九流百家玉石混錯公隱於醫常之一鶚
黃岐之書孰云不知公得其要探玄索微如古
兵法時用出奇博議閱辨吐屑霏々蜚英蚤年
鄉評衆推紫燕歷塊非駘可希遭時艱危挈家
句吳藥石之靈字及豚魚長蛇當路振六銜珠
以之事親厚養為娛春風杏林名教載途所不
忘者首丘如狐大明開天四海一家父母之邦
青檀故廬徵車聿至乃赴清都醫國之忠能莫
能輸謁告而還子孫怡愉蜂房合戶哺雀群鳥
混迹市塵懸我藥壺衛生之仁施於州閭佳哉
蕪境餘人所無衣冠敬共鬚眉皓如應芳忝交
四士於此公有佳兒愛我中子同業於儒同出

而仕惟命不由一生一死公恤其孤與諸孫齒
誘掖激昂誨言提耳老我墻東相望尺咫頻年
喪明跬步千里時蒙問信或饋藥餌心親迹踈
匪負知己分公榼棺事皆定矣我未能然望風
能然長喟東菑投孫徃奠靈几玉雪之姿美墻
宛爾載歌薤露商飈歛起願言遊從脫屣滓泥
存順歿寧庶免無愧

遷葬二兄祝文

九月二十六日

元曆垂盡時盜之槌領珠斷釧臂無處無之嗟
我二兄荒郊廢塚雖有後人漫不肖視與無人
同薪者芻者為樵牧場而犁鉏者日侵月削又
將為禾黍區，應芳以同氣之迹是可忍乎今
重製二函遷瘞祖壑東南隅以祔大父母父母
及諸父之側竝封如前蔭 竹木歲時 飯庶
得享而侑食焉惟兄有靈安茲幽宅

諸親友祭曹子壽文

古之人有言狐死兔悲物傷其類况人為物靈
居同閭里有瓜葛之親朋友之義者乎又况子

壽之為人善與人交而有春風和氣者乎居常
往來杯酒為禮或有時而合歡雪襟懷之凝滯
柰何輟釜之教瓶壘之恥往々鮮克遂其意也
歎歎慷慨音猶在耳一月之餘寢而弗起屬纊
未定而槥棺訃音裁至而葬荆東方載明藁裡
亟奄於橫山之趾凡我親朋惆悵而已其為骨
肉至親者又何忍而至於若是耶溪毛澗酌亟
奠靈几遂成永遠賴而有泚

祭唐仲傑文

公之子吾子之門弟子也吾之孫公以小友呼
之過愛而忘其齒也垣雖失怙如飲食數載慶
吊吉凶且能憐之乎盡其禮也今公之歿胥靡
也哉古人月明千里再歌些調魂兮歸寓永
傷於匏樽一醉乎落花流水

祭劉德祥親家文

人皆謂公有通濟之才設施之方且識見之長
何始終之乖張吾嘗此公為江河之舟視舶而
微非葦而杭能重載而遠適可周流於四方或

長河順流縣帆巨檣一日千里快若飛黃或大江
水逆石尤風狂釘石系纜隨波低昂或脫難於
盤渦或經險於呂梁或候潮而逗遛或阻水而
滂徨安知一夕怒濤舂撞盲颶鯨颶遂顛覆於
鮫鱓之鄉嗚呼哀哉六十四年安危變遷以資
稟之高明知有命之在天不怨不尤處之泰然
鄉之旦評前後可有可稱于後者何異乎青史
之傳嗚呼哀哉如某者在東閩隣比相依承公以
鍾愛之女為吾孫阿塏之妻雖別多會少獲通家
而往來每黃耳之有信知告老而有期擬祖孫之
同遊呼麴生以洗泥訃音忽至招魂未歸塏也
哭婦翁於四千里之外柰此顛之乖違兩兒扶持
奠此一危文以抒爪葛之情詩以寫薤露之悲公
知不知我泗沾衣

生日祀先祝文

某之生斯世也九十一年每念劬勞罔克有報也
然視不明聽不聰而猶有可觀之物可聞之報
肢體雖頽猶能杖而行几而坐也方寸之天

不蔽於私義理昭著而能燭物是皆生我教我者之大恩也先世之恩報雖不能寔未忘乎心也况夫左右服勞飲食裘葛內外有人老幼頗知義方非祖考垂裕之力烏能得如是之樂也自今以往天年未盡喘息未絕皆感戴之日也家饋殺羞先用祭享亦庶乎豺獮之報本也

祭徐子忠文 代席彦適作

旦必有暮死生柰何或玉閨之不入或薤露之

有歌或馬革 於異城或魚腹葬於汨羅是皆

卓犖之女去鄉井捐首丘而忘其考槃之阿也

今公之歿類乎古人論公平昔良可悲辛其家

居也克肖而翁持身以儉約勤苦待人以和氣

春風其尸役也羈靡長安夢方尋於失鹿事乃

畢於 棺嗚呼三子昇峙乃公 服勤

惟恐顛覆雖匍匐而莫救望鍾山而慟哭東床

佳壻淚亦盈鞠如某既忝姻婭且居鄉曲慚

乎叶力同心董征輸之萬斛覩丹旌之未歸極

感愴於心目蓉湖 蘋薦此醴醪

武進縣學立先賢祠祭文

代陳知縣易
縣丞作

昔之人以鄭公之賢而名其鄉以荀淋之子而里名高陽蓋地因人滕使山川人物皆為之有光今夫三先生之產茲邑也道學之傳淵源二程發揮道妙有功遺經劾當國以滔天之罪而貝錦乃成諫至尊以正始之道而逆鱗敢嬰觀夫感應之象醉客之語則忠義之至通乎神明若夫由大魁而演綸參大政而憂國者位雖不

同：乎一誠輔崇寧之初政知秦蔡之非賢俄梁木之俱壞徒流芳於汗青是皆可以為天下之師表百世之儀刑豈特為鄉里之榮哉某等叨蒙國恩社民之寄以先生祠諸學宮是亦祭於社之遺意詵：諸生 奔棗盛如將見之於墻于美靈德薰於晉鄙何以異乎師承吾將見金鍾之織復靈劍之聿興

謝莊曾祖墓清明祝文

某嘗聞先世開封渡江蕃盛東西謝莊地因人

姓三百年耒陵谷多遷自高而上故隴茫然瞻
茲哀丘鬱々如許即彼浸強為外侮禦非松匪
楸函篁醫之弗樵弗牧周垣衛之寒食清明聿
來省埽追遠者心妥此蘩藻尚享

新河口祖墓祝文

丘墓之祭禮無所考然俗禮以清明祭埽其耒
尚矣苟於此以盡其誠亦庶乎豺獭報本之意
罔明雖殊有感斯應所謂洋々如在者將見諸
美墻見諸堂封斧封馬鬣封也某等雖不肖無
似尚期垂裕以衍餘澤繼述弗替尚享

先考忌日祝文

父生之恩人皆罔極惟吾父之鍾愛於某也既
生之又能擇師而教之使日就琢磨勉樹立
雖不克範馳驅取青紫以 其身以顯其親以
澤其後人然此身賴訓育之力不姦不邪不淪
胥俗習之陋於先世無甚忝辱子若孫則矯枉
就正識之無于農圃之間而我杖屨所至晏然
棲息無餓無憂是皆吾親之遺澤未泯也此思

此德之死不忘惟慈忌辰祇陳洞酌以鳴其感
悰恭請顯妣石氏安人同賜假享謹告

祀先致語

代丁學古作

奉先思孝睭賢之訓甚明事死如生考祖之靈
可格焚香代鬱鬯之灌秉燭為庭燎之光雖無
鍾鼓鏗鏘惟是豆籩奔走志意追思於齊戒容
儀宛見如美墻蘋蘩蘊藻之著靈筵可薦參苓
薑桂之物相籠親傳谷陵兩交於昔年城郭一
塵於今日如繩祖武勉讀父書 魚或昧於交

字時加脩省豺獺粗知於振本歲奉丞嘗伏願
濯、厥靈洋洋、如在灾不生禍不作正賴乎履
帡幪居之安資之深何異乎門閭高大根深
蒂固地久天長

初進酒

生不封侯賜酒泉無人死作酒中仙一杯初進
葡萄酒且喜家庭有象賢苾苾、芬、一豆羹丹
衷寸許若葵傾我宗我祖應歡喜自借厨無輟
釜聲

再進酒饌

銀燭生花再舉觴滿堂渾是鬱金香愁多莫問
人間去年少多為地下郎不識駝峯翠釜烹羹
名錦帶亦虛稱一杯骨董如芹獻五味調和意
盡誠

三進酒饌

孤兒碌：混泥塵華胄送：出縉紳百拜勉循
三獻禮一年祇薦四時新廟堂調鼎用鹽梅四
海蒼生笑口開我手幸無窮鬼換折旋三獻奉

羹杯

進饅頭

籠餅炊來玉屑香貽牟喜得歲豐穰賢如脫粟
晏平仲應咲縮葱侯侍郎

送靈致語

切以欲表孝忱勉循俗禮焚楮錢以代幣意在
殷勤酌桂酒以送靈魂歸寥廓下情不勝感愴
之至

祭曹子毅大使文

代諸親作

萬物之靈莫靈於人然人之所以異於物者秉
彝方寸之天不和而公不偽而真也惟窮身無
毀傷不辱其親口無萋斐亦近乎仁不汲汲以
肥家不戚戚於謀身西園鬻爵乘時取名東陵
種瓜避時辭榮是皆過不吝改而復其天真至
若慶女而嫁不贅壻而效秦視其弟之子猶子
意終老以歡忻非明理而能之手彼昧書理而
不能然者寧不泚頰於泉下貽於鄉隣某等
親舊交接敬恭相於悵幽冥之永別感涕泗而
歎歎輻車族鞠奠此束芻

子祭父文

代奔牛陳明遠兄弟作

哀哀父母生我劬勞欲報之德昊天罔極此尼
山程人刪詩三百存此言為萬世之訓也凡為
人子者報親之心其可忘耶况某之痛親尤
有甚於常人者元曆之末兵戈數年委棄棄梓
流離異鄉其生也不能盡菽水之歡其歿也不
能永宅兆之安陵谷之變丘壟之共仰愧俯作
無可柰何於茲又隔一宇宙矣今也做昔人衣

冠之葬，以木主巫陽些歌，隻魂未歸於以寓
安厝之禮，于以表追遠之心，非敢謂報親之萬
一也。於乎哀哉，於乎痛哉。

祭姊丈何子潤文 代侯德明作

猗歎吾姊得配君子梁鴻，孟光隱德可比滕我
弟昆，骨肉無異賓用之交，或臧或否，坦率忤物
豈無微類，嗚呼蒼天禍福倚伏，乃著戎衣，徃後
安陸折柳，郡城別泪盈掬，十年夢寐，每論衷曲
黃耳書歸，殷勤齒錄，路越四千，親愛愈篤，尚聞
矍鑠，憫我髦々，安知訃音遽云，瞑目生還，玉闕
無復可卜，嗚呼蒼天何怨，何尤嗟々，我孀舉按
無由兩地，其哭痛心如抽，爰命巫陽，招魂道周
香雪一觥，薦此蘋羞，魂兮魂兮，永歸首丘。

祭金親家文 代表茂御作

金以運糧遼東，巨船五十餘隻，官吏役夫千
餘人，回途遭風覆舟而溺。

嗚呼平地風波，陸沉者多，航海而役，柁颺毋何
魚腹，葵兮渺茫，散精靈兮八荒，巫陽啣哀兮籲

穹蒼白雲悠々兮歸故鄉大矣哉尾閭無底渤
澥無邊非精衛之石可填豈彭 之居能遷魂
兮耒耨閭井依然雙親能保其妻子一弟服勤
而力田道遙倘祥何異乎生前某等葭莩之親
鄉曲之情援溺之手因措將迎之意宜傾言采
溪毛薦此一能

祭湯母文 代呂輔之等作

惟霸春秋八十有七年林下高風鄉称姆儀耳
聰目明老而弗衰盡三從之道全四体之歸其

蚤歲之事非詳所知請以晚年所見而知者頌
之舅婚女嫁各得其時愛其男及其嬭則能盡
其慈親其女及其壻則無偏無私其諸卑幼愛
之不如之視姻眷如骨肉待隣里無凌夷故其病
也人皆扶持其歿也人皆涕洟而今而後侍奉
無期區々酌東洲之水擷橫山之薇於以見親
之情於以表愆々之悲靈其不昧鑒此哀詞

祭重外甥女周氏文

維洪武二十四年十一月日龜巢老人謝舅翁

携子及孫以清酌廢羞祭汝重外甥周氏娘子
告之曰人不幸遇世變而俘於兵如風而落花
藩溷泥途鮮或不汚汝乃釋係累以配二千石
之子宜其家而悅於舅姑此不幸中之幸非人
之所能圖也至如一念之孝念母孀居二十餘
年抱歸寧之願百餘舍涉艱闕之德哉良人
能與之俱服齊哀以終其喪脫簪珥以恤其家
嗟我東翁毋嘗託孤亦欲報之以瑄琚凡如此
類竹帛可書然則昔之所幸者抑亦有感於天
而天賜之扶輿也今也一疾斯須朝露溘然鬣
封象服慈親田墓第良人之悲有未葬之親未
笄之女汝何忍乎舍旃吾意汝視斯世斯身履
冰臨淵玉石俱焚萬千之保道禮之全歸餘
無憾於九泉寥々旌善亭令名誰為傳於乎蒼
天

代曹原度祭黃仲器文

公長原內某為忘年交年雖不同身同澤懼帝
杜素麻牀牙夷吾舊雨有時而契闊今雨有時

而招呼往來，曾不許其誰數而誰疏也夫
以公晚歲言之，一子出贅，鼓盆自娛，或蒼頭而
詩卷，或長須而酒壺，或載月剡溪之舟，或踏雪
霸橋之驢，尋梅看竹，清興逸如故人，謂公為荷
蓀荷蕢之徒，嗚呼！公之園棺之日，某客東吳，不
救喪於匍匐，不送葬於泥途，每一見之，涕泗霑
裾，酌彼潢潦，薦茲束芻。

謝莊墓祭祝文

開封舊家，軒冕烈塘，隨龍渡江，奄宅茲土，豈無
佳城海水，尋田敬惟，高堂祖封，歸然清明，祭掃
豺獮遺意，尚期垂裕，有永弗替。

烈塘墓祭祝文

人本乎祖，猶物之天，化育之恩，疇張盡狀，雖曾
大父瓜瓞，蔓延幽，殯宮宅此，平原左三，從祖
我祖右偏，兩伯遷祔，礎壁仍連，五封十靈，餘皆
茫然天荒地老，陵谷變遷，尚賴遺澤，箕裘勉旃，
清明省婦，薦此蘋蘩，霜露之悲，永矢弗諼。

橫山墓祭祝文 代子木作

哀哉慈親寤寐九泉吾弟與姪亦遽然而然言之痛心有不能忘其言也夫親在則晨昏定省親歿則春秋祭祀寒食並塚陳此饌簋雖不足報其劬勞庶循乎世俗之禮為吾親吾弟及其子念之

祭邵姨夫文 代孫垣作

於乎先人在時我姨丈以肺腑之親往來之頻不遠三舍有如此隣至不幸歿於鄭校歸葬橫山而姨丈吊之祭之猶異乎平昔禮意之殷勤也數年之間姨丈不祿我兄則桂折秋風時垣又共脚危途路迷而車覆母孀居子戎服母東吳子西蜀回視六親皆茫然置諸弗告今也幸服役而過家哀辭一幅酸泪一抔土母子之真情於此來之一慟哭也尊無醇酎豆無旨蓄敬容藹然鑒此衷曲

新河口祖墳上祭奠祝文

維洪武十六年歲次癸亥二月初九日孝孫某敢昭告於祖考妣伯父母祖父母父母從父母

九位尊靈墓祭本非禮欲子孫於雨露之春不
忘厥祖逆俗祭埽以寓孝思尚冀遺澤使後人
繼之繩之有永弗替謹以清酌庶羞祇薦歲事
謹告

誦莊曾祖墳上築塙祭奠祝文

維年月日孝曾孫某以目昏不能遠去躬拜墓
下謹遣玄孫某等代行敬昭告於曾祖考妣二
位之靈曰人本乎祖極思如天祖世雖遠天不
可忘眷茲故土殯宮猶存繚以周垣以禦樵牧

清明省埽歲脩祀事尚祈垂裕悠遠無斁謹告

寒食祭妻墓祝文

余生與細君偕老君年七十有九我齒長於君
者兩年以余之潦倒而君稍強徒也孰謂君先
棄余而逝也君骨肉之窆於此倏焉兩旬視時
艱虞恨不能相從泉下以安其居維茲寒食携
子孫徇俗祭埽以寓哀思尚享

寒食祭子墓祝文

墓藏而骨豈祭所乎然而之遺言有曰埽禘先

塋子孫姻戚歲時洒麥飯於松楸之下志願足
矣今茲寒食扶我携幼設祭塋間以踐而言之言
如而之祭志抑亦表長幼骨肉之情吾子有靈
尚飲食之

代祭胡隱君文

惟靈世居東吳笠澤之濱厭處旱溼於茲卜隣
同井為鄉垂五十春維素與梓寔為婚姻待人
以恭儉以律身二子克肖構穫惟勤貽 諸孫
佔畢其呻老福婆娑筓杖幅巾如某等同一里
閨往來僦 以翁高年而尊而親翁雖不飲席
必同茵笑語相狎翁弗我嗔春風童顏喜色津
意其壽考錢鏗之倫何物二豎瘡我吉人我
來問安翁語諄 別不旋踵哭殺遽聞追念疇
昔涕泗沾巾當此宅窳東芻具陳出門一慟悲
風愁雲

張彥寔哀詞

歲丁亥之仲冬丹陽張君彥寔遘厲虐疾不五
日而逝其友人謝應芳為哭之慟且歎曰噫君

自少倜儻多知謀尚氣節能仗大義平居論時事言若湧泉故縉紳多器之其憂人之憂樂人之樂亦庶幾杜季良之流歟第峭直不容人過遇強梗欲鉏去之用是或歛怨焉後至元間邑大姓與令有隙且與君不相能謀蘖其短詣却使者愬之謂君嘗為令納賄却使者初不察稍加淫刑欲強服焉令恐喋不復辨君受挫辱婁數日終不忍加誣於令若是者非仗義能之乎至正初里有橫逆君疾之一日乃自殘其幼構大獄以陷君之季子聞者股栗君處之裕然詣郡邑雪理卒能脫其子之械以械之他如姻舊及凡與之游者顛則扶之危則持之若是者又不可一二數但惜平負奇崛之氣時不見用終於此而已於乎吾彥寔之死可不為之哀乎然而象賢有人君又能擇其最肖侶者為仲氏之後使先世之業竝立弗墜然則彥寔之死猶無死也奚哀為雖然哀者人情也禮曰哭死而哀非為生者也予與君素相知而氣質且相類

孤兔之悲疇克自己故為之辭以寫其哀云天
胡為兮生鞭楠構大厦兮無不堪匠石不遇兮
老雲巖天胡為兮生龍媒鹽車困兮骸骨埋名
駒汗血兮陵風埃折瑤華兮山之阿望美人兮
不我過我心傷悲兮泪滂沱

壽上人哀詞

淳屠壽道傳蘇人也年三十嬰暴疾不終夕而
逝其親戚師友以及鄉里之人也咸哀之予之
哀則又有已私焉吾聞道傳為兒童時既棄家
學淳屠越數歲暮往山古昇師化風往事之為
入室弟子未幾師命典教巖教譽蔚然已而振
錫遊諸方參禪門老宿聞見日益廣操履日益
堅被緇艾茹蒿芹泊如也一日念親老無他待
養飄然來歸朝夕奉滌瀟以荅頌復之恩又築
室西林閉門讀天竺書且旁通百家會其歸趣
閱五六年殆不少暇庸詎知遽心於斯邪吁
夫以道傳之聰敏勤苦蚤歲入徑山之室典教
巖已卓犖不羣使歷階而升足為叢林師表矣

道傳乃退然自守而卒無聞也養親而不得終其志力學而未能發乎文辭以黼黻斯道此衆人所共惜而為哀者也予於道傳初無葭莩之親鄉里之嫗喪亂之際傾蓋如舊館焉以安其居穀焉以盡其禮愛之敬之二載猶一日視親戚鄉里殆有過焉以今思之可不重為之哀乎或謂彼佛以寂滅為樂而道傳深究厥旨必樂於逝去奚哀為予曰不然吾今哀道傳者情也其樂與否非所論也夫情動於中而辭出焉辭而哀之亦以不忘云大鈞賦物兮物何不侔深谷蘭摧兮猶生道周良農服田兮祈穀有秋禾方秀實兮賦以螟蟬嗚呼哀哉伊人好脩天其渺茫兮吾將誰尤

哀鶴辭

至正八年秣盜夜入吾友諸葛用中氏之家殺其鶴於後圃已而盜被執詰之盜吐其寔當其穴墻之時鶴長鳴警之既穴而入鶴奮翮而前若將力禦焉故遇害用中於是惋惜流涕裴之

席坎而埋之縣文學汪君以教為作瘞鶴銘進
士王君伯恂又為之誄然則崔之死可無憾矣
然余於是重有感焉夫物性能警盜者狗也非
鶴也警盜而鳴亦已異矣禦盜而死不亦義乎
人為物靈求其舍生取義者猶不易得况禽鳥
乎葛之鶴其可謂義崔也已矣故哀之以辭其
辭曰

鶴兮崔兮瘞彼高岡不鳥其形心人之良鶴之
斃兮殉於義兮骨朽名存猶無死兮人不如鳥

信斯言兮

龜巢藁卷之十六

詩類

雪巢為馬仲良賦

馬鞍山高數千尺考槃之阿環大澤梅花為屋
雪為巢窗戶玲瓏室虛白諸公袞袞登雲梯若
人奚獨能幽棲澹然素志絕華藻要令朴俗還
標枝藍闕策馬官遠謫居延牧羝羶盡啣何如
雪飲樂巢居更與黨家風味別梨雲無夢清如
許卻上兒郎賦冰柱此生此樂慎勿移聽乳龜



巢老人語

次韻荅許西溪

憶昔送別黃花秋烏紗破帽霜滿頭別未作詩
屢問訊夢中載酒時遨遊兵戈同歷二十載鴟
鷂夜啼雲靄全家老穉幸逃生又閱桑田變
滄海啓榮之樂今有餘勿謂比榮年不如峴山
一望三太息襄陽耆舊晨星疎

次韻自述

百年有限恥求仙數口無饑賴薄田菰米熟來
連日兩菊花開到小春天方從易外窮義盡無
復詩中泣鄭箋客至酒盃時一舉開籠放鶴舞
躑躅

送婁主簿赴京考績

吳霜如雪點征衣匹馬之宗小隸隨鸞棘特書
良史筆鳳臺重覽謫僊詩天開景運崇文治年
少多才際盛時野老送行無贖物梅花折去贈
前枝

寄張以誠二首

入城一度一相尋為夢論詩識趣深歲晏杜門
寒不出折梅要寄隴頭吟蘭陵市上傾囂塵藥
杵穀中樂隱淪兒輩荷鉏今日去一株添種杏
林春

雪舟棹歌 并序

湖南潘公珍仲寶自號雪舟以耆艾之年監
稅江陰縣洪武戊辰冬赴京考績語予曰今
將告老於朝得旨則扁舟載雪而歸矣雪舟
之興蓋與山陰王子猷有不同耳吁昔者陸
公紀官滿薊林歸舟載石使當芑苴有物則
奚用是石為哉公之雪舟意蓋如此若夫鴟
夷子皮之舟裝以重寶復竊取傾國之 物
隨之污蠖五湖遺臭千古其視吾載石與雪
者不翅霄壤今雪舟之歸雖未可必然其志
趣高潔如此雖在市朝亦必為清白吏是亦
不歸之歸也予嘉之故為作雪舟棹歌三章
以道其樂云歌曰

載雪兮孤舟 帆江風兮中流 蘭槐歸兮無恙 吾

將老兮滄洲

再歌曰

剖月兮藏珠抱玉兮求活悵斯人兮非吾徒尋
鷗盟兮侶推蘇

三歌曰

舟搖：兮江水長五老玉立兮遙相望解吾纓
兮濯湖湘樂吾之樂兮未渠央

送王主簿赴京考績

三年一枝此鳶棘一息萬里方鵬程長安西日

舉頭近匹馬北風行色清朝庭考績垂令典臺
閣交薦蜚英毅障封野老頭雪白也折梅花作
送行

雪岩詩為江陰李縣丞作

瞻彼雪巖太行之陰玉樹瓊林纖滓弗浸雪巖
我：岩有薜蘿有美君子居岳之阿我：雪岩
薜蘿如昔時止時行不泥其跡雪白而清若靜
而深曷其侶之君子之心始終一節謂予不信
如彼雪岩

寄希物先楚蘭江二禪老

優鉢花開五百年連枝香徹九重天
恩承雨露移金刹語帶烟霞漱玉泉
虎踞龍蟠多古迹
來鴻去又新年老夫懶着遊山屐
空仰崔嵬夕照邊

過烈塘祖墳里人牧牛於磬上以詩呈即

邑

鳳橋之西烈塘東我祖我禰馬鬣封向耒松栢
蟠蒼龍灰飛烟滅丘前風十年天造開鴻濛
恩沾萬國生育同壘頭萌蘖春蒙茸藤枝棘花襍
青紅牛羊芥斤集如蠶一年一度一掃空白頭
遺孤抱哀恫麾之不去欺龍鍾無階上天訴天
翁吞穀躑躅泪滿胃府公賴有渤海龔琴堂長
二明且聰令行如風偃萬蓬樵夫牧人乃絕踪
將耒宰木蔽幽宮九泉感載恩無窮嗚呼九泉
感載恩無窮

懷成都監倉趙執中三首

擲去任公舊釣竿龍墀拜命即之官丈夫志在

功名外蜀道行來自不難

其二

七千里外芙蓉城
四五月間鶻鷓聲
月俸支未贖沽酒
莫遣閑愁乳次生

其三

公餘訪古碧雞祠
官柳野梅皆可詩
我欲見詩知雅興
如何黃耳到家遲

寄熊元脩

五湖三泖一臞僂
心骨俱清地更偏
睡鴨燒香書屋裏
閑鷗結社釣磯邊
絕憐芳草無塵土
又喜黃楊閱閏年
孰客不來清晝永
南山相對兩悠然

晚香亭為蔣公勉作

維莫之秋百草木
芳惟鞠有華
晚節之香君子擬之金玉
其相顯：邛、氣凌風霜
回視春葩綺羅靚妝
及茲凜秋掃跡
窮荒菊也特立澹乎坤
黨我佩尔紉我帶
尔纒厥德之馨
匪食其英亭有三徑
里猶柴桑亭亦有池
永同南陽宜尔

父子眉壽無康，矧有佳客，駱盧王楊高堂起居，階庭趨蹌，玩物適畜，其樂洋洋。鄙人作歌以侑稱觴。

題龔景良傍梅書舍

南昌山水非不佳，卜隣直欲傍梅花。開歲晚香滿屋，清致不減林逋家。三間茅宇大如斗，四壁圖書樛蚪蚪。腹笥便，不自多汗竹之編長。在手有時門外雪三尺，群籟無聲人絕跡。梅花立雪似游揚，不作桃哀樵悴色。春風滿面笑相看，知我鐵心同歲寒。他日移居玉堂，應有品題稱二難。洛陽牡丹春比屋，日夜沉酣沸絲竹。何當聆我讀書聲，亦若聞韶解忘肉。

次韻谷毛雲莊并簡太希先生

吾聞天台之山冠東南，蔚有清氣非雲嵐。山高一萬八千丈，石頭毛髮青氈氈。鍾靈仙釋踵相接，求為世用疇能堪。不知三網九法是何物，浪說千岩萬壑能窮探。雲莊先生隱君子，非仙非釋棲苔龕。胸中冰滿壺，頭上雪一簪。羲皇以來

書盡讀執官不要詩仍湛草堂侶有北山鶴菊
泉飲比南陽潭清風日掃三徑竹寒霜歲熟千
頭柑齊名子陳子不受功名酣坐談風月只松
塵臥遊山澤非捭駁老夫恨臂不羽翼翩然飛
太時相參四臂同馬卿一 如阮咸猶喜盤飧
菜有二十七生卅年踰八十三忘機頗覺白生
室造道尚欲青於藍向未行路如棘澁今乃茹
荼猶薺甘小山老叢桂滄江倚枯枿夢若傑作
神氣壯睠我孤陋顏色慚蘭陵府主蓮幙客皆
云此詩壓倒方雲菴赤手鯨牙力可拔薰人鷄
舌香微含餘波及我老孤研清入肺腑蠲楚悵
一朝怪事出幃府口不忍語非三緘令威到家
兮能自談

常棣經歷鄭履玄禮吾友天台陳太希之
門人到任數月家人至而玄禮病疫而歿
寡妻稚子遑々無歸予作二詩以哀挽之
盲風歟起怪禽呼吹折琅玕樹一株何是天公
渾不管生年多賦道旁樗

琅玕樹折鳳巢傾，瞻落鷓鴣雖抱母鳴。故國欲歸
雙羽弱，哀啼作杜鵑聲。

延陵野老歌送張太守

延陵埜老中滿霜，送侯入朝歌道傍。歌中不解
說循良，但云三載安農桑。官無煩苛歲豐穰，餓
有莽粟寒衣裳。我侯興學扶綱常，授經諸生踵
陳襄。一鼓士氣弛，而張劔井。六復騰輝光，訟庭
春未蒔。草長風行四邑方，決之九重天語星使
將。五馬夜趣天官裝，黎明馬出金斗坊。群氓猶
挽青絲韉，銓衡郡才進。岩廊將見列，却皆龔黃
連。步十級登廟廊，佩鳴珩璜。謹趨蹌，掖垣紫薇
花自香。甘棠之愛民，弗忘大江東。流青海洋我
思悠，來渠央。

寄呂教諭覓惠山泉

木屐上山老無力，茶鐺覓泉猶累人。日光直射
九龍角，胸次欲浣三斛塵。水符分竹果如約，石
床焦桐堪作薪。君當知我鄙肉食，一瓢不厭平
生貧。

寄袁子英

橫山東望崑山遠，江水西來海水連。
每辱手書論著述，猶如面晤奉周旋。
微陽喜復飛葭管，大壑有重書汗竹編。
若問老夫兒女事，曾孫又抱小春前。

謝余提學摘藁序

虛譽何人說草玄，雄文為我冠蒲編。
諸公共美金教擲，兒輩爭誇石刻傳。
箭裏小團陽叢月餅，封新汲惠山泉。
故鄉風土殊蕭瑟，聊作梅花寄海邊。

挽吳母曹氏

賢母無復見，孤兒痛奈何。
絳紗空幔在，彤史闕文多。
林竹冬猶筍，墨氈巷不歌。
寒予妻若子，垂涕憶委佗。

代王尚綱挽吳母

澱山湖上避兵時，總角曾聞阿母慈。
霜楚不教兒子出，冰池竟得鯉魚知。
生前冠冕升堂拜，死後芬芳婦德碑。
愧我不才俱靡及，抽毫遙寫此

辭悲

次韻賈教授暮春言懷

渠有徽音劍有光，惜哉江海老張蒼。且將濁湮
供瓢飲，何必明珠用斗量。壇杏作花紅樹暖，津
芹抽葉翠波香。鰲山邀在天東北，時復瞻雲首
一昂。

寄萊陽縣丞蘓偉正

觸熱訪而前，萊陽書適至。而翁釋離憂，吾儕慰
馳系青雲。簇輟初廿兩，隨車沛旱歲。竟豐穰天
恩，更汪濊。屢祇九衢舞，海市百靈喜。魁然英妙
年，際此太平世。養予八十翁，懷人二千里。我松
公務餘，食檠珍味比。魏公百韻詩，仕學有遺軌。

錢孝女詩

斷臂耻受污，剜目示守節。斷髮割耳鼻，截忍
棄夫家。甘毀滅，嗟哉錢氏女。孝心亦如之，剜肉
於股際。阿嬭想當持刀入手時，精誠默感天翁
知。百靈撫呵走神醫，肉乃化作藥石糜。洩際淋
液腹除癖，如湯泉澆雪。釋嬖無呻吟，女弗戚隣

翁里媪皆嘆息予生慕忠孝老去仍倦，每見
返哺鳥如甫 杜鵑願言屏鴟鴞不與同戴天
竹林寒筍冰池鯉澤中董萊離根未天其垂思
錫孝子董孤盡為書青史

和江陰鄭教諭登樓

為愛君山好每登樓上頭一羶渾不冷有酒更
何愁歲月江流急人生泡影浮興來歌舞罷倚
檻看天不

次韻答陳推官

珍重新詩遺華於翠織成立我天侶洗連日雨
頻傾大府群英聚清朝列爵榮正須康濟力膏
澤被蒼生

和陳推官過余公祠公諱闕字庭心元進
士安慶路總管守城死洪武初勅建元忠
臣廟謚忠宣公

砥柱迴瀾屹呂深安知誰武復誰湯六年守戰
孤臣死一代文章萬丈光草木荒城威肅，丹
青遺廟貌陽，悲歌沃醑知何日北斗持來挹

酒漿

殷孝伯輓詞

憶昔羈旅中片言識駿箋十載忘年交兵戈正
騷屑

知子早卓越春秋參五傳窮漁見澄徹

維時陵谷多遵養卧岩穴洪武更化初鋒車聘
高潔辭勞忤當路一命萬里徹志遠烏鳥養泪
忍啼鵲血咸陽火方燼教而沃餘烈無輪周孔
廟駿奔豆籩設庭生書帶草青比蘭茁孤雲

日在望訪地恨無訣遄歸一覲省亟去兩踰月
老夫獲晤語清風濯煩熱著述亦已多討論心
愈切安知三疊歌竟作千古別招魂賴遺孤鬼
婦母垂絕於呼去之人賦命何優劣或厭飲八
珍子獨茹冰雪或穩步康莊子獨蹊阮陞行
止於斯矩步踵先哲崑山雲氣慘淒江水平酸咽
誰為有道碑脩名罔磨滅

哭盧知州諱熊字公武

東帛三微出薜蘿雲塔步武正逶迤飄風動地

須臾靜柰尔琅玕遽折何

雪手灘流理繭絲一襟華藻竟何施
秋風夜月
華亭鶴又作悲聲似昔時

送浦良能之安陸府代父從軍

秋風涼秋夜長往哉讀父書超然出戎行
詩書
元師古未有措紳先生今汝望

寄徐伯樞縣丞

逐客多焚晝錦衣謫仙喜得夜郎歸
古來白雪
詞難和此去青山志不違
洗馬池邊楊柳樹臥

龍岡上豆苗肥獨憐棣鄂秋蕭瑟
又見西風旅
鴈飛

某巢居病瘡有客自青山門來者語予曰
賢太守過道鄉佳城以吊以酹且為之扶
植仆碑添土舊封又將築周垣而護之幾
山剝水皆有德色某聞之喜不覺其疾頓
愈起坐午窓老硯濡墨筆是詩以記盛事
洪武十年歲在丁巳七月十日也

世有文潞公乃立明道表明道表不立斯文尚

幽眇時有孔北海乃稱通德門通德門不稱大
儒曷推尊古人今人同此心當風正欲披其襟
嗟予巢家子騶子傳道龍門天下士一朝扣天
關獨立批龍鱗祇恐綠衣黃裳悞人主安知炎
烟瘴雨危其身萬里投荒挺霜竹歸來青山竟
埋玉迄今二百九十年陵谷幾番經交遷折角
麒麟卧荆棘復見薄侯駐熊軾鬣封添得烏銜
土頽碑扶起龜趺石先生九京知不知名在人
間益輝赫孔北海文潞公今人古人將無同青
天高、不可問白楊為我呼西風

題夜潮圖

昔余夜醉錢塘酒看潮八月中秋後銀山湧出
海門來潮聲殷若雷霆吼此圖之作知幾年當
時景物皆依然雲山兩岸淡籠月雪浪一江高
拍天一觀頃覺毛髮立再觀祇恐衣濕扁舟漁
子任掀舞別渚鷗鳧自翔集奔騰澎湃無足驚
人間平地風波生乘桴尼父果浮海從遊我亦
跨長鯨

郭府判惠佛面竹杖蓋以佛狀而名之矧
夫節有交互之異旁生兩枝末復為一視
他杖殊不同詩以謝之

頎然此君生越裳化身無乃是空王生來丈六
紫金相復現太乙青藜光孫枝並出比能秀老
節交錯成文章只恐化龍飛入海尚煩垂念瞽
張：

呈府官求刊思賢錄

忠公神遊白玉京鳳凰無復朝陽鳴寥：二百
九十載其文况忍成漂零某也東髮頗嗜學四
方撥捨手不停珠連璧合後方冊字：句：含
芳馨向未避地東入海挾書幾落長平坑還家
暗投科斗璧何異寶劍埋豐城郡公宣化重名
教斯文要俾晦復明顛呼鉄筆寫堅木彷彿中
即鐫石徑螢窓雪案人快覩妙語炳如懸日星
顯忠不須庵忠郇無用亭牽裾伏蒲想儀刑儼
然見我鄉先生

題徐良夫畊漁軒

我本耕漁人喜子與同志子居中吳山水窟比
我延陵更佳致太湖三萬六千頃七十二峰連
紫翠山皆可畊水可漁無復紛紛嬰世累朋游
日接慎威儀酣酒賦詩適意客未遺我金蘭集
儼然承顏依玉立日以令人思古人與客評論
重於邑輟耕莘塹赴阿衡後人曉々疑割烹擲
去漁竿佐周武臥鷹揚之勞亦良苦當今盛時
伊呂多絃棲正宜安薜蘿山中小草或浪出千
慮鮮能無一失願言養高持素心百鍊不改堅
如金相過未擬聆楚音寄言時復相規箴

生日口號二首

餘生重作太平民雪色霏袍皂葛巾免業徑鉏
能養志家居飄飲不憂貧屋頭箇々慈烏喜塔
下翻舞鶴馴此日誰為湯餅客孟光相對髮
如銀

又

秋菊春蘭各有時頽然老我一書癡脚根不識
青雲路頭髮空成白雪絲怕醉有時曾止酒遣

閑無日不吟詩傍人若問今年幾八十年前五
歲兒

送聰上人

蘇州有即常州有今兩來時舊兩來鏡限門前
人立雪寶華堂上鼓鳴雷九州禹貢已時橘十
里吳王醉處梅請與淡翁論古意老夫朝暮亦
浮杯

送僧歸四明省母

同根華萼兩枝甘輒能供老阿遲彌不用睦

州蒲織屨睦州目得賦歸逢

又

吳霜如雪滿袈裟正月瀾珊可到家別有一般
清淨供高堂設法徃句摩耶

送鄭教諭進表之京

東轡鬻舍跨征鞍奉表朝家慶履端虎拜三呼
稱萬壽龍顏一笑宴千官酌未天上葡萄酒洗
去胷中茵荷盤官樣文章新製作老夫刮目待
歸看

過天寧寺閱行中和尚澹居豪知其邃於
易學兼長於詩故寄此

西來祖業徒箕裘旁入儒林託泳游二雅什中
歌矩度九師注外易傳流松堪受記皆摩頂石
解知音六點頭逸興飄：誰足擬白雲飛度楚
江秋

次韻陳推官元旦作

東風揚柳驛橋邊香雪沾來斗十千早飲屠蘇
懷舊俗遙瞻闔闔賀新年萬方人樂昇平世五
色雲開咫尺天廊廟器成今未晚着鞭姑讓祖
生先

正月十四日代簡招鄉中親友

上元之前日將午相邀諸公集環堵山瓢持作
鸚鵡盃畦蔬擷取龍脯根兩兒肅客衣襜：老
夫鶴立梅花檐照天蠟燭夜有月勿謂寒舍無
燈相棄嫌

寄管伯齡兼簡陶呈甫

前年詩寫心聲去今日人來口信通一自初交

經世變兩無相笑生文窮崑山米柱軒窓外竺
澤相波賦詠中更憶南憐龍頂竹曾留東走鹿
皮翁

張伯仁兄弟濠梁蒙恩還鄉

客行二月初三日詩到千墩寄二難且喜江南
春氣蚤不聞濠上雨聲寒花時多釀醪醑酒芳
館重脩芍藥欄往事真成塞翁馬正須招集父
相看

簡伯仁里中親友七人

臨濠人歸去年夏故園花開今兩春看花把酒
應共樂訪竹題詩毋厭頻紅塵車馬跡不到滄
洲魚鳥人相親老夫遙望德相聚乘興幾回車
歆巾

聞趙朋南免官還家作此代簡并以孝女
傳求詩兼寄毛世延熊元脩

水村先生雪米姿一襟清氣溢為詩不同不異
頗竒崛步趨李白仍委蛇夜即歸未脫塵屣濯
足淞江太湖水鷄壇有盟知弗渝書或浮況况

抗葦衰年萬事皆遺忘咏歌之樂殊未央請觀
側陋出純孝援筆為揚蘭蕙芳毛公世業詩三
百白華補以求必獲更煩漚社語閑叟定有隋
珠照方冊

舊冬十二月初四日次子林赴京初九日
入覲十三日投開封新鄭縣學教諭即日
之任時雨雪連數日寒甚眷焉於懷久而
不釋

兒別雙親到日邊承恩徑著遠遊鞭一千里外
沐梁路十二月中冰雪天揚震未期堂有鱸鄭
虔何愧坐無羶只今偃武脩文日正欲驚膠續
斷絃

服霞道人歌

服霞道人本僊骨隱居栒川山水窟朝看鼎食
暮鼎烹富貴於人果何物道人忘世味祇服山
中霞却青精棄胡麻八瓊視同泥與沙扶素飛
出金老鴉氤氳五色搏精華啣嗑呼吸間入腹
皆河車手持九霄觴頭戴三朶花松風為作洞

仙曲絕勝金谷鳴箏琶一經不學乃無術麻姑
送酒徒誇吾服吾霞吾自足安知世有萬羊
祿夷齊餓死良可憐留得清名傳汗竹秦人採
藥尋蓬山好兒好女無復還漢宮空設盛露盤
銅仙為之泪汎瀾玄霜本非霜絳雪亦非雪請
從服霞道人逍遙遊指點空同授真訣

貽五牧劉永真

昔賢五牧家何在今尔幽棲地甚偏種秫歲供
彭澤酒煮茶時汲惠山泉錦鳩呼嬾雨穀歇丹
杏作花春正妍堪笑老夫頭似雪與耒尋戴過
前川

雲牧詩為楊同知賦

廬陵美山川穹林古喬木雲栖三十年遵養早
自牧靜言求放心雞犬常在目竭耒陟雲衢半
剖符竹牧民如牧羊四知春草綠艸豐羊茁壯
亦有飽眠犢豈無敗羣者其藩或輕觸約之鞭
用蒲所履繼前躅置身將青雲岳牧聯佩玉佐
主牧天下庶類賴蕃育雲牧懋厥功吾言此芹

曝

王沐明雲峯圖

王郎多學畫最工筆法似舅松雪翁松雪之書
妙天下以書為畫妙亦同想當洒墨成雲峰豪
氣壓倒陳元龍層巔岸律摩蒼穹咫尺可論千
萬重嵐光翠澹天無風若有微籟鳴杉松於乎
此時此畫復誰有我為此甥懷此舅

秋林讀書圖

春風不著長安鞭秋林讀書年復年百篇蝌蚪
自為寶三足蟾蜍誰與憐日光爛々走金電口
角冷々飛玉泉老我東家兔園冊尚分隣燭教
曾玄

題村田樂圖

老人村老瓦盆常作雞豚社不識州縣門阿翁
醉倒阿婆笑膝上呶鴉弄乳孫

六月八日得次子書并書久旱高田未秧
是夕連雨三日喜而和之

新鄭書未斂井邊方將陰石捶荆鞭雷霆夜坐

三更雨江海寒生六月天不惜空囊沽綠螳從
教破屋濕青氈北窓風響蕭：竹如聽南薰奏
五絃

冬冬送鄭教諭如京詩為天寧聰公沉滯
至今年六月轉託發還故作此并 詩寄

鄭

一詩代折送行柳半年竟墮無何鄉祇應沽酒
譏不敏尚謂道術能相忘高堂談徑多士集澄
江濯纓清晝長為問襄陽兩耆舊歌鳳魯曾無說

楚狂

寄譏楊純夫兼簡陳高士

客來飲客北海樽客去送客東城門不嫌襤襪
留信宿各出肺肝聆話言三日雨救去地旱百
川水作黃河奔賦詩為別并志喜兼簡太丘賢
祖孫

聞袁子英著書作詩寄之

我所思予畊學翁壯年氣欲吞白虹眼看陵谷
一變改此心乃與寒灰同硯田筆未耨經史不

稼穡勤於農我哀我彛得所養錫類且欲耒群
蒙共惟玄聖筆六籍為世大法垂無窮揚墨溺
人甚洪水孟氏距之成禹功秦以申商漢黃老
六朝接跡論虛空緇黃愈出愈其誕冠冕鞠躬
趨下風韓歐間生數百載鳳鳴朝陽群羽從中
間洛建繼洙泗卓彼二子能折衝雄詞至今凜
生氣宜從孔道追遺蹤東將入海乘艤腫長江
大河無道壅老夫獨恨隻眼矇不與觀日扶桑
東

贈衡隱居

我昔母年垂九十帶徑犁鉏粗供給伊今有母
八十餘孝養之教動鄉邑堂前暎々忘憂花屋
頭翩々返哺鴉林宗若識茅季偉薦書定徹天
王家

題漁人扳罾圖

大橫峴東芙蓉湖水村高樹屹兩株漁郎曳罾
坐樹下短衣緇撮赤鬚須此圖無乃貌此景東
隣曲舍皆菰蒲吾嘗過此看春水菘花雨晴春

日晡漁郎含笑語厥子鯁魚肥似淞江鱸街頭
來貴魚亦貴賣魚日糴供家舖只愁水面重租
課風飛健卒頻追呼逋租畢輸榜捶脫前村有
酒仍須沽猶勝祿食致竒禍坐受鈇鉞連妻孥
夜來湖上好明月醉吹蘆簫歌叶鳴人生之樂
有如此此身安用紆青朱漁郎漁郎知我乎我
亦烟波老釣徒

溪居垂釣圖

磻溪老父興西周綸竿棄擲鷹揚秋富春先生
赴東漢羊裘幾被朝衣換人生出處各有時如
魚飲水魚自知釣鉤無餌釣清泚若人彷彿玄
真子好山滿眼青孱顏清風綠樹滄洲灣悠然
意態極瀟灑豈是尋常釣魚者浮波之龜如出
洛漁郎晚之龜弗却賣卜覓錢人正多七十二
鑽將柰何不如且曳泥涂尾相伴幽人弄烟水
細看元在畫圖中多言莫笑癡歎翁

管伯齡惠書并和詩故復次前韻荅

芙蓉湖照橫山影蓬蘺門開曲逗通半載日昏

渾不出一徑頭白未能窮論交半是漁樵者訪
舊多於夢寐中說與故人能信不顏然黃鵠化
鳧翁

維揚王有恒避亂居東吳三十餘年所至
寓舍以聽雨篷名之多學能琴而善飲醉
則鼓琴自娛故自號曰醉琴然鄉土之思
亦嘗於琴發之予蓋相聞而未之識也吾
友釋仲翔專書為求二詩遂為之賦

昔年家住揚州市而教不入弦歌耳居吳聽雨
三十年客舍如篷卧篷底篷窓晝暝雲抹漆滴
點點踈復密絕似瀟湘夜泊時半襟風波響
蕭瑟有時教急如建 有時珠玉教琮玕屋山
便作施樓倚兩耳洗來心骨清心骨之心豈不
好一點鄉心怎未了天中玉樹無雙花夢魂日
夜長飛遠只今二十四橋月依舊玉簫教不絕
一帆風送到瓜洲聽雨孤篷教又絕

醉琴

張顛草筆常醉揮以頭濡墨愈神奇醉琴之妙

亦應尔穎師乃為徵吾詩琴中佳趣知者誰
生為我同襟期千鍾百觚追古聖五音六律洞
玄機一襟宇宙春熙々七絃米雪風颭々得之
於心應乎手如魚飲水非人知釣天廣樂醉御
境悉以所樂鳴金徽高臺自傾池自廢雅門枉
為田文悲我歌醉琴行持贈醉琴叟小春多釀
梅花酒我來与君酌大斗濯足滄波太湖口聽
醉琴為醉友

海峯為詢無言講主作

大海多風波浮峯茂根蒂嗟尔海上峯侶我人
間世前身揚白華幸不墮涅槃化生江漢間朝
宗隨衆水出沒幾沙劫全此清淨躰所以無住
著然契宗乘旨芥子內須彌吾知同妙理

挽王氏祖母

母在重闈鶴髮垂絲為能吏鶚書馳二三百里
去鄉國七十五年稱母李家陳情方有表張林
紀德未成碑斗城昨夜西風急吹拆護花帶雨
枝

次韻醉陸子文見贈

故鄉不願衣錦歸亦不願入承明
廬願言結交天下士腹有五車
今古書還家十年空兩手釣竿
之外餘何有白雲如雪橫滿山
蘿屋三間大於斗浪川雙鯉來
新吟詩中意與秋俱清雄豪氣
敵劉夢得喜無郊島愁窮穀嗟
哉風雅久不續老我山林成朽
木金盤秋露玉壺冰洗去胃中
塵一斛覓官應笑明河篇託物
可擬石鼎聯先生識趣出塵
鞭策後進追前賢東望吳門

長太息舊俗繁華復日襲太湖
三萬六千頃七十二峯湖水側
何日携將翹秀才登臨共醉姑
蘓臺眼前一事特可喜湖山清
氣鍾群方先生妻薦胡不起濯
髮洲滄弄烟水送：商出華亭
侯甫里高風更無比只今矣葉
多流芳東床嬌客名尤香呼兒
整我遊山屐早晚去從潘孟陽

次韻荅集講主二首

欲尋石上三生約姑待梅邊十
月春結社東林無柰遠寄書南
鴈豈辭頻平生賴得詩書力朋

輩多如骨月親元伯九泉吁不起擬將雞黍一沾巾

又

千墩南浦水迴環一颿西風路不難
翫曾於堂上坐縑袍能禦客中寒
可憐學劍身今老祇有湛書興未闌
傳語心知數君子小春未借早毒看

冬至即事

一簾紅日兩初晴客屨駢羅送復迎
賀節本非三代禮隨時且喜一陽生
齊奴金谷財為害揚相米山勢易傾
何侶酒杯長在手青山相對遠
雨情

冬至前二夕憶次子林不寐枕上賦詩將成忽其母夢中作教撼而覺、而喜言夢林烈塘舊居作湯餅畢恒居室事懽甚予因用其語為是詩結句云

去年臘月初九日
葬輒天階又一期
鄭枝頗聞衿佩集
歐詞應作送迎詩
久無書信未黃耳每

有親朋問白眉阿母夜來曾夢汝甘分仍在舊
西枝

送揚純夫歸渠川

杜子客長安行囊本枵然得錢酒覓鄭虔不
嫌官冷寒無糴爾未六百有餘載世道多隨陵
谷改身為今人心古清風高誼依然在嗟我如
鄭貪蒙居愛如杜雖無三絕才樗散頗自喜一
從傾蓋意相得頭髮不知誰白黑衝寒觸熱每
見過愛我西窓好山色接毫戎和龜巢編解纓

或濯龍井泉常言好古絕類我外物多忤中彌
堅低頭甘立矮屋下高論直到羲皇前朝來賣
得凌雲賦趨生車載來相顧門前尺雪凍不消
風木吼如號虎怒宿々信々傾腹心言欲挈舟
抵家去呼兒更酌釐餘懽贈別殷勤抒情愫我
昔居吳十年九君滯煩君訪訪諸友吳山醉處
好湖山十鄉人來作輦脚局且對春風開笑口
街頭米賤酒亦賤一百青蚨滿雙斗儘判連日
醉如泥百憂盡付無何有人生窮達各有時阿

衡元是扶犁手詩書豈徒守章句言行正須傳
不朽珍重林居慎厥脩好音慰我思悠々

雪蓬為蔡子堅作

鷓夷船載西施去遺臭五湖烟水路嘉尔吳淞
雪蓬江水曾無尤物污蓬窓洞開天兩花栝
樓屹立水為柱鶩鴨不驚柔橈鳴鷗鳧渾在平
沙聚非熊無夢釣無餌如琴無絃得琴趣虎頭
能為畫漁蓑驢背無勞見詩句湖州阻雪八千
里諫書直抗曾何補殘檀鬻雪十九年使節堅
持六良苦雪蓬之樂々於天雖欲同人弗取獨
有山陰王子猷清興頗堪同日語

過顯慶寺

六載重來釋氏家一甌新啜趙州茶杏花風後
春何冷栢子庭前日未斜拄杖賴能扶潦倒闕
父煩為補楞伽要聽說法頻來徃且喜平橋路
不賒

書潞城樵舍壁

六言

燕子來如舊兩桃花笑為何人竹下青苔不歸

恐教鶴步生塵

又

一室四皆立壁六孫三已歸妻猶喜老菜舌在不妨矮屋頭低

三

拔木狼無跋彘絕糧道阻周流天眼或開或闔人心何怨何尤

四

滾東滾西農晦巷南巷北人家白露秋香禾黍

綠雲春靄奈麻

劉德祥監稅江洲客有誤傳其子死者遣人回家并寄書吾孫辭甚酸苦予因賦詩代簡

九江相去二千里一別於今五六年盡道國恩容告老安知家信有訛傳山連楚尾青天外潮落潯陽夕照邊遙想此時公務隙爐峯相對思悠然

題趙行素佩帛齋

綵衣編、童牝年佩觿佩鞞庭闈前鐵馬紛、
戰爭日佩犢佩牛江海邊幽蘭幼佩非不好獨
醒未欲追前賢竭耒佩常不佩常不佩弦常以
輔我氣質偏視常之緩我之急如餌良藥沉痾
痊世事多因忙後錯緩不及事理忘愆不疾不
徐蒞中節秉彛庶得全吾天岩廊鳴玉似高步
江妃解珠人浪傳貪榮可笑蘇季子佩六國印
扶危顛何如茅齋但安坐且有竹風堪醉眠青
山於人少知者白雲與我同悠然常乎常乎心
自懸得魚吾豈忘吾筌

贈黃仲器

予觀道書謂洞庭山有林屋洞天仲器以避
兵居之既而過雲間遠海上復還常之橫
林閱歲月三十年距洞庭三百餘里仍以
林屋自號示不忘也徵予詩故歷叙其遊
息之槩如此云

一晉九州皆戰場避兵林屋水中央林屋仙人
不知處橘井委棄青霞採木奴色金亦致寇人

乃隨雲出岩岫五湖三泖放孤舟遵海幽尋采
三秀堪與再造隔兩塵故鄉未歸能幾人芙蓉
湖上大橫峴烟連綠樹橫林春解裝付與箕裘
子管領春風桃與李幅巾自作逍遙遊別有行
窩脩竹裏一童出入長相隨款段之馬亦不騎
林屋別未陵谷移時望白雲猶賦詩膏深紋綉
俱不喜獨曰愛之心未已堪笑老夫同此心白
首論交結知己何當呼起李謫仙每飲一斗吟
百篇殺青盡伐南山竹賸錄好詩娛暮年

悼許君善

谿西老人山澤癯一生祇以詩為娛常言愛詩
入骨髓好詩抄藏千百紙七言近體尤惟作不
費工夫細瑣割嘔心每笑李家兒牛鬼蛇神何
足竒老夫初烏未相識數篇不知何處得稠人
廣坐誦吾言說項過於楊巨源一朝傾蓋千墩
下膠漆相投不相舍西隣假館兩年春買宅移
家情轉親此時吳門正堅壁張角未死人相食
雲梯砲作霹靂聲狼烟暗天血滿城吾徒幸若

王官谷朝夕同吟紫芝曲
桑田變海嗟吸間死
欲丘首歸橫山暮雲春
樹勞遠憶十載詩筒仍
絡繹重來索梓甚蕭條
蒼有索租人叫囂骨冷
九原呼不起一醉非歌
續萬里嗟哉時俗貴輕
肥如子愛詩人亦稀

贈王仲昭父子

扁舟入吳空載月閭丘
虎丘俱不謁停橈再拜
范公祠楊花正落祠前
雪義田羨宅三百年羨
教洋洋天下傳嗟尔吳
之人胡不踐遺蜀貪夫
婪、昧盈縮前車後車
屢顛覆下床兩屨內雙
足奚用領軍鞋一屋我
未訪舊無所將贈以范
公博施之羨方家傳更
須授賢即福澤將來未
渠央吳淞江水長藍謝
青母我忘

吳逸庵輓歌辭

廓然一襟涵宇宙鍾氣
會稽山水秀春秋高似
伏生年岐伯諸書口傳
授浙水西耒家屢遷名
與杏林俱不朽老去居
吳抱雙膝四顧狼煙暗
如漆兒能負米百不憂
有酒即呼人共吃常時

隱几看青山醉則斲、枕琴瑟廿年同飲淞江
水通家之交親戚比別未恨無宿地術時復論
心書一帙只今祇與阿戎談翁在九京呼不
起

李明善慈竹軒

吳淞江南溢浦曲慈竹軒開薜蘿屋子無花木
聞芬華一徑波光照倚叢纖塵不滓蒼玉叢枝
葉葉皆清風一年一度冬夏笋冬生其下外
夏其中德哉此竹美如許子母交相禦寒暑嗟
哉人為萬物靈溫清幾人能似汝吾知吾友此
軒居朝夕奉親來版輿母慈子孝默相契更喜
君子能威如蘇萱堂上分甘樂諸孫錦綉如錦
籜家僮笑指青琅玕少長喜與俱平安令名亦
同千古垂咄彼鷓鴣兒人面刀劔腹不學返哺
烏頑然忘顧復鳴乎吾不知其見此烏子何面
目尔何日兮視吾竹

簡湯道原曹子壽

予生頗好古恐兒輩不能繼述敢請二吳良

相與語之吾兒觸屏煩為警省旦夕稍閑
煮茶專待

要學劉伶死便埋隨行負鋪欠與臺螢生腐草
光能幾螿在南柯夢易回一笑豫言身後事兩
賢聊共掌中盃貧居何處堪鋪席流水窓前好
綠苔

過橫山龍祠作

橫山龍母祠前路人說今年祭龍苦前期邑有
皂衣耒耨遣丁夫剪榛莽里胥中有豪家即搜
攫如鷹囓如虎編氓一呼六十人棄擲犁鉏行
或沮十家之甲最可憐背血淋漓遭捶楚囊無
一錢供百需肥脂豚如買烏牯手傾麥斛比珠
斛剗肉成瘡誰為補胥常大嚼過屠門今乃閭
閻封鷺股吾聞此語三歎息郡邑安知弊如許
祠官稽古垂令典穆_二緝熙由聖主聖心寬仁
重民食三年兩度蠲租賦天生感孚和氣洽日
暘而暘雨而雨報功於龍歲有祭禮若迎猫思
更溥龍兮龍兮知不知如此嗟耒食應吐

皇恩蠲租詩

洪武庚申天下秋糧欽蒙全免今年壬戌秋
糧夏稅又皆免徵征繇聖恩寬大亘古無
比故畊稼之民歌謠滿野而某則併以區
區所聞者

漢紀蠲租半遷書汗竹竒大哉今
聖主全以惠群黎量與乾坤合 恩同雨露垂
豐年魚有夢舟詔鳳重來庶富民生遂敦寬俗
習移激眊皆鼓腹窮士亦揚眉古制成均洽新
頌釋真儀雅音諧律呂名教浹華夷茅茹今朝
拔英髦靡一遺八荒仁壽域萬世太平基水有
清河日山無爛石時 雅民皞 年耄我蚩
不作輸芒蟹真成曳尾龜倚墻歌此曲繫壤付
吾兒

林在新鄭縣學六月公文未取其子視疾
七月初四日壇言別而行付家信外寫
此

一聞汝有河魚疾三宿心如野馬馳遠阻恨無

人縮地吉占賴有卜言龜眇生稠漆黏雙眼身
兀枯株坐有胝預寫蓋棺遺囑去好傳經業佐
明時

送沈居士同壇往新鄭

二千里外視吾兒重九日前期汝歸坐卧待看
黃菊縱往來相伴白雲飛郵亭歇處加飡飯客
路涼時蚤袂衣無限老懷言不盡臨歧目送思
依：

賀袁一泉陳大方新任道紀司官

山中宰相古來有地上仙官今更清夜半先生
雙劍出秋高氣感九鍾鳴丹霄拱極星辰近黃
道徑天日月明玄牝書中多妙理政須獻納佐
隆平

賀聰聞極正心印新任僧綱司

象法提維付偉人聖皇綸待命諄：手持正印
天龍護身著方袍雨露新旭日斗城衛有鼓清
時滂浦鏡無塵墻東病叟頭如雪也喜曇華茲
得春

贈天寧寺無學長老 二首

報恩扶起法幢來，鍾鼓天寧講席開。
道出語言文字外，卓然教價自崔嵬。

又

麻衣疏屨古人風，儼葉駢花一掃空。
八萬四千脩月手，各斤隨入象王宮。

賀府官重脩多稼亭

朝家重下蠲租詔，郡圃聿修多稼亭。
一帶金湯增氣槩，四郊禾黍勝丹青。
甘棠風作婆娑舞，橫峴雲開翡翠屏。
斤斧教中勸農意，介農豐稔正須聽。

周節婦詩呈府縣官

滿湖水出白鶴蹊，大江潮未溪口西。
江湖水接連處節婦姓，陳周氏妻良人早世舅姑沒。
抱雛日夜號空閨，盡拈奩具易喪具，衣有泪血髮無筭。
績麻絡絲紡具織，破窓夜雨風淒淒，孤燈照影伴寐寤。
寒風夜雨聲酸嘶，煙塵遠避東入海，兜方長大能鉏犁。
時清歸守舊，素梓荆布蕭。

瑟芋淡低青絲兩鬢交蒼雪皎如玉封無織翳
前年縣官帖鄉里覈寔上府文可稽老夫近聽
路傍語聖皇德與唐虞齊天語諄、為天下求
賢悉上青雲梯閭闔未見旌表節門前草沒青
苔蹊願言宣聖化郡邑因俾側陋薰蕕迷旌善
亭中名一題恩同璽書封紫泥佇看俗習接武
皆慶蹄

再贈澣志通

世俗以甘旨奉養者為孝溫清定省之禮鮮
能之今寒區澣氏兄弟三人皆善養其母
其伯兄志通禮意之勤老而彌篤冬月則
以身則溫被席雖大風雪毋不知寒能此
一事可配古人况為美乎故作此續前所
贈詩以補其闕云

雞鳴雪屋起居安魚出冰池食飲懽最喜兒能
溫被席慈闈冬盡不知寒

寄馬馱沙陳糧長

老龜獨巢蓮葉秋元龍高居百尺樓長江只隔

衣帶水佳景宛在蓬萊
海弟兄懷舊遊竹君寫我歲寒意聊作梅花寄
龍頭

送曹德昂赴批驗茶引所

山無猛獸水無蛟邑里春來樂意饒
部集茶商新筭籠壚添酒市古溪橋
赤心報國年方妙黃耳還家路不遥
珎重清時用刀筆平陽遺澤豈寥々

譙新鄭縣官助葬凶子并以志略送去轉

縣學

去年孟秋初天旱火雲熱吾孫奔父喪
病眼泪流血陸行二千里踈蹕若跛
驚歸來秋盡時黃扶滿篋經詢言
義事從頭為予說一衾覆黔婁
家人影單喪具百無措宿儲瓶亦竭
幸逢賢縣令贈意切々擇木製美棺
敦匠夜不輟僚同哀傷祭奠豐且潔
青々諸佩衿感化重禮節是猶風偃
草宏綱賴提絜吾知賢令心高誼等
前括無錢及元振有則與同列無
麥及堯

夫有則與合轍悲哉我中子忝教兩期月眷言
古東里圖經自未缺編蒲載前言辛苦磨鉄硯
草創十八九放筆成永別手澤存於家歲久恐
以滅抄書送棊堂公餘賜披閱韞櫝 黌舍無
為醬蒙設會有作家手織錦為補綴姓名蠅附
驥九象應感悅矧知葬埋恩寧無報銜結老夫
懷讞言縮地恨無訣殘喘苟朝莫烏能見駿茂
坐馳仰崧高心毅吐鴻咽

述懷

雙眸半瞎耳全聾年及新豐折臂翁孤陋一生
棲白屋虛靈方寸烟青銅人如禽犢真堪恥家
有詩書未是窮但願太平田野樂九原高卧聽
松風

人日和前韻二首

曾聞社酒可治聾柶榼分來讞 翁 磨
龜硯石貴人多佩虎符銅人前出語羞称好杯
後為文錯送窮連日昏 如病域不知春到棟
花風

又

林居鶴髮老痴聾
髣髴忘機海上翁
留客但沽樽舍酒
鑄錢安用蜀山銅
一年春色花無幾
千古川流水不窮
誰謂東家錦衣樹
龍顛虎卧夜來風

寄南澗海羊二講主

東土西天今幾華
南能比秀本同家
門前弟子齊腰雪
案上經文五色霞
袖拂古墩行傍柳
餅分春水坐煎茶
遙憐犬室俱清絕
屢夢幽尋遠興賒

寄張仲安舅甥及邵濟民許升遠

去年艤棹千墩浦
澆酒伯倫墳上土
伯兮伯兮呼不醒
仲也憂予仍眼青
最喜諸甥多似舅
慈之情無不厚
東陵瓜地兼種藥
杏林仙人與同樂
箕山之瓢今貯詩
雞林賈人知不知
老夫別來八九月
憂患多端鬢添雪
負米不歸悲仲子
我益又鼓酸風起
傷春不欲向人言
恐人忍聽哀號須
最苦雙眸共岩電
近日看書渾不見

元如祐禪壁常面隙有微明潜且眩阿兒呼來
條塵硯伐筆題詩筒群彥

無錫華景章以墻東陸先生所序乃祖玉

溪義士之女徵予詩故有此作

猗歟古聖賢饑溺視由已聖賢以不作人多饑
溺死天曆年中歲薦飢老夫身親耳自知操壺
枕籍委溝壑烏鳶飽食狐狸肥遠達郡縣無良
吏狎弄文移等兒戲羨倉和糶百蠹生殊共先
民救荒意吁嗟玉溪翁高義孰與儔黔敖之粥
活鄉里立解倒懸危急秋指困不結當世交易
量不效前人尤盡令菜色作喜色如渡弱水登
蓬丘嗟哉玉溪翁往事誰紀述鄉人口碑傳四
方墻東老手春秋筆老夫知名五十載更喜墻
東文字在義聲洋洋流至今又閱桑田交滄海
天生孝孫念厥祖禮樂趨蹌繩祖武丈夫不憂
無萬鍾要為顛崖救辛苦

唐君舉挽辭

早年讀律如五經案頭夜照練囊螢學成能展

四方志當路縉紳俱眼青神州赤縣坐蓮幙贊
畫雖勞意磅礴青雲拾級步徐々腰纏不跨楊
州鶴邯鄲夢斷楊花春索田交海宇宙新歸來
東陵剪荆棘故侯誰識瓜田人竹林小阮差可
喜為箕為裘奉甘旨青松宅邊紅稻畦白雲亭
上烏皮几四時花木手自我客來看花常置醴
有時寐無語蒲團醉逃禪有時曳鳩杖朗誦道
選篇得庶門龐公之安比濟南伏生年生平有
如此死去真悠然薤露歌或可鐫此歌便作碑

銘傳

過無錫口占

客舟無錫道中歸聽唱吳歌泪濕衣泰伯墓田
耕穀鯁脛王祠廟走伊威二三策在遺芳遠千
百年來舊俗非詩寄飄齋老詞伯吟邊同為一
歎歎

題漁樵共話圖

尔樵斫青山尔漁釣滄洲卅事百不聞此心兩
悠悠道傍馳檐渚泊舟促膝面語何綢繆想論

會稽人衣錦或訝桐江棄羊裘人生窮達各有
分曷不嗒然自作逍遙遊

贈醫士錢伯祥

杏林老仙山澤臞幅巾逍遙曳長裾逢人善作
青白眼有子能受岐黃書酒對玉峯傾鑿落丹
成金鼎養芙蓉焦桐挂壁斷絃久藥杵敲中梁
有餘

題扇

青山滿眼氣蕭森茅屋人家烟樹林客星多擲
漁竿去誰復扁舟釣碧浔

題子昂竹石圖

玉堂歸未髮欲絲漚波亭中清晝暹竹君石丈
意相得不時為作無聲詩

安安道人敬

僧坊旅宿崑山縣夜讀安安道人傳似將秦鏡
作斯文道人肝膽都能見早年學劍欲有為車
塵馬足曾驅馳蕉隍夢斷竟共鹿茸田乃耕東
海涯安知逸名逃未得射弓旌招論觀德諸生

遊藝集如雲儼如風詠從曾指滯來自喜安其
安一室視同天地寬鹿門龐公與同志妻子不
知行路難傍人問我安心訣非佛非仙非臆說
緘雲不滓沈寐天水湛霜潭照秋月家居四壁
莓苔青柴門雖設晝六局年未豈獨樂吾樂堪
輿俯仰俱清寧有時得錢即沽酒明月清風作
三友曾澆磊塊去即休不學淳于論石斗嗟我
碌々者和尔婆娑：歌無勞赤松遊只在青山
窩拄瓢樹下舞婆娑歌散篠簜青桐柯群雄自
奏卷白波安居之樂柰尔何

遠綠亭為惠聚寺瑞芝年作

道人愛山常目接無復經繙貝多葉碧天低處
見絕頂蒼石爛未知幾劫清風一洒六合塵須
彌芥子等法身諦觀有色若無色大地盡作曇
華春

宿昆山延福寺

葉舟來訪漁樵社蘭若遠逢龍象群屋近玉山
多潤色林藏寶地絕塵紛玄壇坐到三更月高

枕眠分半榻雲鍾鼓聲中鳴般若老夫堪笑耳
無聞

題昆山縣城主簿先塋圖

舊家衣冠麟角族陰：榆柳連鄉曲佳城父祖
馬鬣封鬱：松楸在吾目養親弗及奉庭闈居
官豈敢懷蕨薇二十時中公務畢三千里外歸
心飛出言不作雌黃口臨事不為高下手琴堂
喜得佐絃歌俸米支來供俎豆高懷炯如寒露
壺連步陟波青雲嚮兩堂銜土集義烏更遣丹

青添畫圖

題竹枝雀圖

覆車之粟衆喧呼爾獨忘餓入畫圖松棘叢邊
林有竹一枝何異鳳棲梧

題玉峯書舍圖為俞彥智作

婁江水接東海洋崑山玉立摩穹蒼江山城邑
美如畫之子卜宅山之陽卽郭夢斲歸耒後詩
三百篇長在手尚將古疏補蟲魚復以今文校
蝌蚪門前小溪流水清畧杓不通車馬行漁童

甕汲供茗盃，鷗沙席坐尋詩盟。才多轉覺讀書好，春雨庭生書帶草。時稱狂客醉鄉遊，罔俾四明專賀老。

題畫魚圖

魚在藻或在淵，隨波泳遊同一天。會得莊生濠上意，畫圖詩史總難傳。

題畫竹顧挺之子作

父作子述為竹傳，神筆意古澹靈犀。絕塵品題者誰，龜巢老人。

題雪竹圖

此君立雪清復清，老夫見之隻眼明。琅玕恐折驚棲鳳，三嘯虎頭風欲生。

絕句二首寫延福山中客况寄止菴長老
一榻清風偶借眠，白雲長繞枕頭邊。客來題遍芭蕉葉，我亦留詩謝老禪。

二

風幡交動曙光搖，蔬菘分甘到客寮。最喜松聲秋瑟々，月餘忘肉似聞韶。

一般春

希夷古高士詩言一般春以詩謚攸居夫豈尋
常人一般春意何在莊生倫天倪託物肆遷恠
列子說混沌其言極夸大老夫請以理折衷慎
勿謂我胡公之中庸古今先後無始終洪纖高
下俱流通芸、萬物生意遂益、兩間和氣充
鶯、蕩、妙歌舞花、草、紛青紅孤松或落
幽澗底三秀多生糞壤中步伸尺蠖天運轉戶
啓百蟄雷音同鶴長鳧短分一敢以私意窺
神工一般春意如此朱絃嶧桐奏流水萍、自
入知音耳小車高閣邵堯夫隨柳傍花程伯子
針芥相投肝膽合祇應絕到東風裏白雲先生
知不知同姓乃有此白眉老夫宿昔愛此詩四
百餘載人無之頰髮雪白雙眼眇也來摸索珊
瑚枝

風波詞

家住橫山右澗阿孰知平地有風波一壺為濟
中流急可柰無金拔尔何

洪武十六年夏五余寓崑山延福庵蒙李
無逸冒雨見訪且邀午酌以尋二十年
交好之盟席中聞余茂本通政談玉峯
志鏤版無逸能力為之高羨可喜別後
作此詩以贊其美并致謝意云

老夫著書雪 顏禿筆掃采画煤烟書成無人
為傳刻明珠暗投三十年玉峯有志今雕鐫公
乃下榻邀群賢魯魚亥 盡滌濯銀鈎鉄畫森
戈鋌婁江風物靡不載一邑快觀人爭先知公

高風雅量振頽俗今名當與書俱傳潞山湖邊
五畝宅芙蓉錦城耕秣田多情念家久離別風
雨遠來書画船開樽行館話夙昔屋角雨聲飛
瀑泉爛烹鷓肉軟炊黍特憐老齒令相便草堂
之資送杜甫遥知破屋窺青天別來東望潞山
月再盈再虧令復弦鶴雖出穴皆五色門墻桃
李春俱妍無由縮地 携手寄詩并送思賢編

自挽 洪武六年九月作

齷齪龜巢翁飄蕭烏角巾干戈二十載幸尔全

其身平生得三樂此去棄六親青山為我宅白雲為隣寄教謝相知毋勞為酸辛我

又

生為無用人死作無名鬼生死天地間區區等螻蟻商人自忍饑楚人從赴水長鏡付兒曹持以字妻子將來事無涯且免閔吾耳

挽張溝南三首

故人家住江之陰江城草生花竹深蚶盃喜作真率飲鳳管不殊韶護音中卽有女可傳業萬

事復索吾心於乎一歌兮一悽愴白璧如今空黃壤

二

故人墓在君山下黃絹碑辭更親寫風流不減賀知章軒昂有如稽沐夜秋風蕭瑟宿草青過客知名多下馬於乎再歌兮再思之誰能為我追騎箕

三

故人生來天骨竒抱才不試清名垂山陰道士

寶遺墨鷄林賈人傳舊詩寒家夜、屋梁月顏色
宛然前別時於乎三歌予三太息歌教未斷
還相憶

次韻荅子才去秋見寄

子才名朴上海縣石浦人

懷哉博物張茂先淞江太湖烟水連舊藏篇翰
合雙髻新煖燭光驚四筵鞠華不濕重陽雨汗
竹應書大有年教子一經還自讀林居幽趣相
依然

感年

咄彼新豐折臂翁偷生年与我相同世無兵革
真難遇家有經鋤耒是窮兒子冷官成覆水老
妻春夢逐飄風獨憐未畢全歸顧兩目昏盲耳
更聾

天有眼

風波起平地背溺無可援荆棘生大塗躑步不
得前清朝赫々嚴紀律汚吏婪々弄刀筆翻雲
覆雨妙若神白日青天暗如漆天有眼視必明
何忍覩此世人之不轟雷尚擊黨碑碎炎霜豈

不飛闌局惜我延陵好州邑叫囂之教襍號泣
龔黃卓魯旣時未解我同閻倒懸急

天有耳

腹中或有劔對面難提防笑中或藏刀轉頭多
中傷人陰形獸心險莫測擠人火坑猶下石東
隣西舍苦牽連爺娘妻子多狼籍天有耳聽必
聽何忍聞此人世之不公恢：天網或汝漏百
靈未必皆癡聾嗟哉尼無復見治長非罪誰能
辨况有詭夫口燥金將謂蓋高人聽遠

寄野居處士

春風有花隨處看不勞快馬走長安春山有藥
皆可採何用樓船渡東海老生常談人所忽門
巷蕭條青草沒楚居隱者獨知言乃曰與我心
同然垂簾丹室清如水賣卜君平絕相似得錢
沽酒長滿壺談笑樂與親朋俱金谷飛蚊暫時
聚靜遠何如楚居趣叵藏三尺古吳鉤幸無龍
光驚斗牛焦桐絃絕掛空壁洗心只用床頭易
忘年之交三十春於我豈同雷與陳千墩別來

耳目疾兀如朽株門不出六經家業愧無傳教
兒只讀原道篇有懷欲得語同志東飛恨不生
雙翅牛鬼蛇神雖孔多青天白日柰人何願言
正已斥邪說始終一念堅如鉄寸膏欲澄千丈
渾厥功有無宜莫論

和任義甫重陽絕句三首

西風拂我菊花延霜落蒲萄酒瓮前弓勁馬肥
烟瘴歇雲南將士正閑邊

二

題糕醉筆吐天花風景蕭條興念嘉多少玉門
關外客故鄉一望一咨嗟

三

休官陶令果何聊不赴江州太守招天上無人
能送酒浮雲空作白衣飄

九日志喜

黃花無兩笑相看青女初霜未覺寒天下徧
識增負版雲南征士解歸鞍市沽斗酒錢三百鄰
送極美物九般最喜叫囂殺不到耒朝雞犬得

平安

題松溪釣魚圖

看花不躍長安馬，濯髮滄洲結鷗社。千岩萬壑一絲風，豈是尋常釣魚者。月滿船水滿川，月在水中光不濕。人於船上坐青天，魚乎魚乎自悠然。只今吾亦忘吾筌。

林大庵主真公往宜興參弘辨禪師回途跌傷其膝，卧疾久之，作此問訊。

石頭路上悟玄機，跌破泥丸一笑歸。從此不須盤膝坐，看來徃白雲飛。

天界藏主銘祖心，歸常州府護國院信至。

龜巢作此代簡。

偶着青鞋出薜蘿，竟參白足坐盤陀。龍蟠虎踞江山好，燕去鴻歸歲月多。言別石城歸舊隱，笑將塼鏡為重磨。松枝東長烟霞喜，我亦滄洲舞釣策。

題高士觀杏圖

賢哉陶元亮，休官撫孤松。之人坐松陰，高興將

無同楚々烟霞裾澹然冰雪容安知洛陽道車
馬正憧々

尹泰春玉峯舊隱圖

春風夢破邯鄲枕三徑歸來埽白雲藏壁家書
還自讀排衙縣鼓不相聞內交林壑蒼髯叟比
德冰霜抱節君熱客不來心似水滿庭空醉落
紛々

王仲昭輓歌詞

千墩之陰滄浦曲鬱々葱々煙樹綠五陵豪氣
遠消々此地人稱小金谷中有琅玕玉一株枝
葉扶疎鸞鳳宿鶻鷂夜飛來上啼九頭血污玲
瓏玉飛廉怒從天上來東走扶桑西若木埽除
袂物靡孑遺玉株亦拔移荒服八千里外雲南
地煙瘴偏方魑魅俗道徑七繹路幽險澤有神
龍惡熏觸洪浪掀天霹靂飛幾作相纍葬魚腹
舟旒歸來寔鄉土華屋高丘生死足縑麻痛泣
素梓悲泪痕多似湘江竹嗟我東西南北人夢
尔瑰奇曾刮目鄉無旦評勿為少令名在我思

賢錄嗚呼青山紅塔道鄉墳誰復相期薦秋菊

贈醫師張有成

嗟我延陵古城郭舊家喬木秋蕭索先生眉壽
氣如春借問平居果何樂笑言吾樂得於天燕
響不勞鍾鼓作一從無夢見周公青相五絃束
高閣便：老腹只醫書頗學掛壺人賣藥：囊
得錢儘沽湮兒舞班衣我盃勺有時出郭看青
山手策筇枝曳芒屨揚子江頭瀟湖口晞髮滄
洲吟杜若歸未一曲焦尾桐今古閑愁總忘却
老夫喜聞心與同以言相贈仍相約東門之東
劔井西蘿屋數椽雲一壑肯為尋山數見過樵
飲漁歌良不惡人生百季能有幾但看花開與
花落世傳仙上天騎白雀荒唐謬悠言不作請
從先生持筆削

崑山辛彬甫元夕前旅次岑寂作詩以懷

之

魯魚一洗版圖編徑著麻鞋送上天七里八岡
風雨夜誰家燈火對愁眠

贈呂克明

馬鞍之山玉嶙峋氣所鍾者德潤身古人已矣
不可遇今人多躡青雲去中有一人冰雲姿青
雲垂翅歸故枝老夫識面三四載但見寸華發
光彩去年訪舊山水鄉乃聞孝行非尋常兢
持身親所喜為親不惜殘肢體親存盡歡喪盡
哀：號泣濕三年徠嗟哉天質美如彼移家恨
不居同里歸來細與吾兒說檢身自謂誰優劣
縣駒處齊：善歌東瞻玉峯素遠何

寄畊學袁先生

新歲又人日故人無嗣音數詩曾倡和半載孰
浮沉笠澤鷗盟在蕉隍鹿夢尋吾今洗吾耳聽
此絕絃琴

自和感年 前韻

軒、黃鵠化鳧翁老態如今變亦同梵度出門
遭鬼笑一生徒壁坐詩窮掃去先壠清明日杭
菴官河船趁風春怨忍聞啼蜀魄傍人為我喜
癡聾

逸庵詩代膠山徐伯樞作

士學而仕猶力於農三時服勤乃逸於冬當勤之時以稼以穡鹵莽滅裂施報弗忒未勞而逸君子所憎勞而不逸君子不能於昭令典致仕有期一日必葺園敢或隨時之至矣銜恩遯歸逸子而庵六孔之宜其容舒遲其行逶迤含哺鼓腹樂乎雍熙莊曰大塊逸我以老是用作歌為頌禱

清澹子詩

世味尚釀郁清澹獨有水寡慾養吾心汪々点如波朶頤良可羞菜根有餘美凡為君子交當知肉食鄙

題趙曲史家藏聰聞極所画水僊

有人安坐風泉室水仙之花照佛日冰鷗滌筆為傳神不着緘塵浣清質山礬是弟梅是兄涪翁呂題非過情紅蓮幙靜薄書暇時一覽觀心眼明

題松庵圖

吾聞張子房漢家初封萬戶侯便從赤松求方
遊又聞陶隱居華陽高住三層樓尚愛志風聽
不休從遊余子或假託請聽松聲真可樂古人
令人同此心老去棲遲必岩壑白髮左司諫赤
心天子知君恩養老他日歸光州草木增光輝
今觀畫史貌清致想像為作松庵詩青山崔嵬
青松離竒三間薜蘿屋四壁莓苔衣前榮蕓萑
未賀喜中林猿鶴還相依山中服食何所有松
根茯苓大如斗松拂輕於白玉塵松醪香似黃
封酒座有嘉賓樽不空每日共澆談口不言
不笑默相契平生久要蒼髯叟向來百卉非且
衰偃蹇不愛冰雪欺尼山聖者無復起歲寒後
凋誰品題春風牡丹洛陽市華屋金盤闌奢靡
車馬遊觀人似螻但說姚家之黃魏家紫那知
松庵之清樂如此

送任義甫之京

放却滄洲老釣竿送將圖籍上長安朝霞爛
日初出執客紛々路未乾七里八岡鳩杖去三

山二水鳳臺看薰風解愠今猶古舞袖歸來語
盱歡

辛彬甫自京城回過東洲田舍極言曾觀
天顏之善舉酒送別詩以和之

一百十戶一板圖兩三箇月兩赴都親承天語
拜闕下喜得風汎歸海隅到家且聽華亭鶴斫
鱸旋買淞江鱸鄉人為作軟脚局衆樂不妨如
大酺

悼護國院早東谷和尚

憶昔素田變海時法幢扶起歲仍饑諸方乞食
供緇侶十載開堂響白槌香火石龕師子像紗
籠塵僻老夫詩客未今兩重留宿誰向東園拆
露葵

六月初一日以室初度感愴而作

白髮三千丈齊眉六十年今朝煮湯餅爨婢亦
泫然

六月望自潞城回東洲書目前二事以示
親知庶聞者或有省焉

緹縈贖父謁天子，聶嬰痛弟哭屍死。親之義重，
不顧身，千載流芳青史。今人豈無骨肉親，冷眼
視同行路人。朝家旌善作亭子，誘我薄俗令還
淳。吾詩相勸，匪相許，不信汝曹之心，真是鐵。

次韻錢彥學見寄七首

頻年歸計果何如，九龍之山駒谷虛。山中流泉
若有語，遲子續脩鴻漸書。

二

三十年来山上詩名流，落五湖間。歸尋鉅斧南泉。

老壑有白雲相伴閒。

三

萍水相逢記昔年，馬鞍山下屢周還。羊裘不脫
漁竿老，彷彿嚴光也自賢。

四

一榜三魁我舊都，如今文盛說中吳。詩窮不用
論郊島，風雅揚，有大塗。

五

梁谿如鏡照群峯，勝地生才沐氣鍾。想像鶻冠

人未老金莖露洗玉芙蓉

六

索拓東風叫伯勞犁鋤南畝課兒曹一枝樂與
鷓鴣竝阿閣那知有鳳巢

七

春秋九十明年是禮樂三千夙志衰訪載未能
移刻棹和陶猶欲繼坡詩

題天葩雲液軒

識馬不須論牝牡相人但欲知賢否我愛天葩

雲液軒中人賢在一真無矯揉戴星出入公務
勞退食從容樂詩酒紫毫之筆吐天葩得意如
看長安白螺之盃瀉雲液破悶絕勝陽羨茶謫
僊九京不復作一斗百篇誰共樂藍田戰松人
亦好座無杜康殊落寞我詩我酒興不孤風月
溪山皆畫圖胷中磊隗盡澆去方寸烟如冰一
壺愚聞孔公醉決事勝人醒孔公何人哉希之
即齊名期言請為座右銘酒德有頌政有教詩
聲更作韶鈞鳴

壽任義甫十月初十日

曾者青海變素田又歷黃楊厄閏年抱膝面山
西牖下科頭背日午簷前中郎有女能傳業僕
射無兒不怨天八十春秋獲足徒鄉人喚作地
行仙

次韻彭知縣以公事如宜興過太湖作

百川水溢東流急天風捲雲如捲席雄鳩呼鷓
鼓晴翼且喜人無雨淫疾官船掛帆出湖去乘
風破浪無衝激舟人笑指一足鳥也作於鱗退

飛鷁山無猛獸水無蛟陽羨往來人絡繹蓬窓
挂笏看青山佳句婁成忘肝食令乎令乎匪遊
逸聊為湖山窮眼力滿湖飛渡不崇朝東滙沙
湖又深入彼疆此界犬牙地槩用朝家律三尺
人言行路古來難範我馳驅自無失星言勒移
署椽筆分我餘光照隣壁

懷吳中衡心友

老去多蒙故舊憐客來喜得信音傳書能教子
醫傳業居欲仁宅屢遷赤米白鹽瀕海地青萃

綠綺博山烟曾聞靈素多曾
好擬詩家作鄭
箋依

代簡張子才

遐想張梨谷相望吳野居馬鞍長在望魚尺久
無書七日陽來復三年月閏餘芸邊生意動居
子喜何如

王有恒秋初貽書約回途過訪尋假館之
盟故作此於丁堰姜氏迺之

舊雨魚來今復來故人懷抱亦佳哉黃楊榘厄
三年閏緹室葭飛六管頰文有焰光皆李杜情
如膠漆即陳雷燈花有約鷗盟在莫負柴門掃
綠苔



龜巢彙卷十六

國家圖書館, NATIONAL CENTRAL LIBRARY, TAIWAN, R.O.C.



龜巢藁卷之十七

龜山祠詩

卓波文靖公蚤立程門雪載道歸東南統緒賴
不絕馮鳴朝陽能幾時朝棲瓊林暮棘枝歲晚
江空卜居此毘陵草木爭光輝邇來陵谷一再
變烟滅灰飛舊書院殘碑斷礎落誰家應作寒
礎搗霜練南山北山禪者流鼓鍾雷鳴塔廟修
儒衣儒冠亦不少孰謂好賢無二周龍鍾老諸



生不言忍色羞甘棠樹下吐肝膽愛禮可得存
羊不羊存禮亦存所願或甲鼎渠一畝宮依
然對滄洲將使邑人知有東家丘駿奔籩豆春
秋

簡曹谷賓

往昔政和間結交先君子時萊公子承
蔣公子舟諸良友數嘗文會於九華隱
者周先生之家其書禮之妙教詩之佳
今皆不可得而見矣區區追憶故交輒

成韻語寫去谷賓吟几為後會張本云
清交早結先君子博學自謂無恒師草堂詩史
擬欲續蘭亭字書將竝馳百年陵谷變更日四
海弟兄生死悲舊家文獻掃如電獨愛羲之又
有之

冬至日方欲以老况自述孫垣來侍傍說
江陰庠仲表仲徵二公倡和之娛區區
坐馳日用足成此詩以代折簡

老矣又逢長至日悽然聊作短歌行一妻一子

竟契闊兩耳兩目我聾盲里中尚結雞豚社江
上豈忘鷗鷺盟珠重暨陽隻白璧慎毋輕用易
連城

江陽鄭教諭以詩見寄褒美大過且聞時
赴京考績目次韻以餞其行

大君立極揚威靈麾斥百家尊六經出圖之馬
出未已未儀之鳳未不停萬方皆效華封祝諸
將已勒燕然銘化風覃被族麟趾聘物遠來監
虎形雄州巨邑竝庠序歌臺舞榭無優伶先生
橫經虎皮席弟子立雪梅花庭延陵躬耕地井
、尼山睨父碑亭、正逢海內興賢日豈作江
陰老客星泮宮芹藻得佳趣鄰封草木沾餘馨
龜巢一老辱篇翰鱣堂幾時瞻曲刑趣裝又欲
覲金闕飲餞愧無隻玉餅淵清冰潔知者衆會
有孫邕薦管寧

予以小爐閣坐卧安燠名之曰熙、甕天
孫塏到江陰語劉小齊先生蒙篆書四
字見其筆畫清勁可喜作詩報之乃翁

澹齋先輩能篆隸而父為鄉郡所稱詩中故

美之

昔在金斗城晤言即相違今觀玉著篆神氣不
少衰澹翁心畫傳師承古人誰秦相漢中郎殆
欲肩相隨舊家冠蓋里家通延陵碑古意師睨
筆真贗吾何疑正如善相馬而忘牝與驥懷哉
揚子雲載酒當問奇柰無宿地術龍鍾空坐馳
周節嬾陳氏吾甥也早寡賴其母撫恤之
恩為多母卒且以語付託我夫婦携之

避兵居吳中十有餘年白首滯里一生
艱苦老夫獨深知之故書此以紀其畧

云

哭夫未了又姑嫜獨抱遺孤涕泗滂盃具賣來
營葬具不憂其餓死空房

又

南山石爛海揚塵風雨飄搖笠澤濱嗟嘆渭陽
田舍老辛酸同受十三春

又

狼烟未息歲仍饑蛟室相鄰地亦危長夜點燈
機上織明朝換米釜中炊

又

戰骨縱橫歸路迷烈塘疑是越來溪良人地下
應憐汝不作王凝斷臂妻

又

裙裾藍縷著簪折鄉井蕭條草屋卑節孝兩全
頭雪白傳能說與史官知

臘月十四日風雪極寒大林菴主僧以佛

廬落成

冰雪堆中作梵宮磨碑布地與金同何當放下
南泉斧坐聽松杉萬壑風

悼熊元修徵士

落：龜莫翁閑：鷗社叟雷陳十年交雲水三
江口在昔鷗沙結社盟時鷗之詞我筆之吟風
咏意相得絕似伯牙逢子期朝六詩暮亦詩：
與動來忘渴饑淞江太湖墨淋漓鶴汀鳧渚生
光輝毛髮雖秋霜光風自懷抱不虞白石塞海

爛但覺滄洲好一朝陵谷俄多遷我歸耕我延
陵田街寬塞海笑精衛抱怨思家憐杜鵑鷓鴣社
叟軟隻脚晏然不受功名傳社鷗尋盟還可樂
弟我途路遙未往難如昨前年訪戴殘重約舟
到山陰眼生膜黃庭不寫贈籠鵝葡萄醖暗
且多船頭送別誦佳句且知步武追陰何音書
從此不復得我心孔竅皆茅塞清夜悠々思故
人夢裏依然見顏色客來聞死半年久俵々不
能將絮酒悲歌為探驪龍手三日悲風動林莽
愁方

次韻荅袁仲微見寄

大江南岸衆山蒼巖谷深藏寶劍光江上風波
來袞々山中歲月去堂堂能承書業千金產喜
有童孫咫尺長杯酒正須朝夕醉無勞更覓解
愁方

四皓圖

天風吹斷紫芝歌四老幡然出薜蘿不用勤兵
呼左袒安劉功比絳侯多

又

飽茹山中紫玉芝姓名誰徹九重知濟時陰有
回天力震器安然不動移

瓜隱為昆山邵濟民賦

藥壺舊懸紅杏林瓜廬今住清江潯南柯太守
了無夢東陵故侯同此心灌園自捧漢陰甕抱
蔓別作黃臺吟老我坐馳三百里何由縮地重
相尋

簡袁耕學先生

馬鞍山開龜甲屏羣比之席講六經一年不見

朶雲字三月又看花兩零角巾小像固垂白野
史巨編方殺青宜有詩 繼前輩使我晉鄙沾
餘薰

寄熊元脩

慘別廿五月昏耄而受罔於人者多矣詩言
此繆餘從可知一笑之餘必蒙警教

愛子腹便、逢人問孝先悞傳烏鵲信剛道白
鷄年鷗社詩千首龜巢橐一編何 重携手相
恤話夔炫

次韻酬陳庠仲見貽二首

鳳凰阿閣自新巢，鷗鷺滄洲只舊交。
百里雲山人契闊，一簪霜雪髮蕭騷。
忍看兩溺堦前蟻，怕說風掀屋上茅。
樽酒論心宜有約，誰家竹裏借行庖。

其二

春申港上老人村，家有詩書教子孫。
白首竟能安苜蓿，丹心豈不合乾坤。
諸生問字車載酒滿地，落花僮埽門。
且喜年來忘世慮，不時杯勺醉昏昏。

昏

又和袁仲徵陳庠仲去冬所寄之作

腐草煜煜螢火生，枯梨紛紛山蟻行。
可憐身病道亦病，猶喜目盲心不盲。
溪山相望數年別，松竹歲寒三友盟。
何當相對文字飲，似昔盍簪金斗城。

壽萬拙齋十咏

蓬萊水淺鉄船歸，城郭人民半是非。
且喜春秋今七十，能知六十九年非。

二
天開壽域大無疆
林下幽栖樂且康
不須更覓長生藥
昭代如今化日長

三
芳茂山前種玉田
芙蓉湖上采蓮船
東鄰西舍連花竹
渾是桃源一洞天

四
一襟秋水心無競
滿面春風唾自乾
可惜時無吳道子
畫圖專向邑人看

五
菖蒲花開香滿庭
簷旌簾旆風冷
高堂煖客
作生日紅頰紫髯
雙眼青

六
今吾故吾知不同
朱門無復掛朱弓
但將一斛葡萄酒
淨洗平生磊塊胸

七
金作狡猊炳寶薰
龍笙如水客如雲
榴花不用纏頭錦
也學吳姬舞絳裙

八

燕雀歡教新第宅溪山佳景古丹青琵琶自製
玲瓏曲彈與龜巢老子聽

九

拙齋之拙意何如天賦惺惚本有餘欲識顏魯
愚魯地一鞭希驥莫躊躇

十

舊家青氈什襲歲兩兒班衣長侍傍人生可樂
有如此一日可比三千霜

昔人謂積憂成陰：積成雨令陰雨之久
且多竟不知何憂之積以致然也淺陋
之辭姑識歲月時乙丑夏五望後九日
也

常年五月衣輕葛今年袂衣猶未脫一天陰氣
凜如秋谿山黯澹雲烟稠有時雲罅曜靈出頃
刻朱光暗如濟商羊飛來作人舞群鳩醉甚渾
無語雷殷虺：雨浪：一雨十夜日六滂人家
屋壞什八九床頭泣淖生蝌蚪疑是被蒼媧召

裂天河水漏何時竭補天無術正憂心水鄉之
田俄陸沉常州地接蘇湖境青苗在田知幾頃
農人惜兒苗死如惜兒苗死一時真可悲全家
老穉仰天哭天若垂憐天雨粟不然歲饑方薦
瘥里胥催租將奈何

贈時彖夫

生民天降衷所性無不仁物欲肆侵蝕乃底失
本真嘉爾鴻鵠姿超然鷄鶩群里有賦蛇毒比
屋含悲辛叫閻教徹天恩波活枯鱗老我無能
為喜此聲譽聞願言一簣進將來見嶙峋

貽呂雋

人生異禽犢秉德方寸許一本尊好生推恩篤
諸父嗟哉淳朴姿片言不輕吐去年赴非難代
服徙役苦橐餽復今年赤脚走風雨紛紛蕭艾
中薰然見蘄杜願予子若孫儔能類於汝宜從
竹林遊氣習變齊魯

挽徐仲清

妙年博極軒岐書晚景晏安閭里居小山叢生

蔚如故大兒一官清有餘落成客散烏衣宅
莽人來白馬車安得茲騎箕尾去逍遙八極曳
霞裾

夏五即事

貪墨何多禍蔓延刮毛龜背欲成羶千村萬落
炊煙斷田舍逃巨犬餓眠

寄王尚絅陳子儀諸友

起予每憶二三子投老於今九十季自是片雲
相隔尔如何尺素亦茫然蝦蟇產窻橫山下蟬
人烟

簡無錫華景彰

百書不如一見面此語信然胡未然燈花有約
半年久桂子已落中秋前東門種瓜抱溪甕西
齋爚茗軒山泉少游鄉里樂如此應笑奮飛瘴
海天

寄徐伯樞

東膠山人不出村南州高士之裔孫十年曾作

螻蛄夢四壁祇有莓苔痕松分女蘿補茅屋
引乳泉澆藥園別來幾度屋梁月顏色宛然清
且溫

寄丹陽孫秀民

翩_々白雁秋風涼紛紛_々白蘋秋水香官河兩堰
隔三舍旅次_二違今十霜菱茨徠湖秋大熟莓
苔斂井夜無光故人知我老癡否年侶伏生書
盡忘

懷京口俞伯鎮

鍊甕新城舊隱居江山勝槩畫圖如五條街口
多輿馬萬卷書中老蠹魚道合不妨鄉土異情
親可柰信音踈杜鵑花與人俱好珍重題詩一
寄予

洪武乙丑秋新鄭縣學以通徑薦吾孫壇
移父本縣徵赴吏部壇於六經有望洋
之嘆且欲辭而不可得予以孔孟之書
列乎九徑壇嘗受業故臨別示此數語

勗之

猗欵古聖賢遺言存簡編孝經及論語孟子書
七篇載道繼六籍煌煌日星懸斯文覺斯民千
有五百年汝生家避兵九經共青瑣借書二三
策教汝朝暮間大哉孔孟學曾如管窺天還鄉
願辛業索汝多屯遭竭來誰薦鶚通徑乃虛傳
往哉詣春官從實吐肺肝絲麻襍管蒯博采豈
舍旃天朝恩惠寬茅拔茹或連立身報君親慎
勿違聖賢

送楊景子以通徑薦舉之京

亭々青玉桐孤生秀中林雨露得所養歲月亦
深良工拔竒才獻作羲皇琴繫以朱絲絃鼓之
丹鳳吟八風宣九垓令人格非心鄭澗化韶護
太和無古今吾將洗吾耳朝夕聆遺音

和景子韻冬至

隱々鐘聲出景陽々生望闕賀朝忙勳名有日
印如斗舞蹈今朝靴滿霜咫尺天顏春色喜輪
囷雲物瑞光長錫錢張宴宸恩厚一舉真堪累
十觴

冬至後日五承郎齋父會翼午賢長史置
醴歎洽且有贈言次韻奉酬并謝不敏

文章太守誰同樂幙府賓僚如李郭坎蛙誰信
有奇逢鼓吹敢隨東海若枯腸喜得酒一澆枵
腹母勞幾三縛獨憐澗底老孤松春風膏雨後
優渥

初度作

重光之冬湯餅客孟光相對頭俱白吾兒樵雪
中歸來搔頭還帶詩三百詩歌熾艾壽觴舉呼

鶴堦前舞瑤翽安知此後境多乖五載家門毀
雙壁行年今與生同元若枯株雪霜厄樵兒
遺孤主黔簿四千里外勞相憶我昔蹉跎四方
志每見素孤有慙色願言膏雨羨孫枝先世衣
纓復輝赫皇天於余賦亦厚寸散如樗壽如櫟
語言教耳尚聞黑白分明眼猶識四肢百骸
筋力微頽容與心依舊直响嗟素不學松喬逆
理偷生正何益曹橫山下青松宅含笑全歸待
朝夕山瓶乳酒如蜜甜簞箸寒魚鮮可食家童

荷鍾且匆忙為我揮花吹鐵笛自今每日從歡
伯龜巢窠天適吾適斷送予生真上策

卧雲歌為華景章作

我昔所喜青雲人雲梯登之上星辰餘如風花
落藩溷伊人可仰不可親只今老我成枯朽愛
尔岩棲卧雲叟白雲一壑數千畝且無租稅論
升斗悠：我如雲寐：雲伴我雲無出岫心吾
無洞門鎖一榻偃仰得自如兩膝屈伸無不可
布為被非難能我被以雲如白後木為枕吾未
曾以雲枕頭時曲肱床無上下亦無客別有意
氣非陳登飛鳶跼：自炎海夜鶴總帳清於水
佳哉叟之所樂者如彼今人古人誰可擬華陽
陶隱居投簪謝朝市山中作相心未閑剛道怡
雲豈無愧 山陳處士大笑脫塵屣鳳皇銜書
空往來熟睡雲臺終不起願言學陳母學陶此
身長与雲道遥萬松嶺上老禪衲形服雖異同
清高况有煎茶好泉水活火煎來味無比詩腸
搜出烟霞語不異不令人共喜老夫耄矣少筋

力尚欲去著遊山屐細啜月團雲滿甌分卧石
床雲半席幽懷為我一宵傾免使相望兩相憶

颺侯以蘭行年九十以詩見贈敬次韻歷

叙平生以鳴謝臆

延陵楚老家業儒舊壁頗有先人書童年愚鈍
不努力涉躡五經多缺如二十而冠三十娶取
友必端無佞諛春秋四五十餘髮猶未白顏
猶朱才襪線不知恥光範門前曾自譽六七八
十成潦倒興來尚復歌吳趨今年九十常晝寢
誰敢劾尤拔宰予雲山萬疊作圖畚松風一壑
鳴笙竿隻眸漸昏目漸曠面壁寂寞如僧居焉
知府公特尚齒贈以大篇明月珠老夫得之感
勤渠雀躍起拜不用扶合室稚老俱驩虞

十一月廿七日得塏口信以詩志喜并臨

別祝規之意

賣橘人從采石還口傳家信報平安踏經湖北
雖云遠天近雲南不甚寒佐令謹持三尺法尊
君長秉寸心丹驛橋臨別叮嚀語應念貽謀作

鏡者

自和同前詩於次年正月十三日附寄黔陽

四千里外之官去百丈牽江舸艦安新沐聖恩
波後日下舊家門地不冰寒洗心正在詩書澤
換骨毋勞內外丹新歲僕歸正二月家書細寫
向翁看

簡陳子章先生

身不封萬戶侯眼不識千金裘深衣幅巾避戈
矛往年零落崑山州兵餘還鄉理西疇臺笠播
種襁褓收今將蓋棺萬事休但欲服飾如前脩
先生舊衣中暫尔可借不縫人古制素願吾乃
酬飄然長裾泉下游藍綉免致先人羞生前相
往來二老亦風流

橫山歌壽萬拙齋

橫山之巔青入雲冠冕一邑無與倫山南風景
最佳處隱居豈是尋常人此山鍾英三百載素
封不乏青氈在向來吳下避煙塵恨不移山東

入海還山喜得無崩騫種玉舊田耕紫煙雲屏
正設後堂後空翠直灑前塋前觀雲每日烏皮
几灌圃有時龍井水人家鷄犬寂無聲宛若桃
源画图裏山中羽人王八百昔日仙宮今佛宅
丹砂未必駐童顏把酒看山真上策山乎山乎
德不孤靜而壽者山為徒美哉山禽知此意石
榴枝上呼提壺我歌橫山歌未了拙齋為我開
懷抱移宮換羽作新聲彈入琵琶歌更好百斛
葡萄為傾倒

婁年作小詞或詩為萬拙齋壽癸亥夏五

予以鄉人嫁禍兒輩往崑山救之時有

詩曰

予懷紫髯翁新作綠瑩堂常年初度日嘉賓四
筵張虛左待老夫酌我九醞觴甥孫舞鳩鴿絲
竹鳴鳳凰情與酒俱深飲量非汪洋今雨獨不
至應憐走他鄉我：馬鞍山絕頂遙相望橫山
一髮青滿浦西日黃想像祝眉壽有如賦高堂
留別永懷寺長老暨袁子英俞茂本通政

歸吳十載前一宿永懷寺龍鍾今兩來庶苑廢
如此佳尔山中入法幢扶欲起清風方丈室白
日靜如水門迎老詞客问我來何自忘形忘
年相見即相契坐吸趙州茶竝隱維摩几爐薰
清我心乳供便老齒鈎簾看玉峯山色亦為喜
新知多邂逅啖唾珠玉英白首莫逆交獨有子
袁子德星聚叢林草木亦韜韞我思古先輩支
許或可擬蕪旬數相過倡和不知幾庭前石榴
花半落蒼苔地長揖謝山靈歸袂霑空翠

陳德廣知事以自壽之詩見示予以其災
字韻險不和乃效唐人和意以壽之故
落句如此云

哦松未了險官去隨例放闲思更多父子一徑
傳有自來蓬初度樂如何門栽彭澤先生柳籠
養山陰道士鵝最喜孟光眉案舉捧觴嬌女把
香羅

德廣喜予詩和韻見貽予復答之即三月
十一日繁霜之異於頷聯書之非虛語

也

繭紙寫來詩句好，雞林傳去古人多。
花開三月春如許，霜落五更寒柰何。
留客政須沽綠燧，引年何必餽金鸞。
六街車馬紛紛逐，自喜蕭齋雀可羅。

次韻荅華以愚見寄

九隴山東舊宅遺，一瓢齋裏曲肱眠。
賢如栗里陶元亮，閒似香山白樂天。
倡和正須歌白雪，丹青何必繪凌煙。
竹林諸院多才俊，文會何時共

酒船

哀詩

鐵船海上遠移家，金斗城中蔗境佳。
我昔頻來莸竹杖，公方新種木蘭花。
書因教子時常買，酒欲娛賓夜亦賒。
春夢一場隨蝶化，老夫三嘆立鷗沙。

東西家

東家賣兒哭幽咽，西家鬻妻含泪別。
形容總覺瘦如柴，肝膽那能硬如鐵。
低田水沒欠秋租，今

年夏租麥更無妻兒舍我莫怨呼我忍饑朝
暮殂

重午日小酌

青年自是好遊者白首始知行路難一寸芳心
徒侶鐵數莖禿髮不勝冠冕樽偶有菖蒲酒菘
黍香於首蓓盤莫笑貧居輕速客餘生能得幾

團樂

五月望日寄江陰陳庠仲

一別半年久相望百里間陽春知寡和落月見
清顏醞酒澄江上題詩小石灣龍鍾還念我時
復夢追攀

同日寄袁仲激

申浦水東頭悠然客馬周焦桐絃白雪芳草席
滄洲昨夜三更雨今朝五月姝有懷飛不去烟
樹鬱相繆

曹文質自金壇來云費延年教諭傳語且
知告老而歸閑居可喜因作此詩以代

簡

我思故人松栢顏客來寄教蓬藿間鱣堂講學
竟將老鳩杖拜息今樂到清風枕簟五柳宅白
雲圖画三茅山雪舟未得見安道乘興豈無詩
往還

鄭朝宗教諭以予去冬初度自壽之詩次
韻見貽予復和而贈之

憶管子為廣陵客兩頰丹砂眼青白蕃禧觀裏
看瓊花坐列羣英杯飲百無何陵谷忽交改塌
然斂我扶搖翻此花天下更無復毒手誰焚夜
光壁先公舊物廣文種家傳喜得無躡屣抱琴
來坐杏花壇洋洋古操令人憶青氈坐久琴愈
清君山草木皆愉色老夫今春辱佳句轉眼炎
曦又隆赫郢斤非不妙彫鏤柰何吾衰腐如櫟
生年甚愧性聱斷老去偏懷舊知識孤舟墊渡
豈長閑一壺會有千金直合歡杯酒細論文恨
不能飛見三益江沅南雁春申浦海門東入陽
侯宅河魴江鱉鬪鮮新首蓓之盤自朝夕黌舍
安如廟堂坐脫粟甘於鍾鼎食睠我郊居樂六

然朝聽樵歌莫漁笛忘機相與白鷗眠送窮不
效昌黎伯假令秋至轉饑寒亦不題詩寄高遠
賢哉子淵可矜式陋巷安貧載方策

六月初八日雨晴懷毛伯尚

去年五月涼如秋今年六月寒颼々重雲晝暝
雨連日田家復恐沉西疇朝來日出溫風起歲
不薦饑人共喜貧家四壁屋漏痕髣髴篆書千
百字忽憶山中人讀書兩眉白能負仲由米魯
漂高鳳麥高堂養親侍親側我衣斑爛親喜色
有時諸父竹林遊彈琴詠詩尊俎席人生此樂
古來少今乃熊魚兩兼得老夫每問書帶草鄉
里小兒渾不識但道墨硯池水漲苔衣碧苔衣
碧池水香思若人兮不能忘長林豐草春茫茫
青松澗底含冰霜鯉魚不隨白石爛鳳鳥有待
鳴朝陽停雲之詩歌未足玄蟬為我聲相續

哀詩

鶴長鳧短總休悲聽我山陽笛一吹黃耳再無
前日信丹心獨有上天知送行南浦成長別歸

卧東山悞有期吾老未教僮荷鍾劉伶應咲阿翁癡

讀大誥作卷歌二首

天誥諄：禍福靈風飛雷厲鬼神聽掛書牛角
田頭讀且喜農夫也識丁

二

一天風雨洗塵昏日月恩光及覆盆鷄犬不驚
田舍樂叫鷺人不到鄉村

贈陳棲雲

鶴溪之水滿浦兮一灣繚繞梅花村窮冬萬木
凍欲死此花端若靈光存清如西山采薇孤竹
子白於華陽洞口隴頭雲隱居者誰希夷後人
持一編種樹書戴一幅漉酒巾有時醉飲肱作
枕老瓦共眠梅樹根有時不醉百事理可與孔
公同出群青鞵布襪駿奔走今季早昏朝至尊
紅雲殿前三舞袖归来滿腹懷徐論諄：詔隣
里切：教子孫子孫不但力耕稼徵輸能為公
家勤編氓租斛足萬計雞犬不驚安老親短檠

燈火讀大誥喜色夜々燈花新甌篋滿篝秫田
熟歲釀百榼醪醱春親明簪盃座常滿湖鮮日
擊豐盤食胃中不著愁半點雲夢八九能鯨吞
東隣西舍靜如水夜無催科人打門安居樂土
有如此何異武陵人說走花涼老聃戒心足願
言尊盃聞濁水膠可澄清鏡塵乃昏秋風挂席
一相見此意吾將三復論

贈周彥美

象賢有子付青氈家住城西綠水邊門柳數株
同舊日公租萬斛喜豐年試聽濯足滄浪曲應
笑然臍卽卽煙朝夕酒杯長在手優游身作飲

中仙

簡王尚綱

不咲幡然譏九沘牽車服賈思悠々醉吟人老
香山社詩到雞林價重不

贈詹伯遠

西北風高寒露零牽蘿補屋捷柴荆看雲長日
烏皮几夜々教兒讀孝經

示孫壇

龍門一躍去年秋，
徑着青袍赴遠遊。
半部魯論堪輔冊，
政須忠節繼前修。

又

黔陽江水不勝清，
喜得居官濯爾纓。
秦鏡照人肝胆見，
邑民應在鏡中行。

又

黑頭勲業志方雄，
黃目書歸見面同。
斷織機中垂白母，
抱孫時復倚門東。

又

春雨秋風歲又寒，
翁年近百足蹒跚。
橫山荻粟東洲水，
多在行窩樂考槃。

初冬感懷令垣書所居屋壁

在昔陵谷變海上，
十五霜歸棲共故隣。
乃落劔井傍，
百指雜荆棘，
耨鉏破天荒。
東洲釣月磯橫山，
樵牧場一蒂去復來。
十月新稻嘗携幼入寢，
門淒然北風涼。
吾兒婦嫠居我孫，
官遠方筠籠鶴何之。
盆菊花自黃，
跛倚赤藤杖，
終日徒張。

初度後以為樂柱古樂府三章而今諸孫
誦之老夫聽之比之挽歌者歌蒿薤柩
前豈不樂哉

龜巢老人忘食貧歲時強欲娛賓親賣琴沽酒
作生日蹲鴟爛蒸鮭菜新承歡幸有班衣人君
不見古人云酒盃不到劉伶墳杯行莫厭頻

二

龜巢老人貌不揚觸斜之性如神羊生憎巫覡
煽妖妄疾視聃竺隳網常老無能為龜六藏滄
浪曲窈窕章有時擊節呼兩郎男兒當自強

三

龜巢老人年紀多鷄皮鶴髮背橐馳金丹自古
無足信銛硯如今亦不磨坐待蓋棺歸薜蘿春
有相巷有歌此時不樂成蹉跎殘生有幾何

樵海歌為秦文仲先生作

出山志云遠樵海名非誇老夫素相知高風真
可嘉早季欲伐廣寒桂增月清輝燭天地又欲
會稽雲夢伐箭竹人無戰鬪遭鋒鏃汗青六經

天下讀此志遠蹉跎陵谷俄變改青山樵侶集
如雲一笑飄然東入海任公舊日釣魚處樵屋
相隣蛟室住扶索若木有餘薪且喜路無荆棘
慮水底珊瑚樹亦多尤物不堪開眼覩樵擔弛
樵斧歌濯足滄洲弄明月興未擊節和龍吟唱
我海樵歌一闋也不學負薪讀書朱買臣也不
識卧薪嘗膽是何人白螺為杯大如斗青苔席
地軟如茵有時獨酌爛醉枕柯斧睡到日高三
丈猶醺々夢魂不到長安市長安市上多羈旅
米珠薪桂莫能賒多少伯夷寒餓死孰知海樵
之樂有如此

寄溧水開福寺長老源別洙

客有溧陽雲水僧相逢曾得問南能九重日月
息光近一壺煙霞道氣增龜鈕肘懸新賜印塵
談語讀舊傳燈別來老病時相憶欲覓金篦刮
兩曹

悼徐孟銘

讀盡岐黃上古書幡然讀律應時需一官再調

炎州幙二豎交攻瘴海隅賴有故人收白骨歸
耒鄉國瘞黃壚杏林花落紛如雨何對衰啼五
尺孤

臘月十六日夜篝燈作兩書言不盡意夜
半後欹枕對月口占言懷命兒輩錄上
耕學伯齡元修三先生南潤海洋二講
主清真一鍊師暨諸吟友

照天蠟燭徒明月縮地神仙是子虛九十一年
殘燭盡二三百里故人踈詩成唐律傾懷抱書
託吳儂問起居老我形容都交改依然貧似馬
相如

任義甫生日作絕句四首以鰥居無子貧
病為憾予乃以理釋之誠如吾言則不
必怨天尤人而處之泰然矣

兄有遺孤骨肉親堦庭玉樹一枝春駿奔籩豆
非無主傳襲箕裘未是貧池有紅鱗堪入饌杯
浮綠螳可留人高年已過磻溪老每日懽娛莫
厭頻

贈蔣居士

全家欲學老龐禪
木榻蒲團夜不眠
誰信室中靈照女
出門先上渡頭舡

贈袁居士

羨牆欲見老瞿曇
貝葉書中日夜添
赤布襪棕鞋
門不出一盂
蔬食肥甘勝

正月既望予奉陪邑長貳置鄉先生之祠
於學釋菜而歸
兜輩謂故人楊澤曜過
訪臨別作長短句貽之余
目口占以記

卿校中盛事并寄楊為後會之約云

喜聞邑有絃歌宰哦松之亞
更文彩翕然敬我卿先生祠
諸學宮儼如在區區後學尊前
賢駿奔執籙忘老年深衣幅巾
拜祠下燈月交光星滿天
扶僛歸來語卿曲此事真能厚
風俗安知好客過柴門載穀
問字成虛辱吾兒不識冰玉
壺但言此客從前無醉墨淋漓
灑白雪沂雩興與曾為徒老夫
此興亦不淺尚怯落梅風剪
少頃一百五日来蒲臯蕙晦光
風轉三山湖頭

舩艫舟百花莊上逍遙遊朝陽碧樹自鳴鳳湖
海詩尋白鷗生平頗恨少知己晚有竒逢寧不
喜朱絲重繫焦尾桐請為鍾期奏泝水

水田歌：農務也郡縣之改租賦為急然
農務乃租賦之所自出甲不急乎首言
三山書所見也一府四縣意在其中惟
當道父母官念之芻蕘有詢更當面陳
其詳以脩采擇

三山湖頭白水田頽岸不脩年復年田家豈不
憂卒歲十室九室人索然餓腸雷鳴狀如鵠春
來怕聞啼布谷願言州縣父母官喻令蚘足憐
夔足古云民事不可緩桃花雨晴春正暖父移
動若風有穀畚鍤集如雲不斷三農畎畹合群
力四邑溪山增喜色麟史重書大有年官無負
租民足食龔黃卓魯政績成一日九遷皆上卿
天子萬壽黃河清聽我老農歌太平

無錫昇佛像由暨陽而來鳴鑼鼓豎旗蓋
儀從僭侈家至以禍福惑人取粟帛無

筭東洲任耆老沮之巫不遜被毆且以
杖撻木偶絕躓而後去鄰莊有王氏者
捷而逐之予聞而喜乃力病援筆書此
以美任并異其義理之勇云

梁公毀淫祠真是霹靂手胡公能打鬼近代亦
希有區、辨惑編或有蒙醬執潦倒東家丘忽
尔簇哮吼老拳毆袂巫拄杖擠木偶西 一壯
夫怒挺繫群配捐袍偃旗蓋脫網兔疾走時予
病中聞病去什八九勗哉爾東家內省宜弗疚
報本理所崇毋落豺獠後一正勝百邪昔賢同
不朽

題打球圖

擊鞠沐風自李唐官家占作狀元郎科場廢盡
毬場在芳草萋萋、幾夕陽

清明後一日邂逅薦福寺長老源公話舊
論詩意甚相得明日作此詩代簡

貧如南阮甘投老喜得西枝近贊公白足有僧
聽說法江梅無閣坐觀空詩成芳草斜陽外道

在殘山剩水中一咲相忘今古意清明時節舞
零風

沈德麟母哀詞

怪底吳霜二月繁一朝摧折北堂護母儀表
真堪画吾輩區區豈易言斷織機中多教子分
甘膝下茲呼孫慈顏最有難忘處獨倚蒼茫日
暮門

洪武丁卯年詣烈塘祖墳祭埽恐朝暮即

世子孫不知所葬者為誰且追念墓松

在昔為邑里諸宰木之冠感愴寫情并

圖葬穴以示兩子及孫使識之以永其

孝思其詩曰

百年兩度索田變三世十年萬里同華表前特
曾駐鶴長去何日再蟠龍情鍾寒食蘋蘩外泪
洒春暉草莽中老我客鄉歸不得空勞杜宇喚
誰儂

次韵荅江陰鄭教諭見寄

楊子江南山水奇杏花壇上晝陰遲魯魚夾豕

離經史江黃河純閱歲時兩邑相望三舍地九年凡寄數篇詩恨無縮地僊人術把酒論文醉不辭

葉道士遊仙詞

海交兮揚塵翦若木兮風斤醫 人兮寓世仍
猿鶴兮同羣冠切雲兮霞佩雜三秀兮蕭艾從
喧囂兮萬籟聊遊戲兮方之外混 予和光忽
蟬蛻兮切堂陵虛空兮轍渺茫一瞬息兮三千
霜吾不知其果何適兮祇死守乎康莊

輓萬拙齋

曹橫山下萬家莊喬木陰 夏亦涼法曲琵琶
彈鈇撥高堂窈窕捧瓊漿素衣忽被青蠅汚赤
手幾遭猛虎傷賀客未還來吊客老夫雙泪洒
淋浪

閏六月二十九日飄風動地自黎明搖起
破屋拔樹衆皆驚懼至夜方息次早余
追念疇昔憮然作歌

三家村裏老詩翁獨木橋邊一釣蓬敗壘曾聞

屯狗寨荒湫猶說是龍宮勢傾東海前年雨力
撼南山昨日風可笑生來誇壯膽兩番如阮哭
途窮

葛節嬭

葛節嬭家住崑山陽芳年二十良人巨呱二兩
兒泣蘭房一在襁褓乳口黃塵昏破鏡無復覩
孤燈相伴慰淒涼霜風自冷木自落辟纊不知
秋夜長重門深閉四壁立猿麻泪濕三年喪維
時率土皆戰場疇能訓兒知義方熊丸在筐中
螢在囊呼兒叉手立侍旁魯論二十篇孝經十
八章阿母授讀教琅琅母不姑息兒能自從強
師不出鄭公鄉腹笥有書牙頰香朝夕悅親萱
草堂母今年踰五十霜菽水可歡時且康觀風
使者恐未知邑有楚史揚芬芳玉峯父老來比
德衛共姜我言共姜無此兩兒即哲哉此母非
尋常盍亦作歌與史相激昂

寄清真觀提點余復初

祖餞昔年詩最好客來今兩語玄都步虛壇上

三花樹讀易窓前九節蒲恬養氣同龜息靜清
脩容勝鶴形癯儒林老友袁真士魯道區々折
簡無

代簡吳中衡

一夢今年一去年兩番相見兩相憐牽蘿補屋
仍徒僻賣藥脩琴又斲絃滿浦夕陽紅樹下淞
江秋水白鷗邊何當載酒乘秋興未往風流以
雪船

寄題詹伯遠蘿屋

大車方檻小隱自寥々門掩牽蘿屋溪懸掛
樹瓢一從滄海變婁却小山招滿浦居相近城
闌路匪遙洗心常翫易忘肉似聞韶苔徑春風
掃瓜田夏雨洗姓名編令甲蹤跡混漁樵蚪蚪
藏書種蟾蜍作研僚訊兒燈火夜飲客歲時朝
清白真能守緇黃不妄交苟烏田野樂老此耽
明朝寄語青雲士菓由不見堯

雲中遣興

橫山鶴髮翁小菴龜頭舍一爐置中央四壁塗

縫罽晨粥食近午晝戶閑如夜舉足手扶杖縮
頰頰蒙帕技木飄風靜宜麥大雪下公家租賦
畢農圃黎鉏暇沽酒黃公壚分肉陳平社有時
聚親戚談諧弄杯竿有時呼子孫舞蹈歌風雅
舊竹幸平安孤松正蕭洒一笑謝梅花騷無補
亡者

贈張鍊師

我昔諦觀韓子詩春秋書法風雅辭九沐有家
蘭絕襟直筆褒貶非無之嵩山道士姓張氏大
篇春容獨稱美嘉乃丹衷獻赤墀欲捷羗夷安
晉鄙天顏咫尺千里同母氏連環未夢中忠孝
竝存方寸地翩然歸袖舞春風淵今同姓復同
道愛親又與同懷抱靈脩未得一品題康苑竟
混金光草嗟予學韓年近百吟骨冰清頭雪白
內交豈無黃與徂轉首多成兩塵隔淵乎淵乎
識道理潮州老僧差可擬敬留衣山靈起舞烟
霞喜

悼大林庵主日公

三網掣斷駕三車一咲今朝喜到家
方外旦許喧衆口淤泥藕出白蓮花

又

熊耳峯頭有客歸相逢還著舊禪衣
五山十刹都傳語算遣閑雲出袖飛

又

憶昔雲林訪舊遊空堂六月靜如秋
焚香坐說西來意門外青松六點頭

又

一住橫山二十年山中木石盡通禪
老夫載雪重来日誰折梅花送上船

輓無錫王

門無車馬送迎忙身混泥塗寵辱忘
澆火有時持鼠布濯纓何異在滄浪
九龍山下青丘葑獲鯉池中碧草香
生子賢如黃牀度牛醫千載竝流芳

感事二首

草暗日欲落山迴路轉賒
牀教呼不起誰擊兩

頭地

二

溪田牛奪去伏馬令肥安待春秋笔公然决是非

邀舒文允小酌

春秋連兩年喜事忽今日佳期一百五有菜二十七呼孫買酒尊速客聚圭華風迴落花舞雲開遠山出鷓鴣自相持雞虫果誰失鄉無月旦許世乏春秋筆長揖謝知己永言保其吉

真

題秦仲暘兩竹

湘山之陽湘水陰鷓鴣教中雨泚泚此居一別知幾載別後乘田交滄海客來今雨重相看歲寒風節依然在餘事不須多感慨

送徐士方之登州黃縣學教諭

世態翹矣素所憎校官應喜冷如冰絲桐教續龜山操膏火光分海市燈大釣六鰲將有高堂三鱣豈無徵寄書黃耳還家日莫惜題詩貺刺藤

觀音柳

肉髻珠纓自在身何緣化作栢中人
三眠未足風扶起似怯春寒翠黛顰

羅漢松

余素拙詩至詠物則其拙尤甚故昨知諸公
賦觀音柳俗陋可笑今又聞有羅漢松可
配前題再用醜出蓋欲求刻畫無益交惡
為美勿徒笑其醜云

十八羅漢十八公前身後身將無同一行九里
西湖路應供誰家去雪中

次韵荅鄭玄齡見贈

青年肥遯方求志白首貧交獨念予
開徑掃花童起早馱門看竹客來踈
叵蔽神物蛟龍劔架插古文蝌蚪書
風雨一春門不出門前車馬自紛如

宿僧房澹泊齋

鍾鳴雨棲風滿天金猊吐盡旃檀煙
誰知林下一宿覺我有石上三生緣

懷郡城諸親友

余生萬親友平居數相頷老矣筋力疲此心尚
如故年々二三月晴暖入城府沂雩童冠俱所
樂隨所遇安知今季春十日九風雨甚疑媧石
漏無石可脩補一榻高堂氏四壁媧冢古床頭
丹茵出青苔洒庭戶群芳狼籍盡來辛辛紅腐
我耳未全聾聽之亦良苦賴有二三子時復共
尊俎或歌竹枝詞或賦梧桐句鏗鏘造倡和所
樂勝鐘鼓歸舟掛晴帆快若馳馬去圓天 青
銅新涿漲南浦候門童穉奔滄洲舞浪驚我
屋上山厯々山上樹白石喜不爛且無泥滓污
不見黃初平散卧 無數尸坐對煙霞神交憶
支許何時松葉酒薜蘿德星聚瞻彼片雲 援
毫抒情愫

賀太平寺講主

生公坐擁點頭石墊老耒聽焦尾琴祇對獨園
春又夏襟花千界古猶今壁無畫水傳奇跡塔
有風鈴作妙音安得剗除雙眼膜時陪杖錫一

登臨

感興

四月初九自城中抵家得前四句後旬日足成之

兩目眵昏耳又聾
僅存方寸古秦銅
忘機自得親
漚侶含弩從教伏
射工百越溪山詩
枕上四時風月酒
盃中惜春無柰春
狼籍頻遣蒼頭婦
落紅

端午日懷古

五月五日追前賢
九歌九章鳴素絃
蛟人應泣魚腹葬
龍伯合贈龜毛擅
招魂感舊痛深壞
反

騷媚新圖瓦全楚
天盡處卧遊去
臧舟醉月羅江邊

西塘詩為郭彛倫作

具區北東三千里
家住西塘水之涘
滄洲不沈軟江塵
一鏡波光照窓几
西塘本無風物奇
有
功於民，稱之早田
霑溉數百頃苗無
槁死年無饑非湫
非壑非瀚渤不為蛟
螭作窠窟輕舟往
來快如馬撲棹人
如執鞭辛東鄰西
舍襍漁樵朝出墓
婦歌且謠白紅荷
花紫菱茨萑茗蘋

蓼蒲蘆菱高齋讀書歲年久鍼經一編常在手
客來問疾或問奇挂杖挂錢船載湮人生有此
林塘絲不妨未老先菟裘地因人勝從此始千
古萬古芳名詠

端午後雨阻過詹氏蘿屋即事賦絕句二
首代簡

風打船頭輓不前船回雨點大如拳請看六日
蟾無用且得爬沙手脚全

二

瀕溪數家風景幽溪流過門東轉頭黃梅雨少
麥大熟買布輸官可不憂

人面獸慳元惡也惡不可繼天不可欺故
作二詩以懲之

人面獸長七尺人衣冠人飲食面有七竅皆人
形猛獸之人心莫測生未害物固不少群若猶
自藏牙爪一朝忽欲咬殺人豹齧熊女皆驚倒
又

人面獸聽吾語一人受害一家苦爺娘妻子令

失所殘忍胡為至如許人言汝性多陰毒中汝
毒者悅汝目快汝腹汝心方饜足嗚呼馮婦或
再生獸乎獸乎勿橫行恢：天網布八紘莫道
網疎可漏天聾耳盲

追悼諸葛用中

楊子江南疇曩日呂蒙城裏一父星科場早試
程朱易玄學旁參道德徑愚與通家心甚去賢
能知己眼常青草生書帶人皆喜竹作詩筒使
不停著處溪山朝載酒有時雪月夜揚舡卜鄰
晚欲從王翰分席尤加敬管寧亘谷陵驚爰改
十年兵火苦飄零扣門幾誤風猷竹泛宅長如
雨打萍天上玉樓俄有召月宮娥藥竟無靈細
君冠佩全貞節先世箕裘祝寧馨名溢東吳滄
海國魂歸北固白雲屏兩家相去百餘里一老
今逾九十齡聯句每懷吟石鼎聽琴頻夢坐分
亭柱題應有能言鶴擬踏秋風去一聽

寄鄧秉文二首

曹橫山下聳叟呂蒙城中放翁何夕舉盃邀月

中秋鼓 乘風

二

鐵柱碑旣二老璿霄沆瀣三更絕口不談時事
掀髯聊叙平生

寄陳彰遠明遠兄弟

金牛臺下帶徑鉏長鋏無教食有魚兄弟五人
雙壁在箕裘三世一廛居中秋明月最端正長
夜浮雲或卷舒覓得梯上天去同將物理問
何如

寄辛至善

青年即着遠遊鞭白首仍居小市廛寒冥蓬蒿
三徑在辛勤父子一徑傳奔牛堰下水到海射
虎亭西山挿天我欲抱琴尋戴去中秋相近月
將圓

寄清微觀周石泉

塵揚滄海廿餘年
齡貞館翬飛鑿
度亭風埽劫
灰南土樂天開
圖画北山青
丹砂九轉龍蟠
鼎玉漏三更鶴
聽經諸葛仙
翁呼不起正
須金石

播遺馨

三 咲圖

蔣穉先生五柳翁襟期遠與遠師同過橋相送
忘相別千古風流一咲中

風雲雷雨画 四首

芸々萬物生蘧廬益々元氣索籥吁偃禾拔木
有未會請君細讀金滕書

二

漠々閑雲淡々容不為蒼狗未從龍直須霖雨
功成後依舊還山伴赤松

三

金電光中霹靂飛殘臣膽落震驚時雲收雨散
青天出能聽無教有阿誰

四

誰挽銀河沃太空恩霑赤地洗熾々陰々燹理
天家喜都在丹青筆意中

野雲歌為王元一羽士作

山中之雲斂蹤跡空谷深藏伴泉石從龍之雲

雷電俱四方行雨勞馳驅飄然一片雲在楚看
來最是悠々者或舒或卷無朝夕南北東西隨
所適道人含笑去下坐我即是雲々即我

買臣讀書圖

噫予會稽守素行何卓絕采樵工或餘誦讀教
不輟青柴檐頭春赤脚林下雪富貴知有時妻
子從改節高風一如此後世誰可埒吾將訪遺
蹤更得探禹穴

薦福寺紅梅詩

紅梅閣事見毘陵志莘書庾溪詩話載程致
道詩有春風日浩蕩醉色回冰職之句元末
兵燬今本山釋源公竺淵恢復舊刹重植茲
花丐予詩記之

紅梅樹下姦花樹陵谷交時風拔去老峯老禪
歸故山覓得孤根栽舊處年々春到花時節一
株五出曠暗雪春風咲面歲寒心光塵混融風
韻別老禪道服忘妍醜呂題假我扶犁手黃州
定慧海棠花可與齊名傳石朽月香水影象王

宮雜花世界將無同
絕度拈花有人咲
吾將請問瞿曇翁

源竺淵以道西傳等和予詩亦蒙見贈且云臨字等韻難和予由是復次韻酬之支許論交世所欽
昌黎亦聽穎師琴深山大澤多遺逸
明月清風無古今
閣下梅花桃李色
庭前柏鉢海潮音
寫容代有青丹筆
電目誰能一照青

獨孤公檜詩

唐獨孤憲公為常州刺史時有手植之檜今見諸郡志
善書元末鉢毀於兵至此二十餘年為州民者宜再植以寓思賢之意
况有周鍊師為松菊主者乎
率尔口占呈乞諸播紳先生更倡迭和相與贊成
亦庶乎厚風俗云
憶年十五六好古尊前賢
初聞獨孤檜快觀曾爭先
蒼然一株枿舊根
皴皮錯節枝葉蕃
遙逢夜雨半身濕
疑是往年甘露痕
孔明廟前柏相似乃在陳司徒廟之後
園鄉來陵谷忽變改化

作劫灰飛入海神焦鬼爛救不得桐鄉自此無
光彩幸存一曲闌干石題公姓氏留遺跡石苔
爛斑土花碧相伴銅鈍卧荆棘余從海上避兵
歸甌度摩沙手長太息懷哉古人之好賢童無
窮詠甘棠愛召伯賦萊竹美武公憲公此樹堪
比隆後人寧不仰高風玄都道士桃千樹一檜
區、豈難措龍鍾野老及群英亦愧因循坐遲
暮檜乎檜乎重培植風枝相樛霜榦直邦人具
瞻仰遺德見樹猶如見顏色六百二十五年如
一日

題牽牛圖為丁學古作

不放荒林不飲池牧兒牽去意如何南山石礪
今非昔窳咸無勞扣角歌

題鷺鷥便面

潦倒滄洲客蕭 白鷺詩牧之呼不起此意少
人知

出門

老去多懷舊興來時坐馳出門窮鬼笑罄室故

人知墊飯新菰米詩囊古竹枝諸孫溪上別
：河歸期

題僧網澹泊軒

我愛澹泊軒山居城市中雲分半間許雨溜四
聲同風林金石聲道人冰雪容澹然味無味泊
然空不空露坐點頭石雪立摩頂松吾徒宰相
每吾道喜不窮一笑兩忘言落花舞回風

江山漁樂圖

數口妻兒網一張船為家舍水為鄉江南江北
山如画款乃教中送夕陽

崑山王有恒以書附常州天寧寺長老寶
公問予近况作詩答之并索諸友賦重
植獨孤檜詩

客從笠澤未常郡書到橫山問老夫哭子哭孫
家已破賣書賣劍酒還沽千墩每入龜巢夢十
月應開獸炭爐支許舊游煩寄語肯題唐檜和
巴歛

黃林屋許贈皂布巾不至戲作此索之

霜倒蓮葉巢老龜寒縮首欲裹緇布巾并麓瓦
盆酒此酒今已契此中曾製否抱膝梁父吟炙
背坐南牖老况知音誰橫林隱居叟

贈天寧寶滄海

臨濟雲仍幾代孫猊床說法象龍奔達前銀杏
西來意陌上銅駝東郭門四海共霑新雨露一
舟能沂古淵源留衣人遠衣何在別有伽黎遺
後昆

悼城西周彥美 二首

七十六年事梨花夢裏春家傳三代礼身作兩
朝人負郭田園樂連雲第宅新

麒麟

又

三槐堂上客 最青春吐酒常憐我奕碁多
勝人 竟作白頭新醜酒橋玄莫潛
然為泣麟

寄饒州鄱陽縣唐生

千七百里鄱陽縣外孫書來如見面九十三歲

龜巢翁中宵夢得重縫線詩飄山人來上游吾
將結社招馴鷗延陵昔日繼三讓野水何處無
孤舟貧家幸尔年穀熟買書教兒耕且讀梅無
恙竹平安歲晚無勞念窮谷

和舒文允見貽

冬至經旬久朋來喜踐長市沽雙木榼踞坐一
藜床小酌成歡洽雨愁付杳茫山無白石爛谷
有紫芝香落泊聊相与辛酸已脩嘗盡消湖海
氣莫放斗牛光盱貴心能直何慚貌不揚聽水
孤自惑吠雪犬何狂歲晚鷗盟在生平蝶夢忘
酒堪澆磊塊袖莫舞郎當西崦黃茅嶺東洲白
水鄉漁樵同此樂吹笛送斜陽

夏五訪一舟禪師臨別立銀杏陰中謂予
曰山中舊物什喪八九唯此木幸無恙
也宜蒙品題為天寧勝槩使居山者亦
預有餘光余謝不敏然心嘗許之故茲
口占以頌人物具并之美

一箇虛舟渾不繫千鈞重負力能任金園地湧

靈光殿銀杏天生雙樹林佛印衲裙坡老帶昌
黎詩句穎師琴禪林勝事無今古况尔庭前好
綠陰

輓曹子毅大使

早歲輕肥試采榮一官三載繫塵纓解龜便作
幽棲計瓜圃東門學邵平

又

桂子初生拆嫩枝青檀舊物遂陵夷竹林小院
親調簪何異慈烏返哺兒

又

生來不鑿混沌竅此太竟作逍遙遊回頭一笑
看鷓蚌未到金鷲誰肯休

洞庭胡敬之以予父執之交歲饋新橘凡
十有餘年感無以報是用作歌

湖山清氣鍾而翁生兒亦有古人風年々送橘
拜床下甚愧我非龐德公今年霜落洞庭早橘
熟生於葑田稻青衣童子黃金丸樹頭摘來霜
落洞庭早橘熟生於未乾儂家食指百三十分

甘喜得皆波及嬌癡堪笑兩曾孫手弄金丸口
欲吞阿翁老饕三喚畢教孫食之還自喫一枚
一枚復一枚翁有笑教孫亦哈枯腸久似長鄉
渴甘露遠從仙掌未楚江萍實不可得華峯藕
亦無人識冷比雲甘比蜜此句真堪題此摘韓
子之詩今代無借作報章揮我筆懷哉故人家
洞達七十二峯環翠屏洛陽秋風塵滿城莫能
污爾隻鞋青南山不爛黃河清正須坐閱三千
齡山中舊識諸耆英煩道老夫多寄教

紅梅

前伐支郎亦異哉白雲堆裏植紅梅樹經劫火
多番換花向春風二月開隣舍杏桃渾報色禪
枝草木絕纖一時想像題詩去別日尋芳載
酒來

歲旦言情

去年元日兩眉攢懷抱今朝頗覺寬一夜兩教
曾不絕五更天氣只微寒

又

曾孫杯捧屠蘇酒，冢婦厨供菘菹盤。最喜催租人不到，田家雞犬得平安。

寄盧長嬰次農

我思東吳諸故人，二難青年才出群。爛眼如巖下電英，氣作山中雲。一繼昔趣熟，儀禮六書徧。旁宗說文無由縮，地即相見晉鄙亦得沾餘薰。

寄辛彬甫

五鳳添脩助益箋，雙魚盡尺竟虛傳。桃符忽爾三年換，木榻如今兩膝穿。南國鶯花春甚早，東洲雞黍約如前。好來同賞元宵月，莫返山陰訪載船。

和毛伯尚雪中登塔

一夜雪深三尺許，江南江北久無之。躋攀鴈塔最高處，想像鴻荒未判時。光動山林搖玉樹，氣涵湖海湛瑤池。僧坊或擬天花雨，田舍皆占隴麥。宜黃竹無歌，良可喜。清河有頌，不妨遲。八千里外多遭貶，十二街中欲訪誰。白戰正須逢敵

手長吟聊復解人頤
凭欄細聽風鈴語似亦知
音說好詩

壽諸葛節嬭

憶昔深鴻歌五噫
挈家避兵東海涯
玉樓有夢上天去
孟光無復案齊眉
旌旗滿眼愁滿腹
抱兒日夜吞酸哭
沙湖岸竹似湘江
泪痕班盡依三策
呼天籲地吐丹衷
柏舟之誓共姜同
素田變海得歸路
慶亭故園榛棘中
教兒服勤能構穫
青氈舊物兒堪託
星冠霞佩蓋珠經
萱草堂前樂春秋
六十有八年
時人喚作女中僊
麻姑送酒作生日
雙成獻葩紅
旦鮮萬堂長夜照
明月何異嫦娥
廣寒瀾不勞
白兔搗玄霜
真修自有長生訣
仙家歲月我不知
我來為作節婦詩
他年烈嬭傳中寫
千古萬古芳名垂

予前詩謂獨孤公檜在陳廟蓋圖經所載
及余親身見之一日郡人徐孟魯問曰
唐刺史為一州之主手植之檜宜擇公
解美地表而出之衆所共瞻何寔諸陳

廟之後耶子曰按唐書德宗朝徙公為
是州刺史去深公毀江南淫祠之日未
久無陳廟也唐衰祀廢深祀寢興迨五
季而禮法大壞叢祠之神類加尊號陳
廟或肇於唐末而盛於斯時今荒園廢
沼安知非昔日驛亭傳舍乎歷宋而元
皆無改作故翁卷之詩有曰托根陳帝
廟應不慮樵夫其意不以此木為不幸
而反以為幸也可勝嘆哉孟魯然余言
遂植檜舊所予亦恐前詩為人口實因
復作是詩

獨孤之檜化烏有廢土重栽倚碧淥遺德一州
人眷之流芳千載樹陰之霜根蟠入龍蛇窟風
葉響成鸞鳳吟願若甘棠無剪伐報公疇昔愛
民心

寄聰上人嘗託補楞伽經脫簡就用索之
杖杜之歌落九天石尤風轉送歸船長洲茂苑
渾無恙翠竹黃花總是禪眼孔不教迷土苴耳

根常得洗風泉貝多葉上楞伽語脫落應能為
補全

題頌師道樓居晴空圖

山孱顏雪爛斑飛樓縹緲層巔水晶椽題白玉
闌倚樓居之人應列僊金烏出海飛天上藍田
瑤草煖生煙誰家馬上卽意態清且閑既非謫
官遇雲阻藍闕又非春風得意游長安摩挲老
眼仔細看乃在操里先生圖畫間

碧菴贈呂城壩官應孟恭

猗、谷中蘭鬱、澗底松我愛之二物幽尋度
亭東路逢碧桃花澹然無冶容吾知所笑者群
芳鬪青紅本來天上種有此林下風

老况

哭子三年孫兩年一孫二服又西川秋風茅卷
藏書屋春雨苔荒負郭田堪咲平居能蠖落誰
知末路竟屯遭空林封折烏巢毀柰尔孤雛共
所天

兩中期辛彬甫不至兼憶兒子林孫塏等

一時口占二絕

雪尋戴逵興不遠，雨過蘇端喜甚濃。
若使兩賢生並世，浣花溪上我遊從。

二

一雨能生五月寒，三杯欲釋兩眉攢。
那知酒入腸愁去，化作潸然泪不乾。

謝饒州周氏甥孫女惠鞵

昔領軍一屋之鞵，未聞有惠人者。
今唐伯亨室人製，雙鞵遺我於一千八百里之外。
其親愛之心，可謂篤矣。然則苟非伯亨之真，其心哉。區報章豈忘所自，故首其說。如此詩曰：

濯足洮湖寐冥濱，寄來雙屨藕絲新。
何當化作飛鳧去，謝汝殷懃念老親。

贈盧長嬰次農

憶昔盧兗州，生有古人風。
病世禮俗壞，或與禽犢同。
遺經授子姪，世業令專攻。
騎箕去不返，象賢躡孤蹤。
平居迭師友，砥礪相磨礱。
東海雙南金，豐城兩神龍。
含光若暗投，天將振儒宗。
冰孫

自繇叢制作成治功潛心對黃卷儼然見周公
妙理析秋毫百世開群蒙追攀大小戴旁參鄭
司農復看書帶草匝地生婁東顯親垂令名永
言報而翁

寄南宗僧綱

大空寥々雲自浮驕陽蟲々金欲沐白生一室
靜如水清坐六月涼於秋陽羨好茶留客共獨
孤多檜賦詩否官樣文章祖蒲室正須述作贊
皇猷

寄一舟禪師

葱々雙封林井々百丈規欽々響鐘鼓棟々慎
威儀空連苾芻草淨瓶楊柳枝滿眼皆祖意此
身丁盛時執客不相過清風堪自怡或翦葛藤
話竟織駢驪詞陵谷變末久山水知音希我本
六日蟾眎同總龜儒墨各有趨支許交忌機眷
言獨孤檜曾覓一二詩禪縛想自急詩筒未乃
遲南風非不兢北山何用移請拈木球子聊作
逢場嬉

寄講主法師西傳

懷哉久別廬山遠，柰此相望公路賒。
婁夢丹梯同上塔，每留清話竟忘家。
芭蕉手種繡經葉，菡萏池開結社花。
三伏不嫌人褊穢，一肩偏袒佛袈裟。
笠書自早探三藏，緡帙如今載五車。
方寸靜涵滄海月，文章光炫赤城霞。
尚憐老馬能知道，更喜神羊解觸邪。
早晚蓉湖秋水碧，定期濯足過漚沙。

懷詹伯遠

科斗殘書補未全，齋居一榻坐未穿。
稻花遠屋白，雲溪水出湖青接天冠。
蓋不來騎馬客，漚鳧長傍釣魚船。
多時欲問平安信，伏日題詩寄竹邊。
如

寄贈岳陳齋二首

一書曾寄訪行窩，百里相望阻瀟波。
陽羨谿山無恙否，延陵風俗交來多。
鶴鷗夜集連雲屐，荆棘生注馬坡尊。
酒欲懷千古，意中秋。蒨屋候經過。

二

南山爛石無多在東海颺塵又甘霜竒字盛揚
子學德門誰表鄭公鄉秋高丹桂花總簇閨後
黃楊樹必長會有龍蛇生大澤沃芳竹帛繼先
王傳

寄薦福寺源竹淵

青門薦福東堂老白首默誦西方經有時遠興
倚梅閣無復談禪生柏庭解夏欲隨雲水散立
秋忍聞風葉零老禪心性一如此說頂會有伽
耶鈴

寄贈呂城羽士周石泉

僂風飄々天骨竒不皤尔髮黃尔眉兩塵海上
鐵船渡九折道傍金狄知松花釀酒常留客竹
籜裁冠自賦詩不解腰纏要騎鶴道人應笑俗
兒痴

索居無聊自七月既望至中秋前九日腹
豪得小詩十首不追琢不銓次大率皆
眼前事無遠興也然胸中芥蒂有消釋

未盡者或見於詞可笑

我愛青山爽氣增，青山侶我骨稜，半年不踏
山前路也學禪居，結夏僧

二

一昨病暈息清秋，來兩旬熱未休，堪笑荒唐
野人語，天公不遣火西流

三

詩腸頗饜木鷄肥，老齒方便豆粥稀，今兩客來
如舊雨多情，獨有兩烏衣

四

蚊蠅屏跡太何遲，烏兔循環度不移，一兩夜來
涼可喜，家々水滿養魚池

五

十里山開翡翠屏，三家村里老人星，無塵竹徑
風還掃，徒壁茅齋夜不扃

六

魚自浮沉水自流，釣船閑繫小溪頭，朝來賴有
盃中物，忘却連年日夜憂

七
阿翁眠食龜頭舍
兒子耕耘犢鼻視
記得孝經刊誤本
尚能口授教曾孫

八
床頭鬪蟻取人憎
壁上粘蝸失自懲
螢火光殘小兒手
誰憐堪作照書燈

九
涼風騷々草木黃
初月皎々更漏長
洛陽有夢忽驚覺
雀喚轅中人斷腸

十
稻花雨外紛如雪
桂子風高香滿天
誰信一雙多病眼
餘生重見太平年

暨陽沈德祥氏徙居郡城名燕處之室曰
咬菜根處昭其儉也
龜巢老人謝蘭謂
之曰夫人以儉德立身
惟窮達不受者
君子題之拙詩效顰
亦曰脩薑桂之用
云

士方窮居含糗茹草
誰無菜根知味者
少賸茲

小物大道可擬淡而不厭斯為君子鮭菜自珍
龍根自竒我菜之根朝斯夕斯若決濡肉戎如
嚙骨左車有穀宮商彷彿賢相脫粟聖相齧鮑
頷予何人口腹敢饗吾愛吾廬畦蔬遠屋盤有
餘飧鼎無覆餗窮達百年始終一趨明月清風
咬菜根處

輓管伯齡

先生多才德與俱崑山之玉滄海珠玉華忽作
白雲散珠光竟隨清夜徂青、書帶匣里閑纍
冢荒蕪雞林客未嘆且泣欲覓好詩還有

無

又

憶昔狼烟兩袖黃斷蓬飄泊鄭公鄉金龜換酒
邀明月玉塵論詩說盛唐百年往事陵谷變通
家交情江海長騎箕先着祖鞭去旦夕吾將與
頷頷

陳存心先生挽辭

代黃仲魁作

蒲石軒中澤耀出門戎馬即長驅欲騎東海金

鰲去竟作西風玉樹枯
化鶴還家人想像羨烏
銜土子號呼恨無老杜
揮椽筆寫入哀詩比畫
圖

鶴鷄圖

不作巢居與穴居
鳶飛魚躍不相於
平坡淺草
幽閑處宿食飛鳴得自如

題清微觀并序

蕭嘗考慶亭乃孫仲謀射虎之地今為呂城
橋名審通清微是為清微勝槩也不揣言耄

表而出之并為燕厦之賀云

阿蒙之城何代傾玄元
閔宮無與京英雄射虎
陳迹在咫尺奔牛古堰
橫鯉魚飛去石盡爛
桃花種未蹊自成華陽
福地一如此何用山中
宰相名

懷袁耕學諸故人

夢裏忘余兩目盲
馬鞍山下訪群英
詩容總似
山容瘦道氣多如海
氣清皎
白駒方屏跡
嚶
黃鳥未忘情
呼兒早起題書尺
十日新年雪

乍晴

寄友人清真觀道士

一昨吳淞十二詩，清真道士獨委蛇。
梨花春釀適來熟，頻遣青衣送酒資。

寄延福庵主

鉏斧算提不暫停，黃花翠竹總忘形。
問渠送米盧公意，也愛茶歌有可聽。

寄僧長老

崑山絕頂立浮屠，海闊天高氣勢孤。
莫道八風吹不動，八風吹動有人扶。

寄僧勝上人

玉峯巨邑冠東吳，在處金園似給孤。
手把竺書朝夜讀，此心能轉法華無。

送郁友文之京

揚子江頭春二月，送客登舟赴天闕。
男兒生有四方志，莫作尋常黯黯別。
憶昔孺子歌滄浪，尼山聖人魯激揚。
我賡再歌呼索郎，子其洗心宜勿忘。

次韵奉答瓢齋先生見寄二首

齊居一榻坐來穿腹笥，辟徑老欲眠。夢裏亦行
端正路，醉中常造渾。涵天春光荏苒無多日，天
氣零霽近禁烟。舊雨不來今有約，虹光遙望載
書船。

又

予家徑亂離蕭條無六親，遙憐竹林阮。中有白
首人，高詞吐白雪。逸氣凌青雲，鞭耒豫章下。灌
木無足云，安知射工弩。中厥父子身，問疾教往
返。先生同五倫，奈何日月下。覆盆茹艱辛，惟天
降矣。霜清颺灑冠，中一朝禍根。拔戢穀乃荐，臻
孤鶴還九臯。飄然離雞群，吾將問玄機。載酒過
子雲。

僧綱贊公和尚以疾得告而歸善權舊隱
橫山老樵謝蘭效劉賓客竹枝二首為
臨別贈

維摩床上遣文移，治績垂成竟解龜。僧史有如
班馬筆，絕勝州里去思碑。

又

滿浦飛花送客行，善卷孝舊出山迎。
問渠那得真消息，摩頂松枝喜鵲聲。

過無錫醫士徐士廉別墅

棲神山在屋西頭，竇有寒泉帶錫流。
山近杏林烟樹接，泉香茶鼎雪花浮。
蜚英早歲肱三折，樂清時號四休。
堪笑興未忘潦倒，尚能携酒過滄洲。
道

寄楊彥澤

逢人屢問平安信，有子亦如郎。
罷賢萬石鰲，輸賦足九重。
閭閻奏名先，未論烏鳥能含哺。
且喜黃楊閱閏年，我昔與談忠孝事。
阿戎詞色兩忻然。

次韵送秦文仲歸海上

溧水先生挽不留，故山回首鬱相繆。
落花飛送九年客，行李歸來一葉舟。
勳業鏡中成白首，耆英會上冠清流。
獨憐詩社今寥落，無復尋盟集

舊鷗

送秦文仲教諭歸老岷山縣

盛代垂新統，斯文續斷絃。
青山漂陽縣，白首廣文壇。
唾視鉛刀鈍，心持鐵硯堅。
蓬麻扶盡直，茅茹拔相連。
頌印恩殊重，明倫教欲專。
諸生皆鼓篋，三物屢興賢。
美績經三考，英教徹九天。
晚成真大器，幽谷必

命以菟裘老榮

於畫錦還黃河，清有日白石爛。
多年齒德身兼備，文章世自傳。
木末天下士，且作地行仙。
鷗社詩盟在，鱸魚斫鱠鮮。
寄教袁處士，雙壁喜俱全。

次韻寄薦福寺東堂長老

坐斷根塵知幾年，逢人猶說未生前。
有時觸背都忘却，笑指扶桑尺五天。

又

家山不見舊忘年，重植紅梅慰目前。
樓閣大開彈指頃，香風應到率陀天。

又

莫笑黃楊老，潤年枝葉不如前。
姓名留在

香山社也愛吟詩似樂天

橫山白龍祠

神母何年生白龍曹橫一墓邊龍宮蜿蜒靈物
塑如在寐冥古井清茗空山川每見出雲氣鄉
里競傳行兩功府縣官曹走道豆質我識字田
家翁

簡沈時敏二首

往予入城府筇杖扶蹕蹠故舊驚骨立兒童嗤
貌寢時予適見莫為我言責沈心持一寸鉄詞
吐五色錦所喜得三益豈料別數稔嗣音竟茫
然屏跡疑遠甚近從支遁遊因聞許詢吟家住
洛陽橋窓含滿湖浸烟波隔紅塵雲樹幕清蔭
安得忘年交時能邀月飲文章論大雅酣適就
高枕人生貴佚樂此樂真絕品

又

一昨觀李杜詞場車竝馳追蹤三百篇齊名盛
唐時杜詩多與李、与杜者希當時豈偶然意
或有隱微復觀杜憶李首陳褒美辞其間方庚

鮑微意若少之樽酒欲細論諒非談笑嬉迄今
千載下疇能發玄機區々蠡測海敢告新相知
秋高金氣清桂子香風吹虹光書畫船雞黍成
可期合雖孟勺間評此兩白眉况有古徑史相
傳更多疑朝聞夕長逝九京含笑歸

憂旱吟

吾聞東海一孝婦三年乾天人感通非浪言
又聞長平坑卒四十萬天胡為乎竟舍旃人讀
書主窮理斯理未明堪汗顏竭來一旱月再圓

老農多憂良可憐青苗虫生食欲盡赤地龜巢
坼生炎烟龍祠巫祝環玳擲羽士醮壇磬喧妻
拏踏車或抱餒牛犢賣米供社錢育翁夜未六
不眠追思直三代前堯湯水旱皆數年必能
有以扶顛連當今聖明居咫尺九重天有能哀
鳴玉階前天恩不日彌九川一夫罔令溝壑填
耕田鑿井仍熙然

示冢子及孫

曹橫山下小菟裘某水某丘堪釣遊四冊團樂

非易得一窩安樂比前脩家庭惡有司晨乳江
海憐無結社鷗我子我孫宜勉念莫將肝膽作
仇讎

又自述同示

搢、劬書覲有咸區、沒世恥無名七情欲斷
氣未斷兩目欲盲心未盲白練製裙蠅點污青
燈照榻鼠縱橫家教掃地綱常在未許見曹學
倒行

祭禰忌日詩

投老龍鐘日思親長養時群咻憎陋俗四遠擇
名師夢有花筆才非脫穎雖鹿闌歸定省翰墨
作遊嬉隣舍三元日桃符七字詩柏臺駉馬過
茅拔鶚書馳氣色生逢掖光華照炭屨亨衢雖
不到大道頗能知黷舍分羶坐儒冠廩稍糜中
年逢世爰濱海避時危骨肉能相保肝腸固有
私尚蒙先子澤不受外人欺粟里歸來廢橫山
卜築遲頽然窮谷叟援乃落巢兒子愛非姑息
孫謀有厥貽牝鷄良可惡烏養本相宜昔怨何

三共今逢此百懼，雙親應念我鑒此。夢我悲。

雲林書舍 為徐孟容作

東家領軍鞋一屋，西家買妓傾珠玉。寐寔南州
高士孫燈火小窓書。讀羲皇畫卦龍負圖，科
斗比時無簡牘。神農本草軒岐語，為是家傳先
爛熟。唐虞三代二千載，六經程賢常在目。牙籤
插架日益多，蔗境漸佳心未足。便腹笥貯琅
玕齒，頰霏吐珠玉。鍾期骨冷呼不醒，誰復賞
音聽。此曲青林不着軟紅塵，祇許白雲簷下宿。
雲乎雲乎知不知，封胡羯末森如竹。白眉之良
衆所稱，能繩祖武棲幽谷。清河有頌泰階平，應
着先鞭駕黃鵠。

賀潤天澤住持保寧寺

橫林之北橫山西，孤村流水古招提。青苔一徑
童不埽，白雲半間人共棲。松枝甘露落塵尾，桂
子香風吹麝臍。我未欲問點頭石，道價孰與生
公齋。

南宗僧綱和尚唐允明吟友倡和見贈

支許久不作緇林景清德適見獲南金褒嘉詎
容默新詩倡且知字字皆悃悃挹此沆瀣秋注
茲雲夢臆大道本平々中庭宜殖々九品蓮花
臺毋庸論西域

豆腐詩并序

凡人年老者以肉食養之古今一致然老而
無齒則肉林之盛禁嚙之供其如彘頤何求
其軟若豆腐者貞可謂養老之善物也但名
不著乎六籍品第不列於八珍鍾鼎之家

咸藐視之比予過僧房學舍連得食其佳者
嘆賞不足發於咏歌是猶為米壺先生作傳
也博物君子宜蒙呂題吾言固無足取重於
人庶不為嚇腐鼠於鴛鴦者耳

誰授淮南玉食方南山種玉選青黃工夫磨轉
天機熟祖滓囊傾雪汁香軟比牛酥便老齒甜
於蜂蜜潤枯腸當年柱史如知味飲乳何須窈
窕娘

唐允明以吾孫垣自成都府岩洲衛公差

過常鎮并府因得觀省賦詩見貽有情
兼悲喜之句可為知我者矣次韻示垣
并謝允明

數千里外公家事七八月間行李歸搖尾門迎
一黃耳傷心客散兩烏衣穿揚自可成勳業擢
桂從他赴禮闈多謝故人能警策好鑄肝膽莫
相違

袁耕學先生以陶詩集句十五首見示心
賞不足以辭答之

先生山澤臞遊戲詞翰中生未愛陶詩白首情
所鍾集句成大章一氣春混融纍纍九曲珠燈
絲中貫通嗟予自無見繫節歌玲瓏竊比蔡中
郎以教識焦桐即物因有感懷吳仰高風孤竹
首陽餓五柳柴桑窮非餓死比方寸將無同
史稱晉徵士直哉考亭翁風俗今變改革木豈
亦從黃花朱紫貴青松大夫封邪蒿迺地生指
佞草絕蹤何當過橫山班荆坐孤峯先生口懸
河洗我蕪芥胷風帆早乘興我耳猶未聾

吊薦福竺淵源公

滄海塵生罷遠遊紅梅手植繼前脩雲開樓閣
人彈指風振簷鈴我掉頭十萬里程天竺國一
乘車駕雪山牛客來舊日喫茶處烟冷薰爐憶

趙州

寄南京僧綱并寄唐允明

雪竹霜葩歲晚時袈裟逢掖往來嬉著書應笑
龜巢老刻畫無益醜不知

又

詩滿箬瓢酒滿船時人喚作地行仙抽絲造有
冰蚕繭好為焦桐續斷絃

東洲觀音堂瓦歌

七佛之師觀卅音十方化身無古今補陀金刹
南海現無價寶珠龍女獻東洲築堂五六春茅
茨乃作有漏日珠冠白衣漬泥潦龍王女兒應
咲倒豈無巧者善安排不堪空打赤白崖鴛鴦
瓦舍數千百圓通大士居安宅衆毛集來成一
裘震風凌雨更無憂青銅錢與珍珠粟今生布

施來生福

松竹梅三咏

歲寒松柏冠山林論語垂名照古今韋偃畢宏
俱卽卅傳神賴有草堂吟

又

淇策猗々比武公清風本與首陽同六經烟滅
秦坑後嘉尔雲仍紀載功

又

吳王醉處十餘里僅得晚唐人一詩不遇西湖

林處士暗香疎影有誰知

寄冒訥二講主

南山北山兩浮圖東家西家皆給孤塵卅換來
風景別上堂鍾鼓似前無

寄辛彬甫

長短句分三四家睨賢經訓數千年吾伊教裡
工夫製萬象森羅月滿天

寄性空山主次韵

住菴家法似南泉鉏斧算提十五年歲晚閉門

渾不出忍看霜倒佛池蓮

寄呂克明

生不封侯向酒泉筆耕東郭太平年
林居遠與僧廬近也為招賢種白蓮

又

客未曾得問林泉書帶青
倍昔年且喜時人多未識楚江萍
實華峯蓮

次韵自述

兩目塵昏泪迸泉春秋虛度伏生年
滄江歲晚

龜藏六依舊菓居一葉蓮

又

雪水煎茶勝慧泉茶經重著兩三年
夜明月梅花下又擬濂溪說愛蓮

感懷

生來迂闊送人笑老去盲聾祇自憐
紅葉殿春能籠日黃楊厄閏又三年
簷風卷我蚺城幔夜月窺人蟻
蟲羶江夏黃童能扇枕當時太史豈
虛傳

短歌行

東謝庄西謝莊奔牛東斗十里強先人痛惜家
譜止能言其畧忘其詳高曾本住開封府紹興
之先亂離苦隨龍渡江寓茲土以謝名莊似常
杜浚耒一派分烈塘華屋高丘乃吾祖季父咸
淳中甲科封胡羯末皆簪組宋曆已矣元曆新
竟作遺珠沉合浦我祖佳城宰木拱家庭玉樹
遭斤斧我祖我伯我父先青塚纍纍續迂耐轉
頭滄海又颺塵十年逃難滬洪武昏鴉滿對雀
無枝結巢乃在橫山塢三子六孫中子祖長孫
又隕點陽薄黃茅嶺畔作哀丘昭穆按圖無抵
牾年々寒食春州長橫山烈塘連謝莊一盂麥
飯一壺酒老泪觸處俱淋浪於乎豺獺猶能效
承嘗何況人為物靈知義方我今諄々語兩郎
尔子尔孫宜勿忘

冬至前一日寫懷二首

龍鐘去年冬脩書辨魚魯吾兒念吾衰勸我勿
自苦吾嘗責吾兒曾讀孝徑否瞠人教斯民揚

名顯父母窮達固有命劬勞何敢負芟夷免圖
冊於道或小補方誦蓼莪篇安知又初度存順
沒吾寧全歸真朝暮

又

今年盲且聾杖若霜木稿齒并脫兩齧涕泪出
四竅獨存方寸鉄自謂無價寶異端婁排斥淫
祀絕祈禱喋：非好辨倦：衛吾道一陽蒞欲
飛九土荔將出家人忽起早為我作生日沽酒
斗八升有菜二十七北風非不寒南簷益如春
都捐眼前事且漉頭上巾巢居烏返哺挂扶塢
祝噎橫山薺瓮米東洲釣船月窮鬼莫見咲老
夫甚為悅寄語撲燈蛾少須燈自滅

寄朱季明

客來曾說問詩懼西郭梅花在一株朝日尋常
照首着春風次第到屠蘇通潮港淺潮田熟捍
海城高冠無珎重歲寒門不出催租吏卒兢喧
呼海

寄題讀易齋

為辛彬甫作

讀盡諸家卜筮書，義經日夜卷還舒。
椽茅屋，婁江上一樹梅花臘月初。
童子研朱頻露滴，客來買卦或潛虛。
珠璣咳唾琅玕腹，何患家無滄石儲。

王達善母挽詞

阿母穆，林下風生兒彷彿。晉阿戎起家讀書，
眼如電，潤鬢衣冠俱一變。三從無違四德全，
月旦有評無間然。萱花堂上安且吉，分甘抱孫長
在膝。風含夏葛并刀，及剪雪霏寒筍充厨饌。兒
能苦學夜不眠，不勞母作熊膽丸。客來治具兒
不乏，母勞母剪青絲髮。升堂拜母環佩鏘，慈顏
怡悅春滿堂。希年厚福有如此，千萬人中能有
幾。兵餘重見太平峯，蓋棺應喜得全歸。諱，有
命提兒耳，不以浮屠廢喪禮。素車白馬紛如雲，
閭里光輝人共說。我歌薤露聊云，宜有張林
之碑傳後之。

塗謠

新年騎竹走兒童，兩月甘棠懋召公。
大誥奉揚

天子命崇文絕与昔賢洞閣閣四邑歌謠喜圖
罔群縲剖决空象泮芹香霏教雨孔壇花暖鼓
春風投膠澄水真難事覆篲為山必奏功早晚
璽書嘉政績東閣劔井氣如虹

和王有恒野步

芳草青々路欲迷白頭有客共扶藜吳田半没
桃花水辜負春風布谷啼

又

雨々風々一夜春惜花愁殺少年人青山不管

人間事也學吳姬翠黛顰

和王有恒見贈

客來欲與問天翁
鳧雀奚為脰不同
一代衣冠更變後
五湖風月咲談中
脫巾釀酒留知己
繫節戰詩和送窮
窓下小桃嬌欲語
錯教童子喚紅々

糟丘作為鮑思文作

諸公搢々營菟喪何如
將老吾糟丘杯餘勦睡
儘落魄堂上肉食逆伊優
酒泉不作二千石醉

鄉宜封萬戶侯幕天席地燭明月日與麴生同
宴遊

攬翠軒

昔人車載蒲萄酒區：為覓西涼守山川信美
得專城能有幾時權在手何如白駒在空谷四
山空翠皆吾有非烟非霧非塵氛：葱：藹：藹
林藪兩間清氣相混融若有人斟西柄斗繫我
南州高士孫說項求詩半年久老夫平生愛蕭
爽一咲相逢敢多口山靈望子早归来相伴雲
林猿雀友朝餐青霞夕沈瀟攬翠軒中可兼取
何異商時茹芝叟

王有恒以詩留別其詩有鶯花老泪之
句予乃效唐人和意而不和韵送其行
解其悲兼簡吳中行心友

丈夫不灑離別淚孟酒堪澆磊塊骨勳業連年
雙鬢雪歸舟此日一帆風身居畎畝宜為樂腹
有詩書未是窮寄語雲間吳處士好將安信慰
盲翁

茗溪獨釣圖

吳興山水清且妍茗溪之名天下傳鷗鳧相伴
一釣者風雨不歸三板船駱駝橋上人如蟻看
花馬去長安市滄浪古調不欲聽冷著小鮮何
足愧溪流入湖清接天鳶飛魚樂兩悠然休寧
掛冠歸故里丹青想像玄貞子漁童樵子俱不
見兩策煙策真乃尔嗟予經鉏老窮閭文章書
畫愛猶兼茲圖若以文並覘必須一字酬三緘

端午

家居州縣似新豐不作偷生折臂翁蒲歌尚能
邀客共榴花堪比舞裙紅三年艾老蓬蒿下六
日蟾遺坎井中世事古來多可咲陶然且臥北
窓風

窮快活

示子

香風嫋々花滿林花間鳥有快活吟吾生天與
窮快活一鳴可不知春禽憶年十八正月旦薦
官船泊西河岸東隣西舍看龍符適然有喜邀
相見時予纒徑泪淋漓鶚書不作令待時丁寧

郡守養寒峻月交學廩供慈闈窮快活從此得
御堂州里皆喜色六經如天從筦窺一方寸地
開茅塞破竹方知迎刃解啖蔗漸能喜境入看
花不上長安道棗李家山春正好馮驩有銖不
曾彈乘車食魚鍾鼓攷充閭有子煖雀鳴打門
無吏鷄犬寧阿孺舍咲歸九京遺澤使人呼寧
馨塞翁之馬無得共四十年未如一日南山石
爛算柰何移家東海避干戈蛇無橫道虎入窟
隱然若有神揚訶入吳首謁三讓廟感古傷今
羨長嘯三高祠下斥鴳夷豆籩忍覩吳為沼雲
門先生銜笛老傾蓋相如皆絕倒老性尚存薑
桂辣不隨蒲柳秋風埽玉山玉泉膠漆捉顏公
智公支許遊墨名儒行一年少宅我闔閭風雨
秋中吳偶作鷓鴣火越鳥喧呼來不絕熊袁盧
殷吳趙許相伴滄洲弄明月華亭清唳真可聽
獨憐士衡呼不醒鱸魚斫鱠新釀美坐客有無
杯不停逃生十年聊自足不知蘇臺有麋鹿大
明赫々照中天東風送我還鄉船昏鴉占盡故

林銖，老鶴孤飛無宿處。東門種瓜官道邊，菟裘
擇隣遷復遷。大兒橫山薜蘿屋，小兒東洲穉穉
田。耕桑汲水養吾老，晨昏定省俱舍旃。每逢暑
月多晝眠，小窓看竹風冷然。風來扇枕竹螿折，
使人若見黃童賢。窮快活年近百，懷哉古君子。
鉄面金榜客，知己豈有報。終身竟無策，作詩示
我子。若孫勿言儒冠多誤身，讀書萬卷百俺底。
當時杜老乃云云，人生苟不識義理，馬牛襟裙
真可恥。銅山餓死黃帽郎，莫信有錢能使鬼。吾
今兩眼暗如漆，尚喜一襟澄似水。曾聞聖人言，
致斃斃方已。家童荷鍤好相隨，速埋願與劉伶
比。黃茅嶺畔青松宅，松叢為吾鳴。綠綺更莫用，
加佗步虛污吾耳。

寄劉小齋先生

延陵季子耕田處，太乙老人慕焰明。動筆即搗
蒼頡字，著書重草太玄經。古苔門巷車無轍，脩
竹堂堦夏亦清。一別數年三舍近，斗城猶望聚
文星。

簡張履道代蔣以誠作

虛名不託爛柯仙
斫雪青山不五年
一曲樵歌人未識
瑤城江上獨先傳

又

客來東里遇炎霜
去却瓊林樹一章
賴有鱗膠弦可接
焦桐流水蕤鏗鏘

又

雞林近有賈人來
不向何樓買襪材
坐待春風吹鉄笛
筆端還有鐵花開

寄宜興教諭

人言陽羨溪山好
溪山好處能多少
山無猛獸水無蛟
且喜只今逢盛朝
竹姑堪入風土記
茶歌可比康衢謠
黌宮倚長橋
高堂鳴講鼓
新除學官教
兩滂坐令巖邑成
卸魯老夫一昨覩
呈凰別未隔邑遥
相望山如硯
屏空翠濕溪作墨
池沐水香火星西
流拂新日
蓐收行秋埽
餘熱堂堦滿地落
槐花衿佩說
立黃雪
鄉無三害風俗美
賓興名賢
天子喜予有一言
請試聽丹

梯拾級徐々升地因人勝地必靈邑里草生書帶青鄭康成齊令名

思賢錄元末為宋先賢鄧忠公祠墓而作也洪武壬戌會崑山王仲照語及之慨然有鏤板之意後果如其言蘭初意凡遇郡守及府教列任各送一部庶有所觀感而不廢其祭掃之禮焉今蘭於垂死之秋追念疇昔乃口占以抒其情曰
故人家住千墩麓為儂版刻思賢錄祇緣見說道鄉翁傳道程門能慎獨刻書未了謫矣荒寄教龜巢事宜速乃將楮幣折青蚨七萬五千錢數足不要譽不求福高義景前脩遺風振頽俗惜哉時無鐘子期聽我焦桐彈此曲

性存真公以南泉鉏斧入天寧天叢社猶附庸也龜巢老人作歌以送之歌曰
吾聞西方教無相無住著筭提了無礙群居亦同樂大林新法幢天寧古道場屋皆雲半間庭各月一方不縛肚上筏不舐辦頭蜜何以養幼

軀自種還自喫，踏翻生死海。坐斷聞思脩，獨園
銀杏樹，應作石點頭。

寄南京僧綱和尚

去年同看中秋月，東閣開窓夜賦詩。閣下桂花
無恙否，秋風又到去年時。

八月旦，宰易齋書來知耕學袁先生客死
秣陵，以詩哭之。

吳門山水隔東雷，魚雁依然數往來。秋晚書題
霜後摘，歲寒詩寄壘頭梅。但知抱道貧非病，豈
科生兒禍有胎。嗟我泪從枯眼出，秋風送灑鳳
凰臺。

感物

眼昏不見中秋月，疑是重雲障碧天。眠到夜深
方自省，莎雞鳴我枕頭邊。

又

廣寒宮闕吳剛斧，桂子天香總浪傳。古意正須
人默識，華峯絕頂藕如絲。

又

青蠅晝集污衣巾，白鳥雷鳴夜嗜人。安得天教
生處衆，百虫俱蟄四時春。

秋興七首

臺竺朝京天下同，楓宸頌賞不論功。人材列郡
三英粲，歲事連年百穀豐。村鼓鼙，喧社日酒
旗獵，舞秋風。螭坳誰秉春秋筆，為祝皇家紀
治隆。

二

涼飈微起早秋初，炎宇蠅蚊未盡除。歷代興亡
聽燕子，幾家慈孝學烏雉。面皮寧受人唾頭，
髮還教日梳。堪咲六經俱忘却，夢中猶讀啓
蒙書。

三

大暑方徂火始流，絺衣遽易木絲裘。穿林木落
風猶怒，破屋茅飛雨未休。雷豹九關冠有豸，華
夷一統佩無牛。願言耕鑿終吾老，瓦釜邊繫
壤謳。

四

疇昔愁聞爛石歌，并愁無地避干戈。如今喜有
清河頌，更喜橫山得薜蘿。旅雁帶人家信至，霜
楓侶我老顏酡。紅紫時為貴老圃，黃花變
易多。

五

矮窻兀坐懶搗頭，釵氣依然射斗牛。石作丈人
渠自拜，木称居士我何求。看花儘有長安馬，橫
渡渾無整水舟。尊酒欲論今古意，牀牙何日過
林丘。

六

橙搗金螿紫蠅烹，客車投轄坐飛觥。一嘗酒興
兼詩興，半夜風聲襍雨聲。人事盡隨高下手，世
情多作短長檠。賣薪童子歸來晚，但說街頭酒
價平。

七

花巢老我六藏龜，幸尔餘生際盛時。九土方輿
歸禹貢，三農物在函。詩螭粘壁上，涎何竭。州出
山中志，不移獨有緇。黃畏羈東遷，居城郭半搭。

眉風

周可大新充糧長

千里長江萬斛船飛芻輓粟上青天田家歲晚
柴門閉孰讀天朝大詰編

又

租吏毋勞夜打門
搥源風景烈塘村
好將繫壤歌中意
寫作丹青獻至尊

初度言懷并序

昔人以大塊勞我以生
佚以老息以死
今吾

勞且佚者三萬餘息之宜矣

天教兩目電無光
百物無勞覩短長
大塊今朝能息我
奚奴便作輓歌郎

二周詩并序

橫山讒老過烈塘而作感
今思昔掛一漏萬以元吉
可大為周之白眉使先過
目轉示族人大意念先世
一丘之土望為保障至
如吾族之微意在言外
聞之者亦必有感於斯時
洪武二十四年十二月朔日也

東西二周烈塘曲卅與吾家鼎三足東周阿婆
吾女兄西周阿婆吾女牀百年卅事一再交遠
鶴歸未無處宿蝦蛛之陵幸然在煙慘雲悽寒
條綠吾祖汝曹尊外翁數塚纍：列昭穆年：
梨墜落清明藐予來作孤猿哭周宗奕葉半焦
悴暹恤蕭條渭陽族東枝只今春意多西枝亦
復花如簇有能嚼上學羨烏無患觸松來墊鹿
罵親苟不負前言高誼真堪振頽俗莫言古道
獨行難天將照汝光明燭

示二子自烈塘還橫山而作也曾子曰人
之將死其言也善吾於此亦云

羲皇未造書契先二五渾淪無可甄勳華繼羲
立人極三代典禮星日縣人之有生必有死養
生送死理宜然一從揚墨至聃釋異端邪說多
乖愆我生賴以讀書力破浪帆我中沐船蒼頭
荷鍾日隨我死即理我橫山前毋勞沙門送作
佛毋勞羽客送登仙漆燈不必照長夜宰樹不
須纏紙錢林樾或酹寒食兩麥飯或灑清明煙

謝莊西頭烈塘口高曾祖補上畱田年來岸谷
復爰改瓜瓞幸尔猶絲：微如豺獺知報本汝
曹慎毋忘旰天

賀西傳和尚為僧司副綱

大鈞巍：立人極緇流亦須方寸赤選佛場中
選厥官提挈綱維揮判筆龜巢老人盲且庠刮
眼欲覓黃金篋黃河水清一快觀更看鉢羅開
盛時

崑山辛彬甫夏初以人才見上奉旨還家

教諸生讀大誥限以十二月五日師生
赴衙前試讀如期而注受賞而歸蘭甚
以為喜作詩賀之

白袍鵠立造鷓行青佩鳧趨被寵光大誥三編
建瓴水春風兩袖銜爐香賜金堪比燕臺聘抱
玉仍歸卞壘截試看明年書帶草崑山多似鄭
公鄉

長洲劉衡來云無錫徐伯樞縣丞重過衙
慶院有詩題鐸予乃次韵叙別并寄題

膠山幽居各一首

朝陽鸞鳳失巢時，偶集叢林杞棘枝。
坐客一羶曾吐酒，過橋三咲共哦詩。
長洲茂苑多年別，墊水孤舟到處移。
重掬清流弄明月，秋風禪榻鬢絲垂。

又

西日長安多看花，東膠故丘今種瓜。
問竒每却人送酒，養老喜有兒當家。
一襟清氣比肩少，七言長詩遠興賒。
暖香不爇古銅鼎，雲梅應作先

春花

送丁敬止携室人奉母往西流乃翁寓所
完聚

風雨舟車涉路難，爺娘妻子聚團栾。
七千里外乘蓬老，十二時中菽水歡。
楊柳小詞聊送別，蒲萄斗酒莫求官。
過旋煩說龜巢老，新結茱蘿乞問安。

代簡荅陳子章先生

屋山日高三丈餘，盲翁負暄頭不梳。
客未長揖

道傳語宛丘先生今寄書開緘為我一再讀
鷄壇軟血闔閭城三十六年如信宿象賢無人固
可吁玉潤之壻亦可娛韓子文章妙天下李漢
掇拾無遺珠嗟予絰鉏付中子書田未熟身先
萎孫枝一剪一飄零戎服西川八十里阿翁俵
：無好之况聞路難多蒺藜閉門縮首如凍龜
墮甑不顧從人嗤大兒力田供菘水小兒蒸嘗
伯為禰此身幸無寒與饑祇欲全歸未能爾每
憶梁溪邂逅時買花載酒畱人嬉元龍豪氣除
未盡傷春猶賦杜鵑詩一別十年今若此此太
浮生知有幾車輪從教生四角是非毋勞辨三
耳栽：陽山烟樹涼皎：白駒在空谷太湖流
水清於玉雲影天光常在目焦桐絃斷麟膠續
彈我風雩詠歸曲詩筒不時頻往渡要見珠璣
咳唾琅玕腹彼此相看如鮑沐

和鄒士文與陳子莊會飲

不談黃老不談僧不憶鱸魚侶季鷹行到古人
清絕處今人能有幾人曾

水獺羶帽

蠻溪水獺雪毛羶帽屋蒙戎載渾天濡首墨池
頻脫公不妨草聖繼張顛

林塘幽為鄒士文賦

林塘幽在何許深溪之東五千里宛若浣花流
水西頭住滄洲繚繞白鷗沙青山隔斷紅塵路
幽棲人侶鹿門龐畊耘特欠妻孥助清時固難
遇生處聊自樂同巷絕車馬塔庭可羅雀門前
芳草不教鋤爨下焦桐高閣排衙不聞官舍鼓
抱閨那知兵戎柝催科吏不打吾門知我家無
田負郭穿窬盜不入吾室知我帑無金可摸寫
衣喜得客居安黃耳且無家信惡愛詩愛酒愛
親朋此外物情俱澹泊鄉來無錫山中泉瀑
日夜流青鉛三吳化作百戰地草木血腥人亦
然殘山剩水本落寞地目人勝佳名傳老夫獨
恨傾蓋晚枕書方作邊韶眠清晨曹劇過空谷
一鼓撼吾龜巢苓時余春秋九十有六年訪人
懶上山陰船臥遊賦此林塘篇

謝府學教授縣學沈訓導見訪

杏壇遺曲三千齡，彈與龜巢老子聽。
賴有青松知曲意，掀髯為我舞塔庭。

又

灑橋詩客賽驢馱，同策今鞭過薜蘿。
老病送迎門不出，揚花飛雪柰寒何。

別後數日知途中，值雨再此謝不能。
因畱隣家借酒過牆頭，楓火新鑽且易裘。
風雨不留佳客住，溪山應為老夫羞。
一壇冷暖忘木榻，四

月清和

秋珍重沈腰圍，革帶先鞭何日上。

瀛洲

詠懷詩奉府縣訓導

蚤年豪氣慕元龍，人日窮途作嗣宗。
夢斷春風金驥裏，情鍾秋水玉芙蓉。
春秋魚魯渾多誤，河洛圖書豈易逢。
四海白頭兄弟少，懷哉澗底有青松。

寄樵海教授老先生泊諸故人

室移縣罄三家壘，身作爬沙六日蟾。
生死固知

天已定盲聾可柰日相魚
梳花咲我頻辭酒燕
子嗔人不捲簾吳下友
朋春夢裏休官多喜似
陶潛

寄集公詢公二講生

吾聞西方教、人無住者
索下一宿太信步思
顛錯嘉爾兩尊者高風
素相若出世扶法幢功
成竟忘却埽除煩惱魔
灑脫禪律縛不隨滌華
轉亦不觀日落千墩片
雲間臥遊當行脚日未
崑山縣山霽有佳客欣
然為彈指又見此樓閣
人皆時乎時我亦樂其
樂老夫數年別每夜霞
上作含吐海潮音日風
寄寥廓

寄陳明遠兄弟

先世多遺澤清風並絕
塵門前馳驛踏林下讀
書人龍澤靈湫古牛臺
佛封新盲翁飛不去徒
憶外家親

懷辛至善

通江橋下別小海醉中
聽玩世頭俱白逢人眼
共青溪山三舍隔風雨
花零賴有忘憂物千

錢一巨瓶

素醍醐

楚江汴實本烏有童謠浪出詞人口社園菜根
非不佳老號可柰無齒牙世傳淮南豆為腐山
僧楚人嘗餽飲誰信窮居家窶濱街頭買來如
八珍金芝無露石無髓眼前葦物堪為此吾兒
捧持供老親乳姑何異唐夫人我非曾拈嗜羊
棗藥與參元同一飽澹而不厭知者誰中庸君
子古來稀腐兮腐兮能養老濟世之功不為小
淮南此術昔未傳食貨志中斯闕然前時雍公
贊三德吾亦題詩三太息易名今號素醍醐質
諸庖丁易牙僉曰都

次韵荅臧尚迪先生見贈

延陵楚唱風吹太曲誤誰知顧且聽湖海臥遊
春晝靜一簾花雨集中庭

又

生兒喜有凌雲志補屋能牽帶兩羅春水自流
魚自樂咲人濠上說無何

又答毛伯尚

白石南山無復爛朱絃流水正堪聽斗城東斗
柴索里書屋三間草一庭

又

嘉木天生古橋梓故山月照舊藤蘿壽觥頻捧
梨花酒莫問東籬事若何

憶昔行

憶昔父子生別離濠梁流血人正苦一報哭斷
九迴腸化作瘴烟生阿堵當時見而知者誰西

門橋畔柳攢眉從茲共却岩下電欲送孤鴻烟
障送天教兒歸養卽嚴一語不聞相慰謝有時
摸索案頭書手澤未乾多羽化去年秋初至今
日白日青天閣如漆下床寸步莫能移食飲不
今朝與夕蒼天：宜蒙見憐累入鬼錄如今登
仙區：有一語請與親朋言生兒可愛儘教愛
畱取眼光終莫年

楊文靖公祠堂詩

立雪程門道學傳東刻以硤縣：置身方到賢

閔地隻手將扶祀國天寸虎跳梁非偶爾鯨魚
飛躍自悠然常州舊宅今焦土宜有蒸嘗侶昔
年遂

送垣戎蜀屯所

七千餘里孫屯田九十六歲翁勉旃人心堅與
鉄石比天眼明如日月懸赤甲山川皆勝鏡黃
雲壠畝正豐年漆燈照我青松宅別後全歸日
宴然

即事簡減出迪毛伯尚

噫吁戲痴翁百拙盲兩眸好古之人念不休
言文靖祠舊在城東頭粟田為海岸為谷祠亦
化作濟河伐楚之焚舟文靖早逆伊洛遊伊洛
一派東南流時方賢拔其尤處逆天上落常
州至今姜塙間像形見前脩移父宜託北山靈
作室祀我東家丘二人同厥心衆毛成此裘冠
冕斯父黼黻皇猷光生劔井衝斗牛照人駿奔
蘋藻羞鳳兮鳳兮兩悠々一鳴三千秋昔聞吳
興沈東林隱居收書散黃金長洲同姓今好古

散金收書巨厥心老六書痴年近百尚欲傍蒐
二三策客來說項似楊源又說識韓如李白孫
枝璀璨珊瑚樹襟度汪洋雲夢澤區區辦香客
懷本借書數篇謄竹素高人若問欲何為欲使
迷途人快覩天倫道在科斗編朝聞夕死勝登
仙譬若丹梯借我升華顛太藉移來鄉井傳旣
渴可療疾可痊藉以織縑顏色鮮孤寒總得衣
褊褊客歸為我謝一言陰德濟人知者天

寄呈崑山縣學訓導

猗欤隱君子城市山林靜方寸秉彛天若古秦
鏡妍媸照人面所瞻見人病朝朝頻拂拭塵尾
犀角柄秋風塵自多不到靈臺境湯盤九字銘
宜加日三省

椿萱堂

將軍大封從錦纏高堂椿萱香霽然昔椿壽閱
八千歲今萱德薰三百篇分甘穉孫遠膝下承
懽菜子舞塔前隻親之樂有如此虎頭應作畫
圖傳

上李太守

龜山先生之學伊洛傳道鄉先生與比肩熊魚
慎獨各有省同在中庸書一篇後來出處固不
同晚復同此終餘年當時州人買田宅楊乃居
鄒賡田百年世爰厄兵燹宅為焦土田荒烟府
公太春下車日蘭以缺典曾款宣還家荐欲太
專對目盲耳聾身草前願言一祠尊兩賢竊存
若魯靈光然斧之毋勞巧節枕畫史亦勿丹青
妍滿湖挹水注壘爵洋池采藻供豆籩風行四

崑山學舍玉峯前玉氣氤氳暖坐檀弦誦教中
和與慈浴沂童冠莫春天

又

一株銀杏倚藤廬長夏清風喜穆如試問西湖
林處士梅花誰與歲寒居

又

鄴架牙籤古典多素公鉄硯少年磨借書莫咲
人痴絕矻編蒲老薜蘿

屯田詒

衣布襦會當奮服勤犁與鉏三餘涉獵兵農書
惜居諸乾馳駟秋、渥洼千里駒時來躡雲衢

道旁語

盲翁坐南簷炙背日將午兩耳未全聾猶聞道
旁語一言賢郡守愛民若慈父一言江陰丞心
若秦鏡古絕絕即當不覺斐神舞安得普天
下州縣皆樂土次無笑中刀物無射不弩不憂
歲年晚不畏冰雪苦春從天上來百草沐膏雨

新堂

邑草必偃續成三考蒲無鞭斯之熾而昌劔井
光燭天瑤琴斷絃續金榜三鼎懸甘棠遺愛歲
百千不須龜跌石立如峴巔邦人念所瞻鑄

老蠶

蚕老不眠食夜日作繭忙繭成上繰車雪色藕
絲香垂衣美綬冕在上供皇王衣被普天下其
功寔難量蛛蜘蛛如之結網能高張蟻蝶可欺
者羅致日充賜予生勉續學歲閱九十霜為蚕
不為蛛賦善賴彼蒼唯以黃絹辭斐然成厥章

小則効禱補大以擊小制度苟無違尺短寸
有長願言後之人緒餘毋或忘

負暄

峩々芳茂山為山遮朔風南陸日杲々南簷暖
融々盤飧豆粥軟箕踞棗席重追思古義皇首
出開鴻蒙宮居會而衣生民藕軒農勳華教明
倫三代禮樂隆尼山集大成斯文萬世宗宗蘭也
幸知此不與禽獸同年紀近百歲心孫猶四通
三字四字句終訓授蒙童七言五言詩大音鳴
寸裏時無鷄窠兒自豨龜菓翁負暄樂如此人
言少如儂六句知足作詩謝天公

代簡高彥述

長安道上人如恬澹齋中香自發金匱蚤傳
先世業玉樞誰授道家絃毒花立雪應含咲麴
藥沈霞可解醒莫訝盲翁詩永訣又從追蠡一
揮送

懷詹羅屋

烏石岡頭

一閨又三年煙蘿小嗎